

SYNOPSIS
METAPHYSICA

Andreae Frommenii, K.

SS. Th. Lic. Consist. Elect. Brand.
Adsefforis, & Eccl. Suevo-Colon.
Petrinzæ, &c. Vicin. Præpositi.

Editio ultima prioribus emendatior, & non-
nullis animadversionibus hic illic
interspersis auctior.



OXONIÆ,

Typis LICHFIELDIANIS, Prostant venales
apud HENRICUM CLEMENTS.
Anno Domini M DCC IV.

METAPHYSICA

a

T. J. Conant, Esq., Brand.
 Addition, & Esq. Nuevo-Colon.
 Petrus, & Esq. Proprietor.



Viro

dider
Nom
num
dicet
gener

D
intue
item
Subl
Obsc
& B
temp
mida
quoa
absq
Mer
culo
tium

Epistola Nuncupatoria.

Viro (non suis minus Virtutibus quam
Stemmatibus Avitis) Illustri
Petro Claussonio Dano.

D*Epositum hoc Metaphysicum, Vir
Illustrissime, sic redditum accipias,
quod fidei meæ sic reddendum cre-
dideras; Librumque plus uno nomine tuum
Nomini tuo sic dicandum permittas: Dig-
num scilicet, si quod aliud, Nomen, cui talis
dicetur Libellus: Dignus, si quis alius hoc in
genere, Libellus, qui tanto dicetur Nomini.*

*Dignus omnino Libellus; seu Methodum
intueamur exactissimam, seu Judicium spe-
ctemus subactissimum; Nulla hic in tricis
Subtilitas, nulla à subtilitate in Necessariis
Obscuritas; Sed maxima tam Subtilitas, quam
& Brevitas minori nibilo cum Perspicuitate
temperata. Nihil Solidi habent Sobriive tu-
mida tot pomposaue Jesuitarum Volumina,
quod non summo cum studiorum Compendio,
absque minimo temporis (pretiosissimæ plane
Mercis) dispendio ex limpidissimo hoc Fonti-
culo non statim hauriant Juniores ubivis Gen-
tium Academici. In suis sane Exercitatio-
nibus*

Epistola Nuncupatoria.

nibus *Metaphysicis*, quas *Juvenis* adhuc con-
scripserat, alios omnes (unum modo excipias
Barlovium) longe superaverat *Author*; lon-
gius etiamnum hac ipsa in *Synopsi* semetipsum
in *Exercitationibus* superavit; utpote quam
provec̃toris decem jam annos ætatis, *Judicii*-
que tanto maturioris factus edidit.

Dignum usquequaque tuum cui inscribatur
Nomen, qui Genus haud Ignobile omni Lite-
rarum (qua Linguarum, qua Scientiarum)
Genere amplius adhuc Nobilitasti, & *Augusti*-
us; adeo ut vel *Pereschii Nobilis* magni me-
rito apud Gallos suos nominis, vel etiam No-
biliores *Boylli* majoris *Britanniæ* nostræ Orna-
menti (quo igitur insalutato *Anglia* emigrare
noluisti, opinor nec potuisti) optime videaris
æmulus, & Dulce *Daniæ* tuæ Decus brevi
Salutandus. Quin & utrique huic Ornamento,
insigni Generis Splendori, insignioribusque Ani-
mi Dotibus Summa Humanitas accessit, hu-
millimaque Modestia; quarum illa paucis iis,
quibus familiariter usus es Amicis, ad am-
plissimos *Eruditionis* tuæ *Thesauros* Clavis
instar aditum aperit; ista aliis omnibus, pessuli
in modam, ostium occludit; nempe reconditi
delitescere gestiunt hi etiam *Thesauri*, nec fre-
quentioribus se ferunt contuendos oculis. Te
merito Charissimum habuit Linguarum om-
nium Orientalium peritissimus, duarumque

Pro.

Epistola Nuncupatoria.

Professor, Pocockius; qui charius multo, teneriusque sibi Depositum fidei curæque tuæ mandavit, quam tu meæ commiseras; Charissimum & habuit Magnus ille Matheseos Professor (Theologiæ etiam haud minus proficiendæ idoneus) incomparabilis Wallisius; nec minus charum habiturus etiam erat maximus ille Librorum Helluo, & animata plane Bibliotheca (in S. Th. pro Domina Marg. Prof.) Barlovius, nisi quam primum æque in Peregrinos humanissimo, ac inter suos Doctissimo illi viro innotescere cæperas, extemplo te Oxonio, mox & Anglia proripuisses, vel potius (Amicorum mutua Tuique cum Sollicitudine) fuisses abreptus: Hos omnes Reverendos, & tanquam Oracula in sua quemquæ Facultate consulendos tibi proposueras, ut alios Amicitia tua dignandos Amoreque prosequendos, qui & te suo prosequuti sunt invicem: Meritissimi Collegii Reginensis Socii, quos arctiori propioris Amicitia vinculo tibi conjungendos haud imprudens delegeras, quosque humanissime nomine tuo non semel à me iussisti Salutandos, Suavissimam tui servant aluntque memoriam.

Meipsum denique quod spectat; Metaphysicalem hanc Literaturæ partem (Literaturæ tuæ partem quartillam!) sic te sequuturam, si fas sit, etiam & assequuturam volui, cui statu-

Epistola Nuncupatoria.

*statutum esse novi Literas omnes omni terra-
rum Orbe, donec Omnes assequutus fueris
pede impigro indefessoque prosequi: & Sy-
nopsin hanc absolutissimam, munere tuo Ox-
onii renascentem, tui tam in me Affectu
benevoli, quam meæ tuam erga Dignitatem
Gratitudinis submississimæ perpetuum cupi-
extare monumentum.*

Amicorum omnium,

ne dicam & Servorum

etiam, Indignissimus.

T.G

INDEX CAPITUM

Libri Primi.

Cap. I.	D E natura entis, ejusque conceptu	22
II.	De Synonymis Entis	33
III.	De Cognatis Entis, & Synonymorum Entis	42

LIBRI SECUNDI.

Cap. I.	D E Attributis seu Affectionibus Entis in genere	56
II.	De affectionibus Unitis in genere	67
III.	De Unitate	72
IV.	De Veritate	91
V.	De Bonitate	106
VI.	De Duratione	123
VII.	De Ubietate	139
VIII.	De Affectionibus disjunctis in genere	144
IX.	De Necessitate & Contingentia	148
X.	De Actu & Potentia	161
XI.	De Corruptibilitate & Incorruptibilitate	177
XII.	De Dependencia & Independencia	182
	XIII.	

I N D E X.

XIII. De Creato & Increato	18
XIV. De Finito & Infinito	19
XV. De Principio & Principiato	19
XVI. De Causa & Causato	20
XVII. De Simplicitate & Compositione	23
XVIII. De Identitate & Diversitate	24
XIX. De Communicabilitate & Incom- municabilitate	25
XX. De Naturali & Artificiali	26
XXI. De Completo & Incompleto	27
XXII. De Permanente & Successivo	27
XXIII. De Indefinito & Definito	28
XXIV. De Subiecto & Adjuncto	28
XXV. De Absoluto & Respectivo	29
XXVI. De Signo & Signato	30
XXVII. De Mensura & Mensurato	31

LIBRI TERTII.

Cap. I. D E Divisione entis in genere	33
II. D E Substantia	33
III. De Accidente in Genere	35
IV. De Quantitate	35
V. De Qualitate	35
VI. De Relatione	37
VII. De Actione & Passione	37
VIII. De Quando, Ubi, Situ, & Habitu.	38

PROE

PROOEMIUM

De Natura & Constitutione
METAPHYSICÆ.

Sectio I. Dogmatica.

I. Metaphysica est Scientia Entis,
Quatenus Ens est.

S E C T. I.

GENUS Metaphysicæ dicimus *Scientiam* esse, secuti *Arist. l. 3. Met. c. 1. Suarezium Disp. 1. Sect. 5. Thomam* in 3. *Met. passim Scheiblerum, Lipium & alios. Ratio*: Quicquid ut *essentiale* latius & proximum Metaphysicæ competit, id ejus genus est in definitione. Sed *Scientia* (accepta pro habitu demonstrante affectiones subjecti) competit Metaphysicæ, ut *essentiale* latius, & simul proximum. Ergo. Major nititur regula Log. de definitione. Minor habet duo membra: Prius, quod *scientia* latior sit, probatur, quia *Phy-*
A *sica*

fica & Mathesis etiam sunt scientiæ. Alterum, quod sit etiam proximum, probatur inde, quia nec intelligentia, nec sapientia, nec prudentia, nec ars dat ipsi proximum genus; Ergo relinquitur, quod *scientia* id præstet; quinque enim habitus intellectuales tantum dantur. Remotionem reliquorum quatuor vide in controversiis.

Sect. 2. Objectum dicimus esse *Ens*. *Intellectus* noster in sese non determinatus est ad *certum* aliquod, sicut *gustus* ad *saporem*; sed *potentiam* habet ad *omnia* intelligibilia. Ne ergo ex *multitudine* cognoscendorum inordinata oriatur *confusio*, certa *congeries* cognatarum apprehensionum ad *unum* objectum reducaturne cesse est; scilicet cognitiones *naturalium* rerum ad *corpus naturale*; observationes *commensurationum*, *proportionum*, *figurarum*, ad *quantitatem*, &c. ita etiam conceptus de variis modis *essendi*, *subsistendi*, *inhærendi*, &c. ad evitandam *confusionem*, ad *unum* objectum sunt reducendi, quod jam dudum *Ens* dictum est. *Conditio* vero *objecti* inter alias hæc est, prout accurate pronunciat Zabarella, ut *menti* representet *unum certum conceptum*, non *equivocum*, nec *aggregatum*, nec *concretum*; sed vel *univocum*, vel *analogum*. Si ergo *unum certum conceptum* menti

fistere

filtrere debet *objectum*, exponendæ hac occasione sunt primum *equivocationes*, seu *nominales* distinctiones *Entis*, & deinde ex iis *verum* objectum eligendum est.

Sect. 3. (1.) Ens latissime sumtum est vel complexum, vel incomplexum: Complexum est, quod plures complectitur conceptus; incomplexum, quod unum tantum.

Complexum & incomplexum autem dantur vel in terminis, vel in rebus.

Complexum termini (alias Logicum) præcipue est enunciatio, opus secundæ operationis mentis. Incomplexum termini est unus simplex terminus, è prima mentis operatione natus, qui tamen sæpe plures involvit res, ut: audiunt, sapiens, &c.

*Complexum rei (alias Physicum vel Metaphysicum) est, in quo plures res connectuntur, quod fit vel in aggregatis tam ordinatis, quale exercitus est; quam inordinatis, quale acervus lapidum; vel in concretis, quæ constant *subjecto* & *adjuncto*, ut sunt e.g. doctus, pater, Rex, scribo, &c. Incomplexum rei est, quod unam rem præcise exhibet: Coincidit certo modo cum *abstracto*, quod distinguui solet in *ultimatum*, quod ulteriorem abstractionem non patitur, ut humanitas, albedineitas: Et non *ultimatum*, quod ulteriorem abstractionem admittit, ut: homo, albedo.*

(2.) *Ens aliud est per se, aliud per accidens* quæ distinctio præcedenti cognata est.

Per se alias etiam opponitur *per aliud*. Sic Sol est lucidus *per se*, Luna *per aliud*. Sed in hac oppositione, *per se* formaliter hic non habet locum.

Ens *per se* & *per accidens* vero in tres modos potissimum dispescitur: Nam unumquodque dicitur, *primo respectu causæ*, & ita ens *per se* vocatur, quod productum est a causa *per se* (de qua infra) ut homo, canis. Ens *per accidens*, ut monstrum, hoc enim præter intentionem generantis producitur.

Secundo respectu subjecti, ita ens *per accidens* dicitur, quod non *necessario*, sed *contingenter* competit subjecto, vel per *inhesionem*, ut artes homini; vel per *adhæsionem*, ut albedo parieti, divitiæ agricolæ vel per *circumjacentiam*, ut vestimenta homini; vel per *externam denominationem*, ut laus militi: Contra, ens *per se*, resp. *subjecti* vocatur, quod dictis modis *necessario* competit subjecto, ut risibilitas homini, locus corpori, putamina nuci, appetibilitas bono.

Tertio, respectu unionis, sic ens *per se* vocatur, quod remotis omnibus extra essentialibus *unam* tantum dicit *essentialiam*, sive simplicem, sive compositam; sive completam, sive incompletam, ut Angelus, leo, homo,

anima : Sed Ens *per accidens* est, in quo *plura* completa extraessentialiter sunt unita, vel per *concretionem*, ut homo eruditus ; vel per *aggregationem*, ut Philosophia ; vel per *consociationem*, s. συνδύω, ut ferrum ignitum. Hic tertius modus proprie est hujus loci.

(3.) *Ens est vel positivum, vel negativum. Positivum est, quod ponit veram entitatem in rerum natura : ut visus ; Negativum, quod entitatem aliquam tollit.*

Tollit vero eam vel *absolute*, & sic dicitur *ens pure negativum*, ut non visus ; vel *in aliquo*, scil. in subiecto capaci, in quo naturaliter ante fuit ; vel *inesse debuit*, ut cœcitas, & dicitur *ens privativum*. Privatio enim proprie sumpta describitur quod sit *absentia* alicujus perfectionis naturalis s. internæ in subiecto ad illam habendam *apta*, in quo vel jam ante fuit, vel *inesse debuit*. Differt ergo *omni modo* negatio à *privatione* in eo, quod illa dicit absentiam rei *absolutam*, non habito respectu ad certum subiectum, hoc vero talem, quæ in sua natura involvit ordinem ad subiectum aptum.

Porro, quatenus *privatio* plus, vel minus e subiecto tollit, eatenus vel *totalis* dicitur vel *partialis*. *Totalis* malignior est, tollit enim bonum aliquod internum e subiecto *simpliciter*, sc. quoad *potentiam & actum*

ut quando plane periit visus. Partialis tantum *secundum quid*, sc. quoad *actum*, vel aliquem *gradum*, ut quando quis oculos claudit dormiens, vel luscus est.

(4.) *Ens est vel rationis, vel reale. Ens rationis est, quod objective a ratione fingitur, ut res, licet non revera detur extra mentem. Ens reale est, quod non est fictum, sed revera datur, etiam nullo hominum attendente.*

Ens reale hic non opponitur *essentiali*, nec *intentionali*, nec *vocali*, nec *modali*: Præter *fictionem* mentis enim in rerum natura dantur, e. g. humanitas, lumen, vox, dependentia; Sed tantum *illi*, quod suum esse unice habet per *fictionem* intellectus, unde etiam *ens rationis* dicitur:

Sumitur vero *ens rationis*, quatenus reale opponitur non *intransitive*, quomodo ipse intellectus dicitur *ens rationis*, non 2. *subjective*, pro eo, quod est in mente, tanquam in *subjecto*: ut *Phyfica*, *Metaphysica*, &c. non 3. *effective*, pro eo, quod a ratione effectum est: ut *meditatio*, *arte facta*, &c. non 4. *objective realiter* (additur vox *realiter* ad distinctionem à seq.) pro eo, quod præter *esse objectivum*, quo ad intellectum refertur, etiam *esse reale* habet, vel revera datur; ut cum contemplamur lunam, vel ejus eclipsin (*privatio hæc præter fictionem*

men-

mentis datur revera) Talia enim omnia hac in oppositione ad ens reale pertinent.

Sed 5. *Ens rationis* sumitur vel *objective absolute*, pro eo, quod, præterquam quod *obijcitur* intellectui, *nihil est*, & ad quod *fingendum* nulla intellectui ex re suppeditatur occasio, ut Cerberus, purgatorium &c. vel 6. *objective consequenter*, pro tali, quod quidem in se *nihil* habet præter esse *objectivum*, rei tamen alicujus cognitionem *consequitur*, quæ ansam dedit menti, tale quid fingendi. Talia sunt *relationes*, notiones *secundæ*, *technica* vocabula, &c. De hac quinta & sexta significatione vero notandum est, quod in his contineatur natura entis rationis quoad conceptum *objectivum* tantum. Conceptus enim *formalis* in mente semper est ens reale, licet fiat de ente rationis.

(5.) *Ens est vel actu vel potentia. Ens actu est*, quod revera existit in rerum natura, sive jam è causis suis prodierit, ut natus infans; sive nullas agnoscat causas, ut Deus. *Ens potentia sic in potentia est*, quod nondum existit; à virtute agentis alicujus tamen produci non repugnat.

Nonnullis alia potentia dicitur *ad essendum* & *non essendum*; alia *ad operandum*. Nos hic non intelligimus potentiam *ad operandum*, quæ omnino verum ens est; nec

potentiam ad non *essendum*, quæ itidem reale quid dicit in subiecto corruptibili; sed tantum potentiam ad *essendum*, qua id, quod nondum *actu* est, esse *potest*. Hæ sunt præcipuæ distinctiones nominales seu æquivocate entis, (quibus alii addunt distinctionem entis in *possibile* & *impossibile*: in *reale* & *modale*, &c.) quæ latissime se per omne genus disciplinarum diffundunt, & propter innumeram exemplorum varietatem spinosissimas pariunt difficultates, quæ hic ob constitutionem objecti Metaphysicæ prætermitti non potuerunt.

Seçt. 4. Non participat autem de objecto Metaphysicæ 1. *Ens complexum*; quia *plures* simul menti repræsentat *conceptus*, quod naturæ *objecti* repugnat; illud enim tantum *unum* certum *conceptum* debet menti offerre, non vero eam hinc inde distrahere.

2. *Ens per accidens*: Nam quod tale est *respectu causæ*, est ens casuale & fortuitum. Talia vero sub *scientiam* non cadunt; quia scire est rem per causam certam & necessariam cognoscere. Ens per accidens *respectu subiecti* non præbet *simplicem* conceptum, sed involvit subiectum adjunctum & respectum inter hæc: Ens per acc. *respectu unionis* etiam plura aggregat, & ita non est *ens*, sed entia *plura*.

3. *Ens*

3. *Ens negativum*; quia tollit entitatem, & formaliter dicitur *non ens*; Objectum vero est *reale quid*.

4. *Ens rationis*. Fingitur enim tantum esse; ergo in se non habet essentiam,

5. *Ens in potentia*. Nam (1.) in se non habet essentiam propriam: Quam autem in *causis* putatur habere, illa est potentia *causæ*, quam *ens reale* esse statuimus; illa vero non constituit *intrinsece* essentiam ejus quod adhuc est producendum. (2.) Destituitur *affectionibus*, quas omne *objectum* necessario habet. Quis enim diceret, *ens in potentia* esse e. g. *causam* vel *causatum*. Nam *causa* non est, quia ita *esset* & *non esset* simul: *Esset*, quia *influeret* ad esse *causati*: non *esset*, quia adhuc *producendum* est. Nihil potest agere, antequam existat. Non est *causatum*, cum nondum *emerferit* è suis *causis*. Sic quomodo quadraret, si *ens* diceret in potentia bonum, verum, permanens. (3.) Per *modos*, vel *species* non contrahi potest. *Ens in potentia* enim nec *substantia* est, quia sic *per se* subsisteret antequam *esset* in mundo, quod contradictorium est; neque *accidens* est. Quod enim *inexistit* existit etiam. *Ens in potentia* vero nondum existit.

6. *Ens modale* (modus *abstractive* consideratus) quia non habet essentiam, sed afficit

tantum *essentiam*. Alias si *essentiam* haberet, iterum suos haberet *modos*, in infinitum. Quod igitur non habet *essentiam*, non est *ens*, & consequenter non est *objectum* Metaphysicæ. Deinde *modus* nec *substantia* est, nec *accidens*; ideo *ens* non est. *Unio* est *modus* in compositis, sed *substantia* non est, non enim *per se* subsistit; nec *accidens*, quia omne *accidens* cum suo *subjecto* per *unionem* coniungitur: Sic ergo *unio* iterum per aliam *unionem* cum *subjecto* coniungeretur, & sic in infinitum. Non vero propterea plane *ejicitur* ex Metaphysica, nec per *accidens* in eâ tractatur, sed *objectum* modo non est, *contemplationis* scilicet.

Seç. 5. Relinquitur ergo quod *objectum* Metaphysicæ sit *ens incomplexum per se, positivum, actuale, & reale*.

Seç. 6. Ut vero in omni *objecto*, ita & in hoc duo sunt consideranda, *materiale*, & *formale*: seu *res*, & *modus* considerandi. *Materiale est ens*: Hoc habet Metaphysica commune cum aliis disciplinis. Nam & Logica versatur circa *ens*, sed alio modo, quatenus sc. substat notionibus secundis. *Formale objecti* Metaphysicæ est, *quatenus ens est*. *Particula quatenus* hic sumitur tam reduplicative, quam specificative. *Reduplicative*, quia indicat, cur *ens* sit *subjectum* Metaphysicæ, quia

quia sc. habet propriam & intrinsecam essentiam, quam ea, quæ in Metaphysica tractantur, requirunt. *Specificative*, quia determinat objectum alias reliquis *commune*; quod non debeat accipi quidditate *particulari*, sed *universali*. Duo ergo officia sunt restrictionis hujus *quatenus ens est*: ut ponat, & removeat. *Ponit* & specificat illud, quod in objecto considerandum venit, scil. ipsam internam essentiam, ejus affectiones & modos contrahentes, *subsistentiam* scil. & *inhærentiam*. Non ergo vi harum vocum: *quatenus ens est*, prohibetur, quo minus Metaphysica consideret substantiam, quatenus substantia est, sicut in Physica per verba: *quatenus corpus naturale est*, non prohibetur, quo minus consideret hominem quatenus homo est; Sed hoc docetur, quod Metaphysica in istis, quæ sub *subiecto* continentur, non debet *externa* considerare, sed *internam* & *propriam* essentiam, e. g. non debet contemplari ens, quatenus substat notionibus *secundis*, quatenus *numerabile*, &c. *Removet* ergo dicta restrictio primo *externas affectiones*, *enti intrinsece*, & *per essentiam non convenientes*, ut non consideretur e. g. accidens, quatenus scibile est, sicut Physica non considerat hominem, quatenus beandus est. Deinde etiam *quidditatem specialius determinatam*,

ne consideretur ens quatenus rationale, animatum, mixtum, &c. est. Continet enim se Metaphysica in *abstractione* secundum *indifferentiam*.

II. Dividitur Metaphysica in partem *generalem* & *specialem*.

Duobus enim modis se objectum menti repræsentat; scilicet in *genere*, & in *specie*; unde tot prodeunt partes. Quando vero Metaphysica accipit partem *specialem*, non putandum est, quod desinat esse *generalis* disciplina, sed una pars est tantum univ. salior altera.

III. *Generalis* pars est, quæ contemplatur in *summa* abstractione, quoad naturam & communissimas *affecti-ones*, quæ per se insunt tam substantiæ, quam accidenti.

IV. *Specialis* pars est, quæ agit de ente in abstractione minori, qua per *subsistentiam* & *inhærentiam* contrahitur.

SECT. II. ELENCHTICA.

I. *An Metaphysicæ Genus sit Ars, vel prudentia, vel Intelligentia, vel sapientia?*

Neg. *Ars* non est ejus genus, quia definitur habitus cum recta ratione *effectivus*.

L. 6. Eth. c. 4. Hæc definitio vero longissime
abest

abest à natura Metaphysicæ, quippe quæ
nunquam se ad *effectiorem* aliquam demittit.

Prudentia itidem non est ejus genus, nam
hæc etiam habitus *practicus* est. At differen-
tia *opposita* non potest tribui rei, quæ partici-
pat de altera *opposita* differentia. Hinc se-
quitur, quod, sicut *rationale* non potest tri-
bui *irrationali*, & per consequens etiam non
cani vel leoni; ita etiam *practicum* non possit
tribui *Theoreticæ* Philosophiæ, & consequen-
ter etiam non *Metaphysicæ*, quæ ultimate
subsistit in *nuda* cognitione, atque hinc non
est *Practica*, sed *Theoretica* disciplina.

Nec *Intelligentia* Metaphysicæ genus est,
ea enim est habitus *priorum principiorum*,
Metaphysica quidem etiam circa *principia*
prima est occupata; fit vero hoc diverso
modo. *Intelligentia* agit de iis in *actu ex-*
ercito, & conclusiones exinde format.

Sapientiam esse Metaphysicam non nega-
mus, quia ex primis principiis *conclusiones*
format. Quod vero *Sapientia* Metaphysicæ
genus sit, hoc negamus. Nam non omne,
quod de re aliqua dicitur, ejus genus est. e.g.
Homo est microcosmus, virtus est vitium
fugere, &c. Arg. Quodcunque non pluribus
disciplinis *Theoreticis* competit, non est
Metaphysicæ genus. *Sapientia* non competit
pluribus disciplinis *Theoreticis*. Ergo non
est

est Metaph. *genus*. Sapiencia & Metaphy. *ta pr*
 fica sunt *Synonyma gram. & æquipollentia*, unde
 quæ se invicem non definiunt: *Æque recte* phia
 dico: Sapiencia est *Metaphysica*, quam Me. pus,
 taphysica est *Sapiencia*; sicut dico: Ens est *matio*
res, & *res* est *ens*. Non ergo Sapiencia est
genus, sed *species specialissima*. II

II. *An Metaphysicæ genus sit Scientia*. Aff. R

Scientia enim proxime latior est *habitu* quæ
 contemplante *ens*, quatenus *ens* est, & simul *vers*
 est de ejus *essentia*, quia ex *principiis demon-* cide
 strativis deducit *conclusiones infallibiles*. disc

Formalitas Scientiæ, si recte eruitur, & qua
 nude menti repræsentatur, est *cognitio infal-* qu
 libilis *conclusionis ex principiis demonstrativis* ten
 (sive sint *prima*, sive *orta*, sive *proxima*, sive ve
remota.) *Conditiones materiales* autem non te
 debent in *formale* seu in ultimum *conceptum* in
 scientiæ inferri. ce

Quod *Scientia* sit *latior Metaphysica*, in- q
 de patet, quia competit *Physicæ* quoque, /
Mathesi, & *Pneumaticæ*. Et *Proxime* ipsi
 competit, quia non potest *propius* *genus*
 dari. *Scientia* ergo *latior* est *sapiencia*, &
 hoc modo tanquam *genus* in *species* per *dis-*
ferentias contrahitur: *Scientia* est vel *pri-*
ma, vel *secunda*. *Prima* est *Sapiencia* vel
Metaphysica, quæ addit scientiæ ut sic sump-

ay. *te primitatem*, scil. principiorum *primorum*,
 ia, unde etiam absque dubio *prima* Philoso-
 Et phia dicitur. *Secunda* considerat vel cor-
 le. pus, ut *Physica*, vel spiritum, ut *Pneuma-*
 est matica; vel quantitatem, ut *Mathesis*.

*III. Qua abstractione utatur Metaphysica
 in ponendis suis limitibus?*

Resp. *Abstractio* est illa operatio mentis,
 quæ rem è statu *singularitatis* in statum *uni-*
 u versalem deducit. Et hunc habet usum ac-
 l cidentalem, ut sub notione *materiae* limites
 disciplinarum indicet, & designet, quæ ad
 quamvis pertineant, quæ non. Est autem
 quadruplex: *Abstractio* alia abstrahit à ma-
 teria *secundum indifferentiam*, & istos sibi
 vendicat *conceptus*, qui *materiatis* & *imma-*
 teriatis indifferenter communes sunt, licet
 in sua formalitate nullam *materiam* impli-
 cent. Alias dicitur *Abstractio Metaphysica*,
 quia termini *Metaphysici* ita sunt *abstracti*.

2. Alia abstrahit à materia *secundum es-*
 sentiam, s. rem, & illos sibi tantum vendi-
 cat *conceptus*, qui *materiam* plane respuunt,
 & *abstractio Pneumatica* dicitur.

3. Alia abstrahit à materia *signata* seu *sin-*
 gulari tantum: Hæc tales format *conceptus*,
 qui quidem rebus *materiatis* competunt tan-
 tum, non vero *individualibus*. Dicitur hæc
abstractio Physica.

4. De-

4. Denique alia abstrahit à materia singulari simul & universali. Hæc versatur quidem circa res, quæ semper in materia existunt sed non considerat eas quatenus sunt in materia. Dicitur alias *abstractio Mathematica*.

Potest & adhuc aliter distingui *abstractio* scilicet in eam, quæ est *secundum rem*, & quæ *secundum rationem*. Secundum rem abstrahit secundo loca posita, quæ alias vocatur secundum *essentiam*. Secundum *rationem* abstrahit prima, tertia, & quarta, licet non uno modo.

Ex hisce 4. *abstractionis* speciebus prima competit *Metaphysicæ*, quæ abstrahit secundum *indifferentiam*. e.g. veritas, unitas, &c. indifferenter se habent ad res *materiatas* & *im-materiatas*. Æque homo est unus ac Angelus.

IV. Quenam scientifice in Metaphysica tractantur?

Quæ scientifice tractantur, ea coërcet ens quatenus ens, & *abstractio secundum indifferentiam*. Traduntur autem hæc vel directe, ut entis natura; vel in ordine ad directum, ut affectiones entis, ejus species, & principia demonstrationis.

Quæ non scientifice à Metaphysica cognoscuntur, illa in ea habentur vel plane per accidens, cum scilicet aut *homonymia* aliqua tollitur, ut in distinctionibus nominalibus

entis;

entis; aut alias per remotionem indicatur hoc vel illud ad Metaphysicam non *pertinere*, ut explicationes lineæ, anguli, figurarum, &c. in *quantitate*; aut ad eam trahuntur *signate*, quæ alias in *particularibus* disciplinis usitatoribus locum non inveniunt, ut doctrina de *abstractione*, de *liberatione* termini ab *imperfectiōe*, de *analogia*, &c. quæ per se in *Intelligentia* (disciplina adhuc rariori) traduntur; aut cum *occasionaliter* per digressionem *commentarii* loco aliquid adducitur, ad *declaranda* alia, quod tamen *abstractionem* Metaphysicam excedit, ut *materia* & *forma* ad declarandum naturam *actus* & *potentiæ passivæ*; vel ob aliqualem *necessitatem*, cum sc. aut objecta *religarum* disciplinarum præcognoscit per *γινώσκω*, non *διαισθάνομαι*, illaque illis elaboranda tradit; aut *summa genera* complet, ut per *quantitatem*, *situm*, & *habitum*; aut *exempli causa* particularia adducit, ut ostendat, universalia à *particularibus* suam habere veritatem.

V. *Quanam demonstratione utitur Metaphysica?*

Resp. Metaphysicam definimus per *scientiam*, ergo *demonstratione* utitur; nam *scientia* est effectus *demonstrationis*. Est vero demonstratio vel *directa*, s. *ostensiva*, vel per
im-

impossibile. Utramque adhibet Metaphysica

In *ostensiva* duplici utitur principio.

Primum est ipsa *essentia*. Ex hoc principio ita demonstrat:

Quicquid habet *essentiam* realem, illud est *verum*.

Sed *ens* habet *essentiam* realem.

Ergo *ens* est *verum*.

Secundum est *affectio* prius demonstrata, e.g.

Quodcumq; est *creatū*, illud est dependens.

Quoddam *ens* est *creatum*.

E. Quoddam *ens* est *dependens*.

Hæc quidem principia non sunt *strictè* sic dictæ causæ, secundum rem distinctæ ab effectu; Tales enim non possunt in Metaphysica haberi, alias enim Deo convenirent veræ causæ, si enti, quatenus *ens* est, competere: sunt tamen *causæ virtuales* eorum, quæ demonstrantur, & tales sufficiunt ad scientiam in ultima formalitate spectatam, uti accurate hoc deducit Suarez, disp. 1. Metaph. 6.1. n.27.

In demonstratione *per impossibile*, sc. ad *absurdum*, utitur primo hoc principio: *impossibile est idem simul esse & non esse*, quod fuse explicat Arist. 3. Met. c.3, & 4. Et ita demonstrat.

Si non omne *reale* est *actu*, utique quoddam *ens jam* est, quod aliquando *futurum* est demum.

Sed

Sed *consequens* est *absurdum*, quia sic esset & non esset simul: esset, quia *ens reale* esset. Non esset quia *futurum* esset. Ergo & *antecedens* non minus *absurdum*.

*VI. Utrum doctrina de ente recte vocetur
Metaphysica?*

Sunt, qui putant, quod rectius vocetur *ἐπιστολογία* ab *objecto* suo, ad *analogiam* disciplinarum fere omnium, quæ nomina habent ab *objecto* petita. Nos quidem simpliciter illam appellationem non rejicimus; publice vero eam introducendam esse negamus. Terminum *artium* temere non sunt *mutandi*, sed *juvandi* explicatione, alias posterius nostri hospites erunt in libris antiquorum, in quibus occurrunt isti termini: Dandum aliquid consuetudini.

VII. An enti in potentia possint recte tribui realia prædicata?

Aff. Cum distinct. Attributa *denominantia extrinsece* possunt illi, quod futurum est, notione temporis *præsentis* tribui, ut: Credo resurrectionem mortuorum; Sed *intrinsece denominantia* tantum sub notione *futuri* tribuuntur *futuro*, ut: *resurrectio* mortuorum *animas* corporibus rursus *uniet*.

SECT. III. AXIOMATICA.

I. *Metaphysica est scientia necessaria, nobilissima & utilissima.*

Necessaria, quia alias terminorum communissimorum turpis repetitio in omnibus disciplinis signate esset instituenda. *Nobilissima*; quia reliquis disciplinis objecta praescribit, & omnia revocat ad prima principia, ex quibus tanquam *Regina* tam solidam sententiam pronuntiat, cui nemo amplius contradicere ausit. *Utilissima*; explicat enim distinctiones & terminos in omnibus aliis disciplinis occurrentes: eruit eorum formale, ut alibi tuto adhiberi possint: facit ad controversiarum nodum rite secandum, &c.

II. *Res antequam existit, nihil est.*

Si enim esset *aliquid*, esset antequam *esset*, cum *esse* nihil aliud sit quam *existere*. Distinguendum autem inter *nihil simpliciter* acceptum, & *secundum quid*. Hoc non datur quidem *in esse reali*, datur vero saepe *in esse cognito*, tanquam existat, e. g. dies extremus, eclipsis, &c.

III. *Pri-*

III. *Privatio præsupponit habitum.*

Si non semper *de facto*, tamen *de jure*:
Privatio enim non tantum ejus *absentiam*
 dicit, quod *fuit* in *subjecto*, Sed ejus quo-
 que, quod *inesse debuit*, licet nunquam ad-
 fuerit. *Surdus* à *nativitate* nunquam ha-
 buit *auditum*, & tamen recte dicitur eo *pri-*
vatus esse. *Posterì* *Adami* nunquam habue-
 runt *concreatam rectitudinem*, & tamen ea
 sunt *privati*.

IV. A *privatione* ad *habitum* non datur
regressus.

Scilicet à *totali* non datur *regr. naturali-*
ter. *Supernaturali* modo omnino datur;
 quod *resurrectio mortuorum* manifestum
 facit.

V. Quod *æquivoce* ens est, æquivoce ha-
 bet *affectiones* entis.

Hinc *peccata* non habent *causam effici-*
entem sed *deficientem*.

PARS GENERALIS.

EJUSQUE

LIBER I.

De Contemplatione entis absolute
soluta ab attributis.

CAPUT I.

De natura Entis, ejusque conceptu.

PRÆCEPTA.

I. Ens est, quod in se, & per se habet
essentiam realem & positivam.

In descriptione data explicanda seq.

1. **H** *Abere essentiam.* Hæc phrasis non
ita est accipienda, quasi reale dis-
crimen detur inter ens *habens*, & essentiam
habitam. Ens enim est conceptus *simplicissi-*
mus, ut Deo etiam tribui possit, qui omnis
compositionis & divisionis expers est; sed
desumitur à *nostri intellectus imbecillitate*,
& concipiendi modo.

2. *In se.* Hæc particula vult, ut non pu-
temus illud statim ens esse, quod est in esse
cognito. Hoc enim non est ab *interna con-*
stitu.

stitutione rei, sed ab *extra* ipsi accedit.

3. *Per se*. Hæc particula removet ens per *accidens*, de quo vide supra.

4. *Essentia realis*. Hac voce excludimus ens *rationis*, & *modale*, de quibus supra egimus. Hæc enim non vere sed æquivoce tantum entia sunt.

5. *Essentia positiva*. Hac voce excludimus *privationes*, & *negationes*; ut intelligamus illud duntaxat ens, quod *reipsa* & *actu* verā entitatem ponit in rerum natura; non vero illud, quod entitatem aliquam è natura auferit. Cæterum quia in ente, non tantum *entitas*, sed etiam *scibilitas* est consideranda, ideo hic etiam de ejus *conceptu* agendum est.

II. Conceptus entis est *noema*, quo ens *intellectui* repræsentatur.

Denominatio *conceptus* ex rebus naturalibus (sicut multæ aliæ) est desumpta. Sicut enim ex *conjunctione* animalium fœtus concipitur, ita ex *conjunctione* rei & intellectus nascitur *noema*. Nam ut aliquid intelligatur, requiritur, ut cum *intellectu* conjungatur. Hoc vero non potest fieri secundum *reale* esse; alias intelligentes *equum* ipsam *corpoream* substantiam in *anima* gestaremus, pervestigando *naturam* Diaboli *obsessi* essemus; sed fit secundum esse *intentionis*.

tionale, ita ut per imaginem suam res mensuratur. hauri
medi
statu
deduc
ceptu
bus
men
sus.
modu
tellect

III. Conceptus entis est duplex. *formalis & objectivus.*

IV. Conceptus entis objectivus est *abstracta* natura entis, quam intellectus *extra* se quasi in prospectu collocat, ut suum sit *objectum*, & per *formalem* conceptum sibi repræsentetur. ficut
nibu
ligib

Omnia *individualia* entia, quæ in rerum natura habent reale, actuale & positivum esse, in aliquo *conveniunt*. Hæc convenientia tam *universalis* est, ut *Deus* ipse ad eam quoque pertineat; tam *indifferens* est, ut tam *creatori* quam *creaturis* competat. *Deus* enim sicut non *plane* sibi *simile* producere potuit, ita nec potuit aliquid à se omni ratione *diversum* efficere: Hoc enim non ens esset, quod non habet rationem *factibilitatis*. Id vero, in quo *Deus* & omnia *reliqua* conveniunt, *ens* est; omnia enim suum esse habent. Licet autem hæc res cum *ista*, *ista* cum *illa*, *illa* cum *alia*, omnis cum omni in individuo quoad *essendi* rationem *conveniat*, tamen ita res nondum sunt *objectum* intellectus; est enim illa convenientia *individuis* immersa, quæ quoniam *nobis infinita* sunt, ab *intellectu nostro* omnia (ut satiatur) exhaust.

hauriri non possunt. Requiritur ergo ut mediante *abstractione* convenientia illa è statu *singularitatis* in statum *universalitatis* deducatur. Hoc quando fit, nascitur conceptus *determinatus*, omnibus quidem entibus singularibus *communis*, ab omnibus tamen etiam ope mentis *abstractus* & *præcisus*. Hunc, licet tantum *in mente* detur, ad modum tamen cognitionis singularium, *intellectus* quasi *extra se* in prospectu ponit, sicuti *visus* coloratum corpus, & quia in omnibus *operationibus* ipsi mediante *specie intelligibili* obicitur, *conceptus objectivus* dicitur.

V. Conceptus entis *formalis* est species *intelligibilis*, de Conceptu *objectivo* formata, qua ens *idealiter* præsens immediate menti sistitur ad contemplationem.

Objectum intellectus hoc in negotio est *Conceptus objectivus*, ut antea dictum. Hunc contemplatur mens adhibita *specie intelligibili*, quæ est qualitas *intentionalis* à mente producta, & in mente hærens, instar *imaginis* repræsentans *objectum*, & tamdiu durans, quamdiu intellectus in actuali consideratione objecti perseverat. Dicitur *formalis*, quia instar *formæ accidentariæ* menti inhæret, vel quia rem in *abstracta formalitate* menti repræsentat.

Differentiæ conceptus formalis & objectivus

1. *Conceptus formalis semper qualitas est: objectivus ex omnibus prædicamentis constituitur.*

2. *Formalis semper ens est singulare, licet de universali fiat: objectivus nunc singulare nunc universale.*

3. *Formalis semper est ens reale, licet etiam de ente rationis fiat: objectivus tam ens rationis, quam reale.*

4. *Formalis ab inferioribus realiter & exclusive est abstractus; nova enim specie opus est intellectui ad concipiendam substantiam, quæ realiter diversa est ab ea, quæ concipitur ens in communi: Objectivus vero non re, sed ratione est abstractus ab inferioribus; non exclusive, sed præcisive. Intime enim ab omnibus inferioribus inbibitur, licet determinatæ quidditates non simul apprehendantur.*

5. *Formalis ab alio formali realiter discrepat, ubi inter hunc & istum conceptum objectivum sæpe nulla realis distinctio intercedit. Ut vero doctrina de conceptu plenius percipiatur, notanda sequentia.*

VI. *Ens quatenus refertur ad nostrum intellectum, est in quadruplici statu; fundamentalis, ideali, universali, & formali, qui status tamen intellectui non proponunt diversa objecta, sed unum idem-que*

que *distincte* concipi posse indicant.

1. *Status objectivus fundamentalis est, secundum quem existit, & in individuis radicatur.* Hoc modo Johannes est ens, Casparus est ens, hic canis, hæc rana, hæc iustitia *Aristidis*, & omnia reliqua individua sunt entia. Hic status reliquis supponitur unde & *fundamentalis* dicitur: est causa radicalis omnium veritatum, quæ de ente habentur, quas omnes in se continet, (ut Scotus loquitur) sc. virtualiter.

2. *Status objectivus idealis entis est, quando ens per ideam seu imaginem non solum consideratur, prout radicatum est in individuis, sed in sua natura per præcisionem ab omnibus individuis abstracta quoque concipitur.* Ex hoc statu fluit conceptus *objectivus* entis, & *objecti* *Metaphysicæ* constitutio, ut & entis definitio.

3. *Status universalis entis est quando ens in individuis fundatum & à conditionibus individuuantibus abstractum porro accipit conceptum aptitudinis essendi in multis, ut per modos possit contrahi, & inferioribus applicari.* Hoc in statu ens aptum natum est dici de substantia, (substantia est ens) de accidente, de corpore, (corpus est ens) de spiritu, de hac quantitate, de ista qualitate, &c.

4. *Status formalis entis est, quando ens vel in statu fundamentalis, vel ideali, vel universali*

*sumptum per speciem intelligibilem menti re-
presentatur. Intellectus enim nullum ob-
jectum, quatenus est objectum, immediate
cognoscit, sed semper per speciem & ideam,
quæ sæpe iterum ab alia idea fit, sicut imago
in speculo, de se producit imaginem. Ex
hoc statu fluit conceptus formalis, de quo
in præcedentibus actum est.*

PROBLEMATATA.

*I. An ens in abstractissima natura conside-
ratum habeat principia essendi?*

*Neg. Principia sunt essendi, vel cognoscendi.
Essendi principia dant rei essentiam, ut ma-
teria & forma corpori. Cognoscendi princ.
dant tantum homini cognitionem de re ali-
qua. Hæc quidem habentur de ente, & ex-
hibentur in axiomatibus Metaphysicis, quæ
sparguntur per totum Metaphysicæ cam-
pum. Illa vero negantur. Rationes.*

1. Si ens in abstractissima natura specta-
tum haberet principia essendi; Deus etiam
ea haberet, quod absurdum.

2. Si ens haberet principium *essendi*, sui
ipsius principium esset, quia tale principium
esset vel *ens*, vel *modus* entis, vel *nihil*. *Nihil*
non potest esse principium *essendi*. Quod *en-
titatem* non *habet*, illud eam *dari* non potest.
Modus ordine naturæ sequitur *ens*, ergo non
potest

potest esse ejus *principium*, ergo esset ens. Ens vero in abstractissimo conceptu non est *duplex*, sed *unum* tantum. Ergo ens esset entis (id est, *sui ipsius*) *principium*. Hoc vero est absurdum, quia nihil fit à seipso.

3. Falsa foret assertio Metaphysicorum: *Omne ens est vel principium vel principiatum*: si enti, *ut sic* sumpto, principia essendi ascriberentur, ut *principiato*.

II. *An conceptus entis objectivus sit unus?*

Aff. In conceptu enim *objectivo* entis datur *abstractio* sine *distractione* mentis ad *plura*. Est omnino itaque *unum*, quod non est *divisum*.

Ipsa experientia testatur, quod quando audimus vocem *entis*, mens nostra non simul recipiat *plura*, ad quæ *distrabitur*, ita ut feratur eo ipso vel ad entitatem *substantiæ*, vel *accidentis*, vel concipiat *creatum* vel *increatum*; sed subsistit in *aliquo* tali, quod omnibus ejusmodi *expressioribus* essendi rationibus commune est.

III. *An conceptus entis formalis sit unus?*

Aff. Est enim *certum* accidens in *hoc* vel *illo* intellectu, hærens, & determinatur per *hoc* aliquid *alicubi* & *nunc*.

IV. *An de conceptu formali in intellectu alius formari possit conceptus formalis?*

Aff. Est enim quid reale; Ergo potest

per aliquem conceptum formalem menti
repræsentari.

AXIOMATA.

I. Conceptus objectivus *mensuratur à re
formalis ab objectivo.*

Omnis conceptus est *verus* per repræsen-
tationem, & habet suam *rectitudinem* ab eo
quod *repræsentat*, sicut *imago* in speculo à
facie hominis, non vero à *speculo*. Quando
ergo à re *abstrahitur* conceptus *objectivus*,
non pro *lubitu* est formandus, sed secun-
dum normam rei. *Objectivus*, cum per *forma-
lem* repræsentatur, iterum fit ejus norma.
Omnis imago æstimatur ab eo cuius est imago.

II. Ens est *generalissimum*, *supremum*, &
primum cognitum.

Platonici *unitatem* ente *priorem* fecerunt.
Sed *unitas* nullibi est nisi in ente, est enim
ejus *affectio*; ergo potius sequitur *simplicissi-
mum* entis conceptum, qui in *summo* abso-
lutus est ab *affectio*nibus. *Generalissimum*,
quia omnia in eo conveniunt. *Supremum* est,
quia alias fieret progressus in infinitum, e.g.
Quid est *Metaphysica*? est *scientia*. Quid est
scientia? Est *habitus intell.* Quid est *habitus
intell.* Est *qualitas*. Quid *qualitas*? Est *ens*.
Quid *ens*? Resp. Hic *subsistendum*. *Primum
cognitum* est, quia quando aliquid nescimus
defi-

definire vel nominare, primum quod nobis occurrit, hoc est; Est *ens*. Mens nostra enim in scrutinio rerum *initium* facit à *communissimis*, per cognitionem *confusam*. Deinde magis magisque ad *penitior*em & *distinctio*rem cognitionem descendit.

III. Inter *ens* & *non ens* est infinita distantia.

Intellige distantiam, *non positivam*, qualis est inter rem & rem, e. g. inter Deum & hominem; sed *negativam*, quia in *nullo* habent *convenientiam*. Non nemo ex hoc axioma probat, animas brutorum à corpore separatas manere ad extremum diem, quia infinitum intervallum inter *ens* & *non ens* non possit expleri nisi ab infinito. Verum male applicat regulam. Non enim ex ea hoc fluit, quod naturaliter ex aliquo non possit fieri nihil, (species intelligibilis, dies hesternus, iris præterita, &c. omnino in nihil abeunt naturaliter) sed hoc tantum intendit, quod *ens* & *non ens* in *nullo* convenient. Vide sis hanc controversiam fusius deductam in meo Coll. Phys. Disp. I. Theor. 7.

Error Philosophorum hac in parte nimium vulgaris ne Subtilissimo aliqui imposuerit Authori, haud immerito subveretur Editor: Ens enim à non Ente neutiquam distare posse videtur, nisi per Essentiam per quam est Ens:

Ens igitur infinitum, scil. Deus per essentiam suam Infinitam infinite sane distat à Non Ente: Ens autem Finitum, omnis scil. Creatura, per essentiam suam Finitam, finite solum à Non Ente videtur distare: Quinimo si infinite distaret, nullo pacto, ut mihi videtur, vel dari potuit Ens Creatum; cum juxta Aristotelis Maximam optima etiam Ratione nitentem, Infinitum transiri nequeat, nec à Potentia finita, nec quidem Infinita. Ad hæc. Si Ens ut sic infinite distaret à Non Ente, unum Ens Creatum non magis distaret à Non Ente, quam aliud quodvis (puta, Augustissimus ex Angelorum choro, quam minutissima Formica) imo nec ipsum quidem Ens increatum, quam Ens quodvis Creatum à Non Ente simpliciter magis distaret; cum Distantia Infinita nullos omnino admittat Gradus.

IV. *Ens importat excellentiam, non defectum.*

Ens negativum & privativum dicit quidem defectum & absentiam alicujus entitatis, ut supra dictum; Sed tale quid æquivoce tantum dicitur ens. Quod proprie ens est, illud sub ratione essendi simul involvit præstantiam aliquam. Hoc manifestum facit comparatio cum non ente, & modo. Summum defectum importat non ens, quia nihil habet realitatis. Modus quidem habet diminutam
quan-

quandam *Entitatem*, quam quidam *realitatem* appellant, sed ad entis statum non accedit; *Afficit* ens, non *est* ipsum ens. Est *aliquid* rei, non *ipsa* res. Ens ergo, quia ab his imperfectionibus longissime recedit, omnino nobilitatem involvit. Infert autem ens excellentiam quoad essentiam *intrinsecam*, & *per se* consideratum, non quoad *statum* aliquem *accidentalem*. Per accidens enim fieri potest, ut superveniente summa miseria, Præstet plane *non esse*, quam *tali* vel *tali* modo *esse*.

Authorem intelligo de Miseria non naturali solum sed & morali; alioqui nec miseria certe Summa, nec Assertio forte vera esset.

CAPUT II.

De Synonymis Entis.

I. Synonyma entis sunt termini, qui *eandem* cum ente habent *significationem*, vel *simpliciter*, vel cum *connotatione* aliqujus respectus.

Intelligenda sunt hic non *Synonyma Logica*, sed *Synonyma Grammatica*, quæ sunt voces plane idem significantes, quales conservat *Plautus*, dum dicit: Stulti, stolidi, fatui, fungi, bardi, blenni, buccones, &c.

II. Dividuntur in duas classes ; nam quædam per *omnia & simpliciter* enti *æquipollent* : Quædam vero ad *significationem* entis addunt *respectum* aliquem ex usu loquendi *Philosophico*, vel vi vocis *grammaticæ* desumptum.

III. Synonyma primæ classis sunt *Essentia*, *res*, & *aliquid*.

Essentia plane idem est, quod *ens* : Quidam ponunt differentiam, eo quod *ens* se habeat ad *essentiam* uti *concretum* ad *abstractum*. Verum *ens* in *Metaphysicis* sumitur *nominaliter* atque in *abstractissimo* conceptu; non *participialiter*, ut *rationem* aliquam *adjectivi*, & ita *concretionem* subinferat. Nata proculdubio est illa sententia ex conceptu vocum *Grammatico*, qui iudicat *essentiam abstractiorem* ente. In sensu autem *Philosophico* nullo modo admittitur ; Ita enim est *ipsissimum* ens.

Res etiam *simpliciter* cum ente recurrit. Nihil enim involvit *ens*, quod *res* non habeat, & contra.

Aliquid non minus quam *res* & *essentia* est *Synonymum entis*. Allusio, qua *aliquid* putatur esse *aliud quid*, & ita potius referendum censetur ad affectionem *diversitatis*, quam ad *Synonyma entis*, non habet in usu *Philosophico* fundamentum, sed *aliquid* idem
valet

valet atque habens *quidditatem aliquam*, in qua significatione ab *ente* non, nisi solo nomine, discrepat : Concludimus Theorema hoc ratiocinio.

Si huic principio primo, *Impossibile est idem simul esse & non esse*, æquipollent sequentes locutiones. Impossibile est idem simul *habere essentiam*, & *non habere essentiam* : Impossibile est idem simul esse *rem*, & esse *non rem* : Impossibile est idem simul esse *aliquid* & *nihil* ; utique etiam *essentia*, *res* & *aliquid* æquipollent enti.

Sed verum est prius. Ergo & posterius.

IV. Synonyma secundæ classis sunt *Existentia*, *Quidditas*, *Natura*, *Forma*.

Hec quidem idem significant, quod *ens*, addunt tamen in usu *Philosophico* respectum aliquem, qui simul, dū voces hasce audimus intellectui nostro subnascitur. Nimirum,

Existentia ad significationem *entis* vi vocis addit respectum ad *causas* rei, *extra* quas res per existentiam (tanquam *extra existentiam*) sistitur, sive è *causis* suis *positive* prodi-erit, sive *negative* omnem respuat causam.

Quidditas dicit *ens* cum *respectu* ad *cognitionem* nostram ; scilicet involvit simul cum *entitate* *scibilitatem*, quatenus id quod in se *revera* est, fit *accidentaliter* obiectum nostri *intellectus*.

Natura dicitur *ens* cum respectu ad operationes & proprietates, quæ acceptio proculdubio nata est ex descriptione *Aristotelis*, quæ naturam dicit principium motus, &c. Notandum hic, quod in *Metaphysica* natura aliter sumatur, quam in *Physica*; In hac enim strictè loquendo notat principia corporis naturalis interna, & sic ad materiata tantum spectat; in illa vero ampliatur & abstrahitur, ut indifferenter se ad materiata & immateriata habeat.

Forma etiam æquipollet enti; nam quodvis ens, sicut per *essentiam*, ita per *formam* est id quod est. Involvit autem hic terminus hunc respectum, ut frequentius à Philosophis usurpetur in applicatione ad particulares & determinatas quidditates, quam in communi. Hinc nati sunt termini isti Scholastici, *humanitas*, *animalitas*, *præceptoritas*, *paternitas*, &c. quibus cujusque rei propria quidditas in particulari designatur. Forma hæc omni enti competit; ideo est vel *substantialis*, vel *accidentalis*, prout illud, cujus est forma, in alio atque alio genere reperitur. Differt hæc forma *Metaphysica* à *Physica*, per modum totius & partis. Nam *Metaphysica* forma totam essentiam notat; *Physica* vero alteram tantum partem essentialem.

PROBLEMAT A.

I. *An Metaphysicus teneatur semper pure loqui?*

Neg. Cum per totam Metaphysicam & præsertim in hoc & sequenti capite multi termini occurrunt, qui *Tullianæ* elegantiae candidatis frontem corrugare queant, cum scilicet audiunt *realitates, formalitates, entitates, quidditates, alietates, totalitates, partialitates, personalitates, suppositalitates, hæcceitates, identitates, individualitates*; & adverbia *formaliter, idealiter, substantialiter, essentialiter, personaliter, quidditative, signate, exercite, &c.* ideo placet hac occasione quædam de *Philosophi* stylo inferere. Summa discursus hæc erit, quod nullo jure possit cogi *Philosophus*, ut, dum *Philosophica* tractat, nullis aliis vocabulis & phrasibus utatur, quam quæ in purioris latinitatis autoribus (nam in hac lingua hodie *Philosophia* traditur) inveniuntur. Rationes sunt sequentes.

I. *A necessario*: Latini sane multas accuratioris *Philosophiæ subtilitates* neglexerunt. Hinc factum, ut multis rebus nomina non imposuerint. Ideo *Philosophi* eas tractaturi *necessitate* quadam inducti sunt, ut signa articulata vocabula sc. facerent, quæ loco rerum in suis contemplationibus substituerent

rent, secundum illud Arist. lib. Categ. Philosopho licet ὁνομαζαμένοις: Hac de re Guttius intel. f. 55. ita censet: Quando neglecta est ab autoribus ἀκριβεια, vel eadem ob sublimitatem objecti apprehendi non quivit, & posteaquam à nobis animadvertitur, tum multiplicatis *rebus* etiam *termini* multiplicari possunt. Scilicet 1. quando *urgens* aliqua *ratio* in propatulo est. 2. quando multiplicatio ista fundatur in *re*. Hoc privilegium est supra Reges & Imperatores, dicit D. J. Mart. l. 3. Inst. Loc. c. 1.

2. *Ab incommodo*. Postquam igitur à *priscis* Philosophis *termini* multi, licet non *latini* introducti sunt, illos iterum *eliminare* & *novos* substituere, aut ex *pura* latinitate *circumlocutiones* conquirere salus reipublice *literariae* vetat. *Terminorum* mutatio cum magno *discentium* damno conjuncta est.

3. *Ab inhonesto*. Qui *vanas* contentiones de *verbis*, *phrasibus*, &c. in *Philosophia* movent, illi suam hoc ipso produnt *inscitiam*. Omnes enim *artes* sua habent *vocabula*, quae sicut non nisi ab *artifice* intelligi, ita non nisi ab eo *dijudicari* possunt; Quomodo enim iste de *artibus* recte judicabit, qui *artes* ignorat? Ita enim *Metaphysica* habet suos *terminos*, qui non intelliguntur nisi à rerum *Meta-*
physi-

physicarum perito. Istos carpere *intempestiva* sapientia est, quæ plerisque est tædio & ludibrio.

4. *Ab honesto.* Vergit hoc ad disciplinæ præstantiam: quod *tales* terminos habet, quos *omnes* non intelligunt.

Non sane contemnuntur ideo artes *manuaria*, quia *certa* sibi vendicant *vocabula*, quæ *vulgus* latent; sed potius *admirationem* injiciunt hominum animis. Non exigua delectatio est cum *pharmacopæo* posse omnia *pondera*, *instrumenta distillatoria*, &c. cum *automatario* omnes *rotulas*, *claviculas*, *aciculas*: cum *musico organico* signa *tabulaturæ*, ordines *fistularum*, &c. proprio & *artificibus* usitato nomine appellare: Quidni etiam *Metaphysicæ* hoc augeat *dignitatem*, quod nolet nisi à *cultoribus* suis intelligi?

II. *An termini Metaphysici minus latini sint barbari?*

Neg. *Fuerant* barbari, antequam *usus* frequens eos *confirmavit*. Postquam hoc factum est, valent ut *nummi*; nam creberrimo *usu* à barbarie vindicati & *latinitate* donati sunt l. i. Et cur hoc *barbarum* dicatur, quo *accurata* ingenia imprimis delectantur, quæ non attendunt, quam *ornate*, sed quam *proprie*, quam *rotunde*, quam *significantur*, quam *acute* quodlibet dicatur. III.

III. *An existentia sit affectio entis?*

Neg. Sunt, qui hoc affirmant, & putant quod *existentia* addat *enti modum*. Ita autem inferunt: Sicut *simplicitas* est *modus* quo coarctatur entis *indifferentia*, quam habet ad ens *actu & potentia*, ad *modum* essendi *actualiter*, qui significatur per *existentiam*. Verum nititur hæc sententia nondum probata hypothesi, quod *ens*, quatenus est *objectum* Metaphysicæ, tam late sit extendendum, ut sub se comprehendat & ens in *actu*, & ens in *potentia*, de qua quid sentiendum sit, supra diximus.

AXIOMATA.

I. *Essentia est indivisibilis.*

Accipiendum vero est cum distinctione *prædicati*, quod scil. aliquid dicatur indivisibile vel *absolute*, quod nullo modo possit dividi, uti *punctum* mathematicum; vel *secundum quid*, quod non possit dividi, ut maneat id quod *ante* divisionem est, uti *mensura* indivisibilitatem sibi tanquam *propriam* vendicat; si enim vel *minimum*, e. g. ab *ulna* auferatur, non manet *integra* ulna. Hoc, non illo modo *essentia* sunt *indivisibiles*. Hinc limitatur regula: *Essentia*, ut est *essentia*, est indivisibilis in *alias*, & sibi *æquales* essentias.

II. *Essentia non recipit magis & minus.*

Scili-

Scilicet *adverbialiter per se, & absolute*. *Goliathus* non fuit *magis* homo quam *David*. *Essentia* enim humana non admittit *gradus*, sed posita est quasi in *puncto*. *Qualitates* quidem recipiunt *magis & minus*, verum non *per se, ratione essentiae*, quæ uno semper modo in definitione explicatur; sed *per accidens, ratione subjecti*, cui inhærent. Sed dices; *Increatum* ens quando cum *creato* confertur distat ab eo *infinito* intervallo; Quidni ergo *magis* ens sit? Resp. Quod in absoluta entis theoria adhuc versemur, quæ non respicit *expressiores* rationes essendi, quibus *attributa* disjunguntur. *Comparete* concedimus, quod *Deus* sit *magis* ens quam *creatura*; sed *absolute & in se* si consideratur *essentia* Dei & *essentia creaturarum*, conveniunt in *definitione* entis, quam *omnia* sub definito contenta *æque* participant.

III. Unius rei una tantum est *essentia & existentia*.

Intelligenda regula est de *essentia completa & absolute*, non vero de *incompleta & respectiva*. Nam alioquin *unum* ens *plures* in se continet *essentias*. Homo est *unum* ens, & *unam* habet *essentiam*, *quatenus* homo est. Interim dividitur in *animam & corpus*, tanquam *partes* *essentiales*, quarum utraque etiam

etiam *peculiarem & propriam* habet existentiam & essentiam, *incompletam* tamen. Deinde *multæ* unius rei sunt existentia & res *speculative*.

CAPUT III.

De Cognatis Entis, & Synonymorum
Entis.

Non inutilis labor est eorum, qui in duobus præcedentibus capitibus explicati sunt, terminorum *cognata* excutere. Nam licet *ens, natura, aliquid, essentia, res, &c.* inter se sint *Synonyma*, tamen *conjugata & cognata* eorundem non perinde *coincidunt*. *Æquipollentia* sunt *res & essentia*; non vero *realiter & essentialiter*, nec *reale & essentialiale*. Non *æquipollent ens & entitas, res & realitas, forma & formalitas*. *Synonyma* sunt *natura & forma*: *formaliter & naturaliter* non item. Quia ergo & in hisce *differentiis* dantur *quædam*, in quibus se *Metaphysicum* exerceat ingenium, idcirco tum *entis*, tum *Synonymorum* utriusque classis *cognata* ordine pertractabimus, eorumque ambiguitates evolvemus.

PRÆ.

PRÆCEPTA.

I. Entis cognata sunt: *est, esse, & entitas.*

Est in Logica est *communissimum* illud, quod in omni *enunciatione* reperitur. Omnis enim *enunciatio* continet verbum substantivum *Est*, non quidem semper *explicite*, ut homo dormit, id est, *homo est dormiens*; homo non hincit, id est, *homo non est hinniens*.

Interdum *æquipollet* π *significat*, & adhibetur in *explicationibus*.

Esse dicitur variis modis. 1. Est vel *genericum*, vel *specificum*, vel *individuale*. 2. Est vel *reale*, vel *possibile*, (quomodo Scotus *diminutum* vocat) prout res vel in *actu* est, vel in *potentia*. 3. Est vel *reale*, quod præter mentis operationem datur, vel *cognitum* seu *objectivum* (*Thomistis esse diminutum dictum*) quod res habet in *intellectu*, quatenus ab eo cognoscitur. 4. Est vel *Essentiæ*; quod est ipsa *essentia* rei; vel *existentiæ*; quod rem ponit *extra causas*; vel *subsistentiæ*, quod *suppositis* tribuitur: vel *inexistentiæ*, quod *accidentibus* competit peculiari-ter. 5. Est vel *Naturale*; quod res habet *extra Intellectum*; vel *intentionale*, quod est imago rei vel in *intellectu*, ut species intelligibilis, vel *extra intellectum*, ut lumen; vel *propositionale*, quod in *veritate propositionis*

nis consistit, sive res, de qua sermo est, sit
ens reale sive non; ut *cæcitas est privatio*. Ad
di potest *Esse* vel *quidditativum*, quod de re
verificat *essentialia & necessaria* prædicata,
licet *actu* non existat; Sic dicitur in hyeme
una est fructus vitis. Vel *positivum*, quod ipso
actu veram in natura ponit *entitatem*.

Entitas interdum sumitur pro ipsa rei
essentia, sæpius vero dicit *diminutam* ratio-
nem *essendi*, quomodo affectiones entis di-
cuntur entitates. Nota: *Entitas, formalitas,*
& realitas fere non differunt. Conveni-
unt enim in eo, quod dicant *diminutam es-*
sendi rationem. In eo leviter discrepant,
quod *entitas & realitas* magis materiales di-
cuntur; *Formalitas* vero magis *formalis*
plerumque habetur. Nam graduum *essenti-*
alium complementum ultimum est *forma*.
Isti vero gradus *formalitas* dicuntur.

II. *Essentiæ cognata* sunt *Essentiale, &*
Essentialiter. Huc revocari possunt
termini; *esse per essentiam, de essentia,*
& extra essentiam.

Essentiale est, quod ad *essentiam* rei spe-
ctat. Estque vel *essentiale absolute*, quod rei
ut sic tribuitur, ut risibilitas homini; vel *re-*
spective quod rei tribuitur in *hoc* vel *illo* sta-
tu; Sic *doctrina* est *essentialis homini* docto.

Utrum-

Utrumque est vel *constitutivum* sive à priori quod rem in *esse* constituit, ipsa scil. *essentia* (licet rarius) sive *peressentialis*. Sic *essentialis* est anima *rationalis* homini; Vel *consecutivum* vel à posteriori, quod ex *essentia* rei per se fluit. Sic *essentialis* est *risibilitas* homini.

Essentialiter dicitur vel ratione *convenientiæ*, vel ratione *dependentiæ*. Convenit autem aliquid alteri *essentialiter*, vel 1. *Constitutive*, vel 2. *Consecutive*, (de quibus paulo ante) vel 3. *Subjective* cum aliquid ad *esse* alterius tanquam *subjectum* necessario consideratur. Sic dicimus, accidentis *esse* est *in-esse*, sc. *subjective*, quia non potest *existere* in mundo nisi in aliquo sit *subjecto*; non vero *constitutive*, nam *subjectum* nec est *essentia* ipsa accidentis, nec pars *essentialis*, sed accidens *propriam* suam *essentiam* intrinsece habet, quam *subjecto* superaddit. *Subjective* etiam *proprio* *essentialiter* competit inesse uni & soli *subjecto*. Vel 4. *Definitive*, sine quo *essentia* alicujus non potest *definiri*, atque *cognitioni* nostræ repræsentari. (Hoc minimo modo *essentialiter* rei competit) Sic *instrumentum* absque mentione *finis* & *usus*: *Habitus* absque *objecto*: *relatum* absque *correlato*, &c. nequit *perfecte* intelligi. *Dependere* quomodo aliquid ab altero dicatur *essen-*

essentialiter, vide in capite De *dependente* & *independente*.

Per essentialiter esse dicitur aliquid vel *dependenter*, sic Deus est *bonns* per *essentialiter* creaturæ per *participationem*; vel *constitutivè*, quomodo homo per *essentialiter* est *rationalis*, quia *ratio* facit, ut *homo* sit *homo*.

De essentia dicitur esse aliquid vel *late* ita tam *late* patet, quam terminus *essentialiter*; sumiturque omnibus quatuor modis sub eo in *ratione* convenientiæ recensitis; vel *strictè*; Ita *de essentia* esse dicitur tum *pars essentialis*, ut *forma* est de *corporis* *essentia*; tum *prædicatum essentialis* seu *Synonymicum*, ut *differentia specifica* hominis est de ejus *essentia*.

Extra essentialiter, five *extra essentialis*, itidem dicitur aliquid esse vel *late*, quod rei nec *absolute*, nec *respectivè*, nec *constitutive*, nec *consecutive* est *essentialis*, ut *nobilitas* patris (*Videatur terminus essentialis*) vel *strictè*, quod non est alicujus *essentialis* *constitutum* vel *absolute*, vel *respectivè*: Sic *docilitas* est *extra hominis*, & *lectio* *extra hominis* *docti* *essentiam*.

III. Rei cognata sunt *reale*, *realiter* & *realitas*.

Reale sumitur vel *generaliter*, vel *specialiter*.

aliter. Generaliter reale dicitur, quod vere datur in rerum *natura* extra fictionem mentis, five sit ens *positivum*, five *modus* entis, five *absentia* quædam entis per *privationem* vel *negationem*, Sic *bonitas* entis est *realis* : *realis*, non *simulata* cæcitas erat in oculis *Bartimæi* : *realis* est *negatio* visus in *lapide*, quia *vere* removetur, non *fictæ* tantum. *Specialiter* reale dicitur, quod habet *realem* & *positivam* essentiam in rerum *natura*.

Realiter suas significationes accipit ex variis *oppositionibus*. Opponitur enim 1. *τὸ essentialiter* : Ita ferrum cum igne unitur *realiter*, non *essentialiter*, quia *ferrum* ad *ignis* essentiam non pertinet. 2. *τὸ Virtualiter*, ita herba purgans à capra comesta, si lac capræ detur nutrici, tandem ad infantem pervenit, non *realiter*, quia *substantiam* herbæ non accipit infans ; sed *virtualiter*, per *virtutem* scil. purgantem. 3. *τὸ verbaliter*, quomodo titulus *mariti* competit *uxori*, non *realiter*, sed *verbaliter*. 4. *τὸ intentionaliter*, sic Sol de se spargit lumen, non partem *substantiæ* cum luce quaquaversam diffundens, sed *intentionaliter*, scil. per *imaginem* lucis, quæ lumen est. 5. *τὸ idealiter* : Sic mundus ab æterno fuit, non *realiter*, sed *idealiter*, in mente scil. Dei.

Realiter denotat aliquid minus *re*. Accipitur

pitur enim præcipue, vel pro gradibus essentialibus, qui & formalitates dicuntur, dicitur *realitas formalis*, ut in temperantia datur conceptus *virtutis*, *habitus*, *qualitatis*, *accidentis*: vel pro modis contrahentibus, quomodo ens per *subsistentiam* & *inherentiam* contrahitur; vel pro affectionibus. Sic realitates entis dicuntur *unitas*, *veritas*, *bonitas*. Vel denique pro esse cognito in intellectu, & dicitur *realitas objectiva*. Sic eruditio acquirenda habet *realitatem* in mente, quæ eam intendit.

IV. *τὸ ἄλτιμὸν* cognatum est *aliquis*.

Aliquis plerumque notat *individuum* verum, & *essentiæ*, quæ per aliquid denotatur, addit *rationem* individui: ut, *aliquis equus* necessarius est ad equitandum.

V. *Existentiæ* cognatum est *inexistentia*, quæ ad *existentiam* addit *respectum* ad *subjectum*, & est *accidentibus* propria.

VI. *Quidditatis* cognata sunt *quidditativum* & *quidditative*.

Quidditativum varie sumitur. 1. *Constitutive*, ut *forma*. 2. *Consecutive*, ut *risibilitas* hominis. 3. *Prædicative*, quod essentialiter prædicatur, ut *animal* de *homine*. 4. *Representative*.

representative, quod intellectui *representat* quidditatem aliquam, ut species *intelligibilis* & *sensibilis*.

Quidditative solet contradistingui *positive* & *actualiter*, cum scil. de aliquo dicuntur *essentia* & *necessaria* prædicata, licet *positive* & *actu* non existat. Sic dicimus Plato est homo. Hæc propositio vera est *quidditative*, etiam nostro tempore, licet Plato jam non *amplius* existat. Alias enim contradictoria esset vera, Plato non est homo. Ex hac acceptione fluit ista etiam distinctio, qua quidam distinguunt *ens actuale* in illud, quod *quidditative* tale est, de quo semper valent prædicata *æternæ veritatis*, ac si semper actu existere; & illud, quod *positive* tale est, ad quod semper requiritur *actualis existentia*.

VII. *Naturæ* cognata sunt *naturale*, *naturaliter*.

Hæc quot modis sumuntur, vide in capite de *Naturali* & *artificiali*.

VIII. *Formæ* cognata sunt *formale* seu *formalis ratio*, de *formali*, *formaliter*, & *formalitas*.

Formale seu *formalis ratio* significat *ultima*.

timatam rei quidditatem, quæ ab omnibus conditionibus materialibus est abstracta (Materiale seu materialis ratio est, quæ tribuitur, quatenus in tali, vel tali spectatur subiecto.) Sic formale unitatis est indivisio: Formale quantitatis est extensio: formale relationis est esse ad, &c. Formalis hæc ratio ubique solícite eruenda est. Huc spectant etiam alia, quæ, in aliquo esse habent rationem formæ. Sed differentia specifica in toto essentiali Metaphysico habet rationem formæ, & respondet formæ Physicæ: generatio vero habet rationem materiæ.

De formali in usu loquendi Philosophico formalis ratione fere sola vocis flexione discrepat, in significatione enim vix differentia reperietur. In nonnullis tamen exemplis quorum formale distinctas formalitates continet, si unam tantum nominamus, dicimus eam esse de formali: e. g. Corporis formalis ratio hæc est: *Esse substantiam creatam materia & forma constantem.* In hac si mentem ad solam Materiam dirigimus, dicimus eam esse de formali corporis, per hanc enim ex parte Spiritui opponitur.

¶ formaliter varias sustinet significationes, propter aliam atque aliam oppositionem. Opponitur enim 1. ¶ eminenter. Hinc dicuntur perfectiones creaturarum etiam esse

in De
accid
2. ¶
quod
confi
est de
forma
actua
est ca
est in
denta
mate
teran
mate
e. g.
mali
comm
mate
liter
conf
form
trod
riali
se h
port
gism
posu
rect
(vi

in Deo; scilicet non *Formaliter*; alias enim accidentia caderent in Deum, sed *eminenter*.
 2. $\pi\delta$ *accidentaliter*, & sic idem significat, quod *quidditative*, ut homo *quidditative* consideratus est *rationalis*, *accidentaliter* est doctus. 3. $\pi\delta$ *virtualiter*, & sic notat *formam* seu *qualitatem* in aliquo *subjecto* actualiter *inherentem*. Sic ignis *formaliter* est calidus, Sol *virtualiter*. Non enim calor est in Sole, tanquam *qualitas* vel forma *accidentalis*, quæ inde promanare possit. 4. $\pi\delta$ *materialiter*. Hic terminus respicit *vel alteram partem essentialem* corporis naturalis, *materiam* scilicet. Sic *materialiter* dicitur e. g. leoni competere corruptio. Contra, *formaliter* tribuitur *visus*, *auditus*, *rugitus*; *Vel communem aliquem conceptum*. Sic corpus *materialiter* est substantia creata: *formaliter* vero substantia ex *materia* & *forma* constans; *Vel subjectum operationis*, in quod forma *artificialis*, vel *analogum* aliquod introducitur. Sic domus sæpe bona est *materialiter*, quia ligna, cæmenta, calx, &c. recte se habent; non *formaliter*, quia nullam *proportionem* habet in *figura* externa. Sic Syllogismus sæpe est bonus *materialiter*, quia *propositiones* sunt *veræ*; non *formaliter*, quia non recte *coherent*; *Vel materialem rationalem* (vide paulo ante) seu *conditionem specialem*

Contractam alicujus termini, quæ ratio
formali seu *abstractæ* contradistinguuntur.
 Sic conjunctio distincti sexus competit
generationi materialiter, quatenus scilicet
 spectatur in animalibus; non *formaliter*
 quia non datur in omni generatione, ne
turali quidem. *Arbor* enim *generat* non
 men ut causa *socia*. Vid.

Formalitas interdum denotat totum con-
 ceptum *essentiæ*, & sumitur pro ipsa *forma*
Metaphysica, ut *caninitas*: frequentius vero
 gradus tantum *essentiales* significat, ut *an-*
malitas, *corporeitas*, *substantialitas*, &c.
 cane, & sic à *forma* differt ut *pars* à *toto*.
 una re *una* tantum est *forma*, sed *multæ* *for-*
malitates.

PROBLEMATATA.

1. An omne quod rei vere competit, ipsi tri-
 buatur vel *essentialiter*, vel *accidentaliter*.
 Neg.

Multa rei vere competunt, quæ non *essen-*
tialiter ei tribuuntur, nec tamen statim *ac-*
cidentaliter & *inhæsiue*. Vere Deus est cre-
 ator mundi, sed nec *essentialiter*, nec *acciden-*
taliter per *inhæsiionem*.

Vere renatus est justus. Justitia vero ali-
 unde ipsi imputatur. Ita ergo dicendum
 Quic

Quicquid rei vere competit, illud competit ipsi vel essentialiter: vel non essentialiter & extra essentialiter.

Hoc modo habemus immediatam oppositionem.

II. *An omne, cui competit essentialiter, dicatur etiam essentialiter?*

Neg. *Forma & materia*, si in *unione* sunt constitutæ, sunt *unum essentialiter*, hoc est, constituunt ambæ in *unione* *unum essentialiter*, quia sunt unius *essentia* partes *essentiales*; non vero sunt *unum essentialiter*, quia forma non est *materia*, nec materia est *forma*.

AXIOMATA.

I. Impossibile est idem simul esse & non esse.

Hoc axioma est *principium* cognoscendi omnium *primum*, cui fidem adhibet quivis, licet non doctus sit illud, quia nobiscum natum est. Intelligendum vero est, non tantum de *esse & non esse* præcise in summa *abstractione*, sed & de *hoc* vel *illo* esse *determinate*. Sicut enim recte dico: Impossibile est *ens* esse & non esse simul; ita recte quoque dico: Impossibile est *hominem* simul esse & non esse: & impossibile est idem simul *in-*

esse & idem non in esse. Ad hoc principium debent reduci, aut saltem reduci possunt omnes conclusiones & omnia axiomata, quae in Metaphysicis habentur. Omne enim, per quod conclusio aliqua probatur, si non est *primum* principium, quod est indemonstrabile, per *prius* aliquod iterum probari potest: istud iterum per aliud, donec ad *primum* deveniamus, in quo *subsistendum*. In illis enim *terminatur* demonstratio, ne detur *processus* in infinitum.

II. Non omne reale est simul essentiale.

Reale enim (ut supradictum) in generali significatione tantum denotat *veritatem competentiae*; *Essentiale* vero ad *veritatem competentiae* addit ejus *specialem* modum, ut competat aliquid rei *necessario*. Sed tribui aliquid rei *vere* potest, quod non hoc aut illo *veritatis* modo tribuitur. *Realis* unio est cultri & ignis, quando culter est ignitus; non vero *essentialis*, quia *terminus* unionis non est *nova essentia*, sed *unum per accidens*. *Realis* attributio est, cum homo *Metaphysicus* dicitur, non *essentialis*.

III. *Essentiale respective* non statim est *essentiale absolute*.

Quid hoc & istud sit, diximus sub praeepto
secun-

secundo.
non lice
pater est
vero qu
homo.

IV. C

no

In
quod d
dicand
peritu
infert.
mater
fit cor

secundo, unde apparet, quod ab *illo* ad hoc non liceat argumentari. Homini, *quatenus pater* est, *essentiale* est, habere filium; non vero *quatenus homo* est, alias infans non esset homo.

IV. Quod est de *materiali* rei vel termini, non est in *formale* ejus inferendum.

In omni conceptu considerandum est, quod de *formali* importat, nec de *termino* judicandum, quatenus in hac vel illa *specie* reperitur, sed ex eo, quod in modo *abstractionis* insert. Ratio axiomatis hæc est, quia, dum *materiales conditiones* inferuntur in *formale*, fit confusio *accidentalis* cum *essentiali*.

Partis Generalis.

LIBER II.

De Contemplatione Entis expressiore in attributis.

DOCTRINA GENERALIS.

CAPUT. I.

De Attributis seu Affectionibus Entis in genere.

Metaphysicam esse scientiam, demonstravimus in Proœmio. Scientia vero per demonstrationem acquiritur. Demonstratio autem in affectionibus infallibiliter probandis est occupata. Ergo & Metaphysica habebit affectiones, quas de Ente demonstret, modo scil. eo, quem p.26. descripsimus. Absoluta ergo simplici Entis contemplatione, qua consideravimus primum essendi momentum, quod præscindit ab omni attributo, pergimus ad contemplationem Entis quodammodo expressiorem & strictiorem, qua considerabimus Ens in secundo essen-

di momen
attributo

I. Aff

lissi

para

illu

sen

§. 1.

appella

cantur

est, cu

quid d

quod

debea

Hæc

non r

ad ta

nes c

diffi

tion

est i

scen

tion

& i

qui

pra

mi

di

di momento, quod exhibet *ens* cum aliquo attributo & in alio statu.

PRÆCEPTA.

I. *Affectiones* Entis sunt *conceptus* generalissimi, qui ex *Ente* per se fluunt, de eo *paronymice* & *convertibiliter* prædicantur, illudque in alio atque alio *statu* repræsentant.

§. 1. *Affectiones* entis sortiuntur varias appellationes. Communissimio vocabulo vocantur *affectiones*, quia *Metaphysica scientia* est, cujus natura requirit, ut *demonstret* aliquid de *objecto*, quod *afficit* illud. Nec obstat, quod *affectio Realiter* tanquam *peculiare ens* debeat esse *distincta* ab eo, cujus est *affectio*. Hæc enim *conditio* tantum *materialis* est, & non requiritur ad *affectionem absolute*, sed ad *talem*, nempe *prædicamentalem*. *Affectiones corporis, qualitas, quantitas, &c. realiter* differunt à *corpore*, ut *res à re*: Non ita *affectiones entis*. Ideo caute hic distinguendum est inter *affectiones prædicamentales* & *transcendentales*. Et licet olim terminus *affectiones* tantum *prædicamentilibus* applicatus & ita *contractius* usurpatus fuerit; tamen, quia jam habemus *conceptus*, qui omnia *prædicamenta transcendunt*, & tamen non minus quam *prædicamentales affectiones*.

58 *De Affect. Entis in genere.*

Subiectum aliquod afficiunt, illudque proxima a posteriori παρρησιας, & reciproce denominant (in quo ratio formalis affectionis consistit) ampliandus est terminus, ut & hi sunt eo comprehendi queant.

§. 2. Aristoteles 1. Rhet. & alibi *passiones* vocat πάθη seu *passiones*, quæ rei adsunt extra ejus *essentiam*. Hinc Metaphysici *Entis* quoque *affectiones* ita sæpe appellant.

§. 3. Alii affectiones vocant *proprietates* appellatione ex *Logica* desumpta, quæ prædicata *extra essentialia*, *neccessario* subiecto competentia, *propria* appellat. Hic terminus tamen, cum in *Metaphysica* adhibetur, iterum non ad angustias *Physicæ proprietatis* redigendus est, cum *propria Entis*, non ut *accidens* aliquod *subiecto* inhæreant, sed ad modo dictum modum ampliandus est.

§. 4. Quidam *affectiones* etiam vocant *conceptus transcendentis secundarios*, quia æque ac *ens* omnia *prædicamentorum* genera *transcendunt*, verum non æque *primo*. *Entis* enim *conceptus primum* terminat *intellectum* nostrum: *affectiones* vero non *primo* à nobis apprehenduntur, sed *consequuntur* demum *primum & summum* conceptum, qui ipsis loco *fundamenti* est.

§. 5. Usitata est etiam appellatio *affectionum*, qua dicuntur *modi*. Hæc vox ambigua est,

est, quod
Hic
attribu
afficit
tiale. S
& caus
commu
ni Ent
necessa
§. 6.
voca
tuun
affect
adda
pliati
Et si
attr
extr
§.
quo
nun
gen
pat
ver
titi
da
aff
se

est, quod in Exercitationibus deduximus.

Hic accipitur quatenus in *communissima* attributione *κατὰ φύσιν* eas afficit. Sic veritas afficit omne *Ens* tanquam aliquod *extra essentialē*. Sic *necessarium & contingens*, sic *causa & causatum*, &c. afficiunt *Ens κατὰ φύσιν*, in *communissima* tamen attributione, quia de *omni* Ente dicitur, quod sit *causa vel causatum, necessarium vel contingens*, &c.

§. 6. Tandem *affectiones* etiam alio nomine vocantur *attributa*, & ita rectius eas dici statuunt nonnulli, veriti forsan, ne per vocem *affectionis* enti *essentialiam* aliquam *novam* superaddant. Verum, si *affectio* debito modo ampliatur, hoc periculum non subest *termino*. Et sic penetrantius dicuntur *affectiones*, quam *attributa*, quia hæc interdum denominant *extrinsece*.

§. 7. Ab *appellatione* transimus ad illud, quod *generis vicem* sustinet in data *affectionum descriptione*. Id dicimus esse *conceptum generalissimum*. Nam cum *Ente* æque late patent *affectiones*, cum nullum possit *Ens* inveniri, cui non vel *simpliciter*, vel sub *distinctione* aliqua conveniant.

§. 8. *Differentiam* quasi in descriptione dant reliqua. Dicimus enim primo, quod *affectiones ex ente per se fluant*. Habent enim se ad *ens*, ut *essentialia consecutiva*. Unde simul

60 *De Affect. Entis in genere.*

simul patet, quod competant Enti à posteriori scilicet in ordine cognoscendi & concipiendi quod sufficit ad naturam affectionis. Prius cognoscimus *Eus*, quam unitatem ejus. Nam antequam de aliquo aliquid dicimus, illud quod dammodo scimus. *Ignotum non movet intellectum.*

§. 9. Dicimus porro, quod *paronymice de ente prædicentur affectiones.* Hoc ipso innuatur differentia inter *affectiones entis* & *species entis*, quæ ad partem specialem Metaphysicæ pertinent. *Species respiciunt ens synonymice & in abstracto.* *Affectiones vero respiciunt ens paronymice & in concreto.* De *substantia* dicitur in abstracto, substantia est ens, non ita de *bonitate*, bonitas est ens, quia tantum est *modus*; sed in concreto valet: *bonum est ens.*

§. 10. Nec prætereundum est, quod in descriptione dicitur, *affectiones prædicari de ente convertibiliter*, id est, posse cum ente reciprocari & converti. Nam quemadmodum dicimus, omne ens est unum, ita *reciprocè*, omne unum est ens; & ita porro in reliquis.

§. 11. Tandem *affectiones etiam distinctos status*, seu *rationes conceptibiles* in ente repræsentant. Una res est ens, & multis gaudet modis, quos quia mens nostra unico *adequate* conceptu non potest omnes apprehendere,

hendere, ideo *essentiam* jam sub hoc, jam sub alio modo concipit, unde distincti entis *status* oriuntur. Sic cum ens dicitur *unum*, repræsentatur in statu *indivisionis* : cum dicitur *perfectum*, in statu *indefectionis*, cum dicitur *verum*, in statu *conformitatis* ad *intellectum*, præsertim *Dei* repræsentatur.

II. Affectiones entis dividuntur in *unitas & disjunctas*.

III. *Unitæ* sunt, quæ *simpliciter & solitarie* de ente prædicantur, & absque *conjunctione* cum eo recipiuntur : e. g. *verum, bonum*.

IV. *Disjunctæ* sunt, quæ sub *disjunctione* de ente prædicantur, & sub complexu utriusque disjunctionis membri cum eo recipiuntur, e. g. *Ens est vel necessarium, vel contingens, & quicquid est vel necessarium vel contingens, Ens est*.

Fundamentum nostræ divisionis præcepto secundo traditæ præbent ipsæ affectiones. Quædam enim ita se habent; ut singulæ in *sensu unito* de quovis ente dicantur, & *unitim* cum eo recurrant. De omni ente dicitur, quod sit *verum*, sit *bonum* & *reciprocè*. Quædam vero non *simpliciter*, sed cum *disjunctione* de omni ente dicuntur, & in *sensu disjuncto* cum eo recurrunt, De omni ente non possum dicere quod sit *necessarium*,
nec

nec de omni, quod sit *contingens*, sed quod *dam ens est necessariam*, quoddam est *contingens*. Hæ duæ *particulares* tamen si *conjunguntur*, totam exhauriunt entis *latitudinem*, ut sub *disjunctione* liceat dicere : Omne ens est vel *necessariam* vel *contingens*, tertium non datur.

PROBLEMAT A.

I. An omnes affectiones respiciant ens paronymice & in concreto ? Aff.

Prædicantur enim de suo subiecto, *ente* scil. *extra essentialiter*, quæ est natura *paronymorum*. Quod *in concreto* respiciant ens, hoc probat usus loquendi philosophicus, *itidem natura paronymorum*. Non dicimus : ens est *unitas*, sed est *unum*.

II. In quo statu competant enti affectiones ?

Quadruplicem *statum* entis consideravimus supra ; quo scil. sit vel *fundamentalis*, vel *idealis*, vel *universalis*, vel *formalis*. Ex his *enti*, quatenus *affectiones* suas respicit, maxime competit *universalis & fundamentalis*. Hic propterea, quia toti doctrinæ *affectionum fundamentum*. Nisi enim ens, quatenus in *individuis radicatur*, haberet

affec-

affectiones, non posset in *genere* de ente dici, quod istis sit præditum. Nisi hoc & istud & illud, &c. ens esset *unum*, non possem dicere in genere *ens* est *unum*. Ille vero ideo enti convenit, quia non *semper*, nec *primario* (ubi *species* dantur) tractamus *individua*, sed plerumque *speciem* consideramus, quatenus *ens* est, licet possit descensus fieri ad *individua*. Sic dicimus, *homo*, quatenus *ens* est, (nam quatenus homo est, est *risibilis*) est e.g. *dependens*, licet possit hoc ipsum quoque dici de *Paulo* & *Johanne*.

III. *An affectiones differant ab ente realiter?*

Quidam statuunt affectiones ab ente *realiter* differre, scilicet secundum *analogiam*. Quidam hoc ipsum aliis nominibus efferrunt, & dicunt, quod differunt *modaliter*, scil. *ex natura rei*. Alii quod *formaliter*, scil. *secundum rationem tantum* distinguuntur: & horum nonnulli in suis scriptis fluctuant, ut non possis scire quid sentiant. Nos breviter ita hanc controversiam decidemus, quod quædam *formaliter*, ut *unitas* unius indivisibilis, *bonitas*, *dependentia*, &c. quædam vero *realiter* ab ente differant, quæ non *mutua* separatione præsertim cognoscuntur, ut *unitas* unius indivisibilis: e.g.

64 De Affect. Entis in genere.

anima & corpus in vita sunt unita, in morte perit unio. Sic compositio se habet, e.g. elementa in corpore misto sunt in statu compositionis, cum corrumpitur mistum, perit illa compositio. Ita etiam se habet communicatio, e.g. anima quamdiu in corpore habitat, corpori communicat suas facultates; postquam recessit, cessat communicatio.

IV. An Affectiones inter se differant realiter?

Distinguendum inter modos tantum distinctos, & simul oppositos. Illi inter se differunt formaliter, ut unitas, bonitas, &c. sunt distinctæ, non oppositæ affect. Isti vero distant realiter, ut causa realiter differt à causato, dependens ab independente, &c. propter oppositionem, quæ eodem respectu simul non potest esse in uno subjecto.

AXIOMATA.

I. Affectiones enti competunt, non entis modis.

Dux hic distinctiones sunt observandæ;
1. Modus sumitur vel abstracte, quatenus præscinditur ab essentia, & in sua formali ratione consideratur. Ita valet regula; vel concrete, quatenus simul implicat essentiam.

Ita

Ita non v
tali modo
niant aff
dens est
primario
analogia
enti, se
bus. S
positum
bus fe
realis,
quoque

II.

O
ens
fect
esse
vic

qu
cor
di
co
ti
c
c

Ita non valet regula, quia *essentia*, quæ sub tali modo *concrete* latitaret, omnino conveniunt *affectiones*. Recte dico, omne *dependens* est *finitum*. 2. Competit aliquid alii *primario*, alii vero *secundario* & secundum *analogiam*. *Affectiones primario* competunt *enti*, *secundario* & *analog.* etiam *affectionibus*. Sic unum dicitur vel *simplex* vel *compositum*. *Absolutum* & *respectivum* in omnibus fere occurrit *affectionibus*; distinctio *realis*, secundum *analogiam* competit *modis* quoque *oppositis*, &c.

II. *Affectiones enti* non addunt aliquid *positivi*.

Omne enim *positivum* specialiter dictum *ens* est, & omne *ens* habet *affectiones*. Ita *affectio* iterum haberet *affectiones*, quia *ens* esset; ipsius *affectiones* iterum *alias*, quia vicissim *ens* essent, & sic in *infinitum*. Istud, quod addunt, est cujusvis affectionis *propria conceptibilitas*, quam à conceptu *essentia* distinctam habet. Ista vero conceptibilitas consistit vel *negatione*, ut conceptus *unitatis* in *indivisibilitate*; vel in *respectu*; ita conceptus *causati* respectum involvit ad *causam*; vel in *peculiari statu*: quomodo elementum *alio* in *statu* est, antequam *mistum* intrat, quia tum est *completum*, & vicissim
in

66 De Affect. Entis in genere.

in alio, quando *mistum* cum aliis constituitur
sic enim est *incompletum*.

III. Affectio non *exterminat* ens, sed de-
terminat.

Modus sequitur *rem*, & accommodat se
ad *indolem entis*, non vero ipsi *opponitur*.
Sed posset objici, *corruptibilitas* est *affectio*
entis; ista vero *destruit rem*, cujus est *affe-*
ctio. Resp. Verus sensus axiomatis hic est:
Nulla affectio est contradictoria suo subjecto.
Quando ergo dico, *creatura est corruptibilis*
nulla inest propositioni *contradictio*: præ-
dicatum non *repugnat creaturæ*, sed ejus
naturam arguit, quod non sit *immutabilis*,
quia alias *Deus* esset.

Do.

Doctrina Specialis.

DE

Affectiōibus in Specie.

TRACTATUS PRIOR:

De Affectiōibus Unitis.

CAPUT II.

De affectiōibus Unitis in genere.

PRÆCEPTA.

I. Affectiōes *unitæ* sunt vel *primariæ*, vel *secundariæ*.

Distinctio hæc *unitarum* affectiōum inde pronascitur, quia *quædam* eorum, quæ *simpliciter* de ente prædicantur, magis *intrinsece* cum *essentia* ejus sunt *connexa*, adeoque ipsam *essentiam* *penetrantius* sub sua *conceptibilitate* exprimunt: *quædam* vero non *extrinsecus* *essentiam* rei implicant, & magis *finis* *essendi*, quam ipsum *esse* involvunt. *Ista* dicimus *affect. primarias*; hæc vero *secundarias*.

II.

68 *De affect. unitis in genere.*

II. Affectiones unitæ primariæ sunt tres
unitas, veritas, bonitas.

Hæc inter se *differunt* ut absolutum, respectivum, & indifferens. Nam *unitas* est affectio *entis absoluta*, quæ absque ullo respectu simpliciter essentiam sub indivisione denominat. *Veritas* est proprietas *respectiva*, quæ in sua conceptibilitate subinfert relationem ad intellectum, eamque enti essentiali à posteriori. *Bonitas* vero *indifferenter* se habet ad absolutum & respectivum. Bonum enim dicitur aliquid vel *in se*, vel *in respectu ad aliud*. Bonum *in se* alio nomine *perfectum* dicitur: Bonum *ad aliud* peculiari nomine caret, & generis sui appellationem retinet, ita ut bonum in specie dicatur.

III. *Secundariæ* sunt: Duratio, ubiætas & cognoscibilitas.

PROBLEMAT A.

- I. *An perfectio transcendentalis sit entis affectio; & si affectio?*
- II. *An pertineat ad disjunctas, an vero ad unitas; & si ad unitas?*
- III. *An peculiaris sit affectio?*
- IV. *An vero ad bonitatem sit referenda?*

Deliberandum diu, quod statuendum semel.

mel. De *perfectiōe transcendentali* magnæ apud Metaphysicos inveniuntur dissentiones. Alii eam plane è Metaphysicis affectionibus exterminant. Alii, licet eam admittant, locum tamen competentem ipsi non assignant. Ad quatuor autem potissimum sententias revocari possunt diversa Philosophorum judicia.

I. Sunt, qui contendunt, *perfectiōem transcendentalem* non esse *affectionem* entis, sed *ipsam ejus essentiam*, alio tantum nomine expressam, & ideo potius ad *Synonyma* esse reducendam, uti res, aliquid, natura, &c. Rationem dant hanc, quia nihil addit enti. Resp. *Positivum* quid rigoroſe dictum non debet addere enti *affectionem*. Propriam autem *conceptibilitatem* quod non addat, falso putatur. Omnino superaddit enti *negationem defectus in esse*, id est, dicit nihil eorum abesse, quæ ad *essentiam* rei requiruntur. Sed dicunt, sine *perfectiōe essentiali* non potest ens concipi, ergo non habet *propriam conceptibilitatem* à conceptu *entis* distinctam. At quidni possit? Cum concipimus *essentiam præcise*, concipimus quidem rem *perfectam*, interim tamen non simul intellectus noster *distincto & expresso* conceptu inuenietur ipsam *indefectibilitatem*, etsi ipsa *implicetur* sub voce *essentiæ* (uti Dn. Scheiblerus

blerus loquitur) Quemadmodum, cum *sentiam* apprehendimus, ita tamen, ut non simul *distincte & expresse* penetremus in *visibilitatem*. Ergo *perfectio* habet *propria conceptibilitatem*, & per consequens *formaliter* ab *ente* distinguitur. Contra hanc primam sententiam facit & hoc, quod *perfectio* de *ente* non *οὐκ ὀνείμας*, ut ipsam *essentiam* exprimat, sed tantum *παρὼνείμας* dicatur, quod *affectio* indolem arguit (cæteris paribus) Recte dicimus, *ens* est *perfectum*: *perfectam*, *ens* est *perfectio*, sic enim receptus *usui loquendi Philosophico* vis infertur.

2. Statuunt non pauci, eam numerandam esse *inter disjunctas*, ut dicatur: omne *ens* est vel *perfectum*, vel *imperfectum*, etiam tum, quando de perfectione *essentiali* res est. Ad illud obtinendum hoc atque illud *ens* imperfectum producant, utpote *dispositionem* ad habitum, quantitatem *crescentem*, *infirmam* fidem, *motum*, &c. Nos *imperfectio* *accidentalem* in plerisque horum & similibus dari facile damus; sed à *Metaphysico essentialis*, quæ *transcendentaliter* *ens* denominet, & in ipsa *essentia defectum* esse dicat, postulatur. Hanc nullo modo dari, neque allegatis exemplis inesse affirmamus. Primum & invictum principium est: *Impossibile est idem simul esse & non esse.*

Ergo

Ergo in
est, non
tur; es
ens voc
ret ad
indivisi
vel to
3. I
fectio
maria
quia
ab en
fert;
mod
unit
fect
dic
ter
non
est
fur
pu
ter
qu
se
F
in
d

Ergo impossibile etiam est, quoddam, quod est, non habere *omnia* quæ ad *esse* requiruntur; *esset* enim & *non esset* simul. *Esset*, quia *ens* vocatur, *non esset*, quia non *omnia* haberet ad *essentiam* necessaria, quæ tamen in *indivisibili* consistit, adeo, ut vel *tota adsit*, vel *tota absit*.

3. Dantur etiam, qui statuunt, quod *perfectio* constituat *peculiarem* inter *unitas* primarias *affectionem*. Ratio eorum hæc est, quia datur ad huc aliquod *prædicatum*, quod ab ente *positivo reali actuali* formaliter differt, illud *adequate* & *reciprocè* denominat & modificat, & tamen ad nullam reliquarum *unitarum* referri potest. Illud vocant *perfectiorem*, cujus *propriam conceptibilitatem* dicunt esse *negationem defectionis*. Verum *termini* præter *necessitatem* multiplicandi non sunt. Non sine gravi causa deferenda est veneranda antiquitas, juvandi potius sunt, quam de ponte dejiciendi senes. Nos putamus, quod possit commode ad *bonitatem* referri.

4. Quarta ergo sententia de *perfectione*, quæ mediam viam tenet, nostra est, quod scilicet *perfectio* ad *bonitatem* referenda sit. Fundamentum nostræ sententiæ positum est in notissima illa distinctione, qua *bonum* dicitur vel *absolute*, vel *respective*. Bonum
abso-

absolute sic dictum est ipsum *perfectum* formaliter. *Bonum* *respectively* dictum est illud quod communiter hoc nomine venit. *Præ* *no*riorem deductionem ad caput de *Bonitate* reservamus.

CAPUT III.

De Unitate.

PRÆCEPTA.

Aquivocationis evolutio.

I. *Unitas* est vel *per se*, vel *per accidens*. *Unitas per se* est, quæ sine complexione *plurimum* entium *completorum* exhibet *ens per se*, quatenus illud est *indivisum* in sua *essentia* vel *hypostasi*. *Unitas per accidens* est, quæ *plura* entia *completa* per *extra essentialem* conjunctionem redigit ad *aliquam* indivisionem, & ita *ens per accidens* exhibet. Fit hæc vel per *concretionem*, vel *aggregationem*, vel *consociationem*.

§. 1. *Unitas per se* mox pluribus explicabitur Theor. 3.

§. 2. *Unitas per accidens* non uno, sed pluribus entibus absolvitur, quod descriptio nostra expresse indicat. Quæ enim unum

per

per *accidens* dare debent, non possunt inter se *essentialiter* idem esse.

§. 3. Porro *plura* illa *entia*, ex quibus *unum* per *accidens* constituitur, *completa* sint oportet, cum *incompleta* ordinentur ad *indivisum* aliquod per se constituendum. E. G. Quando *materia* & *forma* uniuntur, licet *plura* sint, tamen *unum* per se inde resultat, sunt enim duo *incompleta* entia, quæ per modum *ἐντελεχίας* & *συνδύσεως* se respiciunt. Hoc modo ad se invicem se non habent entia *completa*. Ferrum, five cum igne, five cum auro, vel quacunque alia re conjungatur, non aliud nisi *unum* per *accidens* cum eo constituit. Hinc nata est regula Philosophica: Ex *duobus completis* non fit *unum per se*.

§. 4. Requiritur etiam ad *unum* per *accidens* conjunctio *extra-essentialis* deprompta ab aliqua *ᾤσσει*, quæ enti ipsi, *quatenus* ens est, *intrinsece* non competit; qualis *habitus* est, cum propter unitatem *loci*, aut *temporis*, aut *alius* cujusdam conditionis *extrinsecæ* quibusdam actu *divisis* entibus tribuitur aliqua *unitas*: ut cum *multi* homines sunt in *uno* templo, *multi* simul *eodem* tempore vivunt: *multi* simul *unam* constituunt Rempublicam, &c.

§. 5. *Terminus* conjunctionis *plurium*, eo-

D

rum-

rumque completorum entium est aliqua *invisio*. Quæcunque enim de *unitate* aliquo modo participant, illa quodammodo etiam ad *indivisionem* tendunt. Qualiscunque *unitas* qualemcunque infert *indivisionem*. Cum autem plures dentur gradus *divisionum* quæ *unitati* obstant, non *universos* negat hæc *indivisio*, sed per certi gradus remotionem *unum* tale per *accidens* constituit. Sic exercitus *indivisio* negat *divisionem* respectus ad *diversos* duces. Sic *indivisio* aquæ salis negat *divisionem* localem. Unde & hoc patet scilicet, quod *unum* per *accidens* recipiat magis & minus. Magis *unum* per *accidens* est, quod admittit distantiam localem (expressissimum istum *divisionis* gradum) ut exercitus; quantum quod sine hac distantia *unum* est, ut aqua salis, ferrum ignitum, &c. quia illud magis ab uno per se ejusque natura recedit: hoc vero propius ad ejus indolem accedit.

§. 6. *Unitas* per *accidens* fit vel per *concretionem*, quando scilicet *accidens* cum suo *subiecto* (ut in homine dicto) vel etiam *accidens* cum alio *subiecto* conjungitur, & quasi *concrevit*, ut *Mathesis* & *Medicina* in *Medico-Mathematico*; Vel per *aggregationem*, quæ plures res per se *divisæ*, sive *cum*, sive *sine* aliquo ordine per *conjunctionem* aliquam accidentalem *indivisionem* sortiuntur. Cum

ordine aggregatum est e. g. respublica, & dicitur *ordinatum*: sine ordine, e. g. strues lignorum, & dicitur *inordinatum*; Vel per *con-sociationem*, quæ plerumque inter contactum localem, quo res vel leviter cohærent; & per externam *appositionem* sibi junguntur, ut per gluten, futuram, &c. vel suo modo *intrinsecus se permeant* (licet citra unionem essentialem, quæ constituat unum per se) ut fit in aqua calida.

II. Unitas est vel *rei* vel *rationis*. Unitas *rei* est, quæ citra omnem *intellectus* operationem enti *intrinsece* in statu *singularitatis* competit. Unitas *rationis* est natura aliqua *communis*, per operationem *intellectus* à multis *abstracta*, & aptitudinem habens *essendi* in multis.

§. 1. Hanc *distinctionem* quidam referunt ad *disjunctas* entis *affectiones*, ut vi istius dicatur: omne ens est vel *universale* vel *singulare*. Verum *affectiones* sunt *reales*, & competunt enti præter *mentis* nostræ operationem *intrinsece*. Ergo illam ad *distinctiones* unitatis referimus, easque non *reales*, sed *nominales* tantum, quia nuda unitatis *equivocatio* per istam insinuatur.

§. 2. *Universalitas* vero seu unitas *rationis* sumitur vel *materialiter*, pro *convenientia* multorum *singularium* in *aliquo esse*, &

fic dicitur universalitas *in multis*, ut homo videt, leo videt, equus videt, ergo visus universaliter iis inest. Vel, *formaliter*, per naturam *abstractam* à singularibus, & præcipue sub unitate representata, quæ *divisim* in pluribus multiplicari potest; & sic dicitur universalitas *post multa*. Sic ab homine & bruto *abstrahitur* animalitas.

§. 3. Porro universale est vel in *causando*, scilicet *causa* universalis; Vid. cap. 16. vel in *prædicando* scil. *propositio* universalis: vel in *essendo*, ad quod (ut ex præcedentibus patet) requiritur *realis* multiplicitas & *mental* unitas: vel in *cognoscendo*, scil. *signum* aliquod sive *in animo* sive *extra animum*, quod plura representat.

§. 4. Unitas *rationis* seu universalitas per se non spectat ad contemplationem *unitatis*, quia *re* non datur, qualem tamen hic quaerimus, sed tanquam *extrinseca* enti ex operatione *intellectus* nascitur.

§. 5. Sed nec unitatem *quantitativam*, quæ per sui collectionem *numerum* efficit, hic investigamus, verum *entitativam*.

Formalis ratio.

III. Unitas est *indivisio* entis (i. e. *negatio* divisionis essentiae, ut illa à seipsa *non* sit *divisa*.)

§. 1. Remota unitate per *accidens* & unitate *rationis*, ad unitatem *rei* & per *se* nostram designamus mentem. Hujus *formalem* rationem dicimus esse *indivisionem*, quod indicatur *tum ex opposito unius*, quod est *multa*; nam *multa* dicimus, quæ à se invicem *divisa* sunt, ergo *unum* erit, quod *non est divisum* à se; *tum ex modo apprehendendi* nostro; nam simul ac *unitatem* audimus, mens sibi talem format conceptum, quo res non *divisa*, non *separata* à seipſa ſiſtitur. Unde quidam dicunt, quod *indivisio* possit vocari *indiscrepantia* entis à seipſo.

§. 2. Exprimimus autem unitatem per *actum* potius, quam per *potentiam*, & dicimus eam consistere in *indivisione*, non in *indivisibilitate*. Mens enim nostra, cum unitatem *formaliter* apprehendit, non simul attendit, an sit *divisibilis*, an *indivisibilis*, sed abſtrahit à *divisibilitate* (seu capacitate ad solvendam unitatem) & *indivisibilitate*. Dicit ergo *unitas* negationem *divisionis*, non *divisibilitatis*; quia datur etiam *unum* per se *divisibile*.

IV. Unitas est vel *indivisibilis* vel *divisibilis*. *Indivisibilis* est, juxta quam ens ita *indivisum* existit, ut neget plura *realiter* distincta, in quæ *resolvi* possit. *Dicitur etiam unitas simplex & simplicitas*.

§. 1. Mens nostra cum unitatem *abſtracte*

considerat sub *actu* indivisionis, non sollicita est, an illud quod *actu* indivisum est *potentia* sit divisibile. Cum vero *particularia* intuetur, *distinctionem* animadvertit.

§. 2. Dividitur autem unitas *indivisibilis* in eam, quæ *absolute* talis est, & quæ *secundum quid*. Unitas *absolute* indivisibilis competit *soli Deo*, & distinguitur in eo ab ista, quæ *secundum quid* dicitur, quod *independenter*, citra participationem *extrinsecam* ab alio *essentialiter* priore *indivisibilis* est.

§. 3. Unitas *divisibilis* est, juxta quam ens ita *indivisum* existit; ut contineat in se plura *realiter* distincta, in quæ *resolvi* possit. Dicitur etiam unitas *composita* seu *compositio*.

In hac Unitate *plures* res concurrunt, & sic unum *indivisum* constituunt. Sic e. g. Homo est unus, non unitate *indivisibili*, quia continet in se duo *realiter* distincta principia, in quæ *resolvi* potest, scilicet *animam* & *corpus*.

IV. *Unio* est concursus *plurium* ad unum aliquod *indivisum*.

§. 1. Unitatis *divisibilis* modo explicatæ principium est *Unio*, propterea & ista hic deducenda. Sumitur vero *unio* vel in *actu*, & sic idem est, quod unitio, scil. *actio* conjungens; vel in *statu*, & ita denotat *conditionem* rerum

rerum ad *indivisionem* aliquam reductarum. Nos hac vice considerabimus eam in *statu*, misso *actu*, qui *transitorius* est.

§. 2. Unio est vel *verbalis*, in *nuda vocum* convenientia; vel *realis* in *concurso* plurium distinctorum *entium* ad *unum* aliquod *indivisum* constituendum, consistens. *Realis* est vel *per se*, quæ analogice iterum dividitur in *Essentialem* & *Personalem*; vel *per accidens*, & dicitur unio *accidentalis*.

§. 3. *Essentialis* est, qua *plura incompleta* ad *se invicem ordinata* in *intrinseca communi*one ad *unum indivisum essentiali* concurrunt. Sic *essentialiter* uniuntur *forma* & *materia* in corpore. Atque hæc unio non tantum est in *composito essentiali*, sed etiam *integrali*, quia & in hoc *una per se essentialis* (licet *partialiter respectu materie*) resultat. Sic *elementa* in multis *unita* sunt *essentiali* unione. *Analogice* autem unio *essentialis* est inter *partes integrantes*.

§. 4. Unio *personalis* est, qua *duæ naturæ* ita uniuntur, ut constituent *unam personam*. Huius exemplum præter *SalvATOREM* non datur.

§. 5. Unio *accidentalis* est, qua *res plures accidentaliter conjunguntur* ad *unum per accidens constituendum*. Hæc datur vel inter *accidens* & *substantiam*, ut in docto: vel inter *accidens* & *accidens*, ut in pomo *sapor* &

odor; vel inter *substantiam* & *substantiam* quæ concurrunt vel per *confusionem*, ut decoctis medicis; vel per *aggregationem*, in acervo tritici; vel per *assistentiam*, in *contiguis*, quam *continuis*. Unio accidentalis distinguitur etiam in *interiorem* & *exteriolem*.

PROBLEMATATA.

I. An divisio ab alio sit essentielle requisitum unitatis.

Quidam hoc affirmant, & ideo talem *unius* descriptionem dant: unum est, quod in se *indivisum* est, & *divisum* à quolibet alio. Verum *divisio ab alio* relationem infert *ad aliud*. Unitas vero est affectio *absoluta*, proinde *absolutam* postulat *formalem* rationem, *Multitudinis* potius *essentiale* requisitum est *divisio*, secundum vulgatam descriptionem: *Multitudo est rerum divisio, per quam entia multiplicantur & inter se divisa sunt*; proinde non potest simul implicari in *essentia unitatis*, quæ *multo* opponitur. Potest etiam sine *divisione* ab alio *unitas* esse citra ullam imperfectionem, quia Deus omnino *unus* esset, & quidam *perfectissime*, si omnes suas creaturas (quod per absolutam potentiam potest) destrueret, sicuti *perfectissime* unus fuit antequam eas creavit. E.

II. An unum & multa indicent disjunctionem entis affectionem?

Neg. Vox *multa* duplicem potest habere significationem. Primo enim notare potest *multas partes* unius entis, ut ens dicatur *multa*, quod *multas* habet *partes*. Hoc modo affirmari posset thesis, quia sic divisio entis in *unum* & *multa* æquipollet divisioni in *simplex* & *compositum*. Sed hæc acceptio minus conveniens est. Secundo vox *multa*, quando de *ente* (non *entibus*) dicitur, potest accipi pro *uno per accidens*, quod *multa* in se continet, & ita distinctio entis in *unum* & *multa* coincidit cum distinctione inter *unum per se* & *per accidens*. Verum hæc distinctio est tantum *nominalis* & *equivoca*; *Disjunctivæ* vero affectiones dicunt *distinctiones* in inferiora *paronymica*. *Unum* & *multa* in nudo *nomine* non conveniunt; nam *multa* non sunt *ens*, sed *entia*: *Disjunctivæ* vero affectiones in aliquo conceptu *reali* conveniunt.

III. Quenam inter unitatem & multitudinem intercedit oppositio?

Resp. *Multitudo* variis modis *unitatem* respicit, & propterea etiam aliter atque aliter ei opponitur. *Primò* multitudo est rerum *potentia divisarum*, id est, à se invicem, *divisibilium*,

bilium, quales sunt partes *integrantes* in toto. *Hæc* multitudo si comparatur ad *istum* unum, quod omnes partes continet, tum quatenus *omnes* partes *simul* sumuntur, multitudo *unitati* plane non opponitur, & ita non *re*, sed *ratione* tantum ab ea discrepat. Si vero *una* pars confertur cum *reliquis* e. g. cor cum omnibus aliis *corporis* partibus, *istius unitas* harum *multitudini* per *contradictionem* implicitam opponitur. *Multum* enim involvit *non unum*; & unum negat *divisionem* quam ponit multitudo. *Secundo* datur etiam multitudo rerum *actu divisarum & separatarum*, ut cum multi homines congregati in foro. *Istæ res vel non spectant ad unum aliquam communem essentiam*, ut homo, leo, equus, canis, &c. Horum unum si cum reliquis sub conceptu unius & multi *formaliter* confertur, *oppositio* itidem est *contradictoria* scil. implicita, *Vel unam essentiam antea constituerunt aut constituere debuerunt*, partes *integrantes* separatae. *Talium* multitudo quando comparatur ad *istam* unitatem, quam res omnes antea *habuerunt* vel *habere debuerunt*, opponitur illi *privative*: talis enim multitudo *defectum* notat. *Hæc* quæ jam dicta sunt, eo tendunt, ut ostendatur quomodo *unitas & multitudo* sibi opponantur in *formali*, quod in *indivisione & divisione*.

vision
nunt
rus d
sta.
com
num
nam
part
non
cit
plic
tas
Et
du
let

fu
n
n
l

vifi.

visione consistit. Nam quoad *materiale* opponuntur etiam *relative* & *contrarie*. Numerus definitur *multitudo ex unitatibus* collecta. Quatenus ergo multitudo *numerica* componitur ex *unitate*, quæ est *principium* numeri, eatenus exsurgit oppositio *relativa*; nam *numerus* respicit *unitatem* tanquam *partem* sui aliquotam, & absque ea intelligi non potest; & *unitas* (*Arithmetica* scil.) respicit *numerus*, eumque in conceptu suo implicat. *Contrarie* etiam sibi opponuntur *unitas* & *multitudo*; quando, misso illo respectu, *unum*, & *multa* considerantur, tanquam duo *positivi* termini, ex quibus cognosci solet *contrarietas*.

IV. Quid unitas enti superaddit ?

Scinduntur in hac controversia *Metaphysici* in varias sententias. Quidam *negationem*, quidam *positivi* quid, quidam *privationem* putant superaddi ab *unitate*. Nos singulas examinabimus, ut veram inveniamus.

I. Ad *positivum* quod attinet, tale quod non superaddat *unitas*, ita probamus: Si *unitas* est in se *ens reale*, & omne *ens reale unitatem* pro *affectione* habet, sequitur, quod etiam *ipsa unitas* tanquam *ens* pro *affectione* habeat *aliam unitatem*. Consequens est absurdum, quia ista *unitas* iterum *aliam*, & hæc *aliam*.

aliam haberet, usque in infinitum. Ergo in uno
& antecedens. *divisibilis*

2. Sunt, qui *privationem* enti per *unitatem* superaddi putant, non quidem *strictè* secundum dictam, in *similitudine* tamen ipsi respondentem. Ratio ipsorum hæc est, quia *unitas* semper adhæreat enti *reali*, sicut *privatio*. Verum *privatio* dicit *absentiam* ejus quod *ordinarie* solet *inesse*. Sequeretur ergo, quod *multitudo* (cui opponitur *unitas*) *ordinaria* esset *affectio* entis, & potiori quidem jure, quam *unitas*, cum tamen per *multitudinem* non *ens* denominetur, sed *entia*. *2. datur unum in an men liter Q (divi visi qui eju con fa sp*

3. Quia ergo *unitas* non superaddit enti aliquid *positivi*, vel *privativi*, relinquitur, quod addat *negationem* scil. *divisionis*, una voce *indivisionem*. Hæc competit enti *reali*, non quasi ipsi adhæreat (ut loquuntur) instar *privationis*, sed quia de ente *reali* aliquid negat.

V. An unitas consistat in indivisibilitate?

Neg. 1. Quia *formalis* ratio cujusque *affectio* *abstractissimum* ejus debet sistere *conceptum*, qui dicat, *qualis* in se sit, non *quomodo* in tali vel tali *specie* se habeat. *Indivisibilitas* naturam *unitatis* *indivisibilis* exprimit, quæ *species* unitatis est, non *unitas* *abstracte* sumpta, quam *mens* apprehendit in

in uno, antequam, an *indivisibile* sit, an *indivisibile* cogitet.

2. Quia (quod ex prima ratione fluit) datur etiam unitas *divisibilis*. Equus fane unum quid est, & nihilominus potest dividi in animam & corpus, Sol unum est, & tamen ex materia & forma constat, quæ realiter à se invicem distinctæ sunt.

Quicquid ergo repugnat *speciei* unitatis (*divisibilis* unitas simul non potest esse *indivisibilis*) illud non est *formalis* ratio ejus, quia nulla *formalis* ratio repugnat *speciebus* ejus, cujus est *formalis* ratio. Quantitatis *continue* *formalis* ratio est *extensio*. Ea fane est in *linea*, *superficie* & *corpore*. Nulla species eam respuit.

VI. *Utrum ad complendum unitatis conceptum, seu ad formalem rationem concipiendam indivisioni adjungenda quoque sit incommunicabilitas, ut res simul ut singularis apprehendatur.*

Neg. 1. Quia, si alia *transcendentia* ad suam *formalem* rationem unum tantum conceptum admittunt, probabile est, *unitatem* multo magis uno conceptu contentam esse.

2. Quia *incommunicabilitas* illa *quiddativa* non est *adequata* unitati proprie dictæ, sed *latius* patet; determinat quidem unitatem

tem rei & excludit unitatem rationis, quoniam in rebus universalibus cōvenit; Interim tamen non huntur circumscribit unitatem *per se*, sed etiam ope in quæ *per accidens* dicitur, communis est. Hæc terialit & istud ens *per accidens* (e. g. mundus) ta sing plura ejusdem naturæ divisibile non est unive ergo *quidditative* est *incommunicabile*. IX.

3. Quia consistere potest cum eo, quod unitatem *per se* tollit ac destruit, scilicet cum ente *per accidens*, quod *intrinsece* divisum est in plura entia *completa*, qua divisione data, tollitur indivisio unitatis *per se*. Ne invio

VII. *An universalitas & singularitas sunt disjuncta entis affectio?* gula emp etia fals op ta su te m p f

Neg. Multi hoc statuunt, sed non adeo commode. Universale enim in *essendo*, quod proprie hic intelligunt, non est *reale* quid, nec citra *mentis* operationem in rerum natura datur. At *affectiones* entis sunt *reales*, & rei competunt, etiam nullo hominum cogitante. Alterum ergo membrum cum cadat, non exsurget inde *disjuncta affectio*. Sed quid de *singularitate* statuendum est? Resp. Ea pertinet ad unitatem, est enim ipsa *unitas rei*, de qua supra egimus.

VIII. *An universalia citra mentis operationem dentur in rebus?*

Neg. Universalia *formaliter* non dantur in.

in rebus citra mentis operationem. Abstrahuntur enim à multis singularibus, quod ope intellectus fit. *Fundamentaliter & materialiter* ea dari in rebus qui dicit, ille multa singularia, quatenus singularia sunt, dicit universalia.

IX. *An unio realis recte dividatur in essentialem, suppositalem & accidentalem?*

Neg. Membra dividenda non debent sibi invicem esse *subordinata*. Contra hanc regulam peccat ista *divisio*, quia pleraque exempla suppositalis unionis sunt accidentalis etiam Exempla; quod de ferro ignito, aqua falsa, elementis in misto &c. clarum est. Sed opponitur: Sufficit si *formaliter* sint opposita, licet *materialiter* se contineant. Verum *suppositalis & accidentalis* non sunt *formaliter* opposita. Nam de unione suppositali *formaliter* considerata in plerisque exemplis potest dici oppositus terminus secundum *formale*, scilicet unio accidentalis, e. g. ferum ignitum, &c.

Formaliter autem opponi dicuntur ea, quorum *formales rationes* opponuntur. Propter hanc ergo difficultatem nos supra *accidentali* unioni opponimus non *suppositalem absolute* & in tota sua latitudine sumptam, sed *talem*, scilicet *personalem Salvatoris nostri*; Hæc enim non constituit unum per
acci-

accidens ; nec tamen in *unam essentiam* eam coaluerunt *duæ* in Christo *naturæ*, *essentialis* dici possit.

X. *Utrum unio personalis constituat unum per se, vel per accidens?*

Resp. Dat unum *per se*. Ubi tamen adhibenda est distinctio (quæ applicatur etiam *distinctioni reali*, quando personæ SS. Trinitatis dicuntur *realiter distingui*) inter unum *per se* *strictè* ita dictum, & *secundum analogiam*. Illud dat *essentialis*, hoc vero *personalis* unio. Ratio, cur Christus sit unum *per se*, hæc est, quia humana natura non est, nec fuit unquam (secus ac ignis in ferro, &c.) *per se completa* ratione *subsistendi*, sed ad divinam naturam se habet per similitudinem *potestatis ad actum*; ita ut hoc modo hîc valeat simile *Athanasii* in Symbolo: sicut anima rationalis & caro *unus* (*per se*) est *homo*: ita Deus & homo *unus* est *Christus*. Illustrabo rem alio adhuc simili: In mistis corporibus sunt principia chymica: illa una cum elementis & forma specifica constituunt unum *per se* (non *per accidens*) non quod non sint completa in *essendo*, sed quia non sunt nec unquam fuerunt completa in *subsistendo*.

AXIOMATA.

I. Omne ens est unum.

Uni-

Unitas enim est *adæquata* affectio entis, non *latissime* sumpti, sed quod subiectum *Metaphysicæ* positum est. Hinc *unitas* æque late patet, ac ipsum *ens*, ut liceat dicere: Quod non est *unum*, illud ne est quidem. Ratio regulæ hæc est, quia, quod non est *unum*, illud est *multa*. *Multa* autem non sunt *ens*, sed *entia*; & si *multa* non ab *uno* sustentantur, *nihil* sunt. Objicitur vero ex *Scaligero* Ex. 95. s. 3. alicujus rei essentiam esse, non esse unum, scil. *numeri*; quia nempe numerus constat *multis unitatibus*. Verū numerus non est *unitas transcendentalis*, sed *multitudo* scil. aggregatum ordinatum, adeoque ens *per accidens*, quod *unitati transcendentali*, quæ ens *per se* arguit, opponitur. Numerus ergo sub subiecto nostræ thesios non continetur, quia ens *per accidens* est, unde oppositio nulla est.

II. Omne quod est, eo ipso quia est, singulare est.

Loquitur regula de ente *reali*, objecto *Metaphysicæ*: non de ente *rationis*, quale est universale. Quod ergo de objecto non participat, illud per axiomata ab objecto promanantia dijudicari nequit. Omne ergo ens *reale* habet *unitatem rei*, hoc est, est *singulare*, & quidem ideo quia *est*: nam ipsa *essentia* rei est principium *individuationis*. III.

III. Unitas per se non arguit entis
fectionem.

Quia scil. jam ante *perfectum* est. Possi non
mus in comparatione hominem & solē *visibili*
Uterque *unum* quid est: Uterque habet *in* E. in ea
tatem divisibilem; & solis quidem unitas quando
detur esse major, quam hominis, quia sol *sonarum*
plicior est homine. Si ergo ex unitate *strictē*
fectio esset æstimanda, sol esset *perfectior* ho
mine. *Unitas* ergo per se tantum dicit re
vel *perfectiōis* vel *imperfectiōis* indivisiō
nem. Interim non negamus, quod *unitas* in
terdum etiam sit *comes perfectiōis*, & tan
quam externum indicium eam ab imper
fectiōe distinguat, quod *Vallesius* in *sacra*
Philosophia c. 46. p. 163. asserit, dum dicit:
‘Cum multi sunt viventium *gradus*, qui per
‘*fectiōe* & *imperfectiōe* distinguuntur, quo
‘quidquam est *perfectius*, eo *partes* ejus ma
‘jorem habent *unitatem*, minusque vivere
‘possunt, nisi in toto. Plantarum partes
‘dissectæ vivunt & germinant, si seorsim in
‘terram infiguntur. Reptilia dissecta in mul
‘tas partes vivunt, &c. Sed hæc nota per
‘*fectiōis* est tantum *particularis*.

IV. In unitate indivisibili non datur unio.

Diximus supra, quod *unio* sit principium
unitatis divisibilis, ut intelligeretur eam ab
indi.

Indivisibili excludi. Ubi enim non dantur *plura* realiter distincta, quæ *uniri* possint, *ibi* non datur *unio*. At in unitate *indivisibili* non dantur *plura* realiter distincta, *E.* in ea non datur *unio*. Unde patet, quod quando Theologi dicunt, unionem dari personarum SS. Trinitatis, eos non loqui *strictè* & in rigore de unitate, sed late.

CAPUT IV.

De Veritate.

PRÆCEPTA.

Æquivocationis evolutio.

- I. Veritas est vel Metaphysica, vel Logica, vel Ethica.
 - II. Veritas *Metaphysica* est conformitas rei cum intellectu divino.
 - III. Veritas *Logica* est conformitas conceptus, vel orationis cum re ipsa.
 - IV. Veritas *Ethica* est conformitas verborum gestuum, & actionum cum corde.
- Natura veritatis *Metaphysicæ* Theorem.
 12. excutietur. Veritas *Logica* conspici-
 tur præcipue in *enunciationibus* veris, qua-
 les sunt, quæ cum *norma* sua, *rebus* ipsis scil.
 uti

uti in natura sunt, consentiunt. *Ethice* atque
 rax est, in quo *mens*, *cor* & *os* consentiunt, *vocabu*
loquitur, quod *sentit*, & talem præ se *scrib*
 qualis est. Ad hanc veritatem non requir
 tur, a
 præcise, ut res se ita habeat, uti *recensetur*, *viror*
 do is, esse qui loquitur, rem *aliter* non *serm*
 Hinc asserere non dubitamus, posse aliquem *In co*
 simul in una eademque re *veracem* esse, *in ip*
mendacium dicere: *mendacem* esse & *lis e*
tatem dicere. §.

V. Alio modo veritas alia est vel in *essen*
do, vel in *significando*, vel in *cognoscendo*.

VI. Veritas in *essendo* est conformitas *es*
sentiae cum *intellectu Dei*.

VII. Veritas in *significando* est conformi-
tas signi cum *re signata*.

VIII. Veritas in *cognoscendo* est conformi-
tas potentiae cognoscentis cum *re cognita*.

§. 1. Ut recte intelligatur, quid sit veritas
in essendo, propter quam primario hæc con-
 templatio suscipitur, primum explicanda est
 veritas in *significando* & *cognoscendo*.

§. 2. Veritas in *significando* est, quando *sig-*
num potentiae cognoscenti vere *repræsentat*
 id, quod *significare* debet; (nam *signum* est,
 quod potentiae cognoscenti aliquid *repræ-*
sentat; uti ex capite de *signo* & *signato* infra
 patebit.) Hinc uti *signa* vel sunt *naturalia*
 vel *artificialia*, ita eorum veritas etiam alio

atque

atque alio modo se habet. Sic veritas est in
vocabulis, quando ita pronuntiantur vel
 scribuntur, ut res ea, cujus loco substituun-
 tur, intelligatur: in *picturis*, e. g. illustrium
 virorum, quando overe eos *repræsentant*: in
sermone, cum id *loquimur*, quod *sentimus*:
 In *conceptu*, quando, ut res est, *concepitur*. Imo
 in ipso vultu datur hæc veritas, quando ta-
 lis est, ut vere inde animus cognoscatur.

§. 3. Ex adverso, falsitas in *significando*
 est, quando *signum* non *vere* repræsentat id,
 quod significare *debet*. Sic qui non ita *lo-*
quitur, vel *gestus* componit, uti *animus* ipsius
 affectus est, is *falsitatem* hanc committit.

§. 4. Veritatem in *cognoscendo* dicimus esse
 conformitatem *facultatis cognoscentis* cum
re cognita. Per facultatem cognoscentem in-
 telligimus tam *intellectum*, quam *sensum*:
 nam & sensu fit cognitio, quæ dicitur *sensu-*
alis. *Conformitatem* vero hic non *univocam*
 statuimus, quæ e. g. est inter duas qualitates
 ejusdem speciei; sed *analogicam*, quæ est in-
 ter rem & imaginem ejus. Nam species in-
 telligibilis ut & sensibilis est rei imago.

IX. Veritas in cognoscendo est vel *appre-*
hensiva, vel *judicativa*.

X. *Apprehensiva* est, qua res, uti est, ap-
 prehenditur.

Hæc iterum est duplex: vel *incomplexa*
 vel

vel *complexa* : *Incomplexa* veritas datur terminis *simplicibus*, quando rem simpliciter extra omnem compositionem in sua essentia apprehendimus prima operatione mentis esse Angelos, dari Æthiopes, &c. *Complexa* veritas est in *propositionibus*, quibus sub *compositione* vel *divisione* res cognoscimus, affirmando scil. aliquid, aut negando, quod opus secundæ operationis mentis, ut, hominem generare, diabolum non generare.

XI. *Judicativa* veritas est, quæ de jam ante apprehensa veritate iudicium format, &, quod vera sit, probat.

Hæc cadit sub tertiam mentis operationem, quæ per discursum & Syllogismum suam functionem peragit.

Formalis ratio.

XII. Veritas (*Metaphysica* scil. & quæ dicitur in *essendo*) est conformitas rei cum intellectu *divino*.

§. I. Remotis æquivocationibus, genuinam jam veritatis transcendentalis faciem contemplantur : istius *formalem rationem* dicimus esse conformitatem rei cum intellectu, non quovis, sed *divino*. Potest quidem respectus etiam haberi ad *humanum* intellectum, sed inde non exsurgit veritas *transcenden-*

transcendentalis, quia huic respectus rei tantum
 competit *accidentaliter* & consequenter,
 non quatenus res per se *vera est*, sed qua-
 tenus *ut vera cognoscitur*.

§. 2. Alii formalem rationem veritatis
 putant in *negatione* consistere, nimirum in
negatione fictionis, & apparentiæ. Sed hæc
 explicatio nimis popularis, & vulgaris est.
 Vulgus dicit, *verum* id est, quod non est *fi-
 ctum* vel *falsum*: Virtus est, vitium fugere:
 &c. Accurate in naturam veritatis si pene-
 tratur, per relationem exprimitur, non qui-
 dem *prædicamentalem*, sed *transcendentalem*.

§. 3. In *formali* autem *ratione* non est tan-
 ta difficultas, cum omnes accuratiores Me-
 taphysici in eo consentiant, quod veritas di-
 cat *relationem* & *congruentiam* ad *intelle-
 ctum*: in explicatione vero hujus *formalis*
 non exiguus oritur scrupulus. Alii enim (ut
 rem ad summam redigam) *conformitatem* il-
 lam ad *intellectum* explicant per modum
cognoscentis & *cogniti*: Alii vero per modum
mensuræ & *mensurati*. Nos statuimus, quod
 intellectus hic sumendus sit *indifferenter* &
indeterminate, prout præscindit ab istis mo-
 dis determinatoribus *cognoscendi* & *nor-
 mandi*.

DIVISIO.

XIII. Veritas est vel *creata* vel *increata*.

XIV.

XIV. Veritas *increata* est, per quam essentia *divina* refertur ad intellectum *divinum* per modum *identitatis* absque *constitutione*.

XV. Veritas *creata* est, per quam essentia *creata* conformis est menti *divinae* *constituenti*.

§. 1. Veritas diversimodè se habet in *creatore & creaturis*. Non negandum est, Deum seipsum intelligere, & cognitionem *divinam* super ipsam essentiam *divinam* ferri. Interim tamen hoc fit per *simplicem* tantum cognitionem absque aut ulla *productione*, aut proprie dicta *mensuratione*.

§. 2. In *creaturis* vero, licet etiam essentia earum intellectui *divino* objiciatur, ut *cognoscenti*, ita tamen hoc fit, ut cognitio *Divina* sit earum *mensura*, ut *Potentia Divina* earum *causa*.

PROBLEMAT A.

I. *An veritas transcendentalis formaliter tantum judicanda sit ex conformitate cum intellectu divino?*

Aff. Sunt qui *indifferenter* sumendam esse dicunt *conformitatem* eam ad *intellectum*, sive sit *divinus*, sive *humanus*, modo *divinus* primario intelligatur. Verum relatio *intrinseca & essentialis*, quæ *veritati* dat esse suum

suum, res tantum trahit ad *divinum* intellectum; Ille enim rerum *veritatem* terminat. Referuntur quidem res etiam ad *creatum* intellectum, quatenus movetur iste, ut *cognoscendo* eas ipsis fiat *conformis*. Sed hæc *relatio* est tantum *accidentalis & extrinseca*, & non facit, ut res *sit vere*, sed potius, ut *vere cognoscatur*. *Creatus* enim intellectus, qui *falli* potest, *terminatur* à rebus : non res à *creato* intellectu. Ergo ex *relatione* ad *talem* intellectum oritur non *veritas in essendo*, sed tantum in *cognoscendo*, quæ *æquivoce* tantum in *Metaphysica* dicitur *veritas*, & proprie ad *Gnostologiam* pertinet. Sed obijci-
tur, res *artificiales* tamen referendæ sunt ad intellectum *humanum*, qui ipsarum *norma* est. Resp. Res *artificiales* sunt entia *per accidens*, quia semper *duo* involvunt, scil. opus *naturæ*, & opus *artis*. Ita ergo sumptæ non participant de *objecto Metaphysicæ* : & propterea etiam à participatione *affectio-
num ejus* excluduntur. Quamvis vero in sua *simplicia* resolvantur, nihilominus tamen ultimo ad intellectum *Dei* referuntur. *Im-
mediate* quidem ad intellectum *artificis* habent respectū : *Mediate* vero ad *Dei* etiam intellectum referuntur ; tum quia omnis ars *Dei* donum est, tum etiam quia homines res *artis* efficiunt ad imitationem aliarum

rerum à Deo productarum. Nam omne *artificiale* refert aliquam imitationem à rebus aliis desumptam. Causa vero cur *artificialia* ad *Dei* etiam intellectum referantur, cum veritas eorum *entitativa* indaganda est, hæc datur, quia *humanus* intellectus non est *per se & absolute* infallibilis in ulla re, ne in eo quidem, quam ipse producit. Dependens in *essendo* est etiam dependens in *operando*: & omne *positivum* est à Deo. Ergo totum negotium *artis* (aberrationes excludo, quæ veritatem *entitativam* non habent) in examine *veritatis* ad Deum devolvitur.

II. *An duplex unius rei detur veritas?* Neg.

Quæritur in hoc problemate, non, an duplex, vel multiplex *diversarum* rerum sit veritas, id enim nemo negat, cum omnino e. g. aliam & distinctam obtineat veritatem equus, aliam lapis, aliam aurum, &c. Sed an *unius* ejusdemque rei *duplex & opposita* unius generis sit veritas, quod antehac nonnulli statuere non sunt veriti, dicentes; quod unum idemque in *Philosophia* possit esse verum, & in *Theologia* falsum. Ita vero intellectam quæstionem constanter negamus, & dicimus, quod unius rei sit tantum una veritas, tam in *essendo*, quam etiam in *cognoscendo*. Res vera esse dicitur, quando *conformis* est intellectui *divino*. Aut ergo *conformis*,

mis, & sic vera; aut *difformis*, & ita *falsa* est. Impossibile enim est, ut aliquid Dei intellectui simul sit *conforme* & *difforme* eodem respectu. Omne enim, quod Deo *non conforme* est, *defectum* dicit in suo *esse*. At omnis *defectus* in *essentia* implicat *non ens*. Si ergo esset aliquid ei simul *conforme* & *difforme*, simul *esset* & *non esset*, quod absurdum est. Una etiam est tantum *veritas* in *cognoscendo*, quæ, quia juxta tres mentis operationes triplex est, de singulis nostrum assertum probabimus. Veritas *apprehensiva simplex* non potest esse *duplex*, quia *objectum* ejus à quo *mensuratur*, non potest simul *esse* & *non esse*. E. G. Si vera hæc est assertio: *Dantur angeli*, non poterit esse vera ejus *opposita*, *non dantur Angeli*. *Composita*, quæ in *enunciationibus* conspicitur, itidem tantum *una* est, propter rationem modo datam. *Vera* enim *propositio* ita de re aliquid *affirmat* vel *negat*, uti res in se *est* vel *non est*. Si ergo illa *propositio* est *vera*, quæ rebus *conformis* est, *opposita* erit *falsa*, quia alias idem rei simul *competeret*, & *non competeret*. Veritas *judicativa*, quæ in *ratiocinio* consistit, propterea *una* est, quia *principiorum*, unde ea fluit, Veritas tantum *una* est. Principia ergo si non habent, *duplicem* veritatem, unde illam habebit *Syllogismus*?

III. *An Philosophia contradicat veritatibus Theologicis?*

Neg. Problema hoc est speciale quæsitum præcedentis quæstionis. Statuatur autem pars negativa hoc fundamento, quia intellectus *divinus* æque principiorum ex *natura* fluentium, quam ex *revelatione* depromptorum, norma est. Ut ergo intellectus *Dei* seipso non *difformis*, sibi que, *contradictorius* est: Ita etiam *principia* ab eo dependentia per patefactionem *generalem* & *specialem* revelationem non sibi ipsis contradicunt, Cautè vero hic distinguendum est 1. inter *Philosophiam* & *Philosophum*. Illa non contradicit Theologiæ, contradicit vero sæpe Philosophus. 2. Inter *veritatem* principiorum Philosophicorum & eorum *applicacionem*. Illa non parit *contradictiones* adversus Theologiam: *Hæc* vero, si vitiosa sit, earum causa est.

IV. *An veritas consistat in conformitate cum intellectu divino?*

Aff. Variæ sunt Metaphysicorum sententiæ de *formali* veritatis. *Hic* in *propriorum* essentia *signorum* *possessione* ponit formale: *iste* in *segregatione* ab alio: *ille* in *proprietate* esse, ut *verum* id dicatur, quod *est*, uti esse debet: Verum hæ & similes sententiæ vel
plane

plane non, vel saltem non *plene formale* veritatis exprimunt. Nostra ergo sententia de problemate hæc est, quod veritas consistat in *conformitate* cum intellectu *divino*, quod jam ante explicatum est.

V. *An veritas detur in rebus?*

Aff. Nam veritas *nostri* intellectus dependet à *rebus*, à quibus *mensuratur*; ergo iis primum insit veritas, necesse est. Non enim ideo e. g. ignis calidus est, quia homo quidam hoc *dicit*, sed ideo qui hoc dicit, *verum* dicit, quoniam ignis in se vere est calidus.

VI. *Utrum falsitas detur in rebus?*

Neg. *Improprie* res dicuntur interdum *falsæ*; *proprie* vero hæc denominatio ad ipsas non quadrat. Ratio hæc est, quia illa *falsitas*, uti ex definitione *veritatis* colligitur, esset *difformitas* rei cum intellectu *divino*. At nullum ens, *quatenus* ens, est *difforme* cum intellectu *divino*. Omne enim *positivum* est à Deo. Deus autem omnia, quæ ab ipso dependent, ita constituit in *essentia*, ut concordent cum *mensura* intellectus sui. Ergo nullum ens in *essentia* sua potest *discordare* ab ea. Nec obstant *monstra*, quæ aberrant à *norma* ista, quam Deus in prima creatione specierum propagationi ex intellectu suo præ-

scripsit. Quatenus enim aberrant, eatenus *defectum* innuunt. *Defectus* non est *ens*, sed *absentia* entitatis alicujus. Ergo *falsitas* illa, uti putatur, in *re* non erit.

VII. *An falsitas in cognoscendo etiam datur in prima mentis operatione?*

Aff. *Veritatem* in cognoscendo dari in omnibus *tribus* mentis operationibus statimur supra. Jam de opposita *falsitate* cognitionis, quæ proprie falsitas dicitur, quoque hoc in puncto disquiremus. Hanc quidem dari in *secunda* mentis operatione, concedunt omnes faniores: cum inde nata sit distinctio propositionis in *veram* & *falsam*. Dari eam quoque in *tertia* operatione mentis, facile largiuntur, qui Syllogismos *Sophisticos* invenire norunt. Sed an in *prima* quoque detur hæc falsitas, quidam *dubitant*, quidam diserte *negant*. Nos *affirmamus*, quia in *prima* etiam mentis operatione datur *disformitas* potentia cognoscentis & objecti cognoscibilis. Dantur enim homines, qui hanc vel istam rem putant *revera* dari, & *essentiali* in mundo habere, cum tamen sit tantum *ficta*, & præter esse *objectivum* in se nihil habet. Cognoscere autem (*apprehendere potius videtur dicendum*) aliquid, quod *fictum* est, sub opinione *realis* existentia, omnino

nino infert *difformitatem* intellectus & ob-
 jecti. E. G. Pontificii credunt, dari *purgato-*
rium extra *fictionem* mentis, cum tamen *fig-*
mentum sit. Ergo intellectus eorum errat,
 qui objectum hoc suum cognoscit (vel *appre-*
bendit) sub *esse reali*, quod tamen *esse obje-*
ctivum in intellectu habet, & præterea *nihil*.
 Contra inveniuntur homines, qui aliqua,
 quæ *reale* esse habent, ex *figmento* introducta
 esse putant. *Epicuræi* e. g. sibi persuadent,
 non dari *Diabolos*, sed *finxi* tantum à conci-
 onatoribus, ut homines in honesta vita con-
 tineant. Horum intellectus sane *difformis*
 est objecto, quod putatur esse ens *rationis*,
 cum tamen sit ens *reale*.

*VIII. Unde oriatur difficultas investigandi
 veritatem.*

Sagacissimos & in omni genere eruditio-
 nis exercitatissimos Philosophos legimus in
 enodatione rerum difficilium usurpare
 communes illas sententias: *Maximum eo-*
rum, quæ scimus, est minimum eorum, quæ ne-
scimus: *Sapientiæ humanæ pars est, quædam*
æquo animo nescire velle: *Nos in luce rerum*
tenui caligamus, in mediocri cæcutimus, in
maxima insanimus, &c. Unde patet, quod
 difficilis inventu sit veritas, & quod *Demo-*
critus non sine causa hanc usurparit quere-

lam, *veritatem in profundo puteo latere*. Propterea merito quæritur, cur adeo difficilis sit investigatio veritatis? *Heraclitus* difficultatem hanc *rebus ipsis* tribuit, quia non idoneas species & ad cognitionem necessarias possint intellectui imprimere. Sed verior est illa sententia, quæ intellectui ipsi ascribit causam difficultatis, qui corruptus, & per lapsum lumine suo privatus est. Quædam etiam homo integer difficulter cognovit, tum propter objecti nobilitatem, ut *Deum*; tum propter suam tenuitatem, ut *peccatum*, in Diabolis conspicuum. De reliquis vero, quæ nostræ cognitioni in statu innocentiae fuissent *adequata*, dico, quod, quando jam ad ea indaganda nos accingimus, nihil difficultatis lateat in ipsis *rebus*, sed quod totum impedimentum in nostro intellectu situm sit. *Lumen* in intellectu debile est, & *tenebrarum* fere nomen meretur: *Organa* sunt imbecillia & inepta: *Temperamentum* jam *melancholia* nebula aciem mentis obfuscatur, obtundit, torpescit: *Vitia* quoque hominum, ut sunt *philautia*, *arrogantia*, *socordia*, *inconstantia*, &c. multum faciunt ad hominum *stupiditatem*. Quemadmodum ergo non accusâdis *Sol* est, cum non possumus eum *recta* intueri, sed *oculorum* imbecillitas: ita cum non omnia possumus intelligere, *res ipsæ* non sunt culpandæ sed *nos*ter intellectus.

AXIOMATA.

I. Omne ens est *verum*, & omne *verum* est *ens*.

Quicquid *conforme* est intellectui *divino*, illud *verum* est. Atqui omne ens (sc. reale) *conforme* est intellectui *divino*. E. omne ens est *verum*. Rursus, quicquid habet *essentiam*, illud est *ens*. Atqui omne *verum* (proprie dictum) habet *essentiam*. Ergo omne *verum* est *ens*.

II. Antiquissimum quodque verissimum.

Hæc regula aliqua quidem ratione potest de veritate *in essendo* intelligi, ut *Deus* ipse, qui *antiquissimam* omnino *essentiam* habet, denotetur; Verum in usu philosophico de veritate *in cognoscendo* præsertim usurpatur, ut *verissima* judicentur illa *principia cognoscendi*, quæ sunt *antiquissima*. Accipiendum tamen est *subjectum* regulæ cum hac *limitatione*, quod sc. intelligendum sit *ἀπλῶς* sive *absolute* antiquissimum, non vero *secundum quid*. Veritas *absolute* antiquior est falsitate: secundum *quid*, scil. in genere *falsitatum*, fraus *Diaboli*, qua decipiebat *Evam*, est *antiquissima*. Addenda vero est ad *prædicatum* quoque *limitatio*, quod scilicet antiq. *verissimum* sit, quoad *veritatem ipsam*, quamvis

non semper quoad veritatis *manifestationem*. Fieri enim potest, ut *falsum* citius *de-
vulgetur* quam *verum*. Ex hac limitatione
solvitur quoque illa objectio ex *jure* : Lex
nova derogat *veteri*. ergo interdum etiam
novissimum est *verissimum*. Nam si *vera* est
nova lex, congruit cum lege *naturæ* homini
jam prima creatione *implantata*, atque sic
in se satis *antiqua* est, licet *noviter* sit *mani-
festata* & *promulgata*.

CAPUT V.

De Bonitate.

PRÆCEPTA.

Formalis ratio.

I. Bonitas est *convenientia* entis.

§. 1. Sunt, qui *formalem* rationem bonita-
tis ponunt in *conformitate rei & voluntatis*.
Verum ista *conformitas* non dicit naturam
bonitatis in *abstractissima* natura, quatenus
bonitas est, sumptæ, sed talis bonitatis, ejus sc.
quæ *respective* dicitur. In inquisitione vero
formalis rationis non judicandum est de *ter-
mino*, prout in hac vel illa *specie* se habet, sed
uti in *abstractissima* natura ab omnibus in-
ferioribus *præcisa* jacet.

§. 2.

§. 2. Alii *formale bonitatis in appetibilitate* situm esse putant, quæ sententia cum priori ex parte convenit. Verum *appetibilitas* potius est *consequens bonitatis*: ideo enim aliquid *appetitur*, quia *bonum* est, non ideo *bonum* est, quia *appetitur*, cum *malum* sæpe etiam, licet sub *ratione boni*, *appetatur*.

§. 3. Dantur etiam, qui *formalem bonitatis rationem in perfectione* collocant; quorsum spectant istæ definitiones vulgatæ: *Bonitas est perfectio rei denotans convenientiam*: *Bonitas est perfectio enti conveniens*: *Bonitas est convenientia perfectionis ad rem ipsam*, &c. Verum idem, quod de prima sententia diximus, hic repetimus, quod scilicet *perfectio* non exprimat naturam bonitatis *abstractissime* sumptæ, sed *talis bonitatis*, ejus scil. quæ *in se* spectatur.

§. 4. Nostra sententia hæc est, quod *formalis ratio bonitatis* consistat in *convenientia rei*, & quidem *tali*, quæ *indifferenter* se habet ad eam, qua aliquid *sibi ipsi* est *conveniens*, & eam, qua quid *alteri* convenit.

DIVISIO.

II. Bonitas dividitur in eam, qua aliquid est *bonum in se*, & eam, qua aliquid est *bonum in respectu ad aliud*.

Fundamentum divisionis hujus hoc est, quia *convenientia entis*, in qua *formalis ratio boni*-

bonitatis in genere sumptæ consistit, dicitur vel respectu sui ipsius, quomodo ens sibiipso conveniens est; vel respectu alterius, quatione ens est conveniens alteri.

III. Bonitas, qua ens est bonum in se, alias dicitur perfectio.

De perfectione quidam dicunt, quod non sit affectio, sed ipsa essentia: Quidam, quod una cum imperfectione constituat disjunctionem affectioem: Alii, quod faciat peculiarem inter unitas affectioem. Nos ab hisce tribus sententiis discedimus, propter rationes supra c. 2. adductas, & perfectionem ad bonitatem referimus, cujus species est. Evolvenda vero primum perfectionis æquivocatio est, antequam naturam ejus genuinam explanemus.

Æquivocationis evolutio.

IV. Perfectio est vel essentialis vel accidentalis.

V. Perfectio essentialis est, qua rei nihil deest in essentia.

VI. Perfectio accidentalis est, qua rei non desunt accidentia, quæ in eam cadere solent.

Hæc pro varietate istorum accidentium varia est: nempe vel naturalis, quia rei nihil deest

deest eorum, quæ *naturaliter* (*extraessentialiter* tamen) ei competunt: vel *acquisita*, eaque vel *intellectualis* (quam alii *artificialem* vocant) quæ intellectum virtutibus *intellectualibus*; vel *moralis*, quæ voluntatem virtutibus *moralibus* perficit; vel *infusa*, quæ non labore, sed *Dei* singulari operatione producitur, ut *fides*, *spes*, & alia bona opera; vel *imputata*, quando *Salvatoris* perfectio per fidem nostra fit.

VII. Perfectio sumitur vel *absolute* vel *comparete*.

Absolute omne ens perfectum est, quatenus ipsi in *essentia* nihil deest. *Comparete* hoc est *perfectius* illo (Deus perfectior creaturis, homo planta) quia *inequalis* est participatio perfectionis in *determinata* ratione essendi.

VIII. Perfectio est vel *partium* vel *graduum*.

Illam nullam partem debitam, hæc nullum gradum debitæ excellentiæ abesse dicit.

IX. Perfectio sumitur vel *affective*, vel *possessive*.

Illo modo notat actum effectivum perficientis: *Hoc* vero statum rei jam perfectæ.
For-

Formalis ratio.

X. Perfectio est convenientia entis, quæ dicit *indefectionem in essentia*.

Formale perfectionis consistit in *indefectione*, quæ *negationem defectus* infert, eque scilicet, qui dicit aliquid *abesse* eorum, quæ ad *essentiam* requiruntur; nam licet defectus aliquid, quod ad statum rei *accidentalem* & conditionem *extraessentialem* spectat, non tamen statim tollitur perfectio *transcendentalis*. *Monoculus* homo etiam est perfectus in *essentia* homo.

DIVISIO.

XI. Perfectio est vel *summa & absolute* sic dicta, quæ solius *Dei* est; vel *restricta* & in *certo* genere sumpta, quæ *creaturis* competit.

XII. Bonitas, qua ens est bonum in respectu ad *aliud*, dicitur bonitas in *specie*.

Equivocationis evolutio.

XIII. Bonitas est vel *vera* vel *apparens*.

*Ill*a in se res est bona, ut virtus: *Hac* vero à prava opinione tantum ita putatur esse bona, cum tamen *intrinsece* mala sit. Sic multi putant

putant bonum esse *otium*, bonum esse *vindictam* privatam, &c.

XIV. Bonitas est vel *Metaphysica*, vel *Physica*, vel *Ethica*.

*Ill*a est conformitas rei cum voluntate divino. *Ist*a est convenientia rei extraessentialis ad ejus naturam determinata. *Hæc* est convenientia cum lege naturæ, & significat ipsam virtutem moralem.

Formalis ratio.

XV. Bonitas in specie dicta est convenientia entis, quæ dicit *conformitatem* cum *voluntate divina*.

Hujus *formalis ratio* consistit in *relatione*, qua in parte cum *veritate* congruit. *Relatio* illa refertur ad voluntatem, non *humanam*, quæ interdum malum vult pro bono; sed *divinam*.

DIVISIO.

XVI. Bonitas alia est *per essentiam* & est solius *Dei*, alia *per participationem*, quæ est *creaturarum*.

Deus est *summum* illud bonum, à quo omnia *dependent*, quæ *boni* rationem habent. Propter istud bonum omnia bona dicuntur, quæ communicationem istam, qua se diffundit, participant.

XVII.

XVII. Malum est *privatio boni*, & est *culpæ vel pænæ*.

PROBLEMAT A.

I. An bonitas sub se comprehendat perfectionem seu speciem?

Aff. Plerique Metaphysici in *definitione bonitatis perfectionem* includunt, quod in *Exercitationibus Met.* deduximus. Pateat ergo *perfectionem* aliquo modo ad *bonitatem* pertinere. Sed quomodo istuc pertineat, diversæ inveniuntur sententiæ. Nos missis reliquis statuimus, quod perfectio sit bonitatis *abstractissime* sumptæ *species*, quia *divisio bonitatis in se & in respectu ad aliud* est legitima (non æquivoca) & quia *alterum* membrum hujus divisionis, bonum scilicet *in se* est ipsa *perfectio*. Vide *Exercitationes* p. 162.

II. An formalis ratio bonitatis consistat in convenientia?

Aff. De *formali* ratione bonitatis diversæ inveniuntur sententiæ, quas vide supra *Theorem. I.* Nos eam statuimus consistere in *convenientia*. Nam quæ est ratio *appetibilitatis*, ea quoque est ratio *formalis bonitatis*. Sed *Convenientia* est ratio *appetibilitatis*.

& est v
tatis. Ideo enim appetimus, quia nobis
convenit. E.

III. Quid enti addat perfectio?

Resp. Non addit ipsi novam *essentiam*, quia tantum *modus* est *essentiae*. Et si perfectio *abstracte* sumpta esset in se *essentia* aliqua, iterum haberet aliam *perfectionem*, quia omne *ens* est *perfectum*, & nullum patitur in *essentia* defectum. Ita vero fieret progressus in infinitum. 2. Neque addit enti *relationem* aliquam *rationis*. Uti enim ex praecedentibus patet, perfectio est bonitas *in se* spectata, quæ non terminatur aliorum, sed quasi in sinu suo se continet. 3. Sed *negationem* enti superaddit, negationem scil. defectus *entitativi*, quæ nihil eorum *abesse* dicit, quæ ad *essentiam* requiruntur, uti supra Theor. X. id fuerit assertum.

IV. Utrum perfectionis formalis ratio sit indefectibilitas?

Neg. Sunt, qui hoc statuunt. Verum nobis placet ab iis dissentire. Ratio est, *indefectibilitas* non tam dicit enti nihil *deesse*, quam ei nihil *posse* deesse; exprimitur enim per modum *potentiae*, non *actus*. Sicut *unitas* consistit in *indivisione*, non in *indivisibilitate*. Sed potius in *indefectione* consistit, quia

quia mens nostra, cum rem perfectam cogitat, non sollicita est, an deficere quando possit, sed hoc intendit, rem actu nullum in essentia pati defectum. Ad quod entia corruptibilia non sint indefectibilia, & tamen perfecta.

V. Num detur imperfectio transcendentalis?

Neg. Perfectioni opponitur quidem imperfectio, sed non omni. Perfectio accidentalis habet contrarium. Puer non potest generare sibi simile, propterea naturaliter imperfectus est. Qui incipit operam dare virtutibus, & tamen nondum potest plane affectus regere, is imperfectionem sentit moralem. Tyro in disciplinis philosophicis de imperfectione intellectuali conqueritur. Essentialis vero perfectio, quæ alias transcendentalis vocatur, non habet contrarium; hoc enim esset imperfectio essentialis, & diceret aliquid de essentia abesse. Talis vero essentia non datur, quæ ex parte sit, & ex parte non sit; aut tota abest, aut tota adest. Si est essentia, habet omnia, quæ ad esse requiruntur: Ergo in essentia nulla datur imperfectio.

VI. Utrum imperfectio negativa sit proprie imperfectio?

Neg.

Etiam Neg. Imperfectio solet distingui in *privativam* & *negativam*. *Privativam* definiunt, quod sit carentia perfectionis *debitæ* inesse: ut homo est *cæcus*, claudus, surdus: *Negativam*, quod sit carentia perfectionis *non debitæ* inesse (huic cui denegatur.) Talis imperfectio in *homine* est, quod non potest *volare*: in *lapide*, quod non potest se loco *movere*: in *Sole*, quod non potest *sibi simile* *gignere*. Hanc dicimus non *proprie* esse imperfectiorem. Imperfectio enim stricte accepta *notat defectum*, quem perfectio *negat*. Defectus autem *proprie* dicit aliquid *abesse*, quod *deberet adesse*. Jam vero in lapide non *debet* esse facultas *locomotiva*, nec in sole facultas *procreatrix*, nec in homine potentia *volandi*. Ergo harum potentiarum negatio non *infer* proprie sic dictam imperfectiorem. Est ergo ante citata distinctio non *generis* in *species* vel univocas vel analogas, sed *equivoci* in *equivocata*.

VII. An omne bonum sit perfectum?

Aff. Species oppositæ in *concreto* possunt de se invicem dici: *Longitudo* & *crassities* sunt species oppositæ quantitatis, de quibus quidem non licet dicere: *longitudo* est *crassities*; recte interim dico: hoc corpus *longum* est *crassum*, imo omne corpus longum est *cras-*

crassum. Recte ergo affirmatur problema cum tam *bonitas*, quam *perfectio* competat *omni* enti, & sic fieri non possit, ut detur *quod bonum*, quod non *simul* sit *perfectum*, cum non potest reperiri *unum*, quod non sit *rum*. Notandum vero, quod hic *bonitas* & *perfectio* intelligenda sit *essentialis*; Nam de *accidentali* non valet assertum universaliter. Rusticus *male* moratus possidet *bonitatem essentialem*, quia *homo* est: Ut plurimum quoque *naturalem*, quatenus *sanus* & *robustus* est; & tamen est imperfectus *moraliter*.

VIII. *Utrum detur malitia transcendentalis.*

Neg. Definiretur hæc (si daretur) *privatio conformitatis* cum *Divina* voluntate in ipsa *essentia*. Non datur autem *essentia*, quæ hac *conformitate* sit *privata*. Nam omnis *essentia* est à Deo. Si hoc, utique eam *produxit* ita, uti *voluit*. Si vero ita est *essentia* omnis, uti Deus eam *voluit* esse, nulla fane caret *conformitate* cum *divina* voluntate.

IX. *Utrum bonum sit causa mali?*

Dist. Si per bonum intelligatur *summum* bonum, *Deus* scilicet, & per malum, *morale* malum, simpliciter negamus quæsitum. Deus enim nequaquam est *author* ullius *peccati*.

Si

Si quæritur de malo *naturali*, ejus *causa* sæpe *Deus* est, sed sub ratione mali *pænæ*. Propter peccata nostra *Deus* immittit sterilitatem terræ & animalium, intemperiem aëris, imo monstra etiam: Quod innuit *Deus* Deut. 28. dum dicit: *Nisi observaveris mandata Dei tui, maledictus erit fructus ventris tui, fructus terra, fœtus boum & ovium.* Vid. nostrum Colleg. Physic. Disp. 3. th. 6. Porro si quæritur, an *Diabolus* & *homo* (uterque in *essentia* bonus) sint causa mali *moralis* scil. peccati, distinguimus inter causam per se & per accidens, ut & inter causam *efficientem* & *deficientem*, & dicimus, quod sint causa peccati per accidens & quidem non *efficiens* (quæ importat *influxum* ad esse causati *realis*) sed *deficiens*; quod enim delinquitur, *defectus* est. *Naturalis* mali causa sunt quidem creature in se bonæ, sed itidem per accidens & quatenus *deficiunt*.

X. Num solus *Deus* sit bonus per *essentiam*?

Supra Theor. xvi. assertum est quod bonitas per *essentiam* sit solius *Dei*, ea vero, quæ per *participationem* dicitur, competit creaturis. Verum posset quis objicere, quod omne ens sit *transcendentaliter* bonum per *essentiam*, quia præciso omni extraneo propter esse suum *bonum* est; Verum Resp. quod
cog.

cognatum hoc essentia *per essentiam*, dupliciter accipiat. Dicitur enim aliquid esse per essentiam vel ratione *independentis* per sessionis, vel ratione *intrinsecæ constitutionis*, quam distinctionem tradidi supra L. I. C. n. 2. Priori modo solus *Deus*; posteriori omnis per *essentiam* bonum est; quamvis formula hæc loquendi de creaturis sit rarior.

AXIOMATA. p

I. Omne ens est *perfectum*.

Scilicet *transcendentaliter*. *Accidentaliter* quidem potest contingere imperfectio, cum ens deficit in ornamentis, in gradu *intensiore*, & aliis *extraessentialibus*. Fit quoque imperfectio *comparate*, quatenus hoc non habet tam *sublimem* perfectionem quam illud. Hinc *Scaliger* de creaturis cum Deo comparatis inquit Exerc. 140. §. I. 'Omnia hæc, non dico singula, sed omnia, inquā, atque etiam cuncta & conferta, ita ut ex iis unum fiat, si cum Deo conferantur, non solum multa & manca, sed etiam nihil, imo, si liceat, siue non liceat dicere, minus quam nihil sunt. *Essentialiter* vero imperfectum non datur. Sicut enim fieri non potest, ut ens maneat, sublata *essentia*: ita nec potest fieri, ut *essentia* maneat, *deficientibus* iis, quæ ad *essentiam* pertinent. Alias enim non esset, quod

quod est, & ita idem à seipso *alienum* foret. Quando ergo objicitur, hominem & diabolum perfectionis statu *excidisse*, reponimus, quod *Ethice* tantum defecerint, & *accidentaliter*, non *Metaphysice* & *transcendentaliter*. Diabolus adhuc habet eam essentiam, quam Deus creando ipsi dedit. Homo adhuc est animal rationale, adhuc animam humanam & corpus humanum habet, uti creatus est.

II. Omne perfectum est ens.

Perfectum enim est terminus *complexus*, qui complicat *modum* cum *essentia*. Essentia autem est ens. Nihil aliud ergo dicitur in axiomate, quam hoc: Omnis essentia, quæ non patitur defectum in esse, est ens.

III. Quicquid perfectionis est in creaturis, illud etiam in Deo est.

Communis regula est: Nihil est in *effectu*, quod non fuerit in *causa*. Illa & hic valet. Unde enim *effectus* nancisceretur *perfectiones* nisi essent in *causa*? Non vero uno modo continet Deus omnes perfectiones *creaturarum*, sed quasdam *formaliter*, quasdam *eminenter* & *virtualiter*. *Formaliter* in Deo sunt istæ *creaturarum* perfectiones, quæ in *abstracta* sua natura nullam inferunt *imperfectiorem*, ut *scientia*, *sapientia*, *intellectus*,

Etus, voluntas, &c. Nec obstat, quod hæc creaturis sint *accidentia*, quæ in *Deum* non cadant. Nam non est de *terminis* judicandum, prout in *hac* vel *illa* materia sunt, sicut in *abstractissima* natura apparent. licet in creaturis quasdam *imbecillitates* adjunctas habeant, illæ tamen, cum de *Deo* dicuntur, omnes *removendæ* sunt. *Eminentiores* vero in *Deo* sunt istæ creaturarum perfectiones, quæ in *abstracta* natura implicant aliam quam *imperfectiorem*, ut *auditus, vis locomotiva, visus, &c.* tales enim involvunt *commercium* cum *materia*; propterea in *Deo* non sunt *formaliter* & secundum *proprium* conceptum, sed *loco* earum *Deus* habet *perfectiores* longe *eminentiores*. Homo *audire* audit, *visu* videt: Hæc *Deus* *nobiliore* modo præstat per *omniscientiam*, *Locomotiva* facultate homo de loco in locum transit: Hæc *Deus* non indiget, quia jam ante *ubique* est.

IV. Omne ens est bonum.

Ens & bonum sunt *adequata*: unum tam late patet, quam alterum. Nulla datur *essentia*, quæ non *bona* sit. Nam à *summo bono* non potest aliquid *non bonum* vel *feri* vel *conferri*, uti *Scaliger* dicit Ex. 249. f. 3. Nec obstat, I. Quod *Diabolus* & homo in bonitate concreata non permanferint; Nam sublata

est tantum bonitas *moralis*: *transcendentia* *lem* uterque adhuc habent: Adhuc *Diabolus* ipse est bonus in *essentia*, quapropter etiam adhuc Deus ipsum in *esse conservat*, quod non fieret, si nihil boni amplius in eo reperiretur. Nec obstat 2. Quod Christus dicit Luc. 18. v. 19. *Nemo est bonus, nisi solus Deus*. Intelligitur enim ibi bonitas per *essentiam independentem*, quam nemo habet, nisi solus *Deus*.

V. Omne bonum est ens.

Veritas Canonis statim patet, quando cogitamus in *bono* esse *duo*, scil. *essentiam*, *quæ* dicitur *bona*, & respectum ad *voluntatem* Dei, *propter quem* vocatur *bona*. Objicitur vero. 1. quod entia *rationis* quoque dicantur *bona*, ut bonum *figmentum*. Resp. Sicut in iis est *ficta essentia*, ita etiam est *ficta bonitas*. 2. Quod etiam *non entia* sint *bona*, cum Christus dicat Matth. 26. v. 24. de *Juda*: *καλὸν bonum* s. melius esset ei, *non natum esse*. Verum resp. quod hic *bonitas* significet tantum *minus malum*: Est enim tantum *abusiva comparatio*, in qua tertium *comparationis* neutri inest. Quando ergo dicitur: *melius* esset *Judæ* *non natum esse*, quam *Dominum tradere*, ita *propositio explicanda est*: *non tam malum* esset, *non natum esse*.

VI. Omne bonum est *communicativum* sui.

Notandæ de hac regula sunt sequentes limitationes 1. Quoddam bonum *necessario* quoddam *libere* se communicat. 2. Bonum communicat se *quantum potest*. (*Limitanda est hæc, ut obtineat, Authoris (quam vocat) Limitatio ad bonum scilicet necessario sui Communicativum: Libere enim communicativum sui bonum communicat se quantum vult, non quantum potest, ni quando, quantum possit, se & velit communicare.*) 3. Quantum *aptitudo* recipientis permittit. (*Hic etiam intra boni naturalis terminos sistendum; nam bonum supernaturale scilicet Deus ubi aptitudinem non invenit, quando vult, facit.*) 4. Quantum *deceat*. (*Intelligendo scilicet de bono libere sui communicativo utpote quid deceat, dedeateve, dijudicandi solummodo capace.*) 5. Quoad *usum*, non semper quoad *possessionem*.

VII. Omnis *malitia* est in bono.

Malitia enim est *privatio* bonitatis, scil. *accidentalis*. (Nam non datur *malum*, quod opponatur bonitati *essentiali*.) *Privatio* vero semper habet *subjectum* aliquod, in quo dicit aliquid *abesse*. Illud *subjectum* ens est. Omne autem ens est *bonum*. Si ergo omnis *malitia* est in ente, est in bono.

CAPUT VI.

De Duratione.

P R Æ C E P T A.

Aquivocationis evolutio.

I. Duratio est vel *imaginaria*, vel *realis*.

Imaginaria est, quæ tantum à nobis concipitur, revera autem non datur. Sic Pontificii quosdam diu, alios vero non diu dicunt in purgatorio permanere. Sic filius à nativitate patris sui dicitur fuisse in *potentia*. Sic cum durationem *Dei* concipimus per *plura momenta* sibi invicem *succedentia*, duratio *imaginaria* dicitur in respectu ad Deum. *Realis*, quæ vere in *rebus* est.

II. *Realis* est vel *extrinseca* vel *intrinseca*.

Extrinseca est comparatio durationis ad aliam rem, per modum *mensuræ*. Sic in *Physicis* *tempus* (duratio in se continua) distinguitur juxta *motum* corporum cœlestium in *annos*, *mensēs*, *dies*, &c. Hæc *improprie* dicitur duratio. *Intrinseca* proprie est ea duratio, quam hic investigamus, quæ omne ens in se habet *essentiæ permanentiam*.

III. Duratio sumitur vel *philologice*, vel *philosophice*.

Isto modo vi vocis latinæ vulgo ea tantum *durare* dicuntur, in quæ cadit *mora* & *tractus* aliquis temporis, ita ut à *duratione* excludantur *momentanea*, quia *mora* carent. *Hoc modo* vero & accurate durat omne, quod *veram* & *actualem* essentiam habet, sive *duratio* ejus sit *momentanea* sive *diuturna*.

Formalis ratio.

IV. *Duratio est essentiae permanentia.*

§.1. Elaborandum nobis sumimus *realem intrinsecam* & *philosophice* sumptam *durationem* homonymiis remotis.

§.2. Hujus *formale* dicimus esse *permanentiam essentiae*. *Permanentiam* vero hic non accipimus in *speciali* significatione, quæ *successioni* contradistinguitur, quam infra in capite de *permanente* & *successivo* explicabimus; sed *generaliter* & in *media* acceptione, quæ tam *permanenti* quam *successivo* enti indifferenter accommodari possit.

DIVISIO.

V. *Duratio* dividitur primo in *permanentem* & *successivam*.

VI. *Duratio permanens* est, quæ absq; *fluxu* & *successione* partium sui subjecti *permanet*. Estque *entis permanentis*.

VII.

VII. Duratio *successiva* est, quæ non nisi per *fluxum* partium sui subiecti *permanet*. Estque *entis successivi*.

De hac divisione paucas hic ducimus lineas, quia ejus natura exactius ex capite de *permanente & successivo* innotescit, quorsum, quæ hic dicenda erant reservamus.

VIII. Secundo dividitur duratio in *indefectibilem & defectibilem*.

Indefectibilis (à parte ante & à parte post) dicitur *æternitas*.

Defectibilis vel deficit à parte ante tantum, & dicitur *ævum*; vel à parte ante & à parte post, diciturque *tempus*.

Divisio hæc fundamentum in re habet, quia *tres sunt modi*, quibus entia in *esse* suo *permanent*. Nam quicquid est, vel plane est *infinitum*, & caret *principio & fine*, ut solus *Deus*; vel plane est *finitum*, & habet *principium & finem*, ut res corruptibiles, vel partim est *finitum*, partim (suo tamen modo) *infinitum*, & habet *principium*, caret vero *sine*, ut *Angeli & animæ nostræ*.

IX. *Æternitas* est duratio, *simplicem* in *essendo interminabilitatem* cum *simplici continuitate* conjunctam inferens.

§. 1. Dari *æternitatem* probatur inde, quia datur ens *infinitum*. Quod *infinitum*

est in *essentia*, infinitum etiam in *duratione* sit, necesse est. Dari vero ens *infinitum*, ex lumine *rationis* demonstratur ita : Quodlibet *finitum* finitur ab *alio*. Si hoc, tandem deveniendum est ad aliquod, quod omnia *finis*, & à nullo *finitur*.

§. 2. Ne vero *ambiguitas* alicui obsit, notandum est, quod interdum *tempus diuturnum* in Scripturis etiam dicatur *Æternum*; *Æternæ* etiam dicuntur *propositiones essentielles*, ut cum dico : *uva est fructus vitis*, dicitur esse *propositio æternæ veritatis*, quia tempore *brumali* etiam *vera* est, licet tum non *dentur* uvæ. Aliquando etiam *æternum* dicitur, quod caret termino à parte *posteriori*, ut *vita æterna*. Has *ambiguitates æternitatis* removemus, & *æternitatem* hic accipimus pro *tali duratione*, quæ nec à parte *ante*, nec à parte *post* terminum unquam *habuit*, vel *habere potest*.

§. 3. *Formale æternitatis* exprimitur vocabulo *negativo*, dum dicitur simplex in essendo *interminabilitas*. Ubi tamen observandum (uti hoc occurrit in plerisque attributis *divinis*) quod, licet *negative* se nostræ *menti* sistat, tamen in se dicat *absolutissimam perfectionem*.

§. 4. Ad vocem *interminabilitatis* quod attinet, non negat tantum *durationis terminum*

num à parte ante & post *actualem*, sed etiam *possibilem*: non dicit tantum *actualem* initii & *finis defectum*, sed etiam *inhabilitatem* ad incipiendum & definendum. Vult ergo hæc vox, quod ens *æternum* per æternitatem non tantum *non deficiat*, sed quod ipsi etiam *repugnet* aliquando *deficere*.

§. 5. Dicimus porro, quod sit *interminabilitas in essendo*, ut intelligatur non denotari hic permanentiam alicujus *extranei*, sed ipsius *essentiæ*.

§. 6. Addimus etiam quod sit *simplex interminabilitas*. Hic *περὶ τοῦ αἰῶνος* ideo additur, tum ut uterque *terminus* removeatur tam à parte *ante*, quam à parte *post*: tum ut denotetur, non *aliunde* eam fluere, sed *independenter* plane *Deo* competere.

§. 7. Quia vero quidam (*Greg de Val. Thom. & alii*) etiam statuunt, quod *carere* principio & fine *accidentaliter* tantum æternitatem à tempore *discernat* (quod tamen ipsis nequaquam concedimus) addimus *simplicem* quoque *continuitatem*, ad conceptum æternitatis adhuc expressius sistendum. Continuitas ista (gr. *συνέχεια*) negat omnem *successionem* & *fluxum* prioris ad posterius, & ponit *fixum* & *stabile vñ*, (quod differt à *πρὸς vñ fluxu* temporis) quod *durationem* *divinæ essentiæ immobili* quasi *complexu* continet.

V. *Ævum* est duratio, in se *initialem* tantum *defectibilitatem* importans.

§. 1. *Æquivoca* vox hæc quoque est. Sumitur enim vel *improprie*, pro tempore, quomodo homo dicitur celeriter *ævum suum* traducere, aliisque hominibus esse *coævus*; vel *proprie* pro duratione ea, quam in *Tb.* descripsimus.

§. 2. *Formalem* ævi rationem in *initiali defectibilitate* ponimus. Defectibile est aliquid quoad durationem vel *simpliciter*, quod *utrinque* terminum admittit, & tam *initium* quam *finem* habet; vel *secundum quid*, quod ex *altera* parte tantum *deficit*. Ad modum posteriorem spectat *ævum*, quod quidem *initium* habet, *fine* autem caret. Est ergo in eo *defectibilitas* tantum *partialis*, scil. quoad partem *ante*. Ideo dicimus, quod consistat in *initiali* defectibilitate, quia ab *initio* terminum admittit.

§. 3. Addimus quoque determinationem *in se*, qua significatur, *intrinsece* in sua natura *ævum* ita se habere; nam *extrinsece* in respectu ad potentiam Dei *absolutam* res in *ævo* durantes quoque *finem* habere possunt. Conditio creationis, quod Deus produxerit in angelis & animabus nostris talem naturam, quæ cessare *non possit*, ad potentiam ejus *ordinariam* spectat.

§. 4. De *subiecto ævi* communis est sententia, quod *angeli* & animæ *rationales* tantum in eo durent. Verum salvo aliorum iudicio dico, quod etiam *accidentia* ista, quæ non habitura sunt finem, sint *æviterna*. In angelis & animabus nostris est *intellectus*, *voluntas*, &c. *Hæc* tamdiu durabunt, quamdiu ipsa, cui insunt, *essentia*, hoc est, in *æternum*.

XI. *Tempus* est duratio, *defectibilitatem* ab *initio* & *sine* importans.

§. 1. *Tempus* suum *subiectum* dicit *defectibile*, simpliciter scil. à parte *ante* & à parte *post*.

§. 2. Aliter autem (ad tollendum homonymiam) accipitur *tempus* in *Physica*, aliter in *Metaphysica*. *Ibi* respectum involvit ad *corpora cælestia*, juxta quorum *motum* temporis *differentiæ* numerantur. *Hic* vero nude denotat *durationem*, *initium* & *finem* agnoscentem.

§. 3. Propterea *formalem* rationem posuimus in *defectibilitate*, quæ est ab *initio* & *sine*. Per hoc enim discriminatur *tempus* ab *ævo*, quod *initialem* tantum defectum admittit.

§. 4. *Subiectum* temporis *Metaphysice* loquendo non est tantum *corpus naturale* (cujus *affectiorem* *tempus* esse *Physici* dicunt)

sed omne ens, quod initium & finem habet. In tempore sunt corporum quoque qualitates, eorum actiones, passiones, &c. omnium corruptibilium essentia & accidentia terminabilia: imo ipsæ etiam operationes spirituum finitorum, & si quid præterea est in ipsis, quod aliquando desinit.

PROBLEMAT A.

I. An creaturis quoque competat duratio permanens?

Aff. Hæc duratio specialissime & κατ' ἐξ. soli Deo tribuitur; quorsum spectat illud, ex Ps. 102. *Cœli peribunt, tu autem permanes.* Tam stricte vero h. l. non accipitur, sed in genere notat omnem durationem, absque fluxu partium permanentem. Vid. Th. VI. Talis vero duratio competit etiam creaturis, & plerisque quidem. Quamvis enim sine Dei continua conservatione durare non possint, non tamen idcirco statim omnes sunt entia successiva, quia totum suum esse semper simul habent pleræque, & per conservationem nihil essentia de novo accedit.

II. An detur duratio instantanea?

Aff. Exemplum esto generatio corporis naturalis, quæ in instanti fit, absque ullo temporis tractu. Quæritur an ea duret? Affirmamus

mamus. Licet vox *latina* in modo loquendi apud *Latinos* autores usitato hoc non patitur, tamen ideo nihil decedit usui recepto *Philosophico*. Nam quicquid vere est, illud etiam vere *durat*, quia *essentia* & *duratio* nunquam possunt *separari*. Distinguendum tamen inter *durationem simpliciter dictam* & *continuatam*. De *ista*, non de *hac* intelligimus assertionem.

III. Quomodo duratio differat ab essentia?

Resp. Non *realiter* differunt. 1. Quia duratio nec superaddit essentiae novam rem, nec ipsam tanquam *modus oppositus* vel *separabilis* respicit, quibus *notis* cognoscitur distinctio *realis*. 2. Quia, si per *additionem* novae essentiae differret ab *ea*, non jam esset *permanencia*, sed *augmentatio*, cum tamen *durare* nihil aliud sit, quam *permanenter existere*. Differt ergo duratio ab essentia *formaliter* & *modaliter*.

IV. An aeternitas possit ex lumine naturae cognosci?

Affirmatur, quia etiam *Gentilibus* solo lumine *rationis* instructis aliquid de ea *innuit*, ubi *Thales* interrogatus, quod nā in tota rerum natura esset *vetustissimum*? respondit, *Deus*, quia nunquam esse *cæpit*. *Arist.*

11. Met. c. 7. ζῶν καὶ αἰὼν συνεχὲς καὶ ἀδιόκοιτο
καὶ πρὸς θεῷ. Vita & ævum *continuum* & *æter-*
num Deo inest.

V. *Num in æternitatem cadant temporis
differentiæ ?*

Neg. *Theoremate* IX. duo vocabula posuimus, quibus æternitatis natura exprimitur, scilicet *interminabilitatem* & *continuitatem*. Utrumque partem *negativam* confirmat. Nam quod per partium *fluxum*, quo parti *abeunti* pars *nova* allabitur, *durat*, uti *tempus*, illud simpliciter *interminabile* non est, sed aliquem terminum *initii* vel *finis* intra essentia complexum admittit. In quocunque etiam datur partium *successio*; ita ut non totum *simul* sit, & uno stabili rati concludatur, illud non est συνεχὲς. *Tempus* vero ita se habet. Ergò *ejus* natura non potest cadere in *æternitatem*. Deinde *æternitas* est *duratio infinita*, *tempus* verò *finita*, quæ sanè non sunt confundenda.

VI. *An sola æternitas sit duratio ?*

Neg. Dubium quod solet opponi hoc est, quod *tempus* & *ævum* videantur *per se*, non esse *durationses*, sed *partes* durationis, scil. *æternitatis*; idque ideo, quia *duæ* *durationses* non possint *simul* esse, nisi una sit pars alte-

alterius. E. g. *dies* & *annus*, dicunt, possunt quidem *simul* esse, quia *dies* est *pars* anni, non vero duo *dies* & duo *anni* simul possunt existere. Respondetur negando adductam rationem. Possunt omnino *duæ* durationes *simul* esse & sibi invicem *coexistere*. Homo constat ex *anima* & *corpore*. Utrumque principium durationem *specie* ab alterius duratione *distinctam* possidet. *Corpus* durat in *tempore*, quia habuit *initium*, habebit *finem* (quoad statum *naturalem*.) *Anima* vero durat in *ævo*, quia essentia ejus est *incorruptibilis*, ita ut *finis* ipsi non metuendus sit. Rem declaro quodammodo ex hoc simili: sicut *Spiritus*, cum intravit *corpus*, *simul* cum corpore est, citra *confusionem* naturarum & absurditatem penetrationis *dimensionum*: ita *ævum* absque absurditate in uno etiam supposito *simul* cum *tempore* est, ita ut utrumq; suam retineat *naturam*. Breviter ita pro negativa concludimus: Si *æternitas* habet partes, etiam *Deus* habebit partes. Si *æternitatis* pars aliqua est *permanens*, pars alia *successiva*, etiam *Deus* erit ex parte ens *permanens*, & ex parte *successivum*. Ratio connexionis utriusque est, quia *æternitas* est ipse *Deus*. Sed consequens utriusque est absurdum. Ergo & antecedens.

VII. *An ævum sit duratio successiva?*

Neg.

Neg. Ut rite vero controversiam decidamus, distinguendum primum est inter successionem *imaginariam* & *realem*. *Imaginaria* est, quæ ad modum successionis *realis* à nobis *cogitatur* & *fingitur* tantum. *Realis* est, in qua *revera* est partium ad invicem *fluxus* & *successio*. Illo modo potest *successio* in *ævo* concedi. Verum de eo non est status controversiæ; Quæritur enim, an *revera* detur in *ævo* *successio*: & hoc negamus, quia *ævi subiectum* (*angelus, anima nostra, &c.*) non est ens *successivum*.

Duratio autem dicitur *permanens* vel *successiva* ab *ente* *permanente* vel *successivo*, cujus est *duratio*.

VIII. *Utrum tempus & duratio successiva æque late pateant, ut tempus nihil aliud sit, quam duratio successiva.*

Neg. *Theor. XI. §. 2.* distinximus inter tempus *Physice* & *Metaphysice* sumptum: ista distinctio hic repetenda est. *Physice* quando sumitur tempus, quia sic judicatur juxta respectum ad *motum* corporum *cælestium*; quoad *extrinsecam* hanc habitudinem *omne* tempus est *duratio successiva*. *Motus* enim est ens *successivum*, & ad eum examinatur *tempus* in *Physica*. Hinc communiter solent entis *successivi* exemplum dare inter
alia

alia *tempus*. *Metaphysice* vero si considera-
tur *tempus*, & quidem in *abstracta* sua natu-
ra, non *aeque* late patet cum *duratione suc-*
cessiva, sed *latius* est & indifferenter se habet
ad *permanentem* & *successivam*. Qualis enim
est rei, quæ in tempore est, *essentia*; talis
etiam est ejus *duratio*: Jam vero non om-
nium, quæ in *tempore* sunt, *essentia* est suc-
cessiva. Corpora naturalia, propter *totalem*
defectibilitatem in *tempore* sunt, non tamen
successiva sed *permanencia* sunt entia. Ergo
etiam non omnes hæ res *successivam* habent
durationem, sed si *ens* est *permanens*, *tem-*
pus etiam ejus erit *duratio permanens*: si
successivum *successiva* quoque erit *tempus*
duratio. Errant ergo, qui *formalem* ratio-
nem temporis in *successione* collocant.

AXIOMATA.

I. Omne ens *durat*.

Hæc regula patet ex *definitione* duratio-
nis, quia dicitur esse *essentiæ permanentia*.
Quia ergo omne ens habet *essentiam*, & illa
essentia (sive *brevi* sive *diu*) *permanet*, se-
quitur, quod omne ens *duret*. In contra-
rium solent opponi *partes motus*, quæ sunt
entia, nec tamen *durant*. Nam pars ejus *præ-*
terita non *amplius* est, ergo nec *durat*: pars
futura

futura nondum existit, ergo etiam non *durat*. Resp. Quævis res *durat*, quando *est*. Ergo pars *præterita*, quando *fuit*, *duravit*, & eo tempore potuit dici, jam *durat*; pars *futura* durabit, quando *existet*, & tunc etiam poterit dici: jam *durat*. Deinde, quale ens est *motus*, talis etiam est ejus *duratio*. At est ens *successivum*, cujus natura requirit, ut quædam partes *effluxerint*, quædam *nondum existant*: Ergo *successiva* etiam est ejus *duratio*.

II. Solus Deus est æternus.

Quod Deus sit *æternus*, facile constat ex ejus *infinitate*. Quicquid enim in *essentia* infinitum est, illud quoque infinitum est in *duratione*. At Deus est *essentia* infinitus. Ergo etiam infinitus est in *duratione*, & per consequens est æternus. Ne vero quis in dubium vocet minorem, fulcitur hac ratione, quia necesse est ut omne *finitum* reducatur ad aliquod *infinitum*, ut evitetur processus in infinitum. *Infinitum* vero illud *Deum* esse extra controversiam est. Quod vero præter Deum non sit aliquid, quod habeat divinam naturam, & æternum sit, ita probamus: quia *præter Deum nullum* ens est *infinitum*, *infinitas* autem non potest esse absque *æternitate*, nec *æternitas* absque *in-*
finitate.

finitate. Una ergo harum remota statim tollitur & altera. Quod vero præter *Deum* nihil sit *infinitum* probatur hoc dilemmate : Si præter *Deum* est quoddam *infinitum*, atque ita *plura* dantur *infinita*, sunt vel *coordinata* vel *subordinata*. Sed non possunt esse *coordinata*, quia se invicem *finirent*, & ita nullum esset *infinitum*. Nam necessario (si *plura* essent) *unum* *infinitum* *ultimate* *distingueretur* ab altero. Illud, per quod *distingueretur* esset *infinita* aliqua *perfectio*, quia in *infinitum* nihil *finiti* cadit. Hac *infinita* perfectione careret illud *infinitum*, à quo *distingueretur*, quia alias *non differret* ab eo. Quod vero caret *infinita* perfectione, illud non est *infinitum*, sed eo ipso *finitur*. Hunc in modum omnibus *infinitis*, quotquot statuerentur, aliquid *infiniti* deesset, & sic nullum esset *infinitum*. Nec possunt esse *subordinata*, quia illud, cui reliqua *subordinarentur*, *subordinata finiret*. Esset enim aliqua *infinita* perfectio in *superiori*, propter quam reliqua ipsi *subordinarentur*, quæ non esset in *inferioribus*. Cui vero vel *minimum* perfectionis *infinitæ* deest, illud non est *infinitum*. Ergo non dantur *plura infinita*.

III. Contradictio est, potuisse creari aliquid *æternum*.

Multi

Multi *Scholasticorum* asserunt posse dari *participatam æternitatem*, quia possit vel potuerit Deus *creare* aliquid, quod careat *initio & fine*. Sic autem describunt *æternitatem*, quam fingunt, *participatam*: Accipitur, dicunt, pro re, quæ *actu* nec *principium* habet nec *finem*, cui tamen *principium & finis* non repugnat, ut si Deus *angelum* aliquem ab *æterno* produxisset, aut *aliam* creaturam, quæ nunquam esset *desitura*. Sed contradictionem implicat ista *participata æternitas*.

Nam quicquid *creatur*, illud *incipit* esse.

Atqui creatura æterna *creatur* (juxta ad-versarios.)

Ergo creatura æterna *incipit* esse.

In conclusione est contradictio *implicita*. Dum enim dicitur, aliquid *æternum* habere *initium* sui esse, nil aliud dicitur quam *æternum* istud *non esse* æternum. Nam quod non *simpliciter* à parte *ante & post* est *interminabile*, illud non est *æternum*. Conclusio ergo cum sit absurda, absurda erit vel major vel minor. Non major.

Quicquid enim *creatur*, illud traducitur à *non esse* ad *esse*, & ita *incipit* esse.

Ergo

Ergo minor erit falsa, quæ est adversario-
rum, quod scil. creatura æterna possit
creari.

IV. In æternitate non datur *prius*, nec
posterius.

Prius vel *posterius* aliquid est vel ori-
gine, vel ordine, vel *successione existentie ad*
aliam existentiam (qui modi hic sufficiunt.)
Axioma non negat prioritatem & postero-
ritatem *originis*; nec prioritatem *ordinis*;
sed eam negat, quæ dicit *successionem exi-*
stentie unius ad aliam existentiam, quia hæc
evertit *indivisibile* vñ *essentie divinæ*. Exi-
stentia enim *prior* non esset existentia *poste-*
rior (alias non esset *prior*) & ita *simul* non
essent, quod tamen requirit simplex æter-
nitatis *αὐτέχεια*.

CAPUT VII.

De Ubietate.

PRÆCEPTA.

Ambiguitatis Evolutio.

I. Ubietas sumitur vel in *contractâ*, vel
in *abstractâ* naturâ.

Contracta ejus natura est, quando *specia-*
liter

liter sumitur, & ad prædicamentum *ubi* restringitur. Olim enim crescente adhuc Philosophia omnis *ubietas* in prædicamento *ubi* putabatur locum habere. Quando ergo specialis ista *ubietas* sumitur pro *ubietate* in genere & in præcisione, improprie ita dicitur, quia non est quod dicitur. Nam idem est, ac si animal *rationale*sumerem pro animali in genere, quomodo sane improprie acciperetur. *Abstracta* natura ubietatis est, quando *generaliter* sumitur, & talem representat conceptum, quia *communis* est omni *adessentia* modo cujuscunque entis. Ita proprie sub considerationem *transcendentalem* cadit.

Formalis ratio.

II. Ubietas est *adessentia* entis in *ubi*.

Quidam Metaphysici ubietatem vocant *præsentiam*, sed non adeo accurate. *Præsentia* enim semper involvit aliquem terminum. Nihil est *præsens*, nisi detur aliquid cui sit *præsens*. *Ubietas* vero istuc etiam se extendit, ubi nihil est. *Deus* cum dicitur esse *ubique*, non intelligitur tantum esse in omnibus hujus universi locis, sed etiam *extra mundum*. Idcirco retinemus nos terminum *ubietatis*. Hujus formale ponimus in *adessentia entis in ubi*. Porro quod ad terminum

ad.

adessentia in nostra descriptione attinet, illa non concipienda est, ac si inferat *formaliter coexistentiam alterius rei*, cui ens, quod dicitur esse in ubi, adfit. Deus enim habuit suam *adessentiam*, antequam quicquam factum est: adfuit enim & non fuit nusquam.

D I V I S I O.

III. Ubietas est vel *finita* vel *infinita*.

IV. Ubietas *infinita* est *adessentia* in omnibus *ubi* simpliciter *interminabilis* quæ uno nomine vocatur *ubiquitas*.

§.1. Hæc soli Deo competit, & differt ab ubietate *finita*, quæ terminos admittit.

§.2. Sicut autem *interminabilitas æternitatis* non negat tantum *durationis* terminum *actualem*, sed etiam *possibilem* c.6. Th.

IX. §.4. ita quoque *interminabilitas ubiquitatis* non negat tantum *adessentia* terminum *actualem*, sed etiam *possibilem*, ita ut quod *ubique* est *essentialiter* non possit non esse in spatiis infinitis.

V. Ubietas *finita* est *adessentia determinata*.

Hæc spectat ad ens *finitum*, & possit dici *alicubitas*.

VI. Estque duplex: vel *definitiva* vel *circumscriptiva*.

VII. Ali-

VII. Alicubitas *definitiva* est, qua aliquid sine *circumscriptione* locali ita est *alicubi*, ut *alibi* non sit.

Hæc competit *Spiritibus*, formis *materia libus* & *accidentibus*.

§.1. *Definitiva* dicitur, quia *definitionem* hanc patitur: *ibi est, hic non est*.

§.2. Sistit ergo ens *alicubi*, qua in parte differt ab *ubiquitate*, quæ occupat omne ubi. Determinatur vero istud *alicubi* per *carentiam circumscriptionis* localis, qua differt ab *alicubitate circumscriptiva*.

VIII. Alicubitas *circumscriptiva* est, qua aliquid per *circumscriptionem* localem est in *ubi*, quod specialiter dicitur *locus*.

Hæc *soli* & *omni* corpori competit.

Locus differt ab *ubi definitivo* per *circumscriptionem*, quæ datur in eo, in hoc negatur. Dicitur vero *alicubitas circumscriptiva*, non *passive*, quasi ad *formale* ejus requiratur, ut necessario *alio* corpore ambiente *circumscribatur*. Sed *circumscriptiva* dicitur *active*, quod scilicet in *tali* subjecto sit, quod *spatium* suum occupare, & occupando *circumscribere* possit.

PROBLEMAT A.

I. *An ubietas consistat formaliter in coexistentia alterius rei?*

Neg.

Neg. Nam 1. *affectiones* per se non fluunt ab aliquo *extraneo*, sed ex ipsius rei *essentia*.

2. Res in suo *ubi* est, licet omne *coexistens* tollatur. Deus si *absoluta* sua potentia omnes creaturas iterum in *nihilum*, unde *factæ* sunt, *redigeret*, nihilominus obtineret suam *ubietatem*, quia non esset *nullibi*.

II. *An ubietas in formalitate sua includat operationem?*

Neg. Nullum quidem *ens* invenitur, quod, licet non proprie *effectivam*, aliquam tamen *operationem* non habeat. Quia vero simul cum *operatione* ens est in suo *ubi*, sequitur quod *ubietati operatio* sit conjuncta. Sed *materiale* non est in *formale* inferendum. Ergo nec *operatio* ad *formale* ubietatis pertinet. Alias quod ad *præsentiam* Dei *modificatam* & *complexam* attinet, ad ejus plenam definitionem *stylo biblico* exprimendam utique *operatio* requiritur.

III. *Utrum Deus etiam sit extra mundum?*

Aff. Quia extra mundum potest *operari*, & plures mundos creare.

AXIOMATA.

Ubietas in omne ens cadit.

Quod *nullibi* est nihil est.

TRA.

TRACTATUS POSTERIOR

DE

Affectionibus Disjunctis.

CAPUT. VIII.

De Affectionibus disjunctis in genere.

DEfinitio affectionum *disjunctarum* ex L.II. C.I. Th.4. hic repetenda est quod scil. *sub disjunctione de ente prædicentur, & sub complexu utriusque distinctionis membri cum eo recipiuntur.* Hic tantum divisionem earum trademus.

PRÆCETA.

- I. Affectiones disjunctæ sunt vel *primariæ* vel *secundariæ*.
- II. *Primariæ* sunt, quæ magis *intrinsece* naturæ entis insunt.

Dantur quædam affectiones entis, ut *unitæ*, sic etiam *disjunctæ*, quæ magis *intrinsece* immutatione cum entis *essentia* sunt connectæ: Contra aliæ magis *extrinsece* ipsi competitunt. Magis *intrinsecum* sane homini est

esse ens compositum, quam esse subjectum accidentium. Magis intrinsecum Deo est, esse infinitum, quam esse mensuram creaturarum: esse simplicissimum, quam habere respectum ad res creatas.

III. *Primariæ sunt vel immediatæ vel mediatæ.*

IV. *Immediatæ sunt, quæ proxime ex ente fluunt, & immediate in eo fundantur.*

V. *Mediatæ sunt, quæ mediantibus unitis ex ente resultant.*

Primariæ deprehenduntur esse in duplici differentia. Quædam pro fundamento habent immediate ipsum ens, (in quod omnino omnes affectiones innituntur, licet non eodem modo.) Hæ sunt *Necessitas & contingentia: Actus & potentia: Incorrupt. & corrupt. Independens & dependens: Increatum & creatum: Finitum & infinitum: Principium & principiatum: Causa & causatum.* Quædam vero *mediate* in ente fundantur, & *immediatum* fundamentum agnoscunt aliam affectionem unitam. Ex unitate resultant *Simplex & compositum: Totum & pars: Idem & diversum: Communicabile, & incommunicabile: Ex veritate naturale & artificiale: Ex bonitate completum & incompletum: Ex duratione permanens & successivum:*

vum: Ex ubietate indefinitum & definitum.

VI. Secundariae sunt, quæ magis extrinsece
enti competunt.

Tales sunt *Subiectum & adjunctum*: *Ab-
solutum & respectivum*: *Mensura & mensu-
raturum*: *Signum & signatum*.

VII. Ad divisionem affectionum disjun-
ctarum refertur etiam hæc distinctio,
quod aliæ tales sint, ut *unum* membrum
conveniat huic, *alterum* alii enti: Aliæ
vero tales, ut *utrumque* membrum suo
modo *uni* enti competat.

Illæ sunt e. g. *infinium & finium, increa-
tum & creatum, independens & dependens,
&c.* *Hæ* vero e. g. *Idem & diversum*; quod
enim hoc modo *idem* est, sub diversa consi-
deratione est *diversum*: *Completum & in-
completum*; Sæpe enim fit, ut aliquod sit
completum in *essendo*, sed incompletum in
subsistendo, &c.

PROBLEMAT A.

I. *Quomodo differant affectiones disjunctæ
à divisionibus entis in essentialiter
inferiora?*

Resp. I. Affectiones disjunctæ afficiunt ens
παρωρίμως & *extraessentialiter*, dicuntque ali-
quid, quod ex essentia *per se* fluit: Divisio-
nes vero *συωρίμως* & *essentialiter*, & dicunt
ipsam

ipsam essentiam. 2. De membris divisionum in abstracto prædicatur ens, ut accidens est ens; De Membris vero affectionum disjunct. plerumque in concreto, ut unum est ens (non unitas) &c. Dantur quidem exempla contraria, ut causa est ens, &c. sed propter defectum terminorum.

II. *An dentur disjunctæ affectiones, quarum membra differant realiter à se invicem, non vero ab essentia?*

Aff. Non intelligimus hic *realem* distinctionem in rigore sumptam, sed eam, quæ dicitur *secundum analogiam*, qualis etiam datur inter *modos oppositos*. Universaliter quidem non facile potest statui, quod in omni *disjuncta affectione* membra *realiter* differant à se invicem, & non *realiter* ab *essentia*: Interim tamen dantur multa exempla, quibus problematis affirmativam stabilire possumus. Independentens & dependens *realiter* differunt à se invicem, quia *subjecta* *realiter* differunt. Deus enim est independentens: creatura dependens. Interim tamen nec *independentia* à Deo, nec *dependentia* à creatura *realiter* differt. Sed tantum *formaliter*. Et sic in aliis. Potest hinc quodammodo illustrari, quomodo *oppositæ relationes* in divinitate à se invicem, non vero ab *essentia* *realiter* differant.

CAPUT. IX.

De Necessitate & Contingentia.

PRÆCEPTA.

Æquivocationis evolutio.

- I. Necessitas est vel *indigentiae*, vel *coactionis*, vel *violentiae*, vel *expedientiae*, vel *immutabilitatis*.

Necessitas *indigentiae*, græcis *χρῆς* dicta est, quæ indicat, in rerum *difficultatibus* sublevandis non esse cessandum, sed *suppeditanda* ea, quibus *indigemus*. Necessitas *coactionis* est, qua entia rationalia *contra voluntatem* ad aliquid *coguntur*. Ut *fur* cogitur in ad patibulum. Hæc opponitur actionibus *liberis*. Necessitas *violentiae*; græcis *ἀνάγκη* est, quæ rei *naturali* vim infert ab *extra*, contrahente eo, quod patitur. Ut *lapis*, qui sua *natura* deorsum tendit, *necessario* sursum fertur, per *vim* projicientis. Hæc opponitur actionibus *naturalibus*. Necessitas *expedientiae* est, quæ propter *utilitatem* hoc vel illud non debere *intermitti* postulat; ut lingua *latina* ad eruditionem acquirendam est *necessaria*. Necessitas *immutabilitatis*, uti dicitur (quæ proprie est hujus loci) est, qua ens non potest aliter se habere.

II. Ne.

II. Necessitas est vel *in operando*, vel *in afficiendo*, vel *prædicando*, vel *essendo*.

Necessitas *in operando* est, qua causa ad unum *determinata* non potest *non* agere, vel *aliter* agere. Sic *Magnes* positis omnibus requisitis *necessario* trahit *ferrum*, non aurum vel aliud quid. Sic *Sol* non potest *non* illuminare nostrum hemisphærium, cum ortus est. Necessitas *in afficiendo* est, qua affectio *inseparabiliter* cum *subiecto* coheret. Sic *quantitas* *necessario* afficit corpus: *ignis* *necessario* est *calidus*: homo *necessario* est *risibilis*. Necessitas *in prædicando* conspicitur in *propositionibus* *necessariis*, quæ vel sunt *absolute* *necessariæ*, scil. vel necessitate *definitionis*, ut *temperantia* est *virtus*; vel necessitate *demonstrationis*, ut omne *rationale* est *docile*, vel necessitate *oppositionis*, ut corpus non est *spiritus*; vel *modaliter*, per modum *necesse* expresse additum, ut, *necesse* est omne *risibile* esse *hominem*. Necessitas *in essendo* est, qua res non potest *aliter* esse. Hæc est hujus loci.

Formalis ratio.

III. Necessitas est, qua ens *tale* est, ut non possit *aliter* se habere.

Formalem rationem *necessitatis* non om-

nes uno eodemque modo describunt. Quidam eam constituunt in *defectu respectus voluntatem nostram*, quando res non dependet à nostro arbitrio. Verum dantur quoque *contingentia*, quæ non à nostra voluntate dependent. E. G. Cum nascitur monstrum istud sane *contingens* est, & tamen *præter intentionem* nostram fit. Alii formale collocant in *immutabilitate*. Verum ita formale *contingentiæ* esset ponendum in *mutabilitate*. Hoc vero non procedit, quia dantur *contingentia*, de quibus non commode dici potest *mutabilitas*. *Decreta* Dei suo modo sunt *contingentia*, non vero *mutabilia*. Sunt quæque, quibus formalem rationem necessitatis in *invariabilitate* ponere placet. Sed hi, dum *immutabilitatem* rejiciunt, eo ipso quoque *invariabilitatem* removent, quia *decreta* Dei sunt *invariabilia*, & tamen *contingentia*. Ne ergo retinamus generale formale Aristotelis 4. Met. c. 5. ubi dicit: Τὸ μὴ ἐνδεχόμενον ἄλλως εἶναι, ἀναγκάσιον φάμεν, quod non potest aliter se habere, necessarium dicimus; non descendentes ad determinationem vel inmutabilitatis, vel invariabilitatis, &c.

DIVISIO.

IV. Necessitas est vel absoluta, vel hypothetica.

V. Ne

V. Necessitas *absoluta* est, qua ens in se & sua natura non potest aliter esse, atque est.

Absoluta dicitur, quia *absolvitur* quasi ab interna variabilitate, & ab *hypothesi extrinseca* alicujus *circumstantiæ* vel *conditionis*, quæ necessitatem *conditionatam* facit, & ita necessitati *contingentiam* admiscet.

VI. Hæc est vel *simpliciter absoluta*, vel *secundum quid*.

VII. Necessitas *simpliciter absoluta* est, quæ nullo modo finit ens aliter se habere.

Hæc soli enti *independenti*, Deo scilicet competit.

VIII. Necessitas *secundum quid absoluta* est, qua aliquid ex præscripto *creationis*, & inde fluente *immutata* causarum coherensione, non aliter se habet.

Hæc competit *creaturis*.

§. 1. *Simpliciter absoluta* necessitas potest dici absolutissima & plane *independens*, quia quod per hanc *necessarium* est, (Deus sc.) non tantum *omnimodam* & *summam* obtinet necessitatem, sed illam quoque à se & per se *independentem* habet.

§. 2. Ea vero, quæ *secundum quid* dicitur, longe minor est, & ens tantum in certo genere & gradu *necessarium* præstat. *Creatura*

enim, quæ hac necessitate gaudent, non plane respuunt omnem modum *aliter* se habendi. Nam potuissent vel *non creatæ* vel *non generatæ* esse, si Deus *liberum* opus creationis *intermisisset*, vel causas ad generationem concurrentes *impedivisset*. Possent etiam *magis amplius* esse, si Deus eas *destrueret*, vel *fluxum conservativum* ad unum momentum saltem *retraheret*. Creaturæ etiam necessitatem, quam habent, non à se habent, sed *simpliciter* necessario, unde etiam *dependens* necessitas à nonnullis vocatur.

IX. *Secundum quid* absoluta necessitas est vel *substantiarum*, earumque *spiritualium*, vel *corporearum*; vel *accidentium*.

§. 1. Necessitas *spirituum* scil. finitorum est, e. g. qua *necessario* existant *absque materia*, sint *incorruptibiles & indefectibiles* parte *post*, &c.

§. 2. Necessitas *corporum*, quæ alias *necessitas Physica* dicitur, æstimatur ex *necessario influxu & cohæsione* causarum. Estque pro diversitate causarum vel ratione *efficientis*, vel *materiæ*, vel *formæ*. Nam necessitas *finis* ad *hypotheticam* pertinet.

§. 3. Necessitas ratione *efficientis* est, quando *positis* omnibus *requisitis* efficiens ita se habet, ut *necessario* producat *effectum*, ut
ignis

ignis necessario urit stipulam vel stupam: equus necessario generat equum, leo leonem, &c. Hæc *necessitas* vero certa postulat *requisita*, ut sunt *Habilitas* in patiente: *sufficiens virtus* in agente: *legitima agentis ad patientem approximat*io: *absentia impedimenti*: *conveniens medii* (sc. quod interjacet) *dispositio*, &c.

§.4. *Necessitas respectu materiæ*, cum aliquid propter *materiam* non *aliter* se habet. Ut omne *corpus* necessario est *quantum* propter *materiam*, quam sequitur *quantitas*: Plumbum necessario est *fusile* propter *materiam*: Mista necessario *corrumpuntur* propter *materiam*.

§.5. *Necessitas respectu formæ* est, cum aliquid *non variat* propter *formam*. Hæc *necessitas* iterum est duplex: vel *constitutionis*, quæ etiam *definitionis* dicitur, qua unicuique *corpori* certa inest *forma*, quæ illud in *determinato*, & ab aliis *distincto* esse constituit. Sic homo propter *formam* est homo: Cælum propter *formam* est cælum; vel *consecutionis*, alias etiam *demonstrationis* dicta, qua necessario rem comitantur, quæ *formam* sequuntur, ut *affectiones*, v.g. Sol necessario largitur inferioribus influxum, magnes necessario habet facultatem trahendi ferrum, ignis necessario est calidus, &c. propter *for-*

nam. Hæc vero ad necessitatem in essendo non directe spectat.

§.6. Necessitas *accidentium* est, quæ propriam & ab aliis distinctam necessario habent & retineant essentiam, ut e.g. *quantitas* non degeneret in *qualitatem*, ut *locus* non fiat *tempus*, & quod propriam necessario sibi vendicent *formalem rationem*, ut *quantitas extensionem*.

X. Necessitas *hypothetica* est, quæ aliquid non finit *aliter esse*, vel propter *actum existendi*, vel propter *extrinsecam* aliquam *conditionem* seu *circumstantiam*.

§.1. Hæc in *natura* sua admistam quidem habet *contingentiam*: dicitur vero *necessaria* tum propter *actum existendi*, quia omne, quod est, quando est, *necesse est esse*, licet in se sit *contingens*. E.g. Homo *contingenter* fit *doctus*: posito vero, quod jam sit *doctus*, *necessario* est *doctus*; tum propter *aliam conditionem*, rei in se *contingenti extrinsecam*, quæ desumitur vel 1. à *causa efficiente*, eaq; vel *morali*, quomodo *bona opera* sunt *necessaria* ob Dei *mandatum*, *impii* *damnantur* *necessario* ob *incredulitatem*; vel *reali*, non quidem *naturali*, quæ ad *absolutam* spectat, uti ex Th. IX §.3. patet, sed aut *supernaturali*, ut *necessario* *furdi* & *cœci* *sanantur*, *ferrum* *nat-*
tat,

tat, aqua, muri instar, stat erecta, &c. quia *Deus* vult, & miraculose ista efficit; aut *præternaturali*, ut *fur necessario* ascendit furcam, quia à lictoribus cogitur: cerevisia in tubulo doliari sursum movetur *necessario* propter extractum aerem & periculum vacui. Vel 2. à causa *finali*, cum aliquid *necessarium* dicitur ob certum *finem* obtinendum, vel *simpliciter*, sine quo non potest obtineri, ut labor *necessarius* est ad eruditionem, vocatur *necessitas exigentiæ*; vel *secundum quid*, quo finis *commodus* obtinetur; ut libri *necessarii* sunt ad eruditionem: Hæc dicitur *necessitas expedientiæ*.

§.2. Distinctio inter necessitatem *consequentiae* & *consequentis* à Metaphysicis in eodem sensu sumitur, quo antecedens, in *absolutam* & *conditionatam*: Sed accurate si eam ponderamus, potius agit de necessitate *complexa*, quapropter ad *Logicam*, unde desumpta, ableganda esset. Sed cum termini per usum valeant, ut nummi, maneat ipsi æquipollens vigor.

Ambiguitas.

XI. Contingentia sumitur, vel nimis *strictè*, vel *adequate*.

Illo modo omne id dicitur *contingens*, quod fieri potest, & non est impossibile, quomodo
multa

multa *necessaria* etiam essent *contingentia*.
Isto modo sumitur in respectu ad *causam*
per accidens, & est vel *fortuitum*, vel *casuale*.
Hoc modo vero istud dicitur *Contingens*
 quod potest *aliter* se habere. In hac accep-
 tione hic opponitur *necessario*. Quomodo
 differant *contingentia* in *essendo*, in *afficien-*
do, & in *operando*, ex Th.II. patet.

Formalis ratio.

XII. *Contingentia* est, qua ens *aliter* se
 habere *potest*.

Retinemus, sicut in *necessitate* ita & hic
 Aristotelis *formale*, missis opinionibus alio-
 rum de *mutabilitate*, *variabilitate* & respectu
 ad *voluntatem* nostram. *Formale* vero hoc
 dicit ens in sua *natura* (non habito respectu
 ad externam circumstantiam sæpe rem ne-
 cessitantem) *tale* esse, ut, antequam est, *possit*
esse, & *non esse*; *possit ita*, vel *aliter esse*.

D I V I S I O.

XIII. *Contingentia* est vel *extrinseca* vel
intrinseca.

XIV. *Extrinseca* est, qua aliquid propter
externum principium aliter se
 habere *potest*.

Hæc cadit in omnes *creaturas*.

XV. *Intrinfeca* est, qua aliud propter principium *internum* tale est, ut *agere*, vel *non agere*, *ita*, vel *aliter* agere possit.

Hæc tantum competit agentibus ex arbitrii *libertate*, sc. Deo, angelis & hominibus, & quidem ex parte *effectus* vel *actus*. Nam *causa*, quæ dicitur *libera*, non statim idè in *essendo* est *contingens*.

PROBLEMATATA.

1. An detur necessitas, & contingentia.

Aff. §. 1. Dux olim fuerunt opiniones contrariæ (quarum semina adhuc se movent) altera negavit *necessitatem*, & omnia fortuito accidere putavit, quam tribuunt *Epicuræis*: altera sustulit *contingentiam*, & *fatalem* omnium, quæ fiunt, *necessitatem* obtinere contendit, quam *Stoicis* ascribunt. Utraq; falsa.

§. 2. *Necessitatem* probat rerum *uniformis* conditio & *necessarius* effecti cum causa *nexus*. Sol perpetuo *mouetur*, & non nisi miraculo *quiescit*: cum *ortus* est, *necessario* efficit *diem*. Ignis *omni* tempore est *calidus*. Folia *betulæ*, *tiliæ*, *rutæ*, *ponii*, *pyri*, *cario-phylorum*, *nasturtii*, *cochleariæ*, &c. eandem *quotannis* figuram, eundem *colorem*, *odorem*, *saporem* exhibent.

§ 3. *Contingentia* probatur *ex sensu*, quia, qui

qui cruciatur, posset non cruciari : *ex libertate voluntatis nostræ* ; possumus enim loqui & non loqui, ambulare & quiescere, studere & non studere : *ex inopinis* ; qui in viis succiditur, posset non occidi, quia alii incolumes evaserunt : *ex consultatione* ; de inevitabilibus enim non consultamus : *ex legibus*, quæ otiosæ essent, si homo *necessario* delinqueret.

II. Utrum contingentia detur necessario

Distinguimus inter contingentiam in actu signato, & exercito sumptam. In actu signato, quatenus exhibet communem naturam omnium particulariter contingentium in idea, *necessario* datur, cum alias omnia secundum Stoicos essent *necessaria*. In actu exercito, quatenus particulariter est in hac vel illa re contingenter se habente, non datur *necessario*.

III. An tria tantum sint agentia libera, Deus, Angelus & Homo ?

Aff. Nam in hæc tria tantum cadit intellectus, & voluntas, sine quibus non datur liberum arbitrium. Nec obstat 1. quod bruta quoque habeant indifferentiam ad agendum, quia e.g. canis jam prorsum jam rursus, avis jam sursum jam deorsum, prout placet, movetur ; hirundo nidum sub hac struat trabe,
aliam

liber. *aliam* negligat, &c. Nam talia faciunt beneficio *phantasie*, quæ quia *discursu* caret, *necessario* ad unum fertur. Nec obstant. 2. *inanimata*, quod. e. g. lapis è sublimi in plateam decidens *indifferens* sit, ut *hunc* vel *istum* lapidem stratæ viæ concutiat: Nam si plane sibi relictus sit, *necessario* tangit ipsum, qui inter ipsum & centrum terræ in linea recta interjacet.

IV. Num contingentium nulla sit scientia?

Dist. Datur eorum scientia in actu *signato*. Oportet Metaphysicum de iis agere, ut naturam eorum declaret. Non datur scientia de ipsis in actu *exercito*, e. g. de *Alexandri* nuptiis, de *Caspari* lapsu, de *Margaretæ* amisso ferto.

V. An inter necessarium & contingens detur medium?

Neg. Quia *contradictorie* sibi opponuntur, *posse* & *non posse* aliter se habere. Quidam putant, quod *liberum* sit medium, quia actus Dei sunt liberi, & verò nec *necessarii*, (quod putant per se patere) nec *contingentes*, (quia *contingentia* dicat *imperfectiorem*) possint vocari. Sed actus Dei *vel terminantur ad Deum*. (ut cum Deus *seipsum* cognoscit, & amat) & sic *necessarii* sunt, quia sunt *ipse Deus*; *vel terminantur ad objectum aliquod*

quod externum, (ut creatio mundi) ita sunt
(quatenus terminantur aliorum) liberi & con-
tingentes; Contingentia verò, hic non in-
perfectiorem involvit, quia in se & sua natu-
ra spectata non statim dicit casuale, sed quod
potest aliter esse. Contingentia essendo, non
operando, imperfectiorem dicit.

AXIOMATA.

I. Omne ens est vel *necessarium*, vel *con-*
tingens, & quicquid est vel *necessa-*
rium vel *contingens*, illud est *ens*.

Intelligitur *verum & reale ens, vera etiam*
necessitas & contingentia, scil. in essendo.

II. Nullum datur *necessarium*, in quod non
 cadat *contingentia*.

Deus, licet ens necessarium simpliciter ab-
solutum sit, tamen admittit contingentiam
eam quidem extrinsecam, quæ est ipsa arbi-
trii libertas. De angelis, homine & reliquis
creaturis res clara est.

III. Omne quod est, quando est, *neceffe* est
 esse.

Sc. Posito *actu essendi*: non quoad *statum*
antecedentem.

IV. *Indifferentia* ad bonum & ad malum
 non est de *essentia libertatis*.

Sc.

Sc. ut *utrumque* possit eligere. *Dei* voluntas est libera, ad bonum tamen est determinata.

V. Ab uno necessitatis modo ad alterum non licet argumentari.

Quod ex *hypothesi* est necessario non statim absolute est necessarium.

VI. *Dei præscentia* non infert rebus necessitatem.

Quia non est rerum causa.

CAPUT X.

De Actu & Potentia.

PRÆCEPTA.

Ambiguitas.

I. Potentia est vel *transcendentalis*, vel *prædicamentabilis*.

Illa proprie est hujus loci, & appellationem suam obtinet ex *amplitudine*, quia omnia genera transcendit. *Hæc* vero strictior est, & ad *qualitatem* coarctatur, cujus species est, ut potentia ridendi, generandi, urendi, ferrum trahendi, &c. *Illa* tantum dicit affectionem entis: *Hæc* vero peculiare ens est.

II.

II. Potentia *transcendentalis* sumitur *negative*, & dicit *non-repugnantiam* existendum: vel *positive*, & sic est aptitudo ad aliquid.

Restringimus hanc distinctionem ad *transcendentalem*, secus ac alii; quia *prædictæ* *potentia* semper est *ens peculiaris* & ita semper *positive* accipienda est, cum omne ens sit *positivum*. Coincidit hæc distinctio fere cum ea, qua aliud est *esse in potentia*, & aliud *potentia ipsa*: Nam quod *in potentia* est; id nondum est, sed potest aliquando esse, & sic duplex ei competit negatio, scil. *essentia*, quam nondum habet, & *repugnantia*, quia non repugnat existere E. G. Filius post aliquot annos generandus, est *in potentia*, scil. *negative*, quia nondum existit in mundo, interim tamen non impossibile est ut existat. *Potentia ipsa* vero cum dicitur de aliqua re, jam datur in mundo ea res, quam afficit *potentia*, & per eam potentiam res habet *aptitudinem* ad aliquid. Potentia vero *negative* sumpta *improprie* dicitur potentia, quia non afficit ens reale, sed negat potius illud, & opponitur illi. Quapropter etiam ens *in potentia*, tanquam ens *æquivoce* tantum sic dictum, removimus ab *objecto* Metaphysicæ. *Propria* acceptio *potentia*,

entia, quæ hic valet, est cum *positive* sumitur. Ne vero aliquis objiciat, quod *affectiones* enti non addant aliquid *positivi*, notetur hæc distinctio: Quod positivum accipiatur vel *generaliter* vel *specialiter*. *Generaliter* positivum dicitur, quod revera datur citra *fictionem* mentis, five sit ens, *proprie* dictum, five sit ens *improprie* dictum, five *modus* entis. *Specialiter* positivum est, quod *realem* habet *essentiam*. Ponit ergo positivum vel *affectionis* competentiam, vel *essentiam*.

III. Potentia est vel *objectiva* vel *subjectiva*.

Objectiva est, *secundum quam* aliquid potest *produci*. Hæc tribuitur rei nondum *existenti* & ita vocatur, quia res, quæ ita dicitur esse in *potentia*, est *objectum* alicujus *potentie activæ*, quæ eam *producere* potest.

Subjectiva est, *secundum quam* res aliquid potest. Hæc tribuitur rei *jam existenti*, & id eo dicitur *subjectiva*, quia res *jam existens* est *subjectum* modi sui. Hæc est hujus loci.

Formalis ratio.

IV. Potentia est id, secundum quod ens potest aliquid.

§. I. Remotâ *potentiâ predicamentali negativâ* (in suo sensu) & *objectivâ*, definimus hic

hic *transcendentalem*, *positivam*, & *subjectivam*. Ejus *formale* ponimus in *posse*, scilicet, ut *præscindat* ab omni eo, quod *esse* dicitur, scil. ab *agere* & *pati*. Tamen *potentia* dicitur ea, qua ens potest *agere*, cum Deus sua *potentia* conservat mundum quam ista, qua aliquid potest *pati*, ut cum homo *potentiam* habere dicitur ad *eruditionem* ab aliis *addiscendam*.

§. 2. Sunt, qui ita *potentiam* definiunt. *Potentia est, quæ recipit actum, aut largitur actum*: Verum hæc definitio non potest omnibus *potentiis* applicari. Lumen in aëre habet *potentiam*, ut possit *annihilari* recedente Sole. Hæc *potentia* nec *recipit actum*, quia ipsa *essentia* perit, cui *affectio* deberet inniti: nec *largitur actum*, & tamen revera *potentia* est.

D I V I S I O.

V. *Potentia* dividitur in *activam* & *passivam*. *Activa* est secundum quam aliquid *agere potest*: *Passiva*, secundum quam aliquid *pati potest*.

§. 1. *Activum* & *passivum* hic non ex *prædicamentis* explicandum est, quasi peculiare ens statim sit *activa* itemque *passiva* *potentia*, ne confundatur *potentia transc.* cum *potentia naturali*, quæ species *qualitatis* est, &

& itidem in *activam* & *passivam* dividitur; sed termini sunt in *ampliacione* iusta intelligendi, & in natura *abstractissima* accipiendi.

§. 2. Aliqui ita definiunt: Activa est vis agendi *in aliud*: & vocem *aliud* accipiunt tam ample, ut possit quoque *non enti* attribui. Verum hæc acceptio fluit ex ea *hypothesi*, quod ens in *potentia* sit *verum* ens (si hoc, potest omnino *aliud* dici,) quam tamen isti non concedunt. Ideoque nos illam vocem in definitione omisimus.

VI. Potentia passiva est vel *naturalis*, vel *obedientialis*.

Quidam hanc divisionem applicant ad potentiam *simpliciter* sumptam, quatenus præscindit ab *activa* & *passiva*. Hi comparant potentiam *obedientialem* ad *actum* istum, qui complet eam; & hunc non tantum *passivum*, sed etiam *activum* sæpe esse concedimus. Sic in asina est potentia *obedientialis activa* ad loquendum. Nos vero comparamus potentiam ad *agens superius*, cui *obeditur*, & sic potentia *obedientialis* non nisi *passiva* est. Ideo hanc divisionem ad *passivam* restringimus.

VII. *Naturalis* est, qua ens à natura est *aptum* ad aliquid. Sic in *semine* equi est
po-

potentia Naturalis ad figuram equi recipiendam.

Obedientialis est, qua ens citra naturalem inclinationem non repugnando aptum est, ut obediat agenti superiori ad aliquid: ut potentia in aqua, ut vinum fiat.

Hæc dicitur vel in ordine ad *Deum*, quo modo omnes res creatæ possunt fieri omnia, quod non implicat contradictionem, modo conciliandam. Sic lapis potest fieri homo, aqua vinum, &c. vel in ordine ad angelos, à quibus pulvis potest in corpus humanum simile transformari, & ita moveri; vel in ordine ad homines, quomodo argilla potest recipere formam lateris, æs formam campanæ, &c. vel etiam in ordine ad bruta, quomodo lutum habet potentiam, ut exinde hirundinidum semicirculari figura struat: cera, apes inde sexangulas cellulas forment.

VIII. Potentia activa est vel infinita, vel finita.

IX. Infinita solius Dei est: & distinguitur in absolutam, qua Deus omnia simpliciter possibilia potest: & ordinatam, qua ex hypothesis ea tantum potest, quæ vult.

§. 1. Objectum potentiaæ absolutæ sunt omnia possibilia, quæ enim non possunt fieri, nequeunt.

queunt esse *objectum* potentia. Addimus vero *simpliciter*, ut intelligatur, non ea tantum posse *Deum*, quæ nobis sunt *possibilia*, sed quæ *absolute* & absque ulla *restrictione* sunt *possibilia*, licet nobis etiam *impossibilia* videantur. *Simpliciter* vero *possibilia* sunt omnia, quæ non involvunt *contradictionem*, & talem quidem, quæ in *mente Dei* nullo modo potest *conciliari*. Non enim *judicium* de vera *contradictione* hac in parte *permittere* est *nostræ rationi*.

§.2. *Ordinata* potentia dicitur vel *respectu ordinis in natura instituti*, & sic *Deus* aliquando agit juxta *absolutam* quoque *potentiam* in *miraculis* scilicet: vel *respectu reliquorum attributorum*, præsertim *voluntatis*; Sic *Deus* non agit juxta *absolutam* potentiam, quia alias contra *decreta* sua ageret. Non autem definit *Deus* omnia *posse*, quia non vult perficere, sed sicut nos sæpe ideo aliquid *non possumus*, quia ad istud *intermittendum libere* nos *obligavimus*: ita *ex hypothesi* id non potest *Deus*, quod non *decrevit*, interim *absolute & simpliciter* etiam illa, quæ non *decrevit*, potest; quia alias non esset *omnipotens*.

X. Potentia finita est creaturarum.

XI. Aliter potentia dividitur in *rationalem*

lem & irrationalem. Illa gubernatur intellectu. Hæc non.

§. 1. Divisio hæc de triplici subiecto intelligitur, sc. vel *specialiter* de potentiis *minis*, quarum quædam obediunt *rationi*, *sensus*; quædam non ut facultas *auctrix*: *generaliter* de potentiis animæ in *communi* eodem sensu: vel *generalissime* de potentia *cujuscunque* entis, ut sit *sensus*: omnis potentia est vel *rationalis* vel *irrationalis*. Et hoc modo nos eam intelligimus: *Rationalis* potentia est, quæ ab *intellectu* dirigitur, & cadit in *Deum*, (si *activa* sit) *Angelos & homines* (quamvis in homine etiam detur *irrationalis*.) De *Dei* potentia dubitant quidam, an sit *rationalis*, quia scil. non cum *discursu* conjuncta sit, quem *ratio* involvit. Sed *rationalis* hic sumitur in ordine ad *intellectum* *præcise*, qualiscunque etiam sit: *Intellectus* autem in *Deum* cadit. *Irrationalis* potentia intelligenda est sub negatione *infinita*, ut omnis illa dicatur *irrationalis*, quæ est *non rationalis*, ut potentia ad producendos *deus* in homine, potentia mundum *illuminandum* in Sole, potentia *nutriendi* in pane, &c.

§. 2. Communiter hanc divisionem applicant tantum ad potentiam *activam*: sed non video, cur non possit trahi ad potentiam *simpliciter*, ita ut dicatur etiam: omni

potentia *passiva* est vel *rationalis* vel *irrationalis*. Hominis potentia *discendi* linguas ab alio, est *passiva*; & quia ab *intellectu* gubernatur est *rationalis*. Mixta quod possunt *corrumpi*, fit per potentiam *passivam irrationali*.

Distinct. Nominales.

XII. 1. Actus est vel *transcendentalis* vel *prædicamentalis*.

Transcendentalem, qui hujus loci est, postea definiemus.

Prædicamentalis est ipsa *actio*, quæ *peculiarè* prædicamentum constituit.

XIII. 2. Actus est vel *primus* vel *secundus*.

Actus primus est ipsa *essentia* cujusvis rei, quæ potest *agere* aut *pati*. Non vero ipsa *essentia nuda sumpta* est *actus primus*, quasi synonymum entis sit *actus*; sed *modificata*, quatenus sc. respicit *actionem* vel *passionem*.

Actus secundus est *actio*, vel *passio* ejus rei, quæ dicitur *actus primus*. Plerique putant, quod *actio* tantum sit *actus secundus*; verum sine dubio etiam *actus primus* est *posse*, (e.g.) calefieri, & *actus secundus* de facto *calefieri*. Unde sequitur, quod *passio* etiam sit *actus secundus*. Breviter, omnis potentia (licet non sola) est *actus primus*, siue sit *activa*

H

siue

sive *passiva*: Et omnis *actus* potentiae talis respondens est *actus secundus*. Hinc nemo putat, quod distinctiones *synonymae* sint *potentia* & *actus*, item *actus primus* & *actus secundus*. Nos vero statuimus, quod *actus primus* latius pateat quam *potentia* quia id, quod per potentiam agit vel patitur etiam est *actus primus*, *Formaliter* & *immediate* principium agendi vel patiendi est *potentia*: *Suppositaliter* vero & *mediate* illi cuius est *potentia*.

XIV. 3. *Actus* est vel *signatus* vel *exercitus*.

Signatus est, cum res in *universali* natura *repraesentatur*, & *communi* definitione *signatur*. Sic *Metaphysica* *signat* & *definit* *durationem* in *actu signato* & *abstracta* natura.

Exercitus est, cum *natura universalis* in *particulari* applicatur, & *quasi* exercetur. Sic *Pneumatica* etiam agit de *duratione* non *simpliciter*, sed *tali*, scilicet *aero*, ad quod *naturam* *durationis communem* applicat.

XV. 4. *Actus* est vel *essentiae* vel *subsistentiae*.

Actus essentiae est *ipsa essentia*: *Actus subsistentiae* est, *secundum quem* res *subsistit*. Hic *solis* competit *substantiis*.

XVI. 5. *Actus est vel entitativus vel formalis.*

Entitativus est, per quem existunt ea, quæ intrinsece non habent formam.

Formalis est, per quem existunt ea, quæ ex materia & forma sunt composita. In distinctione hac actus sumitur pro essentia. Ergo hoc dicit distinctio: res alia per essentiam, alia per formam est, quod est.

Formalis ratio.

XVII. *Actus est id, secundum quod ens (quatenus actuale est) absolvitur à potentia.*

Sic ambulatio dicitur *actus*, quatenus non amplius *potest fieri*, sed jam *de facto fit*. Sic Deus est *actus*, quatenus non *potest esse* Deus, sed *est* Deus. Non autem per *actum* de Deo plane negatur *potentia*, sed tantum in conceptu *reduplicationis*. E. G. Deus *actu* conservat mundum, ergo quatenus *actu* conservat, non *potest* eum *saltem* conservare, loquendo sc. de conceptu *reduplicationis*: alias *absolute* omnino *potest*. Sic ipsa *potentia* Dei, quatenus non *potest saltem* esse, sed jam est *potentia*, *actualis* dicitur.

DIVISIO.

XVIII. *Actus est vel purus vel impurus.*

XIX. Actus purus est, cui non conjunctus est potentia passiva.

Hic soli Deo competit (in quem nulla cadit potentia passiva) si simpliciter talis intelligatur. Nam secundum quid, purus ille quoque dicitur, qui non est conjunctus materia & caret potentia materiali, quomodo Angelis & animabus separatis tribuitur purus actus.

XX. Actus impurus est, cui passiva potentia (imprimis cum materia) juncta est.

Hic omnibus creaturis convenit, modo tamen diverso. Corporibus & corporeis entibus actus simpliciter impurus: Spiritibus & entibus spiritualibus actus secundum quid impurus competit.

PROBLEMAT A.

I. An dentur potentiae, quae simul sint actus?

Aff. Sed sub diverso respectu. Potentia Dei omnino est actus, quia non potest saltem esse potentia, sed jam est. Alium vero respectum habet, cum potentia dicitur, quatenus scilicet aliquid agere potest. Obj. Si uni enti competat simul actus & potentia, non erit disjuncta affectio. Resp. Disjuncta vel sunt tales, ut una pars huic, altera alii enti tribuatur: vel tales, ut utraque pars conveniat

niat uni enti, sed sub diversa consideratione.
Ad has spectat actus & potentia.

II. Num actus & potentia ita faciant dis-
junctam affectionem, ut ens actu dica-
tur, quod existit, ens potentia, quod non
existit, sed potest existere?

Neg. Negationis autem hæc est Ratio. Cu-
jus distinctionis membrum unum tantum
enti, alterum non enti competit, illa non dat
disjunctam affectionem entis. Sed dis-
junctio actus & potentia dicto modo accepta
est talis. E. Major probatur, quia disjunctio
debet talis esse, ut vera entitas sub utroque
membro reperiatur. Minor, quia ens in po-
tentia non est ens reale, alias esset vel incre-
atum vel creatum: Non illud, quod patet.
Non hoc, quia creatio omnis terminatur ad
esse actuale.

III. An detur potentia objectiva?

Neg. Quoniam quod nondum est, non po-
test habere potentiam. Vid. Th. III. Si ve-
rò est ens, non erit objectiva, sed subjectiva
potentia.

IV. Utrum potentia activa recte definia-
tur principium transmutandi aliud?

Neg. Quia nimis est stricta. Actiones im-
manentes Dei non mutant aliud. Ergò po-
tentia

tentia activa ad istam actionem hac definitione non exprimitur. Amplianda ergo est.

V. An potentia obediencialis sit proprie dicta potentia?

Aff. Plerique eam *equivocam* vocant. Sed arg. Quodcunque ens proprie fit aliud, illud proprie potest illud fieri. Atqui aqua e. g. proprie fit vinum Job. 2. 9. E. Manifestum patet; si enim improprie solum posset illud fieri, non proprie posset fieri. Aut est proprie possibile, aut proprie impossibile. Nec Deus nec ulla creatura aliquid proprie facit, quia non est proprie factibile & possibile. Si proprie fit possibile, habet potentiam ad fieri proprie sic dictam. Sed dicis, pot. obed. est negativa, & consistit in non-repugnando. R. Novum est attributa entis in negatione consistere, & tamen proprie de eo dici, quod de unitate, perfectione, &c. manifestum est.

VI. An Deus possit contradictoria & impossibilia?

Neg. Intelligenda vero sunt simpliciter impossibilia, ita ut Deus etiam nullum modum, quo fieri possint, invenire queat. Quia sic sunt impossibilia, ea Deus non potest, quia obiectum potentiae aliquo modo oportet esse possibile. Aliàs, quæ nos non possumus, nec

intelligere possumus, quomodo à Deo præstari queant, ea non temere Dei potentia deneganda sunt. *Simpliciter contradictoria* etiam hic sunt intelligenda, id est talia, quæ ipse Deus omni sua sapientia nullo modo conciliare valet. *Talia* non potest. Ita in genere ad problema tuto responderi potest. In particulari autem, præsertim quoad creaturas, impossibile est humano intellectui semper determinare, *quænam* sint talia *impossibilia & contradictoria*; & forsan pauca exempla sunt (in respectu ad reliqua) in quibus tuto licet dicere: *Deus hoc non potest*. Ratio prægnans hæc est, quia Deus potest facere *ὅσα ἐξ ἑαυτοῦ ὅσα ἐκ θεοῦ* superabundanter ultra omnia, quæ intelligimus Eph. 3. 20. *Quæ vero simpliciter sunt impossibilia dicendum potius ea non posse fieri, quam Deum ea non posse facere; maxima in Rebus impossibilitas haud minimam arguit in Deo impotentiam.*

AXIOMATA.

I. Omne ens est vel *actuale*, vel *potentiale*.

Non est divisio in *res* diversas, sed *rationes* diversas, ita ut sub *alia* atque *alia* consideratione utroque membro possit *paronymice* denominari *unum* ens. Per *Potentiale* au-

tem hic non intelligendum est *ens* in *potentia*, quod *nondum* est (illud si ita dicitur, improprie & ex falsa hypothefi ita dicitur). Sed *ens reale*, quatenus *agere* vel *pati* potest.

II. Potentia non *excedit* suum obiectum *adequatum*.

Hoc est, Potentia non potest circa *plura* exercere suum *actum*, quam quæ sub obiecto continentur. Hinc nimirum non est, quod Deus non possit *impossibilia*, & homo non possit Deo *impossibilia determinare*; talia enim non sunt *objectum* potentia: utriusque. Nec tamen ita *potentia* aliquid decedit. Non minuitur potentia *audiendi* eo, quod non possit *audire colorem*.

III. Quodlibet potest fieri ex quolibet.

Scilicet per potentiam *obedientialem*. Sequitur quousque non involvitur *contradictio* irreconciliabilis, quam nos non semper scimus.

IV. Posito actu *secundo* necessario inferitur actus *primus*: sed posito *primo* non continuo inferitur *secundus*.

E. G. Quicumque *ambulat* necessario habet *animam*; sed non omnis statim *ambulat*, qui *animam* habet.

CAPUT XI.

De Corruptibilitate & Incorruptibilitate.

PRÆCEPTA.

Ambiguitas.

- I. Corruptibilitas dicitur vel *proprie* vel *improprie*.

Proprie dicta est ea, qua id, quod in mundo revera est, *potest* aliquando non esse. *Improprie* dicta ea est, qua non ens, quod antea aliquod ens *denominavit*, cessat istud *denominare*. Sic morbus dicitur *corrumpi*, cum homo restituitur *sanitati*.

Formalis ratio.

- II. Corruptibilitas est *potentia ad non esse*.

Potentia hæc, qua natura *corruptibilitatis* exprimitur, non est *prædicamentalis* species ea *qualitatis*, quæ non ad omne corruptibile se extendit, sed *transcendentalis*, eaque non *activa*, sed *passiva*, & hæc quidem in eo sensu, quatenus præscindit à *naturali* & *obedientiæ* *ali*. Quia ergo ita *corruptibilitatis* natura ex doctrina de *potentia* explicanda venit, immediate ei subjungenda fuit.

D I V I S I O.

III. Corruptibilitas alia est *ab intra* ratione principii *interni*; alia *ab extra* ratione principii *externi*.

IV. Corruptibilitas *ab intra* est, secundum quam ens *in se* continet principium interitum minans; quia scilicet ex pluribus *contrariis* est *compositum*, in quæ res solvi potest, ut homo *post lapsum*, equus, arbor.

V. Corruptibilitas *ab extra* est, secundum quam ens *in se* quidem non habet principium interitum minans, propter eternum aliquod tamen destrui potest, ut *Angelus*, *cælum*.

§.1. Quidam aliter efferunt hos terminos & corruptibile dicunt esse aliquid vel ratione *causæ*, vel ratione *subiecti*. Sed res eodem recidit. Corruptibilitas ratione *causæ* est ea, quam vocamus *ab extra*: quæ dicitur ratione *subiecti*, illa ipsa est, quam nos vocamus *ab intra*.

§.2. *Corruptibilia ab intra sunt corpora mixta*, quia conflata sunt ex inimicis irreconciliabilibus. Aqua semper repugnat igni, ignis aquæ, &c. Datur vero discrimen aliud quod inter mixta: ut alia *citius*, alia *serius* corrumpantur, prout qualitates *contrariæ*

in temperamento vel *magis*, vel *minus* sunt ad *æqualitatem* redactæ. *Exactius* temperamentum habet *aurum*, quam *tilia*, propterea etiam *diutius* durat.

§. 3. *Corruptibilia* ab extra sunt *spiritus creati*, *corpora simplicia* & *accidentia*. Deus potest *angelos* etiam annihilare: destruet *cælum* die novissimo, quod alias nunquam interiret. Imo ampliando terminum pos- sunt corruptibilia ab extra etiam vocari *corpora mixta*, eo scilicet tempore, quo non- dum à principio interno imminet ipsis fatum corruptionis. Omnes enim creature habent potentiam obedientialem quidvis à creatore quocunque tempore patiendi. *Accidentia* corrumpuntur, vel quando *subjectum* perit; ut quantitas combusti ligni: vel, cum causa desinit influere, ut actiones, quæ ex continuo influxu agentis dependent, & illo cessante, ne ad momentum quidem durare possunt. Sic *lumen* corrumpitur remota luce & corpore lucido: *imago* in speculo perit, cum homo recedit, &c.

Formalis ratio.

VI. Incorruptibilitas est inhabilitas ad non esse.

D I V I S I O.

VII. Est vero vel *simpliciter* talis, cui *corruptibilitas* repugnat; Hæc *Deo* competit; vel talis *secundum quod* cui tantum repugnat *corruptibilitas intra*. Sic *angeli* dicuntur *incorruptibiles*.

P R O B L E M A T A.

I. *An doctrina de corruptibilitate & incorruptibilitate spectet ad Metaphysicam?*

Aff. Quidam putant, quod tantum ad *Physicam* spectet, quia *corruptio* est affectio *corporis mixti*. Verum *Physicus* tantum hæc doctrinam in consideratione *contracta* restricta & particulari tractat, & docet saltem de corruptione *corporum*: *Corpus* autem non est *omne ens*. Ergo necesse est ut aliter in natura *abstracta*, & *universali* evolatur quod in alia *disciplina* fieri non debet, quam in *Metaphysica*. Simile habemus in *qualitate*: ea etiam à *Physico* dicitur affectio *corporis naturalis*, sed in natura *contracta sumpta*. Quando enim objicitur: Quicquid præter corpus etiam *spiritui* competit, illud non potest esse *corporis* affectio sc. *proprium*. Atqui *qualitas* præter corpus etiam *spiritui* competit, quia *angelus* habet *intellectum*, *voluntatem*, &c. quæ omnino *qualitates* sunt.

E. Re.

E. Respondetur, quod qualitas *abstracte* & *absolute* sumpta non sit affectio corporis, sed *talis* scilicet quæ *formam* sequitur. *Abstracta* consideratio nec *Physica*, nec *Pneumatica*, nec *aliis* disciplinis, sed soli *Metaphysica* convenit.

II. Utrum Adamus ante lapsum fuerit corruptibilis?

Non fuit corruptibilis *ab intra*, uti nos jam sumus, sed *ab extra*, quomodo omnis creatura corruptibilis. Probatur tum *ab exactissima & absolutissima* temperamenti *æqualitate*, tum ex *absentia* omnis *causæ*, quæ *ab intra* corruptionem potuisset inducere; tum etiam ex *conditione* creationis, qua Adamus ita per *spiraculum vitæ* constitutus erat, ut *semper perdurasset*, & *indissolubiliter* anima corpori unita esset, si non peccasset.

A X I O M A T A.

I. Omne ens est vel corruptibile vel incorruptibile.

Quicquid enim est, vel ita est, ut non possit non esse, vel ita ut possit non esse.

II. Omne dependens est corruptibile.

Deus enim sicut omnia *creata* ex *nihilo* produxit, ita omnia *in nihilum* potest *redigere*. Omnis creatura habet potentiam *obedi-*

dientialem, qua Deo ita volente vel in alia
vel in *nihilum* transire potest.

III. Quod in *melius* mutatur, non corrumpitur, sed perficitur.

Corruptio præsupponit *mutabilitatem*: nihil enim corrumpitur, quandiu in eodem statu manet. Mutatio vero fit in *melius*, & *deterius*. Hæc corruptionem: ista perfectionem infert.

CAPUT XII.

De Dependētia & Independentia.

PRÆCEPTA.

Ambiguitas.

I. Dependētia est vel *objectiva*, vel *subjectiva*, vel *fundamentalis*, vel *effectiva*.

Objectiva est, qua dependet aliquid à suo objecto, circa quod versatur. Sic *Physica* dependet à corpore *naturali*: visus à luce & colore, auditus à sono, &c. *Subjectiva* est, qua adjectum dependet à suo subjecto, ut intellectus ab anima. *Fundamentalis* sc. *relativa* est, qua relationes dependent à suo fundamento proximo. (Combachius dicit à termino) ut dominium à potestate imperandi: paternitas à generatione.

nera

neratione. His æquivocis posset addi dependentia necessitatis, qua aliquid quocunque modo (qui in reliquis non continetur) alia re indiget ad suum fieri, esse & operari. Sic homo dependet ab aëre, quia absque eo vivere non potest. *Effectiva*, quæ proprie est hujus loci, est, qua aliquid est ab alio, per influxum causalem, ut filius à patre, domus ab architecto, creatura à Deo.

Formalis ratio.

II. Dependencia est *præexigentia* alicujus, à quo aliquid *effective* suum esse habet.

Non quivis modus respiciendi alterum, tanquam prius, statim facit dependentiam proprie sic dictam, sed iste, quo aliquid respicit aliud, tanquam causam.

Ambiguitas.

III. Independentia etiam est quadruplex: *objectiva, subjectiva, fundamentalis & effectiva.*

Hi modi respondent quatuor modis dependentiæ in Th. I. unde facile explicari possunt. Independentia vero *effectiva* proprie est hujus loci.

Formalis ratio.

IV. Independentia est, qua aliquid non *præexigit* aliquod prius, à quo *effective* suum esse habeat.

§. I. Restringitur iterum *formale* independentia.

pendentiæ ad veram causalitatem. Reli-
enim modi independentiæ, (quod sc. om-
entia præter relationes sint independentiæ
tione fundamenti, quod omnes substantiæ
sint independentes ratione subjecti, &c.) sunt
improprii.

§. 2. Independens solet etiam dividi
simpliciter tale, & secundum quid. Illud
scribunt quod prorsus omnem respuat
sam, ut Deus: Hoc, quod causam quidem
mittat, sed respectu alicujus tertii, à quo
non accipit, recte independens dici que-
quo sensu angeli independentes sunt, quia
materia non constant. Sed hæc independen-
tia est impropria, alias totus mundus esset
dependens, quia non dependet à Diabolo. Si
describitur in respectu ad subjectum & obje-
ctum, æquivocationis arguitur ex Th. 3.

PROBLEMA.

*An Filius Dei sit dependens, quia est à pa-
tre genitus?*

Neg. Quia non habet essentiam numero
distinctam à patris essentia; Pater enim per
æternam generationem ipsi communicat suam
(eandem numero) essentiam, quæ sane indepen-
dens est. Necessarium autem requisitum de-
pendentiæ est, ut id, quod dependet, habeat es-
sentiam numero distinctam ab alio, à quo de-
pendet.

pendet. Obj. est tamen *Filius Dei* ab alio sc. à patre. Ergo *dependet*. Resp. illud dependens est, quod est ab alio *effective*, quod de *Filio Dei* negatur.

A X I O M A T A.

I. Omne ens est vel *independens* vel *dependens*: vel à se, vel ab alio.

II. Omne dependens habet *essentiam numero distinctam* ab eo, à quo dependet.

Dependentia est *modus essentiae* (non *modus esse*). Nulla *essentia* vero à seipsa potest *effective* oriri. Ubi una *numero* essentia est, ibi *dependentia* locum non invenit, quia *aliam* oportet esse essentiam, quæ dependet, & *aliam*, à qua dependet.

III. Nihil est à seipso.

Sc. *Positive*. Quia nihil in se influere potest, ut sibiipsi det *essentiam*: esset enim, *antequam* esset. *Negative* vero Deus est à seipso, quatenus non est factus ab alio.

IV. *Equipollentia* fere sunt *independens*, à se, *increatum*, *infinitum*: item *dependens*, ab alio, *creatum*, *finitum*.

In *materiali* enim hi termini *conveniunt*, & se invicem declarant. Quia vero *distinctas* adhuc quoad formale habent *conceptibilitates*, ideo in *distinctis* quoque capitibus sunt enucleandi.

ut productio mannae, productio pedum
rum ex pulvere terrae.

Formale latius.

III. Creatio est productio entis quæ
que modo ab ente increato habet

§. 1, Secundum hoc formale quivis Christianus ex 1 artic. Catechismi Lutherani cit: Credo; quod Deus me creavit &c. tunc cet enim à parentibus genitus sit, minus tamen ipsius ortus Deo ascribitur est, qui primis hominibus, quos secundo prius formale creavit, virtutem naturalis alios homines producendi concessit, & speciei humanæ propagationem (quæ continuata creatio est) adhuc efficaciter concurrat. Huc pertinet quoque dictum Malach. 2. v. 10.

§. 2, Causa cur formale duplex ponatur hæc est, quia alias darentur multa entia quæ nec creata essent, nec increata, atque ita caderet assertio Metaphysicorum: Omne ens est vel creatum vel increatum. Equum qui jam nascitur, non certe est ex nihilo vel materia inhabili citra concursum alterius agentis à Deo productus, sed ex semine ad id à natura destinato, & quidem generandis aliis equis utriusque sexus. Idem terminus creationis ampliandus fuit, ut

conveniret non tantum istis rebus omnibus,
quæ cum primordiis mundi productæ sunt,
sed istis etiam, quæ adhuc quotidie fiunt:
Nam & hæ dicuntur creatæ.

§. 3. Ne verò quis putet, hanc acceptio-
nem *latiorem* esse *impropriam*, dicimus,
quod in *Metaphysica* sit *propria*, quia omne
quod *proprie* dicitur vel *creatum* vel *in crea-*
tum: An in *Theologia* sit *propria*? Theologi
iudicabunt.

§. 4. Juxta hoc ergo formale *latius* affe-
ctio hæc *disjuncta* explicanda est, ut omne
quod dicitur *creatum*, quod ab increato ente
effective pendet. *Increatum* quod *secus*.

IV. *Creatum* est, quod per *creationem* ab
alio dependet, ut omnia *finita entia*.

V. *Increatum* est, quod *non* per *creationem*
ab alio dependet. Hoc est solus DEUS.

Ne quis hic objiciat, quod ita *creatum*
& *increatum* plane non differant à *depen-*
dente & *independente*, sciendum est, quod in
creato & *increato* semper respectus habea-
tur ad *primam creationem ex nihilo* factam;
In ea enim fundatur omnis productio,
quomocunque fiat. Quando ergo e.g.
equus, qui jam vivit, *creatus* dicitur, hoc
vult *terminus*, quod ejus *species* cum *pri-*
mordiis mundi à Deo per *creationem* ori-
ginem

ginem ceperit, & ejus *individuum* per *cursum* Dei cum causis *secundis* productum sit. Per hanc ergo *peculiarem conceptibilitatem* distinguitur *creatum* à *dependente*.

PROBLEMA.

An Creatio ex lumine naturæ possit cognosci

Dist. Inter creationem *late* sumptam per *productionem* rerum omnium *quocunque* modo, *quocunque* tempore ab aliquo *improducto* i. *increato* facta: & inter creationem *stricte* acceptam, pro *tali* productione, quæ intra sex dies (hoc die illud, alio die aliud primum materia *inhabilis*, & ex ista rebus qua entia sunt producta.) *Creatio* posteriori modo sumpta ex sola *revelatione* cognosci potest: Et huc spectat, quod Hebr. XI. 3. dicitur: *fide intelligimus, constructa esse secula verbo Dei*. Sed creatio *priori* modo sumpta etiam ex ipsa *natura* indagari potest. Ex rebus *productis* enim colligit nostra *ratio* aliquod *improductum*, quia alias progressus fieret in infinitum.

AXIOMATA.

- I. Omne ens est vel *creatum* vel *increatum*.
Opponuntur sibi invicem *contradictorie*.
- II. Omne *creatum* est ab *increato*.
Nihil est à *seipso*, sed quicquid est, ab alio est:

per est: Hoc si iterum ab alio, & sic consequen-
 oducter, donec deveniamus ad aliquod, quod
 ptibili non sit creatum.

CAPUT XIV.

De Finito & Infinito.

Ambiguitas.

- I. *Finitum* opponitur vel *fini*, vel *inchoato*, vel *infinito*.

Cum *fini* opponitur, est *causatum finis*, sicut *effectus* est *causatum efficientis*, & *materialatum* est *causatum materiæ*. Cum *inchoato* opponitur significat aliquid ad *finem* perductum. Quando vero *infinito* opponitur, *terminos* rei addit, quibus *infinitum* destitutum est. In hac oppositione consideratur vel secundum rei *quantitatem*; cum res quantæ *finiuntur* suis *terminis*, ut arbor suis extremitatibus: vel secundum ipsam rei *essentiam*, dum res habet *fines* essentiae; ita h. l. sumitur.

Formale.

- II. *Finitum* est, quod habet *terminos* essentiae.

Quod scil. aliquando *incepit* vel *incipit* esse,

esse, & aliquando *desinit* esse, vel saltem
desinere *potest*. Sic omnis creatura est
finitum, tum quia aliquando à non esse
esse traducta est, tum etiam, quia aliquando
vel de facto non est, vel ad minimum
non esse *potest*. Angeli & animæ non
nunquam *habebunt* finem, *possunt* tamen
habere, si scilicet Deus velit.

Ambiguitas.

III. Infinitum vel est in *se* tale, vel
spectu *nostri* tantum.

Quod *in se* infinitum est, proprie
pertinet: non id, quod tantum respectu
nostri, quomodo stellarum, arenæ, specierum,
individuatorum numerus *infinitus* est,
quia à nullo homine potest exacte sciri.

IV. Infinitum est vel *actu* vel *potentia*.
Illud omni caret termino; ut Deus. *Esse*
habet quidem terminos, semper tamen augeri
vel *minui* potest (secundum *Aristotelem*;) Hoc *improprie* vocatur *infinitum*.

Formale.

V. *Infinitum* est, cui *repugnat* habere
terminos essentia.

Hoc est solus Deus.

Quidam ita: quod caret terminis essentia.
Sed ita adhuc in dubio manet, an
possit habere terminos, quod quia etiam
neg

negatur, penetrantius formale sistitur per
repugnantiam habendi terminos.

PROBLEMATATA.

I. *An plura possint esse infinita ?*

Neg. *Unum* enim ultimate distinguere-
 tur ab *altero*. Illud per quod distingueretur
 esset *infinita* perfectio. Hæc non esset in
altero, quia alias ab eo non differret. In om-
 nibus itaque aliquid *infiniti* abesset, & sic
 nullum esset *infinitum*.

II. *An produci possit infinitum ?*

Neg. Nam si posset, vel à *seipso*, vel ab
alio à non esse ad esse traduceretur. Non à
seipso, quia esset, antequam esset, quod ab-
 surdum; Neque ab *alio*; illud enim eo ipso,
 dum produceret, *finiret* ejus essentiam, quia
 per productionem *inciperet* esse: & sic non
 esset *infinitum*.

AXIOMATA.

I. Omne ens est vel *finitum* vel *infinitum*.
 Medium non datur.

II. *Finitum* in *essentia*, est *finitum* in
 omnibus *attributis*.

Habet enim terminos in *potentia* & *ope-*
ratione, ut non sit *omnipotens*: in *cognitione*,
 ut non *omnia* sciat: in *duratione*, ut non
 sit *æternum*: in *adessentia*, ut non sit *ubi-*
que, &c.

I

III. Infi-

III. Infinitum in *essentia* est infinitum in omnibus *attributis*.

Est enim infinitæ *potentiæ*, infin. *scientiæ*, infin. *durationis*, infin. *ubietatis*, &c.

IV. *Finiti* ad *infinitum* nulla est proportio.

Valet proprie de *quantis* (quæ hos terminos juxta primam impositionem sibi vendicant) & *proportione Mathematica*. Si omne ens applicatur, ita limitanda: *scilicet ad infinitum nulla est exacta proportio*: tamen proportio *unionis*, *convenientiæ*, & *logici* conceptus.

V. *Finitum* non est capax *infiniti*.

Scilicet. Ut infinitum *comprehendat*, & *locum* liter *includat*: vel ut infinita *attributa* finito, tanquam *proprio* subjecto inhæreant.

C A P. XV.

De Principio, & Principiato.

P R Æ C E P T A.

Ambiguitas.

I. Principium est vel *complexum*, vel *incomplexum*.

Complexum est integra *enunciatio*, ex qua tanquam *notiori* dependent *conclusiones*. Hoc principium non proprie spectat ad *affectiones* entis, quia *affectiones* competunt entibus sub ratione conceptus *incomplexi*; sed

habitu intelligentiæ, qualem Gutkius conscripsit. *Incomplexum* est, unde aliquid est, vel cognoscitur. Hoc est hujus loci.

Formale.

II. *Principium* est, unde aliquid *procedit* quocunque modo.

§. 1. Variæ sunt definitiones *principii*. Nos hanc eligimus. Ut vero recte intelligatur, notandum est, quod vox *unde* notet hic quemcunque respectum unius ad alterum, secundum quem aliquid ad alterum vere *consequitur*, sive fiat per influxum *causalem*, live alio modo.

§. 2. Vox *Aliquid* hic non est tamen *strictè* accipienda, quasi illud, quod à principio *procedit*, semper *peculiarem* ab eo essentiam habeat, sed in ea *generalitate* est intelligenda, ut cuivis modo veræ *consecutionis* ad alterum possit applicari.

§. 3. Vox *processionis* hic non accipitur in significatione *Theologica*, qua *generationi* contradistinguitur, quomodo de Filio Dei negatur, quod à patre *procedat*: Sed notat hic usu *Philosophico* qualemcunque modum *consecutionis* unius ad alterum.

§. 4. *Requisita* principii sunt vel *spuria*, vel *genuina*. *Spuria* sunt, 1. quod principium debeat *essentialiter* à principato *distin-*

etum esse. 2. quod *realiter* debeat ab eo *ferre.* 3. quod debeat *esse prius tempore.* 4. Quod per *causalem* influxum debeat *principiatio* connecti, &c. Talia vocamus *requisita*, non quod plane non *dentur principia* ita se ad *principiatum* habent, sed quia non conveniunt *omni principio* quapropter in hac doctrina de *principio* genere non inveniunt locum.

§. 5. *Genuina principii requisita sunt* *Respectus* ad illud, cuius est *principium.* *Prioritas.* Necesse enim est, ut *principio* sit aliqua ratione *prius principiatio*, ita ut *men*, ut intelligatur *prioritas* indifferens ad *omnia genera prioritatis*, quæ in partibus *lari* pro varietate principiorum varia *Aliud enim prius est duratione*, quatenus *lius* *existentia hujus existentiam antecedit* ut *vapor nivem, artifex opus, arbor pomum.* Hoc *genus* prioritatis aliàs vocatur *prioritas temporis.* Quia vero applicatur etiam *istis*, quæ *non* sunt in *tempore*, ut cum *Deus* dicendus est *tempore* prior mundo, rectè substituitur generalis terminus *durationis.* Aliud prius est *naturâ*, quod (sive quoad *durationem* posterius sit, sive *simul*) in *natura* *effendi ordine antecedit* alterum, ita ut, si *habetur* non detur, nec alterum detur; quomodo *causa* est prior *effectu*; *Causa prima* prior *se*

cunda (si enim illa non concurreret, hæc non causaret,) *Subiectum* prius *adjuncto*. *Ens* prius *affectionibus* suis. *Universale* prius *inferioribus* (animal prius homine; si enim animal non esset, nec homo esset.) Aliud est prius *enumeratione & ordine*, quod prius *numeratur* vel propter rei *fundamentum*, (quomodo *Pater* est *prima persona Trinitatis*,) vel propter hominum *arbitrium*, quomodo in numeranda hominum copia vel *hunc* vel *istum* pro arbitrio facimus *primum*; Aliud prius est *dignitate*, quod est *nobilius & præstantius*, ut aurum plumbo, eruditio divitiis, dux militibus præstat; Aliud *loco*, cuius locus antecedit locum alterius; Aliud *cognitione*, quod *notius* vel *facilius* est, vel secundum concipiendi modum imbecillioris nostri intellectus prius apprehenditur.

3. *Consecutio* sc. *connexio*. Non statim *principium* alterius est, quod prius est eo quocunque modo, sed oportet intercedere *consecutionem*, quia id, quod *principiatum* dicitur, vere à *principio* procedat. Falluntur ergo, qui putant, quod *formalis ratio principii* tantum consistat in respectu *prioritatis* ad posterius.

D I V I S I O.

III. Principium est vel *essendi*, vel *cognoscendi*.

I 3

IV.

IV. Principium *essendi* est, quod dat
alteri.

Principium *essendi* hic non sumitur *specialiter*, quatenus principio *fiendi* & *conservandi* opponitur, quomodo *essendi* principia sunt, ex quibus aliquid *intrinsece* consistit *fiendi*, à quibus aliquid *fit* & *producit* *conservandi*, a quibus aliquid in esse conservatur; Sed *generaliter* id dicitur hic principium *essendi*, quod dat esse alteri sive esse det originem, per *generationem*, *creationem* vel *alio modo*, sive *intrinsece* illud constituat, sive *conservet*. Sic hominis principia *essendi* sunt Deus, sol, parentes, mater & forma, alimentum, &c.

V. Principium *essendi* est vel *causale*
non causale.VI. Causale est *origo* alterius per *causalem* influxum.

Tale principium est architectus in respectu ad ædificium.

VII. Non causale est *origo* alterius *non causalem* influxum.

Tale principium in *divinis* est Pater generans *Filium* ab æterno. Sic *unum* Deum *tributum* est principium alterius, quod inde *demonstratur*. Sic *ens* est principium *effectus*.

sectionum suarum, & *una* entis affectio principium alterius, quæ inde fluit.

VIII. Principium cognoscendi est quod dat cognitionem alterius.

Sic ex structura mundi invisibilem creatorem. Ro. 1. 20. ex fumo ignem, ex loquela hominem, ex bono artifice bonum opus cognoscimus.

IX. Estque vel *complexum*, vel *incomplexum*.

X. *Complexum* est *axioma* seu *canon*.

§. 1. Hoc quidem proprie est principium in suo loco, scil. in *intelligentia*; improprie vero huc spectat; quia, sicut *ens* ipsum, ita & *affectio* entis (quam principium refert,) in contemplatione *Metaphysica* debet esse aliquod *incomplexum*. Hic ergo ejus fit mentio tantum propter distinctionem.

§. 2. Principia cognoscendi *complexa* sunt vel *prima*, quorum veritas tam manifesta est, ut quivis, qui terminos intelligit, iis assensum præbeat, & ita non opus sit demonstratione, ut impossibile est simul esse & non esse. Totum est majus sua parte, &c. De his principiis primis agit *intelligentia*. vel *secunda*, quæ ex primis fluunt, & ex iis probari possunt, ut, *omne materiatum est quantum*; *omne malum est in bono*, &c.

§. 2. De omnibus vero principiis *compositis* seu *axiomatibus* notandum est, quod quidem rationem *regulæ & normæ* habeant, sed tantum demum, quando recte intelliguntur legitime applicantur.

XI. *Incomplexum principium cognoscendi est aliquod simplex*, quod inferius cognitionem nos deducit.

§. 1. Vox *aliquod* hic non præcise *aliquod* denotat, sed *latius* sumenda est, quia *mentis* etiam interdum sunt *principia cognoscendi*.

§. 2. Quidam statuunt, quod principia cognoscendi tantum sint *axiomata*. Verum hæc sententia fallit; nam 1. ex causa scimus cognoscimus effectum. Scimus, quod *poma* non *pyra*, sed *poma* tulerit, licet *poma* non viderimus. 2. Ex effectu cognoscimus causam: ex operationibus animæ animam, ex cisione vim veneni. 3. Ex ratione essendi consequentia essentiam, affectiones scilicet; ut si ens est, unum verum & bonum est: si bonum est, risibilis est. 4. Ex affectionibus ens ipsum; ut, quod bonum est, illud ens est: quod latrat potest, illud canis est. 5. Ex forma scilicet formali ratione, quale sit formatum; ut, quod est extensum, illud est quantum: quod est indivisum, illud est unum.

XII. *Principiatum* est, quod ab *alio* procedit *quocunque* modo.

Sive ab eo *creetur*, ut mundus à Deo : sive *generetur*, ut liberi à suis parentibus : sive *per artem* efficiatur, ut calceus à sutore : sive *ab eo emanet*, ut affectiones ab ente, propria à subjectis : sive ex eo *cognoscatur*, uti ex sermone in tenebris homo.

PROBLEMAT A.

I. *An omnis prioritas consistat in relatione reali ?*

Neg. *Realis* hic *intellectuali* opponitur & volvitur inter terminos *realiter distinctos*, præter *mentis* operationem. At prioritas debito modo *abstracta* non tam *arcte* constringi potest ; Nam *genus* est prius *specie*, quamvis non *realiter* ab ea *differat*. Ergo collocanda est prioritas in *indifferentia* ad *realem* & *intellectualem* relationem.

II. *An principium cognoscendi semper sit axioma vel regula ?*

Neg. Quia etiam ex *simplici* aliquid *cognoscimus*, ex causa effectum, ex effectu causam, &c. vide Th. XI. §. 2. Quando ergo interdum Philosophos per principium complexum in genere principium cognoscendi intelligere deprehendimus, per *synecdochen* illud fieri sciamus.

III. Num propterea cadat oppositio inter principium essendi, & cognoscendi, quod essendi pr. interdum simul sit pr. cognoscendi.

Neg. Sæpe quidem fit, ut ex causa, quæ principium essendi est, demonstretur & cognoscatur effectus. Verû ad species oppositæ sufficit, si *formaliter* opponantur sibi, licet *materialiter* se invicem contineant. Licet una eademque anima rationalis sit pr. essentia hominis, & simul faciat ad cognitionem ipsius docilitatis, tamen, *quatenus* largitur cognitionem, non est principium essendi & *quatenus* homini dat esse, non est pr. cognoscendi. Diversus ergo respectus salvat oppositionem.

V. Utrum quædam principia cognoscendi nobiscum nascantur?

Aff. Nascuntur nobiscum tam *theorica*, quam *practica* principia, *prima* tamen, non *secunda*. *Theoretica* sunt e.g. *Impossibile est, idem simul esse & non esse*: *Totum est majus sua parte*: *Deus est*, &c. *Practica*: *Deus est colendus*: *Honeste vivendum est*: *Quod tibi non vis fieri, alteri ne feceris*. Hæc omnia quivis à natura scit.

V. Num in divinis Pater sit principium Filii?

Aff. Pater enim Filio per *æternam* generationem suam eandem numero essentiam

com-

communicavit. Dextre vero abstrahendus & ampliandus hic est terminus principii, ut ab omni influxu causali, dependentia, prioritate durationis, naturæ & dignitatis, adeoque omni imperfectione liberetur, & nude significet ordinem originis & naturalis enumerationis (ut vocant.)

VI. Utrum ideo Filius sit principiatum Patris?

Resp. Est non nemo inter accuratiores, qui non obscure innuit affirmativam, quia forsan nullum periculum subesse videt, si terminus ab omni imperfectione liberetur, & secundum defin. Th. XII. traditam examinetur. Verum, quia orthodoxa antiquitas ab hac phrasi abstinuit, (proculdubio, quia terminus principii arctius imperfectionibus, à quibus liberandus, implicatus est) nos etiam, qui cum Ecclesia *sentimus*, cum Ecclesia *loquimur*, & *Filium* cum ea potius dicimus *principium à principio*.

AXIOMATA.

I. Omne ens vel *principium* vel *principiatum*.

II. *Principium prius* est *principiato*.

Non *determinata* prioritas, (vel *temporis* vel

204 *De principio & principiatio.*

vel *natura*, &c.) hic intelligatur, sed *indifferens* ad omnes *speciales prioritates*. *Id est* principium, *quatenus principium & uno eodemque modo & respectu* cum *principiatio sumptum*, semper eo prius est.

III. *Principium cognoscendi* est bene *animadvertendum*, non leviter *prætereundum*.

Quia *noster intellectus mensura rerum* jam valde imperfecta *principiis cognoscendis* probe *perpensis* indiget.

IV. *Principium* latius patet, quam *causa*.

Omnis quidem *causa* est principium: non vero omne *principium* est causa, Aurora est principium diei, non causa.

V. Mutato *principio*, mutantur ea, quæ ex *principiis pendent*.

Si *falsum* pr. mutatur in *verum* cadunt per se omnia inconvenientia, ex *falso* orta. Si *verum* in *falsum* mutatur, parvus error in *initio* magnus fit in *sine*.

VI. Contra negantem *principia* non est disputandum.

Intelligitur de *principiis cognoscendis complexis*.

Scilicet 1. *si sint principia*: Sæpe enim pro *principio* venditur, quod nō est *principium*.

2. Si sint *prima*: nam *secunda* in respectu ad *prima* sunt *conclusiones*, quæ omnino ob-
jectum

jectum disputationis sunt, quatenus sunt dubitabilia. Sint vero *genuina prima principia*, quæ *verissima* sunt & *notissima*; non *ficta* & *supposititia*.

3. Si in *sensus* incurrant, & *experientiâ* omnibus numeris absolutâ consent: Nam sæpe aliquis, non quod *videt*, sed quod *vult* videre, se videre *putat*; Sæpe etiam *experientiæ titulo* gloriatur, quod nondum secundum omnia requisita examinatum est, & per *contrariam* experientiam eluditur

Qui talia principia negat, contra *eum* non est *disputandum à priori*, sed *convincendus* est ex *concessis*, quæcunque ea sint.

CAPUT XVI.

De *Causa* & *Causato*.

PRÆCEPTA.

Ambiguitas.

I. *Causa* aliter sumitur apud *Jctos*, aliter apud *Rhetores*, aliter apud *Metaphysicos*.

Jcti causam dicunt illud, circa quod occupantur in officio. Germ. *Rechtsfache*. *Rhetores* themata causas dicunt, dum certa genera

vera Causarum constituunt. *Metaphysici* sumunt hunc terminum vel *nimis late*, pro *principio* in genere, quam significationem intendunt Græci Patres, dum Patrem in SS. Trin. Filii causam dicunt; vel *nimis stricte*, pro sola causa *efficiente*, quæ ὡς ἐξ ἑαυτῆς causa est, ut in illa regula: qualis causa, talis effectus; vel *adequate*, pro eo, quod largitur *causalem influxum*. Ita h. l. sumitur.

II. Causa est vel *vere sic dicta*, vel *sine qua non*.

Causa vere sic dicta est, quæ per *veram causalitatem* influit in *esse* causati. *Causa sine qua non* est, quæ non exercet *causalitatem*, sed est tantum *conditio*, sine qua effectus fieri non potest. e. g. *Surrectio hominis* non est *causa* ambulationis, & tamen ambulatio fieri non potest, nisi primum de sedili surgat: Rectius dicitur *Conditio sine qua non*.

Formalis ratio.

III. Causa est *principium influens in esse* causati.

§. 1. Principium est quasi genus in hac descriptione, quia *latius* est, & quia quævis causa est origo processionis alterius, quod *formale* est principii.

§. 2. Influeret ad esse *causati* hic non accipitur pro *sola* actione *efficientis*; sed pro omni eo, quod *unaquæque* causa in suo genere ad esse *causati* confert, tam ratione *externæ* productionis, quam *internæ* constitutionis.

D I V I S I O.

Causa *ordinaria* est, quæ ordine in natura consueto suam exercet *causalitatem*. Sic per *ordinariam* causam aqua fluit.

Extraordinaria est, quæ non servat *usitatum* naturæ ordinem, sed influit *præter* vel *supra* naturam. Sic per causam *extraordinariam* aqua instar muri stat erecta. *Exod. 14.*

V. Causa est vel *universalis* vel *particularis*: Et illa vel *absolute* universalis, vel *secundum quid*:

Universalis est, quæ ad *certum* causatum non est *determinata*. Estque vel *absolute Universalis*, ultra quam non datur *alia* in eo genere. Sic *efficiens absolute* universalis est *Deus*: *finis absolute* universalis *gloria Dei*. *Secundum quid* universalis est, quæ quidem non est *determinata*, *superiorem* tamen adhuc agnoscit. *Talis efficiens* sunt corpora *cœlestia*: *finis*, homo. *Particularis* est, quæ ad *certum* causatum *determinata* est.

VI. Causa est vel *remota* vel *proxima*.

Remota, quæ influit aliis causis intervenientibus; sic hominis materia constitutiva *remota* sunt 4. *elementa*: materia productionis, sanguis parentum: *proxima*, quæ *immediate* influit in *causatum*; sic hominis mat. *prox.* constit. est corpus organicum product. *semen*. Estque vel *simpliciter proxima*, vel *secundum quid*.

VII. Causa est vel *prima* vel *secunda*.

Prima est, quæ non habet priorem, vel *simpliciter*, vel *secundum quid*. Sic materia *elementorum* est materia *prima*, juxta Dn. Scharffium, Met. Ex L. II. c. 7. *Secunda* quæ habet priorem, ut materia hominis.

VIII. Causa est vel *adæquata* vel *inadæquata*.

Adæquata est, quæ reciprocari potest cum *causato*, ita ut *causa* posita ponatur quoque *causatum*, & posito *causato* ponatur *causa*. Sic materia est causa adæquata *quantitatis*, posita materia ponitur *quantitas*: Sic anima leonina leonis, posita enim anima ponitur leo, & posito leone ponitur ejus anima. *Inadæquata* est, quæ non reciprocari potest cum suo *causato*, & qua posita non necessario ponitur *causatum*. Sic posito architecto non statim ponitur domus. Posito corpore

corpore organico non statim ponitur homo: possitis libris non statim ponitur eruditus, quapropter talia sunt causæ inadequatæ.

IX. Causa est vel *interna*, quæ essentiam causati *ingreditur*; & est duplex: *Materia & Forma*: vel *externa*, quæ ita influat, ut causati essentiam *non ingrediat*; estq; duplex: *Efficiens & Finis*.

Internum & externum hic non sumuntur ratione *subjecti* tantum, quomodo etiam *accidentia* quædam sunt *interna*, ut calor in igne, sed plane ratione *essentiæ*, ut est in *definitionibus*. Hæc de causa in genere: nunc ordine de ejus quasi *speciebus* agemus.

DE EFFICIENTE.

Formale.

X. Efficiens est causa externa, à qua res est per *veram actionem*.

§. 1. Causalitas *efficientis*, per quam ultimo concipitur, est *vera actio* sive sit *transiens*, sive *immanens*; sive *instantanea* sive *successiva*; sive *realis* sive *intentionalis*; sive per *transmutationem* sive per *emanationem*.

§. 2. Characteristica efficientis nota est
par-

particula A. vel AB. Hæc licet interdum usurpetur ad quemcunque respectum unum ad alterum denotandum, in nobiliori tamen significatione causam efficientem significat.

Distinct. nominales.

XI. Efficiens est 1. vel *privativa* vel *positiva*. 2. vel *physica* vel *moralis*.

Quidam huc referunt quoque distinctionem efficientis in *veram* & *sine qua non*, scilicet ea spectat ad causam in genere. *Privativa* dicunt esse *defectum*, cui aliquid, tanquam *cause* ascribitur; ut, quando defectus in pedibus *claudicationis* causa dicitur, (qui tamen *verum* influxum non largitur.) *Positiva* Th.X. definita est. *Physica* (alias *realis*) item eadem Th.X. definitur. *Moralis* (alias *dispositiva*, *imputativa*, *excitativa*, *consiliativa*) est, quæ quidem *vere* in effectum non influat, & tamen *causam* ad operandum moveat *precibus*, *consilio*, *monendo*, *non impediendo*, *imperio*, *vocatione*, *instinctu*, *applicatione* & aliis modis. Sic *ignis* est causa *combustionis* domus *physica*: *incendiarius* est *moralis* causa.

DIVISIONES.

XII. Efficiens alia 1. est *principalis*, alia *instrumentalis*.

Princi-

Principalis est, quæ instrumentalem dirigat, ita ut hac non agente instrumentalis causa nihil producat; ut faber respectu operis.

Instrumentalis est, quæ propria causalitate principali ad actionem inservit, & ab ea dirigitur; ut malleus.

XIII. 2. Alia est *primaria*, alia *secundaria*.

Primaria est, à qua tanquam prædominante primario dependet effectus. *Secundaria* (quæ etiam *adjuvans* & *minus principalis* vocari solet) est, quæ primariæ cooperatur, sed ita, ut ab eo *secundario* dependeat effectus. NB. Hæc distinctio cum priori non coincidit, sed in ipsis *principalibus* agentibus alia est *primaria*, alia *secundaria*. Sic e. g. multi helciarum adverso anae fune ductorio (instr.) navem trahunt, sed *primus* est agens *primarium*, reliqui *secundaria*.

XIV. 3. Alia *prima*, alia *secunda*.

Prima est, à qua primo oritur influxus ad esse effectus: Estque vel *suprema*, quando à causis descendimus ad effecta, quæ virtutem independentem habet; quomodo Deus semper est *prima* causa: vel *proxima*, quando ab effectu ad causas ascendimus. Sic parentes sunt *prima* causa filii. Hoc duplici modo posset etiam *secunda* dici, & in genere describi

scribi *talis*, quæ supponat influxum præcedentis, sed in usu tantum est acceptio juxta primum modum, unde definitur *talis*, quæ subordinatur superiori, & in causando ab eo dependet; ut omnis creatura à Deo.

XV. 4. Alia per se, alia per accidens.

Efficiens per se est, quæ in istud fluit, ad quod influxus naturæ suæ ordinatur. Sic præceptor informans puerum in latina lingua ejus cognitionis causa per se est. *Eff. per accidens* est, quæ in istud influit, ad quod influxus suæ naturæ non ordinatur; ut si puella simul discat latinam linguam, præc. ejus cognitionis causa per acc. est.

XVI. 5. Alia naturalis, alia voluntaria.

Naturalis est, quæ solo instinctu naturæ sine deliberatione agit; ut stellæ, elementa, bruta, &c. *Voluntaria* est, quæ libere & cum deliberatione agit. NB. Eadem res diversè respectu est voluntaria & naturalis causa. E.g. Nostra anima respectu virtutum est volunt. respectu augmentationis est nat. causa.

XVII. 6. Alia per transmutationem, alia per emanationem.

Eff. per transmut. est, quæ cum conatu agit; ut cum homo generat hominem. *Per emanationem*, quæ per naturalem resultantiam

am citra conatum agit. Sic anima producit intellectum, vol. risib. &c.

XVIII. 7. *Alia solitaria, alia socia.*

Solitaria est, quæ *sine concursu* alterius similis influit; ut planta, cum generat. *Socia* est, quæ *concursum* similis & quidem *coordinatæ* causæ requirit, ut mas vel foemina in generatione.

XIX. 8. *Alia univoca, alia equivoca.*

Univoca est *eiusdem* essentiae cum effectu; ut cum leo gignit leonem. *Equivoca* habet essentiam ab effectu *diversam*; ut cum homo facit calceum, Deus mundum.

XX. 9. *Alia procreans, alia conservans.*

Procreans est, quæ rem facit esse. *Conservans*, quæ rem facit porro esse. Sic Deus est causa mundi procreans & conservans.

XXI. 10. *Alia externa, alia interna.*

Externa (in respectu ad *subjectum*) est, quæ agit per actionem *transeuntem*, & effectum *extra se* ponit; ut futor, cum calceum fabricat. *Interna*, quæ agit per actionem *immanentem*, & effectum *in se* recipit; ut cum anima est causa Intellectionis.

DE FINE.

Formale.

XXII. Finis est causa externa, propter quam agit efficiens.

§.1. Finis hic non sumitur pro termino, quomodo mors dicitur finis; sed pro causa finali.

§.2. Characteristica nota finis est propter vel cuius gratia, si specialiter accipitur; nam generaliter omni causæ tribuitur.

DIVISIO.

XXIII.1. Finis est vel principalis vel minus principalis s. secundarius.

Principalis est, qui primario ab agente intenditur. Minus principalis, qui secundario. Sic finis conjugii principalis est procreatio sobolis: minus princ. mutuum adiutorium.

XXIV.2. Vel ultimus, vel intermedius.

Ultimus est, qui ad nullum alium finem ordinatur; idque vel simpliciter, ut sola gloria Dei: vel in suo genere, quomodo summum bonum in Ethicis dicitur ultimus finis. Intermedius est, qui ad alium superiorem finem ordinatur, ut virtus. Hic sub se proximo

num finem comprehendit. Ex hac divisione fines dicuntur *subordinati*.

Distinctiones Nominales.

XXV.1. *Finis est vel cui, vel cujus.*

Finis cui est ipsum *subjectum*, cui finis *cujus* acquiritur; ut homo, cui domus ædificatur. *Finis cujus* est, cujus *acquirendi* gratia efficiens agit; ut domus. De hoc pleræque distinctiones finis intelliguntur.

XXVI.2. *Vel objectivus, vel formalis.*

Objectivus (alias finis *qui*) est *objectum* illud, ad *quod* tendit efficiens; ut liberi (resp. conjugii.) *Formalis* (alias finis *quo*) est ipsa *objecti acquisitio* seu *habitio*; ut generatio liberorum.

XXVII.3. *Vel efficiendus vel obtinendus.*

Efficiendus s. *producendus* est, qui *nondum* existit, sed per *actionem* efficientis *produci-*
tur; ut annulus (fabricandus.) *Obtinendus* est, qui jam *ante* existit, & ad quem efficiens tantum tendit, ut obtineatur, ut aurum.

XXVIII. 4. *Disciplinarum practicarum*
finis est vel internus vel externus.

Internus est de disciplinæ *essentia*, ita ut ex eo *excidere* non possit. *Externus* est *extra* disciplinæ *constitutionem*, ita ut eo saepe *ex-*
cidat.

cidat. Sic Logicæ finis *internus* (principalis) est syllogismus, *externus* veritas.

DE FORMA.

Formale.

XXIX. Forma est causa interna, per quam res *materialis* est id, quod est.

Characteristica ejus nota est particula *per*, quæ in significatione *famosiori* fortius appropriatur, licet aliquando etiam esse *principali & instrumentali* tribuatur. *stringimus* autem *formam* ad res *materialis* quia quod non *proprie* habet *materiam*, illud nec *proprie* habet *formam*.

Distinctiones nominales.

XXX. 1. Forma est vel *informans* vel *assistens*.

Informans th. 29. definitur. *Assistens* est quæ operationes rei dirigit, ipsam vero *essentiam* ejus non ingreditur, ut *nauclerus* in specu navis.

XXXI. 2. Vel *Metaphysica* vel *Physica*.

Metaphysica est ipsa rei *essentia*, ut *humanitas*: *Physica* est altera pars composita ut anima rationis.

XXXII. 3. *Vel totius vel partis.*

Forma totius est forma totius compositi, ut forma animalis. Forma partis est, quæ alicui parti in toto competit, ut forma terræ in animali. Alio in sensu forma totius est Metaphysica, forma partis Physica.

XXXIII. 4. *Vel essentialis vel accidentalis.*

Essentialis est, quæ rem in esse constituit: Accidental, quæ non pertinet ad constitutionem rei, sed accidentaliter rem denominat; ut virtus in homine.

XXXIV. 5. *Vel generica, vel specifica, vel numerica.*

Generica dat esse genericum, ut forma animati in homine. Specifica dat esse specificum; ut anima rationalis in homine. Numerica dat esse singulare, ut hæc anima Johannis.

D I V I S I O.

XXXV. *Forma est materialis vel immaterialis.*

Materialis est, quæ extra materiam existere non potest: ut omnes formæ, excepta humana. Immaterialis est, quæ extra materiam existere potest: ut anima rationalis.

DE MATERIA.

Formale.

XXXVI. Materia est causa interna,
— qua aliquid constituitur, ita ut hæc
insit, & actum formalem recipiat.

§. 1. Non sumitur hic materia pro sub-
iecto, quod materia in qua dici solet; quomodo charta est materia albedinis: Nec pro
jecto, quod alias etiam dicitur materia circum-
quam, quomodo sonus est materia auditiva
sed pro causa interna rem per modum potestatis
passivæ intrinsece constituyente, quæ alia
materia ex qua vocari solet.

§. 2. Characteristica materiæ nota est
est *E.* vel *EX.* Licet enim nonnunquam
causam formalem & efficientem, item prin-
cipium non causale significet, in significatio-
tamen strictiori materiæ à Philosophis
propriatur.

D I V I S I O.

XXXVII. Materia est vel permanens
transiens.

Transiens est, quæ ita inest composito, ut
tea ex suo esse transferit in aliud esse; ut equus
respectu Equæ, ovum respectu pulli. Perma-

nens est, quæ non transiit in aliud esse, sed secundum eandem rationem manet in composito; ut stannum respectu canthari.

DE CAUSATO.

XXXVIII. Causatum est *principiatum*, quod à *causis* suum *esse* habet.

Haftenus egimus de *causis* in genere & in *specie*. Causæ vero contradistinguitur *causatum*, quod, prout ab efficiente, *sine*, *forma*, vel *materia* dependet, est *effectum*, *finitum*, *formatum*, vel *materiatum*.

PROBLEMATATA.

I. An in Metaphysica de causis sit agendum, ut causis objecti?

Neg. Quia ita Metaphysica non esset *universalis* disciplina; ageret enim de ente *causato* tantum, non de omni ente, quia ens *causans* etiam est ens.

II. An efficiens per accidens sit vera causa?

Aff. Quia vere *influit* in esse *causati*. Non enim *per accidens* causare idem est, ac non *causare*: *per accidens* duplicem literam *pingere* idem, ac non *pingere*; sed utraque, tam *causa per se*, quam *per acc.* habet *verum influxum*: differunt tantum in *ordinatione* *influxus*.

fluxus. Vere ergo licet ἀναλόγως causa est

III. Num efficiens per emanationem
vere efficiens?

Aff. Quia alias multa fierent, quæ causa
ficiēte carerent, quæ scilicet per eman
nem producuntur, ut calor ab igne, l
Sole, odor à moscho.

IV. Utrum causa conservans proprie sit
ficiens?

Aff. Quia proprie ipsi convenit actio,
est efficientis causalitas. Medicamenta
alimenta omnino in corpus nostrum agu
dum conservant illud.

V. An actio sit vera causalitas efficiens

Aff. Quia actio potentiam causandi pro
me deducit in actum. Sed objicitur: Actio
est effectus; ergo non est causalitas effici
tis. Resp. Effectus dicitur quandoque
quod per actionem producitur, & est quali
tionis terminus, quomodo annulus est ef
ctus aurifabri. Hoc modo actio non est ef
ctus. Aliquando vero effectus generalius
mitur pro omni eo, quod à causa effect
pendet; sic autem Actio, licet sit ipsa cau
litas, est effectus etiam efficientis; non
men per aliam à se distinctam actione
quia sic fieret progressus in infinitum;

ipsa immediate ab efficiente prodit, pendetque. In reliquis causis etiam *causalitates* primo sunt ab *ipsis*, & postea sunt *via* ad *causata*.

VI. Num exemplar sit peculiaris causa?

Neg. Plane non est *causa*, quia non importat *influxum*. Ad *efficientem* quidem pertinet, sed non ut *species* ejus, verum ut *conditio* ipsi ad agendum necessaria. Est ergo *principium*, scil. quatenus illud præscindit à *causali* & *non-causali*.

VII. An causa corrumpens in respectu ad terminum corruptionis proprie sit causa?

Neg. Quia non influit in *esse* rei, sed in *non esse*. *Non esse* vero non potest esse *effectus*, cum utrumque membrum affectionis (*caus. causat.*) *reali enti* competat. In respectu quidem ad *actum* corruptivum aliquando *proprie* est *causa*, ad *terminum* corruptionis nunquam.

VIII. An omnia media sint instrumentales causæ.

Neg. Quia non omnia *media* habent proprias *causalitates* in ordine ad *effectum*. Sudaria & collaria *Pauli* ad morbos & *Dæmones* arcendos adhibita *Act. 19. v. 20.* *media* quidem, non vero *instrumenta* fuerunt.

IX. *An instrumentalis causa in omni actione instrumentalis sit?*

Neg. Sæpe duplex conspicitur in instrumentis actio: una, quam absque principali causa potest exercere: altera, quæ ex actione principalis dependet. E.g. Malleus se deorsum tendit propter gravitatem, propter duritiem minus dura (vitrum, olla &c.) confringit. Hoc si præstet absque actione, non instrumentalis causa dicitur, tum demum, quando directio superioris agentis accedit.

X. *Utrum finis sit vera causa?*

Aff. Quia habet influxum ad causatum dum influit in efficientem, eamque movet ad agendum. Obj. 1. *Finis agit Metaphorice ergo non vere.* Resp. *Agere* sumitur vel *gorose*, & sic efficienti tantum competit: generaliter pro omni influxu, quomodo omnem causam pertinet. *Finis* cum dicitur agere *Metaphorice*, non posteriori, sed primo modo intelligitur, id est non per metaphoram *causat*, sed per metaphoram *efficit*, quod influxus *finis* similis est influxui *efficienti*. Obj. 2. *Finis quatenus finis non existit, ergo non est vera causa.* Quicquid enim nunc est, quomodo causare potest. Resp. (1) Posset dici, quod quidam finis etiam existe-

qui scilicet dicitur finis *obtinendus*, ut cum hostis invadit urbem, ut eam occupet. Verum accurate loquendo res ea, quæ *obtinetur*, non est finis, sed possessio, fructus sc. *habitio* istius rei, nam *causalitas* finis non est in *terminando*, sed in *movendo*. Quapropter etiam *finem obtinendum* ad dist. *nominales* retulimus. Ergo. (2.) dicimus, quod *finis* habeat hoc peculiare præ reliquis *causis*, ut possit *causalitatem suam* exercere, quando *nondum* est in *esse reali*. Causalitas enim ejus præcipue est, ut *excitet* desiderium sui in *efficiente*. *Desiderari* autem *vere* potest, quod *nondum* est, si modo *cognitum* sit; quomodo pii in veteri Testamento *desiderarunt* adventum *Messiae*, antequam factus est. Ne vero quis putet, nos ita *affectionem* tribuere *non-enti*, vel *enti in potentiâ*, notandum est quod circa *causalitatem* finis distinguendus sit terminus à quo à termino *ad quem*. Quoad terminum à quo finis tribuitur non enti; sed ita non exercet *causalitatem*, verum eam exercit quoad terminum *ad quem*, qui est *efficiens*, quam *excitat* finis. *Efficiens* vero ens est. Ergo finis *formaliter* tribuitur *enti* non vero non enti.

XI. *Utrum omnis efficiens agat propter finem?*

Aff. Nisi enim excitaretur à *fine* non ageret *efficiens*. Sed objicitur: Quicquid agat *propter finem*, illud *cognoscit finem*. (*Ignis nulla cupido.*) Quædam agentia non *cognoscunt finem*. E. Quædam agentia non agunt *propter finem*. Minor probatur multis exemplis. Potentia activa agit, non tamen *cognoscit semper finem*. Potentia purgandi rhabarbaro, potētia aperiendi venas in alio pot. sulphuris in confortandis pulmonibus &c. *agunt* certe, sed *fines non cognoscunt*. Globus è bombarda missus transtodit murum, & sic agit: Radius Solis illuminat mundum, & sic agit: Lux Solis illuminat mundum, & sic agit: *Verum finem vero non cognoscunt*. Resp. Negamus majorem. *Cognitio finis non est necessaria ex parte cujusvis concurrentis*, sed satis est, si ad omnem actionem concurrat aliquid, quod *cognoscat finem*, alias etiam necessario mundus *cognosceret finem fabri*, quem *intendit* dum cudit.

XII. In quo consistat causalitas finis?

Resp. Præcipue consistit in *excitatione efficientis ad agendum*, dum *amorem sui intendit*. Deinde vero etiam consistit in *ordinatione & mensuratione* mediorum, quibus *efficiens* ad acquisitionem finis utitur.

AXIOMATA.

I. Omne ens est vel *causa* vel *causatum*. Sed observandum hic est, quod membra affectionum *disjunctarum* non nisi ad *præsens* objectum restringantur. Valet ergo regula tantum de *statu* mundi post *creationem*.

II. Omnis causa agit.

Agere sumitur vel *generaliter* vel *specialiter*. *Generaliter* significat *influer* in *causatum*, sive hoc fiat *actione*, sive *passione*, sive alio modo. Ita accipitur *agere* in regula. *Specialiter* sumptum competit *soli efficienti*, & fit per *veram actionem*, quæ est *causalitas efficientis*. Sic regula non valet, sed particulariter est vera de *sola efficiente*.

III. Nihil est causa *sui ipsius*.

Esset enim, *antequam* *esset*, quod absurdum. *Esset*, quia *in se influeret*: *Nō esset*, quia *producendum* *esset*. Intelligitur vero regula *positive*, ut sit sensus: Nihil *positive* influit in suum esse. Deus est à seipso, sed *negative*; id est, non est ab aliqua causa. 2. *Simpliciter*, ut sit sensus: Nihil est sui ipsius causa *simpliciter*, licet possit esse sua causa *secundum quid*, ut cum quis se facit *virtuosum*, non dat sibi esse *simpliciter*, quia illud jam ante habet. 3. *Secundum idem esse* sc. vel *reale* vel

intentionale. Nam alias finis, quatenus est *esse intentionali*, est sui ipsius causa, ut fit inde in *esse reali*, quia movet *efficientem*, qua producitur *effectus*, qui antea erat finis.

IV. Causa est prior causato.

Prioritate scilicet *naturæ*. Nam de prioritate *temporis* non semper vera est regula. Anima nostra & ejus intellectus *tempore* finis sunt, & tamen anima intellectus causa est. Intelligitur vero in Axiomate res, quæ causa est, in *particulari*; non causa in *natura abstractissima*: Nam hoc modo causa & causatum sunt *simul natura*, quia neutrum ab mentione alterius potest definiri, & de utroque valet reciproca essendi consequentia. Si causa non esset, nec causatum esset: Si causatum non esset, nec causa esset.

V. Posita causa, ponitur causatum.

De causa *efficiente* ita valet: Posita *efficiente adæquata in esse causæ*, id est in actione causandi & non impedita, ponitur *effectus in esse effectus*, hoc est, in fieri. (Nam in *esse absolute* tum demum ponitur *effectus*, quando *absoluta* est actio efficientis.) Dico *adæquata* quia e. g. *fœmina sola* non potest gignere nec malleus cudere.

De causis *internis* valet regula, si ponatur

in unione. Sic non valet anima est in cælo,
& corpus in terra, Ergo est homo.

VI. Negata causa, negatur causatum.

De causa efficiente, si effectus tantum ab ea dependet in fieri, ita valet regula: *Si efficiens non datur, vel non influit, nullus sequitur effectus illius causæ in fieri.* Si non datur architectus, vel si non operatur, nulla datur ædificatio. Si vero effectus continuo à causa in esse etiam dependet, ita valet regula: *Sublatâ causa necesse est perire effectum.* Sic, si Deus destrueret Solem, periret lux ejus. De causis internis ita valet: *Negatis vel sublati materia & forma, & harum unione, negatur vel tollitur earum causatum.* Sic, si non est anima & corpus, vel, si non amplius sunt in unione, tollitur homo. Valet etiam de fine, ita scilicet: *Si nullus finis excitat efficientem, vel si finis desinit movere efficientem, nullus ab ea procedit effectus propter finem suscepta.*

VII. Causa est nobilior causato.

Valet in duplici sensu: 1. Si per causam complexæ omnes omnium generum causæ simul sumptæ intelliguntur. 2. Si causa sumatur in esse causæ, id est, in influendo, & causatum in esse causati, id est, in fieri.

VIII. Causa causæ est etiam causa causati.

Sunt,

Sunt, qui hanc regulam usurpant de
etiam & *materiali* causa, ut & de causis
versi generis. Verum quia ita premitur
tis difficultatibus, nos eam ad causam
entem restringimus, & de causis *ejusdem*
neris (ut *utraque* sit efficiens) intelligit
Ita intellecta hunc habet sensum: *Cum*
sa efficiens producit effectum, & ille effe
iterum producit alium effectum, tum pri
ficiens est etiā causa posterioris effectus.
autem regula tantum in efficientibus
& *essentialiter subordinatis* (non vero in
ordinatis accidentaliter.) Sunt vero effi
tes essentialiter subord. ita comparatæ, ut
tera ex natura sua dependeat ab altera
causando. Comparantur enim inter se
causæ subordinatæ, quatenus ab iis
causatum dependet.

IX. *Qualis causa, talis effectus.*

Hanc regulam etiam restringimus ad
cientem, eamq; *univocam*, & secundum
tributa essentialia (tam *constitutiva* quam
cutiva) considerata, ut sit sensus: *Qualis*
tributa essentialia habet causa univoca,
etiam habet effectus illius causæ. Pater
risibilis, ergo & *filius*. Non valet ergo in
tributis *personalibus notionalibus*, &c. nec
causa æquivoca, morali, &c. In talibus

quandoque detur, ex hac regula consequentia illa *contingens* tantum est, & per accidens insert.

X. Posito effectu ponitur causa.

Valet de efficiente *adequata*, hoc sensu: Posito effectu, necesse est efficientem ejus *adequatam* esse, vel fuisse. Ut, Petrus homo est: ergo Parentes habuit.

XI. Nullum efficiens agit in seipsum.

Scilicet *eodem* respectu. Nam *diverso* respectu unum idemque *suppositum*, imo una eademque pars suppositi in *seipsam* agit. E. G. Anima movet corpus in eodem supposito: Una eademque anima rationalis secundum potentiam *activam* producit intellectum, & secundum potentiam *passivam* eundem in se recipit.

XII. Quod efficiens non *habet*, non potest effectui *dare*.

Habere dicitur efficiens aliquid vel *formaliter*, ut ignis calorem habet; vel *eminenter* s. *virtualiter*, quomodo Sol habet calorem; vel *secundum naturalem convenientiam*, quomodo pater pedibus carens gignit filium pedes habentem. Hic ergo est sensus regulæ: quod efficiens nec *formaliter*, nec *virtualiter*, nec *secundum naturalem convenientiam* habet, illud effectui dare non potest.

XIII.

XIII. Efficiens dans *formam*, dat *e*
consequentia formæ.

Intellige *propria*, non vero *actiones* &
etus. Pater dat filio *risibil.* non vero *ri*
actualem.

XIV. Efficiens *naturale* manens *idem* se
 per agit *idem.*

Id est, agit semper *uno eodemq; modo.*
 liquefacit & indurat, *uno tamē modo* agen

XV. Actiones sunt suppositorum.

Lim. Vera est regula 1^o de principio ad
 onis *quod*, non de principio *quo.* Nam &
nis calefacit, & calor calefacit, atque ita ut
 que agit; calor vero non est *suppositum.*
 Si principium actionis *quo* sit in supposito
 Anima à corpore *separata* intellectu suo
telligit, & ita agit. De hac actione non va
 let regula; quia intellectus iste (princ. *quo*
 non est in supposito.) Anima enim non est
 suppositum.

XVI. Omne actio est propter finem.

Excipiuntur 1. *actiones Dei immanentes*
 quia sunt ipsa *essentia divina*, quæ non habet
causas. 2. Istæ actiones (secundum *Aristo*
telem, in quibus est *summum bonum.* 3. Acti
 nes efficientis *per accidens*, quatenus fiunt
per accidens. Nam *una eademq;* actio diverso
 respe.

dat et respectu interdum fit *per se* & *per accidens*.

XVII. *Propter quod* unumquodque *tale est, illud* magis est *tale*.

Valet hæc regula de *fine* & *efficiente*. In *causa finali*, hunc habet sensum: *Propter quod aliud intenditur, illud magis intenditur*. E. G. Studiosus *intendit* proficisci *Wittenbergam* propter *eruditionem*, ergo *eruditionem* magis intendit. In *causa efficiente* hunc sensum intert: *propter quod attributum alteri idem attributum formaliter inest, tanquam effectus per se & adequatus, illud est præstantius, si admittat magis & minus*. E. g. Luna est lucida propter Solem; Ergo Sol magis est lucidus. Creatura est bona propter Deum: Ergo Deus magis est bonus. Requiritur ergo 1. ut unum attributum *utrique insit*. 2. ut *formaliter* insit. 3. ut, quod *huic* inest, sit *numero* diversum ab eo quod *illis* inest. 4. ut unum sit *causa* alterius. 5. ut recipiat *magis & minus*.

XVIII. *Finis & bonum sunt idem*.

Non *Formaliter*, sed *materialiter*; hoc est, ea res, quæ rationem *finis* habet, etiam est *bona* vel *vere* vel *apparenter*. Nihil enim desideratur, nisi sub ratione boni.

XIX. Qui vult *finem*, vult etiam *media* ad finem.

Loquitur regula 1. *de jure*, non de *facto*
 2 *De mediis necessario cum fine connexis*
per se, (non *per accidens*) ad *finem* ducentibus. Hunc ergo habet sensum: Qui vult *primum*
nem (*serio*,) ille *merito* etiam vult *media* *placita*
cessaria, & *per se* ad *finem* ducentia. *Qua*
unit
qual

CAPUT XVII.

De Simplicitate & Compositione.

Haftenus ex primariis disjunctis affe- *den*
 onibus consideravimus *immediatas*, *Sin*
 quuntur *mediatae*, quarum prima est *sim* *scilicet*
citas & compositio. *div*
at
tia

PRÆCEPTA.

Ambiguitas.

- I. *Simplex* opponitur 1. *doloso*. 2. *pru-*
ti: 3. *ornato*: 4. *mixto*: 5. *compo-*

Ultima acceptio est hujus loci, & dicitur
 esse quasi *sine plica* plurium, s. non *com-*
catum ex pluribus.

- II. *Simplicitas* est *unitas indivisibilis*.

Simplicitas & compositio constituunt *af-*
Etione

on de *tionem* entis *disjunctam* *mediatam*, quæ ex
inex *unitate* resultat. Unitas ergo ejus fundamen-
 e ducum est, & *indivisione* sua ejus naturam ex-
 ui vuprimis, ita ut membra *unitatis* in re sint
 media *hujus disjunctæ affectionis*.
 a. Quapropter etiam in definitione simplic.
unitatem facimus quasi *genus*, & *indivisibile*
 quasi *differentiam*.

D I V I S I O.

III. Estque vel *absoluta*, vel *restricta*.

Absoluta simplicitas est, qua ens *independenter* est indivisibile. Hæc solius Dei est.
Simplicitas restricta (in certo genere, *entis*
 scilicet, non *corporum*) est, qua ens ita est *indivisibile*, ut indivisibilitas *aliunde* *dependeat*. Hæc competit *spiritibus creatis* & *essentia accidentium*.

Ambiguitas.

IV. Compositio notat vel *actum compon-
 nentis*, vel *statum compositi*.

Illo modo significat *influxum* illius, quod
 per *actum effectivum externum* aliud *componit*; ut cum architectus componit domum. *Hoc* modo designat *internam rei conditionem*, qua Res ipsa intrinsece est *compositum*. Ita h. l. accipitur.

V. Compositio est vel *essentialis*, vel *accidental*.

Essen-

Essentialis est, qua *plura entia* componuntur in *una essentia*, & dant unum per se. *est* hujus loci. *Accidentalis* est, qua *plura entia* componuntur *extraessentialiter*, & per *accidens* exhibent. Hæc quidem in se *est*, *etata proprie est compositio*: Quando *plures essentia* vere *uniuntur*, proprie *compositio*. Hoc in loco tamen *impropr* citur; quia hic quærimus affectiones, *entis per accidens*, sed *entis per se*.

Modi *compositionis accidentalis* sunt
 1. *Inter substantiam & substantiam*, quæ *est* in aqua falsa, ferro ignito, &c. 2. *Inter substantiam & accidens*, ut *compositio* ex mine & justitia, Sole & luce, igne & calore. 3. *Inter accidens & accidens*, ut *compositio* ex colore & sapore in pomo.

VI. *Compositio est vel realis, vel naturalis.*

Realis est, in qua termini componententes *aliter* differunt. Ad hanc per *analogiam* *est* *compositio ex natura & supposito in finito*. Hi enī termini *realiter* differunt, & possunt separari; *Rationalis* est, in qua termini componententes non nisi *ratione* differunt. Talis est 1. *compositio ex natura & supposito in ente infinito* (NB. Hæc *compositio* dicitur per *conjunctionem essentia* & *modi subsistentia*).

ultimati, qui *suppositalitas* dicitur, uti hoc in parte *speciali* fufius declarabitur. *Suppositalitas* vero, quia à Deo plane *inseparabilis*, & cum *essentia* simplicissima plane *idem* est, compositionem *rationis* tantum parit.)

2. Compositio *ex genere & differentia*, vel *differentia & differentia*. Hæc ideo pertinet ad compositionem *rationis*, quia *genus* non datur, nisi per *intellectus* operationem. Nam à *parte rei* *genus* & *differentia* sunt *unum* & *idem*.

3. Compositio *ex esse & essentia*. Hæc etiam non nisi *rationalis* est. Nam si per *esse* intelligitur id, quod est (e.g. canis) per *essentiam* vero *quidditas*, seu totum illud, quo res est (e.g. canitas) quoad rem sane *illud* ab hoc non differt: Si vero per *esse* intelligitur *essentia actualis*, per *essentiam* vero *talis entitas*, quæ enti in *potentia* etiam competere possit, nec sic fit compositio *realis*, quia *essentia* in *potentia* *nihil* est; illa *essentia*, quæ est *aliquid*, ab *actuali existentia* plane non differt.

Formale.

VII. Compositio est *unitas divisibilis*.

Quod sit *unitas divisibilis*, patet ex c. 3. Unde fluit, quod 2. sint *proprie compositionis* (de qua hic agimus) requisita. 1. Ut *plura* adsint entia *partialia* *realiter* distincta, &

à se invicem *separabilia*. 2. ut ex istis *u*
ens per se constet.

D I V I S I O.

VIII. *Compositio* est vel ex *materia*
forma, vel ex *partibus quantitativis*.

Utraque competit omnibus & solis *cor*
poribus, si rigore loquimur: *Illa* constituit
totum corpus: *Hæc* partem corporis, *ma*
teriam scilicet, quam partes *quantitati*
integrant. Huc quidam propter cognat
nem reducunt *Compositionem ex partib*
integrantibus analogis, quo sensu *Metaphy*
ca composita est ex parte *generali & specia*
Sed hic aliquid per accidens involvitur.

D E T O T O E T P A R T E.

Doctrinæ de simplici & composito *fi*
jungimus doctrinam de *toto & parte*, & qu
dem ita, ut peculiare caput non constituat
quia in sua disjunctione non exhaurit totam
latitudinem entis: *Deus* enim *proprie* ne
totum, nec *pars* est. Refertur ergo huc p
pter cognationem. Compositum enim, qu
do opponitur terminis componentibus, ta
quam partibus, vocatur *totum*.

Ambr.

Ambiguitas.

IX. Totum est vel *perfectionale*, vel *potestativum*, vel *universale*, vel *numerale*, vel *essentiale*, vel *integrale*.

Perfectionale est, quod habet *totalitatem* omnium *perfectionum*, ut Deus. *Potestativum* est, quod continet *plures potentias* s. facultates instar partium *unitas*. Sic anima nostra continet *intellectum*, *voluntatem*, pot. *videndi*, *audiendi*, &c. *Universale* est *conceptus*, qui plura *essentialiter inferiora* sub se continet; Sic animal sub se continet *brutum* & *hominem* tanquam partes. *Numerale* est, quod ex *pluribus unitatibus* constat. Hoc est *numerus*. *Essentiale* & *Integrale* paulo post describemus.

Formale.

X. Totum est, quod ex *partibus debito modo unitis* constituitur.

D I V I S I O.

XI. Totum est *vulgare* vel *singulare*. *Vulgare* est vel *essentiale*, vel *integrale*. *Integrale* vel *homogeneum* vel *heterogeneum*.

Vulgare appellamus ideo, quia multa ejus in natura exempla occurrunt. *Essentiale* est, quod constat ex *partibus*, *essentiam totam*

tam constituentibus; ut homo, quatenus constat capite, ventre, pedibus, &c. Integrum est quod eandem cum partibus habet naturam (licet non semper eandem appellationem;) ut aqua, quia quævis aqua aquæ est aqua. *Heterogeneum est, quod versam à partibus habet naturam.* Sic hominis non est homo. *Singulare totum liquidum etiam Personale dictum)* Sed qui persona à Theologis vocatur.

XII. Partes sunt, quæ totum constituent.

Partes proprie dictæ sunt tantum in essentiali & integrali, & dicuntur partes essentielles & integrales. Illæ constituent essentiam rei per unionem essentialem: hæc per cohesionem continui. Reliquarum quoque voce ita dictarum partium definitiones & descriptionibus totius facile cognoscuntur.

PROBLEMAT A.

I. *An personæ SS. Trinitatis faciant compositionem in divina essentia?*

Neg. Ad compositionem enim requiruntur plura entia à se invicem separabilia, Th. V. quæ de Deitate dici non possunt.

II. *An omnis compositio realis proprie hujus loci?*

Neg. Accidentaliter etiam est realis, quæ

quatenus non fingitur; huc tamen non spectat. Realis etiam suo modo est Comp. ex *partitura & supposito* in creatis; hic tamen eandem speciem propriæ compositionis non facit, quia *suppositalitas* non est ens, sed *modus*: *Modus* vero non componit.

Sic III. Num Deo repugnet composito rationis?

Neg. Illa enim non Dei, sed Intellectus nostri imperfectionem arguit. Non ergo impium est, Deum & ejus attributa sibi in diversis conceptibus repræsentare.

An totum perfectionale, potestativum, universale & numerale propriè ad totum h. l. spectent?

Neg. Perfectionale non habet partes quoad rem; Perfectiones enim Dei sunt ipsa Dei essentia. Ergo propriè non est totum. Potestates spiritus finiti sunt ejus accidentia; Ergo ejus partes esse non possunt. Partes enim constituunt totum. At accidentia non constituunt substantiam. Ergo potestativum etiam non est propriè sic dictum totum. Universale ideo non est totum, quia inferiora, quæ debent esse partes, non sunt in ipso; nam ab inferioribus universale præscinditur. Partes autem debent esse in toto & illud constituere. Numerale est totum per accidens, idcirco non est h. l. propriè totum.

V. An

V. An totum sit definiendum sine mentione partium?

Neg. Sunt qui affirmant, ut definitio generalis sit, cum totum perfectionale non habeat partes, & tamen sit totum. Sed hoc totum æquivoce dicitur totum, non propriè.

AXIOMATA.

I. Omne ens est vel *simplex*, vel compositum.

II. Simplex est prius composito.

Sc. isto, quod ex illo *simplici* constat. Scilicet autem prius non tempore semper, sed ratione. Intelligitur autem non tantum *simpliciter absolute*, sed *relative* sic dictum, quod minus compositum. Materia arboris composita ex 4. elementis, simplex tamen dicitur respectu totius arboris, & sic quoque natura prior est.

III. Totum est majus qualibet sua parte.

Hoc principium primum quidam reprehendere putant miraculis de 5. & 7. panibus quia plus remanserit, quam ab initio adhiberatur. Sed fragmenta relicta, non fuerunt simpliciter partes istorum panum, sed numerum jam miraculose benedictorum. Quod vis ergo pars cum suo toto, & non cum toto conferatur, & regula semper vera erit.

IV. Ubi *totum est*, ibi necessario *omnes partes sunt*.

Valet regula de omni toto *proprie* sic dicto, scil. de *essentiali, integrali, & singulari*, ita tamen, ut in *integrali* intelligantur *partes principales*, non *minus principales*.

V. Quicquid *toti* tribuitur, (*materialiter, non formaliter*,) illud ei secundum aliquam *partem* ad minimum conveniat, necesse est.

Homo dicitur procerus. Non secundum *animam* sed *corpus*.

VI. Pars *partis* est quoque pars *totius*.

Digitus est pars *pedis*. Ergo est quoque pars *hominis*.

VII. Quicquid prædicatur de *parte*, prædicatur etiam de *toto*.

Valet regula 1. de *entitate partis absoluta*, non de *esse formali*. 2. De istis, quæ non sunt peculiariter ad partem *determinata*. Sic non licet dicere; *anima* est spiritus, ergo & *homo* est spiritus. 3. De *partibus homogeneis*. De *Heterogeneis* tum tantum valet, quando non est *diversa ratio* in toto, cur ipsi *prædicatum* non competat. 4. De istis *prædicatis*, quæ toti non *repugnant*,

242 *De simpl. & comp. toto & parte.*
nant, ut anima intelligit; Ergo & homo.
VIII. Quæ est ratio *totius*, ea etiam
partis. Limitatur ex præcedenti
none.

CAPUT XVIII.

De Identitate & Diversitate.

Ambiguitas.

I. Identitas est vel *rei*, vel *rationis*.
Identitas *rei* hujus loci est, & postea con-
finietur. Identitas *rationis* est, quando por-
tio *figit* convenientiam aliquam, quæ
re non datur. Estque vel *rationis ratiocinatæ*,
nantis, cum *unum* tantum datur *extremo*
quod ad *seipsum* refertur: ut, *Petrus*
ipso *idem* est, vel *rationis ratiocinatæ*,
ratio *figit* conceptum, in quo *plura res*
extrema conveniunt; ita tamen, ut a-
bus ansam *figendi* accipiat. Huc pertinet
identitas *generica & specifica*. *Homo*
quos sunt *idem* genere, conveniunt
in *animali*: *Petrus & Joannes* sunt
specie, quia uterque est *homo*.

Formale.

II. Identitas est *plurium* in aliquo
convenientia.

Quæ ergo in aliquo tertio conveniunt,
illa respectu ejus dicuntur eadem.

D I V I S I O.

III. Identitas est vel *essentialis*, vel *extra-essentialis*. Hæc est vel *suppositalis*, vel *causalis*, vel *effectiva*, vel *subjectiva*, vel *accidentalis*.

Identitas essentialis est, quando *plura* conveniunt in aliquo *tertio essentiali*, ut, quando materia & forma conveniunt ad constituendam intrinsece essentiam corporis.

Extra-essentialis est, qua *plura* conveniunt in uno *tertio extra-essentiali*. Hæc vixit quintuplex præcipue est.

Suppositalis est, qua plures *naturæ* conveniunt in uno *supposito* vel *persona*. Sic *suppositaliter* idem sunt aqua & sal ei permixtus.

Causalis (secundum *causas* scil. *externas*) est, qua *plura* conveniunt respectu *efficientis* & *finis*. Sic duo automata respectu ejusdem automatarii tanquam efficientis, duo competitores respectu ejusdem officii tanquam *finis* habent identitatem.

Effectiva est, qua *plura* conveniunt respectu *eiusdem effecti*. Hanc identitatem habent pater & mater respectu filii, multi Architecti respectu ejusdem domus.

Subjectiva est, qua plura conveniunt *eodem subjecto*, ut iustitia & temperantia in uno homine.

Accidentalis est, cum plura conveniunt *eodem accidente*. Sic Metaphysica & intellectus est, & in anima.

Formale.

IV. Diversitas est *plurium in aliquo* *inconvenientia*.

Quæ ergo in aliquo tertio *non conveniunt* ea respectu illius tertii *diversa* dicuntur. Ferrum & ignis (cum ferrum est ignitum) sunt *diversa* ratione *formæ*: sunt eadem *suppositi*.

Distinctiones nominales.

V. Diversa sunt vel *primo diversa*, vel *diversa differentia*.

Primo diversa sunt, quæ in nullo genere conveniunt; ut decem summa genera, Deus & creaturæ.

Diversa differentia sunt, quæ habent commune genus, sub quo differunt ab aliis. Sic equus & canis conveniunt in anima, differunt per differentias suas específicas.

VI. Diversitas est vel *realis*, vel *rationis*.

§. I. *Realis* est eorum, quæ citra operationes

tionem *intellectus* distinguuntur. Hæc est
hujus loci.

§. 2. *Rationis* est eorum, quæ citra opera-
tionem *intellectus* non distinguuntur. Hæc
& in vocatur distinctio *rationis ratiocinatæ*, quan-
do ratio nostra occasionem & ansam distin-
guendi à rebus accipit. (Hæc ipsa est, quæ
alias distinctio *formalis* dicitur) *Ratiocinan-*
tis, quando occasione tali destituitur. Sic
quia aliæ hominis actiones ipsi soli compe-
tunt, ut loqui, ridere, &c. aliæ etiam bestiis
cum eo communes sunt, ut ambulare, au-
dire, videre, &c. ratio nostra ansam inde su-
mit & fundamentum, ut *distinguat* inter
esse *hominis & animalis*, cum tamen *una ea-*
demque fit *essentia*, & nulla multitudo essen-
tiarum nobis exhibeatur. Sed quando in
hac propositione identica, *Homo est homo*,
distinctio fit inter hominem & hominem,
quia mox ut subiectum, mox ut prædicatum
propositionis consideratur, nullam ex re
mens nostra accipit ansam, ideo dicitur di-
stinctio *rationis puræ s. ratiocinantis*.

VII. Diversitas sc. distinctio *rationis ra-*
tionatæ solet statui triplex: *Virtualis*,
formalis & modalis.

§. 1. *Virtualis* est, quando aliquod quoad
rem plane *indistinctum* in *efficacia* sua se va-

rie exierit, ac si contineat *virtutum* diversitatem. Sic vis *indurativa* & *liquefaciens* in Sole est plane *una eademque*, & distinguitur tantum ex *objectis*.

§. 2. *Formalis* est, quando *unum, idem* sub *distinctis formis* s. rationibus concipiendi in nostra mente repræsentatur. *alius* conceptus *formalis* formatur de *bono* & *malis*, quatenus *homo*, & *alius*, quatenus *animal* est. Nota: aliquando omnis distinctio rationis *rationata* vocatur distinctio *formalis* Th. VI. aliquando vero est ejus quæ si species.

§. 3. *Modalis* est, quæ versatur inter *rem* & *modum* ejus *inseparabilem*, vel inter *modum* & *modum* minime sibi *oppositos*, inter *ens* & *ubietatem*: item inter *ubietatem* & *durationem*.

DIVISIO.

VIII. Diversitas (*realis* sc.) est vel *distinctionis* vel *oppositionis*.

IX. *Distinctio* est diversitas (*realis*) sine *repugnantia*.

Diversitas est vel *cum pugna*, vel *sine pugna*, Quando est *cum pugna* simul inter *oppositionem*, & quæ sic *diversa* dicuntur *opposita*. Quando vero *sine pugna* est, tantum

parit distinctionem aliquam, & quæ sic diversa sunt, *distincta* vocari solent.

X. *Distinctio (realis)* est i. vel *strictè* vel *analogice* dicta.

XI. *Strictè* dicta *distinctio* est inter *rem* & *rem*, & consistit in hoc, ut una res non sit alia res. Dicitur etiam *distinctio* *realitatis majoris*.

XII. *Distinctio analogice* dicta est inter *rem* & *modum* ejus *separabilem*, vel inter *modum* & *modum*, qui sibi invicem sunt oppositi.

Dicitur etiam *dist. realitatis minoris*.

§. i. Affectiones *enti* competunt, non *entis modis*, nisi *secundario*, & secundum *analogiam*. Sicut hoc valet de omnibus affectionibus, ita etiam de *distinctione*. Hæc ergo si *modis* applicatur, fit hoc secundum *analogiam*. Non vero potest omnibus modis applicari *distinctio (realis* sc. quæ *proprie* est *distinctio*) sunt enim modi vel *separabiles*, vel *inseparabiles* ab *essentia*: vel tantum *distincti*, vel simul *oppositi*. Istis tantum potest aptari *distinctio (realis,*) qui possunt separari ab *essentia*, ut *compositio* à corpore & anima: ratio causæ ab architecto. Vel qui sunt *oppositi* sibi invicem, ut *causa* & *causatum*.

Nihil enim *eodem* respectu potest esse
& *causatum*. Si vero modi sint ab esse
inseparabiles, vel *distincti* à se invicem
tum, competit ipsis saltem distinctioni-
nis, Th. VII.

§. 2. Ad distinctionem (*realem*) ana-
dictam pertinet distinctio Personarum
Trinitatis, quæ *realiter* à se invicem diffi-
cum orthodoxa antiquitate credimus, in
propter *oppositionem relativam* modum
subsistendi.

XIII. 2. Distinctio (*realis*) est vel ra-
tantum, vel *simul essentialis*.

XIV. *Realis tantum* est, quæ in una es-
tia *numerica* reperitur.

Sic Personæ SS. Trinitatis distinguuntur
tantum realiter, quia sunt ejusdem numeri-
essentialis, & tamen quoad *modum* subsistendi
sibi mutuo sunt *incommunicabiles*.

XV. *Essentialis* est, quæ inter *diversas*
mero essentialias reperitur.

Talis distinctio est inter hominem, vir-
tutem, intellectum, scientiam: inter ignem
& calorem, &c.

XVI. Oppositio est diversitas (*realis*) cum
aliqua *repugnantia*.

§. 1. Non intelligimus hic oppositionem

complexam, qua *propositiones* sibi invicem *repugnant*, quæ à Logicis traditur; sed *incomplexam*, qua *res* seorsim spectatæ, pugnam exercent inter se.

§. 2. Quia tam in definitione *distinctionis* quam *oppositionis* mentio fit *repugnantie*, explicanda ea est. Non intelligimus autem hic directe *logicam* repugnantiam, qua *termini* sic de se *negantur*, ut non possint de se *affirmari*: Sed talem, qua *res* ita *dissentiunt*, ut communi naturæ cursu non coeant ad *unum*.

§. 3. *Veræ* autem *repugnantie* conditiones sunt 5. quod sc. propter eam opposita non possint tribui 1. *eidem* sc. *subjecto*, vel *rei*, (non opp. calor in igne, & frigus in aqua,) 2. *secundum idem*, i. e. secundum *eandem* *subjecti partem*. (Non opp. albedo dentium, & nigredo cutis in Æthiope) 3. *ad idem* i. e. *ad eundem respectum*. (Non opp. Pius & iustus coram hominibus, non iustus coram Deo.) 4. *eodem tempore & momento* temporis. 5. *in excellenti gradu*.

XVII. Oppositio sumitur vel *generaliter*, vel *specialiter*.

Hoc modo restringitur ad 4. vulgares modos: *Illo* modo latius patet, & complectitur etiam istam repugnantiam, qua extra illos

4. modos res inter se pugnant. Omnino ponuntur sibi homo, aurum, cœlum, &c. quæ non possunt *conjugi ad unum*, & tamen *relative*, nec *contrarie*, nec *privative*, nec *contradictorie* opponuntur. Ergo amplius est terminus *oppositionis*, ut hæc & illa pugnantia etiam comprehendat. Quæ ergo revera pugnant, & ad quatuor vulgares modos non possunt referri, ea spectant ad oppositionem *generaliter* dictam.

XVIII. Oppositio *specialiter* dicta vulgaris est quadruplex: *Relativa*, *Contraria*, *Privativa*, & *Contradictoria*.

§.1. Hujus divisionis rotunditas ita probatur: *Oppositorum* vel utrumque membrum est *positivum*, vel alterutrum *negativum*. Si membra sunt positiva, sunt vel *absoluta*, vel *respectiva*. Si sunt absoluta, fit oppositio *contraria*: Si respectiva oritur *relativa*. Si alterum est *negativum*, negat & tollit aliquid vel *absolute*, vel in determinato & capaci subjecto. Si illud, est *contradictoria* oppositio. Si hoc, *privativa* salutatur.

§.2. Oppositio *relativa* est pugna interrelata, quorum unum *eodem* respectu non est alterum, ut pater non est filius. Hæc est oppositio debilissima.

§.3. *Contraria* est pugna entium *positiva*

rum absolutorum, quæ è regione & sub eodem genere sive proximo sive remoto distant. Sic opponuntur virtus & vitium, albedo & nigredo, homo & brutum, &c. Contraria sunt vel mediata, vel immediata.

§ 4. *Privativa est pugna inter habitum & privationem ejus, ut inter sanitatem & morbum: aptitudinem videndi in oculo, & cæcitatem.*

§ 5. *Contradictoria est pugna inter ea, quæ se habent ut ens & non ens negativum, ut inter hominem & non hominem, canem & non canem, &c. Est vero Contradictio vel explicita, vel implicita. Illa, cum opposito termino expressa negatio præfigitur, ut cælum, non cælum. Hæc, cum primo intuitu uterq; terminus videtur esse positivus absq; pugna, aliter tamen negationem involvit; ut, stramen marmoreum, cerevisia lignea, &c. Dicitur alias contradictio in adjecto.*

PROBLEMA.

I. *An unum & idem differant?*

Aff. Quia unitas est aliquod absolutum, identitas respectivum.

II. *An distinctio rationis sit proprie sic dicta diversitas?*

Resp. In Metaphysica non est proprie diversitas

versitas, quia affectiones competunt enti pr
ter mentis nostræ operationem, unde etia
eam Th. VI. ad distinctiones nominales se
æquivocas retulimus. In Gnostologia ver
quin propria dicatur diversitas, nil impedi

*III. Quenam sint genuinæ notæ diversita
tis seu distinctionis realis.*

R. Realiter differunt 1. quæ habent
versas essentias 2. quæ separari possunt ab
vicem (sive ordinarie, sive extraordinarie
sive mutua, sive non mutua separatione.) 3.
quæ sunt opposita. 4. quæ se habent, ut pro
ducens & productum. 5. quorum subjecta
sunt realiter distincta. Hæc sunt certissima
indicia.

*IV. An modalis distinctio sit contradistin
cta reali & rationali?*

Neg. Quia omnis modalis commode re
ferri potest vel ad realem, vel ad rationalem.
Th. vii. & xii.

*V. An ex natura extremorum, an vero ex
eorum latitudine ad se invicem distinctio
realis & rationis judicanda sit?*

Aff. Posterius. Nam distinctio rationis
datur etiam in ente reali, e. g. inter omni
potentiam & omniscientiam Dei. Distin
ctio realis datur etiam inter rem & modum,
modum & modum. Th. xii.

VI. Num

VI. Num individua unius speciei differant realiter tantum?

Ita non nemo sentit. Sed nos negamus. Nam quæ habent *diver. essen.* inter ea datur distinctio *essentialis*. Sed individua, &c. E.

VII. An, quæ essentialiter idem sunt, statim semper idem sint realiter?

Neg. Realis distinctio potest dari in essentiali identitate Th. xiv. Personæ SS. Trin. sunt essentialiter idem, realiter tamen distinguuntur.

VIII. An in creatis suppositalitas realiter à natura differat?

Aff. Quia *separari* potest ab ea si non semper *ordinarie*, saltem potentia Dei extraordinaria. Ut humana Christi natura non humana suppositalitate, sed divina subsistit.

IX. Num substantiæ, ut tales, sibi invicem possint contrarie opponi?

Resp. Re accurate pensitata affirmo quæsitum, quia omnes *genuinæ notæ contrarietatis* iis possunt applicari e. g. Homo & bestia sunt contraria, quia 1. *unum* uni opponitur, 2. sunt sub eodem genere s. animali 3. *maxime* à se distant, quatenus talia 4. *uterque terminus est positivus absolutus*. 5. *Expellunt se è communi subjecto*, non quidem per expulsi-
tionem

fionem *effectivam*, quasi *antea insint* in sub-
jecto, & postea per vim se *ejiciant*, (quæ
tiam in notis contrarietatis non intelligi-
tur) sed per *formalem*, quæ non permittit
duo conjungi ad *unum* subjectum; vel, quæ
unum in subjecto ponit *impossibilitatem*, ubi
ibi sit *alterum*; Breviter, quia *termini* ad
unum susceptivum sunt *impossibiles*.

AXIOMATA.

I. Omne ens est vel *idem*, vel *diversum*.

II. Quorum *unum* potest esse sine altero,
ea non sunt *simpliciter idem*.

Separabilitas enim est nota distinctionis
realis.

III. Quæ in uno *tertio* sunt *eadem*, inter se
sunt *eadem*.

Sc. respectu illius tertii, in quo conveniunt.

IV. *Simile* vel *æquale* non est *idem*.

Sc. *Identitate rationis*. De *identitate rei*
non valet. Nam pater & mater quoad virtu-
tem procreatricæ sunt similes, & tamen quo-
ad filium sunt *idem*, *identitate effectiva*.

V. *Distinctio*, quæ non habet *fundamen-
tum* in re, *nulla* est.

Valet tantum de *distinctione reali*, hoc
sensu: nulla est, nisi præter *mentis* operati-
onem ejus termini distinguantur.

VI. Quot

VI. Quot modis sumitur *unum* oppositorum tot modis & *alterum* (s. plerumque.)

Valet regula præcipue de vocibus *plura* significantibus, & quidem hoc sensu: Cum scire volumus, quot significationes *terminis* aliquis habeat, colligere plerumque illud possumus ex significationibus *oppositi* termini. e.g. *Pater* dicitur vel ratione *generationis*, vel ratione *adoptionis*. Tot modis etiam dicitur *filius*.

VII. Oppositorum *eadem* est ratio & *disciplina*.

Eadem ratio, quatenus sc. 1. habent in uno atque altero *eandem* rationem scil. *convenientiam*, ut *brutum* sentit; E. & homo; vel quatenus 2. ex cognitione *unius* oppositi *alterum* intelligitur, ut *morbus* consistit in humorum *intemperie*. Ergo sanitas in *temperie*. *Eadem* disciplina, quatenus aliunde non est impedimentum, quod *duo* oppos. in eadem disc. considerare prohibeat. Sic *Physica* quidem agit de corpore *simplici* & *misto*, non vero de *spiritu*, qui est objectum *Pneumaticæ*.

VIII. Oppositorum *opposita* est ratio, seu *consequentia*.

Ratio enim hic sumitur pro *consequentia*.

tia. Valet regula 1. quando attributa sunt convertible cum subiecto, & necessario cum ipso coherent, 2. Quando opposita, ad quae sequantur alia opposita, sunt paria. 3. In istis attributis, quorum respectu opposita ponuntur & in quibus sit oppositio. 4. De jure non semper de facto.

IX. Posito uno oppositorum, negatur alterum.

Valet 1. de immediate oppositis 2. In summo gradu.

X. Negato uno oppositorum, non statim ponitur alterum.

Nisi in contradictoriis & immediatis.

C A P U T XIX.

De Communicabilitate & Incommunicabilitate.

P R Æ C E P T A.

I. *Communicabilitas* est, qua ens participare potest.

Formalis ratio consistit in participatione. Hæc tam active quam passive potest explicari vi *thematis* sui. Nam *participare* est vel *participem fieri*, vel *participem facere*. *Communicabi-*

municabilitatis natura vero ut planior fiat, *communicatio*, ejusque varii modi excutiendi sunt. Notetur ergo primum ejus

Ambiguitas.

II. *Communicatio* est vel *realis*, vel *non realis*.

Et hæc vel *verbalis*, vel *intellectualis*.

§. 1. *Realis* proprie huc pertinet, & Th. IV. definietur.

§. 2. *Verbalis* est, quæ nomine tenus tantum *communicat*, & *nudum signum* oralis vel scripti *vocabuli commune* facit. Fit autem vel per *equivocationem*, ut cum vox *cancris* significat jam *animal* terrestre, jam *sidus* cœleste, jam *morbum*; vel 2. per *tropum*, ut cum *cognitio* in mente dicitur *generari*; vel 3. *honoris causa*, ut cum *Uxor* Imperatoris dicitur *imperatrix* ab officio *mariti*; vel 4. *per fictionem*, ut cum *purgatorium* dicitur à Pontificiis *articulus fidei*.

§. 3. *Intellectualis* est, quam *intellectus* sibi format inter illa extrema, quæ non *realiter*, sed *ratione* tantum *differunt*, ut quando genus speciei, *species* individuo omnia sua *prædicata essentialia* *communicat*.

Formale.

III. *Communicatio* est *participatio*, quæ *infert communitatem* unius ad aliud.

Cir.

Circa hanc descriptionem notentur.

1. *Extrema communicationis*; Hæc semper sunt entia realia, sed interdum tiam modi.

2. *Natura communicationis*. Illam dicimus in participatione consistere, quæ in bita ampliatione spectata tam activam quam passivam significationem communicat tribuit.

3. *Fundamentum ejus*. Illud est. Nam nihil est capax communicationis, accedat unio.

4. *Modus*. Communicatio fit vel quod possessionem, vel quoad usurpationem tantum qui duo modi sunt quasi summa communicationis genera.

5. *Objectum*. s. id quod communicatur.

DIVISIO.

IV. Communicatio (*realis*) alia est *existenti*: alia alicui *ut sit*.

Hanc distinctionem habet Scotus in 1. dist. 5. q. 2. p. 27. Sed dicat quis: quod *nondum est*. quomodo potest ipsi aliquid communicari? R. Quidni? Causa efficiens influit omnino in illud, quod *nondum est ut sit*, & sic communicat ipsi *existentiam* unde communicatio, quæ fit alicui, *ut sit*,

lio nomine etiam dicitur *effectiva*, procul dubio eam ob causam, quia causa efficiens *proxime & precipue* talem largitur *communicationem*.

V. Communicatio, quæ fit *existenti*, est vel *primaria* vel *secundaria*.

VI. *Primaria* est vel 1. inter *accidens & accidens*; vel 2. inter *substantiam & accidens*; vel 3. inter *substantiam & substantiam*.

VII. Communicatio inter *accidens & accidens* fit.

1. Quando *plura* accidentia in uno subiecto *uniuntur*, ut in uno homine *Philosophia & Theologia*: in una anima *intellectus & voluntas*.

2. Quando *unum* accidens fit subiectum quo alterius accidentis, ut, cum *scientia* est in *intellectu*, *virtus* in *voluntate*.

3. Quando *accidens* ab *accidente* perficitur. E. g. In homine est *naturalis potentia* ad poësin, *habitu* vero illi superaddito *perficitur*.

4. Quando *accidens* accidentis *fundamentum* est, ut *quantitas*, *qualitas*, &c. *relationis*.

VIII. Communicatio inter *substantiam & accidens* fit, quando illud, quod *accidenti*

denti per se inest, participat quoque substantia, cui inhæret accidens.

Sic quantitas suam *formalem* rationem *extensionem* scilicet, communicat *materia*, ut ex *istâ* sit *extensa*.

IX. Communicatio inter *substantiam & substantiam* (conjunctas) contingit vel inter *substantias incompletas*, vel *completas*.

§. 1. *Illâ* conspicitur inter partes *essentiales*, v.g. *animam & corpus*; quia anima corpori *sensum, motum, vitam, &c.* communicat. Et *integrales*. e. g. cum *cerebrum* communicat *oculo spiritus animales*.

§. 2. In communicatione, quæ fit inter *substantias completas*, *substantiæ* vel *leviter coherent*. sc. per *nudum contactum*, ut cum res *odoratæ inodoratis* junctæ, *odorem* ipsis communicant; item cum, *vinum vitro*, quo continetur, *humiditatem* communicat: vel *intime se permeant*; ut *ignis & ferrum* in ferro ignito.

§. 3. Ex *substantiis incompletis* partes *essentiales*, & quædam *integrales*: Ex *completis* istæ, quæ *intime se permeant*, *celebrem* illam sibi vendicant *communicationem*, quæ καὶ ἐξοχήν dicitur fieri καὶ κοινωνίαν vel κοινωνίαν. Hæc quia præ reliquis com-
mu-

municationum speciebus eminet, aliquanto altius ejus naturam examinabimus. Definitur autem ita.

X. Communicatio *ἡ συνάντησις* est, qua propter *intimam* unionem proprium *unius* substantiæ alteri substantiæ, *essentialiter* quidem *distinctæ*, realiter tamen *conjunctæ*, vere & realiter communicatur, ad communem *possessionem, usurpationem & denominationem*, absque tamen sui *multiplicatione* aut *transfusione*.

In hac definitione quinque sunt ponderanda.

§. I. *Extrema* communicationis, inter quæ communicatio versatur, sunt *duæ substantiæ*, cum hac conditione, ut sint.

1. *Essentialiter distinctæ*, id est, sint *diversæ* essentia, sive *complete*, sive *incomplete*, ut *sal & aqua, ferrum & ignis, corpus & anima*. Hac conditione *hæc* communicatio differt ab *intellectuali* (quæ alias communicatio *ἡ συνάντησις* dicitur.) In *hac* enim extrema ne *realiter* quidem, nedum *essentialiter* differunt; exempli gratia, *corpus* communicat *animali* totam suam naturam; *hoc* tamen ab *illo* non *re*, sed sola *ratione* differt, in *majori* sc. & *minori* abstractione.

2. Sint *realiter conjunctæ*. Hac conditione differt

differt ab omni communicatione, quæ inter *separata*.

§. II. *Fundamentum* ergo hujus communicationis est *intima* extremorum *unio*. Unio autem sumitur vel in *statu*, vel in *actu* (unitivo sc. qui *unionem* significat.) Hæc respicit *unibilia*: illa vero *unita*. *Fundamentum* hujus commun. est quidem *unio* quæ in *actu* sumpta, sed *remotum*. Proximum hujus fundamentum est unio in *statu*, quæ unionem præsupponit.

§. III. *Objectum*, sc. id, quod communicatur, *proprium* est. *Proprium* autem, uti doctrina prædicabilium ostendit, juxta *Porphyrium* quatuor modis dicitur, ergo porro determinandum est. Nos præcipue hic intelligimus *proprium quarti modi*, in quo omnia reliquorum modorum *æque* concurrunt, ut *uni, soli, & semper* conveniat, & cum *subiecto reciprocetur*.

§. IV. *Modus* describitur in definitione cum dicitur, quod fiat.

1. *Vere & realiter*. Hac particula opponitur hæc communicatio *verbali* & omnibus ejus *quasi speciebus*, de quibus Th. II. egimus. Non enim communicatur *proprium verbaliter, nomine, tenus, & secundum prædicationem tantum*, sed *realiter*, quia *vere & realiter ipsa substantia, cujus est proprium*,
com.

quæ communicatur, dum cum altera unitur.

2. *Absque sui multiplicatione.* Hac particula opponitur ei, quæ fit καὶ ἄλλοποίησιν. Non enim geminatur statim proprium, quia geminum adest subiectum certo modo; nam in uno subiecto, quod est πρῶτον δεξιόν, est per se; in altero vero per aliud.

3. *Sine transfusione.* Hac particulâ opponitur ei, quæ fit καὶ μετάθεσιν Th. III. Non enim proprium in hac comm. deferit suum subiectum, & excurrit ad aliud; sed in hæsiue manet semper in suo subiecto, uti hoc priorum natura requirit: in altero tantum est communicative, cui una cum suo subiecto communicatur.

§. V. *Finis communicationis exprimitur in definitione, cum dicitur, quo fiat.*

1. *Ad communem possessionem.* Hic notandum est, quod alia sit possessio communis, qua e. g. totus homo possidet suum calorem, alia propria, qua v. g. ignis in corpore humano calorem possidet. Cum ergo proprium communicatur, istud cui communicatur communi possessione etiam illud habet ac possidet. Quicquid enim alterius totam essentiam habet, illud omnia essentialia consecutiva simul habet. Ad propriam vero possessionem nulla propria communicantur, sed manent in suo subiecto.

2. *Ad*

2. *Ad usurpationem.* *Possessio communis* usurpatio differunt in eo, quod *possessio universalis*, omnia alterius substantiæ propria comprehendens. Dum enim ipsum *jectum* priorum possidetur, necesse est etiam *mediate* hoc *subjecto* ea possideri omnia, quæ ab *essentia* ejus non possunt *separari*. *Usurpatio* vero est *particularis*, & restringitur ad *propria* (1) *receptibilia*, quæ *tertia* subst. *immediate* recipere potest, absque periculo veræ *contradictionis*. Hinc non communicatur corpori *spiritualitas* animæ. (2) *Operativa*, per quæ alterum *subjectum* operari potest: non *quiescentia*, quæ quasi in *sinu* sui *subjecti* manent. Hic ferro non communicatur *levitas* & *raritas* ab igne. (3) *Ad finem unionis faciendæ*, id est, quæ ad scopum istum *conducunt*, propter quem *duæ* istæ substantiæ sunt *conjunctæ*. Hic corpori ab anima non communicatur *invisibilitas*; anima enim ideo corpori *juncta* est, ut *mutua* *inter* invicem præstent *officia* ad *communes* operationes obeundas, utpote *auditionem*, *visionem*, *generationem*, & ejusmodi plures, ad quas *invisibilitas* nihil confert.

3. *Ad denominationem.* Hæc sequitur *usurpationem*, non vero *possessionem*. E. g. Quia corpus *usurpare* potest facultatem *sentientiam* ab anima communicatam, propterea ab ea etiam

etiam denominatur in definitione animalis, Animal est corpus vivum sentiens. Non vero denominatur ab *immaterialitate* animæ, *immateriale*, (licet *communi possessione*, etiam illam habeat) quia eam *usurpare* nullo modo potest.

XI. *Secundaria* communicatio est vel 1. inter *rem & modum*, vel 2. inter *modum & modum*.

XII. Communicatio inter *rem & modum* est, qua *modus separabilis* determinat & *modificat* rem præexistentem.

Sic *unitas* communicat formæ *indivisionem* a materia, quamdiu ei *conjuncta* est.

XIII. Communicatio inter *modum & modum* est, quando *modi oppositi* unum numero ens *afficiunt*.

XIV. *Incommunicabilitas* est, qua ens *participare non potest*.

Hæc quot modis contingat, ex divisione communicationis facile intelligitur.

PROBLEMAT A.

I. *An propria verè communicari possint?*

Aff. Quia communicatâ *essentiâ* communicantur *essentialia consequentia*, quæ ab *essentia* non possunt *separari*. Quamvis *quædam*

dam essentialia consequentia communicentur tantum ad communem possessionem, unde fit denominatio.

II. An communicato uno proprio communicentur omnia?

Dist. Omnia communicantur ad communem possessionem. Non communicantur omnia ad usurpationem & denominationem.

III. An singulare nullo modo sit communicabile?

Neg. Communicabile enim est effectus $\chi\tau\ \sigma\upsilon\delta\epsilon\upsilon\alpha\sigma\tau\upsilon$, &c. $\chi\tau\ \mu\acute{\epsilon}\delta\epsilon\chi\epsilon\iota\upsilon$ quidem non communicatur, ad modum universalium; Sed communicatio est tantum intellectualis.

IV. An existentia & subsistentia sine essentia communicari possint?

Neg. Existentia enim est ipsa essentia. Subsistentia vero est modus, qui ne ad momentum quidem potest permanere, si à sua essentia separetur.

AXIOMATA.

I. Omne ens est vel communicabile vel incommunicabile.

II. Proprium cum communicatur, non finit esse proprium.

Fit quidem $\kappa\alpha\iota\ \tau\omega\upsilon\tau\eta\ \tau\acute{\epsilon}\nu$, non vero $\kappa\alpha\epsilon\upsilon\delta\epsilon\iota$. Com-

communicatur quidem, non tamen per modum
accidentis communis.

III. Quæcunque realiter idem sunt, eorum
uno communicato, communicatur & al-
terum.

§. 1. Sensus hujus regulæ limitatus hic
est. Quando duo sunt simpliciter idem, &
nulla plane adest dispar ratio, quam mens
non fingat, tum communicato uno eorum
communicatur & alterum.

CAPUT XX.

De Naturali & Artificiali.

Fuerunt hætenus mediatae affectiones,
quæ ex unitate resultant, sequitur jam ea,
quæ ex veritate provenit, qua omne ens est
vel naturale, vel artificiale.

P R Æ C E P T A.

Ambiguitas.

- I. Naturale opponitur 1. supernaturali.
2. fortuito. 3. violento. 4. voluntario. 5.
- artificiali.

Primo modo significat illud, quod est se-
cundum communem naturæ cursum à causis

naturalibus. Secundo quod frequenter causa *per se fit. Tertio* respicit principium motus *ab intra*, vel *ab extra* tale quid, quod naturæ *conveniens est*, eique vim non intulit. *Quarto* innuit, aliquid non procedere ex libero arbitrio, sed inclinatione *solius naturæ. Quinto* notat tale, cuius *veritas non ab hominum* mano, sed *divino intellectu* iudicatur. In hac oppositione h. l. sumitur, licet reliquarum acceptiones hic etiam non simpliciter recipiantur.

II. Aliter naturale sumitur 1. *Constitutive. 2. Consecutive. 3. Subjective. 4. Perfective. 5. Transitive.*

Constitutive sumptum significat illud, quod naturæ *dat esse*, ut *forma & materia: Consecutive*, quod ab essentia *per se fluit*, ut *mobilitas: Subjective*, quod naturæ *arctissime est infixum*, ut nonnullis *aversatio felicitatis casei: Perfective*, quod naturam *perfectissimè evolvit: Transitive*, quod cum natura in alium *propagatur*, ut *generositas in liberos. Ex his nulla* acceptio h. l. est *adequata. Prima & secunda sunt nimis strictæ. Nam spiritus & accidentia com. etiam hic ad naturale spectant. Reliquæ sunt nimis laxæ. Nam subjective etiam in corpore est morbus, qui ens non est & propterea nec naturale ens. Perfective*

sepe artificiale etiam afficit naturam. Sic multi à natura inclinatur ad poesin, arte tamen perficiuntur. Transitive jam propagatur etiam peccatum originis, quod itidem non est ens.

III. Prodest sic evolvere etiam ambiguitatem *naturæ*.

Natura semitur 1. pro ente, quatenus est synonymum ejus. 2. pro Deo, & dicitur *natura naturans*, quia Deus omnia *naturavit*, i. e. fecit. 3. Pro omni creatura, & dicitur *natura naturata*. 4. Pro omni eo, quod describi potest, ut cum explicamus etiam naturam privationis, morbi, entis rationis, &c. 5. Pro proprietate & inclinatione. 6. Pro temperamento. 7. Pro substantia. 8. Pro essentia ex materia & forma composita. 9. Pro eo, quod à nativitate inest. 10. Pro ultima differentia. 11. Pro essentia personalitati contradistincta; quomodo credimus in Christo esse duas naturas, & unam personam. Ex his acceptionibus etiam nulla hic ad nostrum scopum est adequata.

IV. Distinguendi hic quoque sunt termini à natura derivati: *A*, secundum, præter, contra & supra naturam esse.

A natura esse dicitur, quod *natura* vel statim cum ortu, vel successu temporis dat, vel ad

quod *potentiam* aut *inclinationem* largitur.

Secundum naturam est, quod secundum *seriem* causarum *naturalium*, & communem naturæ *cursum* se habet, vel in quo servatur iste *modus*, qui naturæ *conveniens* est.

Præter naturam est, quod quidem alio modo se habet, quam *natura* requirit, non tamen *simpliciter* cum natura *pugnat*.

Contra naturam est, quod naturæ *repugnat*.

Supra naturam est, quod *Deus* efficitur creaturis, præter *consuetum* naturæ *ordinem* absque creaturarum tamen *repugnantia*. Harum acceptionum etiam nulla nostro instituto est *adequata*.

Formale.

V. *Naturale* est, cuius *veritas* *immediate* æstimatur ex intellectu *Dei*.

Veritatis hîc ideo fit mentio, quia hæc *affectio* ex *veritate* resultat. Ex hac descriptione patet, quod h. l. non tantum corpora sint entia *naturalia*, sed etiam *spiritus* & *accidentia*, quia & eorum *veritas* iudicatur ex *congruentia* cum intellectu *divino*. Imo ipse *Deus* hic est ens *naturale*, quia omnino suam *veram* *essentiam* *intelligit*.

Ambiguitas.

VI. *Artificiale* sumitur variis modis.

I. *Con-*

1. *Concrete*, quatenus notat tam *formam* artificialem, quam *subjectum*, in quod *forma* ea introducta est. Hoc modo est ens *per accidens*. 2. *Abstracte*, pro *sola forma* artificiali. 3. *Materialiter*, pro *solo subjecto* in quo agit ars, vel cui aliquid ab *arte* inductum est. 4. *Abusive*, pro testimonio, quod in *Logicis* dicitur *argumentum inartificiale*. Secunda acceptio est hujus loci.

Formale.

VII. *Artificiale* est, cujus *veritas* immediate æstimatur ex intellectu *artificis*.

Artificiale refertur ad intellectum *artificis*, non quod non judicanda sit *veritas* ejus secundum *Dei* intellectum, qui solus est infallibilis, sed quia *proxime* respicit ideam in mente *artificis* existentem, licet *ultimo* ad intellectum *Dei* referatur. *Mediatum* ergo & *immediatum* in hac materia hoc vult, ut 1. *idea artificis* ad divinum intellectum examinata, vera sit, & 2. *res artificialis* huic *ideæ* exacte congruat.

PROBLEMA.

Quo sensu notitia *Dei* naturalis dicatur naturalis?

Resp. Non *constitutive*, nec *consecutive*, sed *subjective*, *perfective*, & præcipue *transitive*,

quia cum natura à parentibus in libe
propagatur.

AXIOMATA.

I. Omne ens est vel *naturale*, vel *artificiale*.

II. *Ars* imitatur naturam.

Intellectus enim *humanus* similis cu
esse quodammodo *divino*, propterea homin
res artificiales efficiunt ad imitationem
liarum rerum à Deo productarum, & q
magis *ars naturam* habet pro fundament
eo felicius operatur.

CAPUT XXI.

De Completo & Incompleto.

Hoc attributum disjunctum ex *bonitate*
derivatur.

PRÆCEPTA.

Ambiguitas.

I. Completum sumitur vel *nominaliter*, vel
participialiter.

Hoc modo significat illud, quod a com
plente aliquo *completur*: illo notat omne
quod habet essentiam in se terminatam, ita
h. l. sumitur.

II Completi synonyma interdum habentur *consummatum, perfectum, & totum.*

Sed istæ acceptiones hîc sunt improprie. Nam Deus est ens *completum*, non vero *consummatum*, nec *totum*; Forma est ens *perfectum*, non vere *completum*.

Formale.

III. Completum est, quod habet essentiam *in se terminatam*, & per se non ordinatur ad alterius *perfectionem*.

Descriptio duo habet membra: illa ipsa sunt duo *completi* requisita, unum *affirmativum*, alterum *negativum*. Esse *in se terminatum* non idem hic est, ut esse *finitum*: nam Dei essentia etiam est in se terminata, non tamen finita; sed significat esse absolutum à necessaria *essentiæ destinatione*, qua ordinatur ad aliud perficiendum.

IV. *Incompletum* est, quod non habet essentiam *in se terminatam*, & quod per se ordinatur ad alterius *perfectionem*.

Sic incompletum ens est omnis pars integralis in toto, & omnis pars essentialis sive in, sive extra totum.

PROBLEMAT A.

I. *An adp̄ sit ens incompletum.*

M 4

Neg.

274 *De perman. & success.*

Neg. Quia non *per se* & *essentialiter* ordinatur ad humanam naturam.

II. An Deus sit ens completum?

Aff. Quia Deus habet essentiam in se terminatam, & essentialiter non destinatur ad perfectionem alterius.

III. An anima separata sit ens completum?

Neg. Quia naturali destinatione ordinatur ad esse corporis.

A X I O M A.

Ex duobus completis non fit unum *per se*.

Lim. 1. Si sint *diversæ naturæ*. 2. Si sint completa etiam *in subsistendo*. 3. Si maneant in statu *completo*, nec induant habitum *incompleti*.

C A P U T. XXII.

De Permanente & Successivo.

Ambiguitas.

I. Permanens sumitur vel *generaliter*, vel *specialiter*, vel *specialissime*.

Generaliter sumptum formalem rationem *durationis* insinuat, & omni enti competere (tam *successivo* quam *permanenti*) quia omne ens durat; *Specialiter* acceptum notat istud quod

quod totum suum esse *simul* habet, & sic successivo opponitur. Ita hoc loco sumitur. *Specialissime* accipitur pro prorsus *immutabili*; Et καὶ ἐξοχῆν soli Deo tribuitur, quo sensu Psal. 102. v. 27. de ipso dicitur: Cœli peribunt, tu autem permanes.

Formale.

II. *Permanens* est, quod non habet partes sui esse *fluentes*.

§. 1. Alii definiunt *affirmative*: quod habet totum suum esse, vel omnes partes sui esse, vel omnia, quæ ad esse requiruntur, *simul*. Verum felicius *negative* (uti etiam explicant) describitur, quia e. g. Deus etiam est ens permanens sensu *Metaphysico*, ipsi vero nec *totum*, nec *pars*, proprie competunt, nec possunt plura de eo statui, quæ ad esse ipsius requirantur.

Ambiguitas.

III. *Successio* est. 1. vel *imaginaria*, vel *realis*.
2. vel in *ordine naturæ*, vel in *ordine temporis*. 3. *positiva*, vel *privativa*. *Positiva*, vel *discretiva*, vel *continua* est.

Imaginaria concipitur per coexistentiam ad tempus. *Realis*, quæ non mente fingitur, sed revera datur. Quæ in *ordine naturæ* est; dicit prius & posterius naturâ. Quæ in *ordine*

dine temporis est, dicit prius & posterius tempore. Fit autem sæpe, ut, quæ tempora *simul sunt*, succedant sibi invicem *ordine naturæ*, ut homo & risibilitas. *Positiva*, in qua omnia ea, intra quæ volvitur successio, sunt positiva. *Privativa* (rectius *negativa*) in qua sequuntur se invicem & non esse. *Discreta*, in qua ea, quæ succedunt sibi invicem, sunt entia totalia; ut cum homines in deductione funeris ordine *succedunt*. *Continua*, quæ datur inter partes ejusdem entis continue cohærentes. In hac ambiguitate ad hoc caput proprie pertinet successio *realis* (licet non omnis) ea, quæ est in *ordine temporis*; & *positiva continua*.

Formale.

IV. Successivum est, quod habet partes suis esse in *fluxu*.

§ 1. Intelligitur hic talis *fluxus*, qui dicit aliquid rei jam *esse*, aliquid *fuisse*, & aliquid *futurum esse*: item, qui ad esse rei fluentis spectat, ut cessante fluxu ens etiam esse cesseret, qualis est fluxus *temporis & motus*. Aqua fluit intra ripas, sanguis fluit in venis, vinum effluit ex dolio, &c. Sed hic *fluxus* ad esse rerum harum non spectat, quia aqua, sanguis, vinum manent, quod sunt etiam cessante fluxu. Sunt ergo entia *permanen-*
tia,

ita, quia totum suum esse quovis momento *simul* habent, & *fluxus* ipsorum ad essentiam non spectat.

§. 2. Genuina requisita *entis successivi*, sunt 1. ut habeant *partes*, quæ certo modo partes *essentiales* possunt vocari. Sic temporis partes sunt momenta. 2. ut partes omnes *continue* sibi invicem succedant, non contigue. 3. ut partes omnes non existant *simul eodem momento*. 4. ut *succedant* sibi invicem *prioritate & posterioritate* temporis.

PROBLEMAT A.

I. An permanens sit describendum ex diurnitate?

Neg. Nam multa non diu *durant*, & tamen *permanentia* sunt, sensu Philosophico. Dicimus ergo, quod termini philosophici non sunt definiendi ex usu philologico & vulgari.

II. An ens successivum coexistat solum præsentis?

Aff. Sed non quoad omnes partes *simul*. Quædam enim *fuerunt*, quædam *sunt*, quædam *futuræ sunt*. Ens successivum existit quoad *partes*, quæ *præsentis* sunt, ita tamen, ut hæ indivisim copulentur à priori & posteriori cum reliquis partibus, quæ etiam ali-

aliquando præsentēs fuerunt vel erunt. Sed dixerit aliquis: *Ens actu* est objectum Metaphysicæ. Aff. quod fuit vel erit, non est *actu*. R. *Ens successivum* est *ens actu*, licet non quoad partes præteritas & futuras, sed modo pars *præsens* semper adsit, quæ est pars quasi *formalis*, quia *priores* cum *posteriores* copulat. Posset hæc res quodammodo adumbrari in rota, juxta quam auriga ambulat. *Aequali* motu *præsens* semper est rota pedibus aurigæ, sed non quoad omnes partes simul. Quoties pes terram calcit, toties rota illam quoque premit, sed jam hac, jam illa abside, ita ut semper quædam recesserint, quædam immineant, quæ per *vices* tamen & *successive* omnes aliquando pedibus præsentēs sunt: ita *ens successivum* semper coexistit *præsentī*, sed non quoad omnes partes *simul*, licet omnes partes *distinctis* vicibus præsentī respondeant.

III. An motus sit ens successivum?

Aff. Sed non omnis. Communiter sex species *motus* statuuntur: *Generatio*, *Corruptio*, *Augmentatio*, *Diminutio*, *Alteratio*, & *Locutio* seu motus localis. Ex his 4. ultimi motus sunt *successivi*, (si sc. *alteratio* ad qualitates reales restringatur.) *Generatio* & *corruptio* enim fiunt in *instanti*, nec proprie motus dicuntur.

IV. *Utrum tempus sit ens successivum?*

Resp. Sunt duæ quæstiones. Primo quæritur, an *tempus* sit ens? Neg. Est tantum *entis affectio & modus*, à quo jam *extrinsece* (ut in *Phyfica*,) jam *intrinsece*, (ut in *Metaphysica*) denominatur. Secundo: an *modus* hic sit *successivus*? Aff. Si sc. intelligatur *tempus physicum*, quod judicatur ex coexistentia ad motum cœlestium corporum. Quia enim iste motus est ens *successivum*, ideo etiam duratio istius motus, à qua extrinsece res naturales *mensurantur & denominantur*, est *successiva*. *Metaphysicum* vero *tempus* (quod est talis duratio, quæ *initium & finem* importat) præscindit à *permanente & successivo*, & ad utrumque indifferenter se habet. Quoddam ergo *tempus Metaphysicum* est *permanens*, ut duratio essentiae hominis, leonis, solis, &c. Quoddam vero est *successivum*, ut duratio motus hominis, leonis, & solis, &c.

V. *Num actio & passio sint entia successiva?*

Aff. Sed *particulariter*. *Generatio* est actio, fit tamen in instanti: *illuminatio* respectu ejus quod illuminatur, est passio, absq; *successione* tamen fit. Proinde distinguendum est inter *actiones & passiones*, quæ fiunt cum
motu,

*motu, & quidem successivo; & quæ fiunt
motu. Omnes istæ actiones & passiones
successivæ, quæ fiunt cum motu successivo*

AXIOMATA.

I. Omne ens est vel *permanens*, vel *successivum*.

II. Ens *successivum* reperitur tantum
prædicamento *actionis & passionis*.

Reliqua prædicamenta mera continent
permanentia. Non putandū autem, quod
ne, quod in prædicamento *actionis & passionis*
locum habet, sit ens *successivum*, nam da-
tur etiam actiones & passiones *permanentes*
uti ex præcedentibus patet.

III. Ad actualem existentiam entis *successivi* satis est, si pars præsens *actu* existat.

Reliquæ partes non debent *actu* simul ad-
esse, quia alias esset ens *permanens*.

CAPUT XXIII.

De Indefinito & Definito.

PRÆCEPTA.

Ambiguitas.

I. Definitum vel respicit *definitionem*, vel
ambiguitatem.

Illo modo ens dicitur *definitum*, cujus essentia oratione *definita explicatur*. Sed hæc acceptio est Logica. *Hoc modo definitum est, quod non est ubique.*

II. *Definitum (quatenus respicit ubietatem) sumitur vel generaliter vel specialiter*

Generaliter definitum esse dicitur, quicquid ita est alicubi, ut non sit *alibi*, quomocunque etiam hoc fiat, sive per *localem circumscriptionem*, sive sine ea. Hæc acceptio est hujus loci. *Specialiter* definitum si sumitur, opponitur *circumscripto*, & sic excludit *localem circumscriptionem*.

Formale.

III. *Definitum est, quod habet ubietatem finitam.*

Quid sit *ubietas finita* explicatur supra, ubi describitur per adessentiam *determinatam*. Quicquid ergo ita est alicubi, ut *alibi* per naturam suam non sit, (uti omnis creatura) illud h. l. est *definitum*.

D I V I S I O.

IV. *Definitum est vel definitum in specie, vel circumscriptum.*

Hi termini explicantur in capite de *Ubietate*, in quo per enumerationem specierum via præparatur ad hanc affectionem disjunctionem.

Etiam. *Nota*, quidam Metaphysici disjunctas affectiones *mediatas* statim addunt unitis istis, unde originem trahunt: e. g. Unitatem statim subjungunt doctrinam de *simplici composito, eodem & diverso, toto & parte*, &c. Nos vero melioris doctrinæ ergo disjunctam peculiari tractatu tradimus, ad memoriam juvandam & confusionem evitandam.

Ambiguitas.

V. Indefinitum sumitur vel *complexe* vel *incomplexe*.

Complexe sumptum notat propositionem cui non est additum *signum quantitatis*, de qua Logici. *Incomplexe* notat ens, quod non ad certum ubi est determinatum.

Formale.

VI. Indefinitum est, quod habet ubi etatem *infinitam*.

Tale ens est solus Deus. Hujus enim adæssentia est *interminabilis*, non tantum quoad *terminum actuale*, quod non sit terminata, sed etiam *potentialem*, qui nullo modo potest terminari.

PROBLEMATATA.

I. *An humana Christi natura sit ens indefinitum.*

Neg.

Neg. Ens enim vere indefinitum ita est
ubique, ut non possit non esse ubique, & qui-
em naturâ suâ & essentialiter. Humanitas
Christi vero natura sua & essentialiter non
est ubique.

II. An ens definitum possit fieri indefinitum?

Neg. Nam *indefinitum* notat solum De-
um. Nulla autem creatura potest essentiali-
ter fieri Deus.

A X I O M A.

Omne ens est vel *definitum* vel *indefinitum*.

Immediate enim sibi opponuntur adef-
finitia in *ubi* determinabilis & indetermi-
nabilis (seu non determinabilis.)

C A P U T XXIV.

De Subiecto & Adjuncto.

Absolutæ hætenus sunt affectiones entis
disjunctæ *primariæ*, tum *immediatæ*, tum *me-
diatæ*; Sequuntur jam *secundariæ*, utpote
*Subiectum & Adjunctum, Absolutum & Re-
spectivum, Mensura & Mensuratum, Signum
& Signatum.* Sint ergo de *Subiecto & Ad-
juncto.*

P R Æ C E P T A.

Ambiguitas.

I. Subiectum sumitur vel *philologice* vel *philosophice*, & hoc modo sumptum opponitur vel *prædicato*, vel *adjuncto*, vel quod *circa aliquid occupatur*.

Philologice sumptum notat *subditum*, quo modo Oratores & Poetæ hunc terminum usurpant. Quando *prædicato* opponitur, e juxta ordinem Logicorum *pars propositionis prior*, & dicitur subiectum *prædicationis*. Cum *adjuncto* opponitur, denotat ens, quod præter suam essentiam aliquid in se recipit & dicitur subiectum *attributionis*. Ita accipitur h. l. Cum vero opponitur ei, quod *circa aliquid occupatur*, notat objectum, quod alio nomine dicitur subiectum *occupationis*, *considerationis*, vel *transactionis*.

II. Subiectum occupationis seu objectum est, circa quod *occupatur* aliquid.

Objectum quidem æquivoce tantum huc spectat; attamen, ut paucis ejus doctrinam hic explicemus, ratio hæc est: Quia commodior locus in receptis hætenus affectionibus non occurrit. Necessarium omnino est *objecti* naturam scire, quia multoties in philosophia ejus fit mentio: Ergo in aliqua disciplina

plina de eo ex professo agendum est. Dis-
 s: agit de eo Intelligentia & Gnostologia.
 sp. Ibi agitur tantum de *objecto* discipli-
 rum & nostræ cognitionis; Dantur vero
 adhuc *objecta*: *lux* & *calor* sunt obje-
 ctum visus, etiam in brutis: *ferrum* est ob-
 jectum magnetis: *terra* est objectum Solis il-
 luminantis: *succus* certus est objectum plan-
 tarum attrahentis, *centrum* terræ est objectum
 gravium, &c. Ergo generalior tractatio ali-
 bi instituenda est. Dices: Effet introdu-
 cenda peculiaris *affectio disjuncta*, qua omne
 is diceretur aliquo modo *occupabile*, alio
 modo *inoccupabile*, vel aliter. Resp. Hoc non
 est de nihilo. Quia alii vero Metaphysici
 hoc capite de *objecto* agunt, & de inno-
 tatione, licet proficua, non æque omnes ju-
 vent, nos hic etiam naturam *objecti* pau-
 cis explicamus. Definitio jam data est: se-
 quitur divisio.

III. objectum est vel *adequatum* vel *inadequatum*.

Illud est, quod *æque* late patet cum occu-
 pante: Hoc, quod *angustius* vel *latius* est suo
 occupante: i. e. eo, quod circa illud versa-
 tur.

Adequatum objectum solet etiam dici
totale & *proprium*: *Inadequatum* *partiale*
 & *com.*

& commune. Sic totale & adequ. objectum physica est corpus naturale, *partiale* corpus, homo, aer, &c. Huc pertinet distinctio objecti in objectum *adequationis* & *perfectionis*. *Adequationis* jam descriptum est. *Perfectionis* est nobilissimum in objecto totali. Sic homo est objectum *physicae perfectionis*, quia inter corpora summam obtinet nobilitatem. Sic Deus est objectum *perfectionis Pneumaticae*, quia inter spiritus infinitis modis eminet.

IV. Objectum est vel *per se*, vel *per accidens*.

Illud est, circa quod occupans *per se* versatur. Hoc, circa quod *per accidens* aliquando occupatur. Sic objectum voluntatis *per se* est bonum, *per accidens* malum. Objectum plantæ *per se* est succus naturæ ipsius conveniens, *per accidens* disconveniens. Cum enim non invenit idoneum nutrimentum, attrahit interim nocivum, licet tandem exinde arefcat.

Formale subjecti.

V. Subjectum est ens, cui aliquid junctum est, quod non ingreditur ejus essentiam.

§. I. *Subjectum est ens.* Non ens, sicut fingitur esse, ita etiam aliquando fingitur esse *subjectum*; In re vero non est *subjectum*.

§ 2. Non

§. 2. Non restringimus *subiectum* ad *substantiam*, quia *accidens* etiam interdum est *subiectum*; ut, *Intellectus* est *accidens* animæ, est autem *subiectum* scientiæ. *Subiectum* ergo potest esse tam *substantia*, quam *accidens*.

§. 3. Per *aliquid* hic non striete *peculiare* ens intelligitur, sed *latis* conceptus, qui tam *enti*, quam *entis* modis competere potest. Sive ergo sit *substantia*, (ut concionator respectu cathedræ) sive *accidens*, tam extrinsecus quam intrinsecus *subiectum* afficiens, (ut intellectus & habitus respectu hominis) sive *modus* (ut unitas respectu entis) *adjuncti* nomine venire potest. Sed dices: hæc ampla acceptio ñ *aliquid* est impropria, quia *aliquid* est Synonymum entis p. 34, 35. *Modus* autem non est ens. R. Sicut *ens* improprie ampliatur, ut denotet ens *reale* & *modale* p. 9, 10. ita etiam ejus synonymum *aliquid*, idque propter defectum vocabulorum.

DIVISIO.

VI. 1. *Subiectum* est vel *quo*, vel *quod*.

VII. *Subiectum quo*, est, quo interveniente *adjunctum* jungitur *subiecto* Quod s. *fundamentali*. Et est interdum vel *mediatum* vel *immediatum*.

Di-

288 *De subiecto & adjuncto.*

Dicitur alias Subiectum *partiale*, & i
perisq; exemplis subiectum *informationis*.

VIII. Subiectum quod est, quod *ultimately*
& *fundamentaliter* sustinet adjunctum.

Dicitur alias subiectum *totale*: item *deno*
minationis, quia hoc præcipue ab adjuncto
denominatur. Exempla: Johannes est subje
ctum quod vestimenti: superficies corporis
est sub. Quo. Socrates est subiectum Quod sa
pientiæ, iste enim à sapientia sua denomi
natur sapiens: anima ejus est subiectum quo
mediatum: intellectus subiectum quo, *imme*
diatum.

IX. 2. Subiectum est vel *adequatum* vel
inadequatum.

§. 1. *Adequatum* est, quod cum adjuncto
reciprocatur, & æque late patet. Dicitur
etiam subj. *proprium universale*, *ἰσῶτος ἀ*
πταχόν; ut homo respectu risibilitatis, ens
respectu unitatis, ver. bon. &c. Corpus ra
tione quantitatis.

§. 2. *Inadequatum* est, quod non æque
late patet, sed est *angustius* adjuncto. Dicitur
etiam *commune, particulare*, ut cælum respec
tu quantitatis: homo respectu sensus.

§. 3. Porro *inadequatum* est vel *primari*
um, cui primario & *κατ' ἐξοχήν* adjunctum
convenit; Vel *secundarium*. Sic Deus est
prima-

primarium subiectum veritatis, sapientiæ,
bonitatis, &c. Creatura secundarium.

X. 3. Subiectum est vel *absolutum*, vel *limitatum*.

Absolutum, quod *simpliciter* absque ulla
restrictione à suo adjuncto denominatur;
ut corpus respectu quantitatis. *Limitatum*,
quod cum *restrictione* ab adjuncto appella-
tur, ut homo respectu immortalitatis, quæ
ei post lapsum tantum *secundum animam*
competit.

XI. 4. Subiectum est vel *per se*, vel *per
accidens*.

Sic homo *per se* est subiectum virtutum,
per accidens vero vitiorum.

Formale adjuncti.

XII. *Adjunctum* est, quod alicui ita addi-
tum est, ut non ingrediatur ejus essen-
tiam.

Hæc definitio intelligitur satis ex iis, quæ
circa def. Subiecti dicta sunt.

D I V I S I O.

XIII. 1. Adjunctum est vel ex *substantia-
rum*, vel *accidentium*, vel *modorum* ge-
nere. Th. 5. §. 3.

Ex genere substantiarum etiam dantur

adjuncta. Talia sunt, e. g. aurum in pocula deaurato: ligna respectu portantis, &c.

XIV. Adjuncta ex accidentium & modorum genere sunt vel *propria*, vel *communia*. Et illa vel *simplicia*, vel *conjuncta*.

§. 1. *Proprium* adj. est, quod ordinatur *omni* (individuo) *soli* (speciei) & *semper* additum est, & ita quidem, ut conveniat *ipso primo*, (non secundo, uti calor aquæ) *per se & necessario*, (non per aliud, nec per accidentem & contingenter) & *adequate* (ut cuilibet subjecto recipiari possit) e. g. calor est proprium ignis, risibilitas hominis, (actus risendi potius est effectus quam prop. adj. hominis) æternitas Dei, duratio entis, quantitas corporis, &c.

§. 2. Particulæ illæ *omni individuo & soli speciei*, intelligendæ sunt de istis subjectis quorum plura individua dant *speciem*, vel quasi *speciem*. Nam Deus etiam est subjectum suorum *propriorum*, non tamen plura Dei dant unam *speciem*.

§. 3. *Proprium* est vel *simplex*, quod *simpliciter* subjecto competit; ut calor in igne vel *conjunctum*, quod *conjunctim* subjecto universali adjungitur, & *disjunctim* ad inferiora distribuitur, quomodo ens est vel finitum vel infinitum.

§. 4. *Commune*

§.4. *Commune* est, quod cum subiecto non recipiatur, & quod *pluribus* subiectis specie, vel quasi specie, diversis *equaliter* junctum est, ita scilicet, ut non uni *primo & per se*, alteri *secundario & per aliud* afficit. Sic adjuncta communia sunt, albedo, eruditio, nobilitas, &c. ex accidentium genere: contractio, exporrectio (manus, pedis, frontis, cervicis, &c.) ex modorum genere.

XV. 2. Adjunctum (in genere) est vel *separabile*, quod naturaliter re ipsa à subiecto *separari* potest: Vel *inseparabile*, quod naturaliter re ipsa à subiecto *non potest separari*.

§.1. Porphyrius Instit. c. 5. tantum accedens commune distinguit in *separabile*, & *inseparabile*. Nos vero hanc distinctionem tribuimus omni adjuncto in genere, sive sit *substantia*, sive *accidens*, sive *modus*, sive adjunctum *proprium* sive *commune*: Quia Philosophia nostra à Porphyrii tempore crevit & ampliata est ab exemplorum ampliacione. Variata habitudine exemplorum varianda quoque præcepta sunt, quæ ex exemplis fiunt.

§.2. Hæc divisiō vero non restringenda in suis membris est ad priorum divisionum membra, quasi e.g. *proprium* sit *inseparabile*, *commune* vero *separabile*, nam dantur etiam

communia inseparabilia, ut *cavitas venarum* & *intestinorum*, *quantitas hominis*, &c. Sed à summo iterum incipiendum, & adjunctum in genere spectatum de novo ad inferiora confuse jacentia est distribuendum: Sic omne ne adj. est vel *separ.* vel *inseparabile*. Similem modum habemus in divisione *potentie* quæ primum dividitur in *activam* & *passivam*, & deinde de novo ab activa & passiva præcisa, in *rationalem* & *irrationalem*.

§. 3. Restringimus autem *separabile* & *inseparabile* ad *naturalem* rerum habitudinem, partim, quia *usus* hos terminos ita limitat, partim etiam, quia *recepta definitio* proprii hoc postulat. Licet enim propriæ quædam *potentia Dei absoluta* possint, à subiectis suis separari, tamen definitur proprium quod semper adsit, hoc est *inseparabiliter*, secundum *naturalem constitutionem* scilicet. Quamvis ergo quædam *extraordinarie* separari possint, *ordinarie* tamen nihilominus dicuntur *inseparabilia*.

§. 4. Dicuntur etiam, quod *reipsa* debeant separari, vel non separari posse. Hac voce removemus *mentalem* separationem, quæ alias vocatur *abstractio*, & est consideratio unius relicto alio, quod ipsi de facto est conjunctum. Nam propterea res non statim separabilis dicenda est, quia *mens* separationem fingere potest.

PROBLEMATATA.

I. *An subjectum & adjunctum semper distinguantur realiter?*

Neg. Dantur enim adjuncta, quæ non differunt à subj. suis, ut *res à re*, vel *modus* separabilis à *re*, unde sequitur, quod non semper differant *realiter*. Talia sunt affectiones entis absolute inseparabiles, unitas, ver. bon. &c. Talia etiam sunt attributa Dei, quæ in re ipsa sunt ipse Deus. Non enim concedimus *Photinianis*, quod in *Deo* revera sint *accidentia*, ab essentia ejus *realiter* distincta. Illa attributa vero sunt *adjuncta* Dei secundum *Thrasin Scripturæ*, non quidem *realiter*, quasi ipsa Dei essentia aliquid additum sit, *conceptibiliter* tamen, & *formaliter*. Dicitur tamen à *Justitia justus*, à *Misericordia misericors*, à *Potentia potens*, &c. Scriptura autem ita loquitur eam ob causam, ut succurrat imbecillitati nostri intellectus, qui non omnia, quæ alias sunt ipsa simplicissima Dei essentia, potest uno conceptu adæquate & distincte apprehendere, sed distinguit more in creaturis usitato essentiam quasi ab illis, quæ secundum nostrum concipiendi modum *consequuntur* essentiam. Idcirco distinctum format conceptum de *subjecto*, & distinctum de *adjuncto*. Sed dicis: Ita peccatur

tur in naturam affectionum entis, quæ sunt reales, & competunt enti præter mentis naturæ operationem. Resp. 1. In genere, quod subjectum & adjunctum constituent affectionem disjunctam *secundariam*. Secundariæ vero non sunt ita puræ ab ope mentis uti primariæ, sed interdum *denominatio* illis magis fit à dispositione intellectus. 2. In specie, quod mens non plane *ingat* hanc distinctionem inter subjectum & adjunctum sed quod *scriptura* ei *fundamentum* præbeat dum attributa varia per modum *adjunctorum* de Deo enunciat. Licet ergo non sub *fundamentum rei*, quia in Deo nil est, quod non sit Deus ipse; subest tamen *fundamentum revelationis* ad captum nostrum directæ, quod tantum realitatis omnino habet, ut possit dare affectionem realem *secundariam*.

II. *An propria possint à suis subjectis separari?*

Status controversiæ hic est: *An adjunctum proprium* (sive sit ex accidentium sive ex modorum genere) *ad modum actus primi consideratum*, (nam actus *secundus* effecti potius, quam adjuncti rationem habet) *reali* (non mentali) *separatione* (sive sit mutua sive non mutua) *possit à suo subjecto separari*. Resp. per distinctiones. 1. Distinguendum est

inter *propria* ea, quæ *realiter* à *subjectis* differunt, & ea, quæ *non realiter* ab illo distinguuntur. 2. Distinguendum est inter id, quod fieri potest per potentiam Dei *absolutam*, & illud, quod potest fieri juxta ordinem in *natura institutum*. His distinctionibus præpositis, dicimus, (1) quod *propria, quæ non realiter à subjectis distinguuntur nullo modo possunt à subjectis separari*. Ratio hæc est, quia talia *propria* in re sunt ipsum *subjectum*, quod sub inadæquato conceptu menti præsentant. Nihil vero potest à seipso separari, & si posset aliquid à seipso separari, non esset sane idem ipsum, sed *realiter* differret à seipso, quod plane contradictorium est, quia idem esset simul & non esset. (2) Ea vero *propria, quæ realiter à subjectis differunt, potentiâ Dei absolutâ ab istis possunt separari*, licet per *naturam* sejungi non possint, sed *necessario & semper* ipsis juncta sint. Quid enim Deus possit influxum conservativum essentiae *subjecti* largiri, eum vero retrahere & suspendere in ordine ad emanationem *proprii*? Sicut copulavit in creatione rerum adjuncta *propria* cum *subjectis*, ita nexum hunc iterum potest dissolvere.

III. An substantiæ possint esse adjuncta?

Aff. Tinctus ligni, Gypsum parietis, aurum poculi deaurati, materia vestimenti,

hominis *adjunctum* est. Talia autem substantiæ sunt. Propterea Th. V. dictum est quod *adjunctum* in debita sua amplitudine etiam *substantias* complectatur.

IV. Num accidentia possint esse subjecta

Aff. Subjectum quod quidem juxta ordinem naturæ esse non possunt, (absolutâ Dependentia fortasse possunt) sed subjectum quod frequenter sunt. Physica, Metaphysica, &c. non sunt in anima nostra *immediate*, sed *mediate* intellectu, qui in hoc negotio subjectum quo est.

A X I O M A T A.

I. Omne ens est vel *subjectum*, vel *adjunctum*.

II. Subjectum & adjunctum non *necessario* differunt *realiter*.

Deus e.g. est *subjectum* suorum attributorum, à quibus *realiter* non differt. Vid. Q. I.

III. *Proprium* unius non potest esse *proprium* alterius.

Nam *proprium uni soli* competit; Ergo non competit pluribus, hoc est, non *uni soli*.

IV. *Receptivum* non recipit ad modum *imprimentis*, sed ad modum *receptivitatis suæ*.

Sunt verba Scaligeri Exerc. 36. s. 2. Hoc autem

utem volunt: Cum subiectum aliquid *reci-*
pit, secundum suam *aptitudinem* recipiendi
 recipit, adeo ut, licet agens omni conatu
imprimat, non fiat *receptio*, nisi subiectum
 sit aptum recipere. Sic brutum non potest
 fieri eruditum, licet diligentissime institu-
 tur, quia non est docile.

V. Unum numero *accidens* non potest esse
 in diversis numero subiectis.

Regulæ sensus limitatus hic est: Unum
accidens singulare *simplex* non potest esse *si-*
mul in realiter diversis subiectis *non subor-*
dinatis. Dico 1. *simplex*; nam si *accidens* sit
aggregatum aliquod, vel *compositum* ex di-
 versis partibus, potest secundum aliquid sui
 in hoc, secundum aliquid in alio subiecto,
 conjuncto tamen, esse. Sic *fides* quoad no-
 titiam & assensum est in *intellectu*, quoad
 fiduciam in *voluntate*. Dico 2. *simul*; nam
successive unum numero *accidens* potest esse
 in diversis subiectis non subordinatis. E.g.
 Cum in literato per lucubrationes spiritus
 subinde absumuntur, & cibis somnoque re-
 ficiuntur, species in mente non toties de-
 lentur, sed propagantur de spiritu in spiri-
 tum. Dico 3. *non subordinatis*; nam cum
 sunt subiecta *subordinata*, ita ut unum sit
 subj *Quod*, alterum *quo*; unum *mediatum*
 N s alte-

298 *De absoluto & respectivo.*

alterum *immediatum*, potest unum numero
accidens in diversis subj. esse simul, ut cum
dicitur scientia est in homine, in anima, &
in intellectu.

CAPUT XXV.

De Absoluto & Respectivo.

PRÆCEPTA.

Ambiguitas.

- I. Absolutum opponitur vel *inchoato*, vel
τὸ *secundum quid*, vel *respectivo*.

Quatenus *inchoato* opponitur significat
consummatum, & ad finem ductum, ut cum
domus tandem quoad extructionem absol-
vitur. Quando τὸ *secundum quid* opponitur,
idem est, quod *simpliciter* tale & cui nihil
de opposito admistum est, quomodo Deus
dicitur *absolute* & simpliciter incorrupti-
bilis, angelus *secundum quid* incorruptibi-
lis. Quando vero *respectivo* opponitur, de-
notat ens, quod non habet *respectum* alior-
um. Ita h. l. accipitur.

- II. Absolutum (*quatenus opponitur respec-
tivo*) est vel *positive*, vel *negative* tale.

Positive sumptum contradistinguitur ei,
quod

quod positive est *respectivum*. Ita hoc loco sumitur, & denotat ens cum affectione scilicet modo in expressiori statu. *Negative* absolutum dicitur ens in præcisione & summa abstractione, antequam distinguatur in absolutum (positive) & respectivum; ita enim se indifferenter ad utrumque habet, & ab hac disjunctione quasi *solutum* est.

Formale.

III. Absolutum est aliquid, quatenus non habet *respectum* ad aliud.

Absolutum dicitur quasi ab alio *solutum*, quia liberum est respectu ad aliud, si non omnimodo, saltem aliqua ratione; quapropter etiam in descriptione addimus restrictivam particulam *quatenus*. Removetur autem per *absolutum* quivis respectus, sive sit prædicamentalis, sive transcendentalis, quia uterque rem aliorum trahit. Sic Deus est absolutus à causa, quia nihil ad ejus esse dedit influxum.

DIVISIO.

IV. Absolutum aliquid est vel *primario*, vel *secundario*.

Primario absolutum est aliquid, quatenus non habet respectum *prædicamentalem* ad aliud. Sic potentia audiendi est ens absolutum

tum *primario*, non, quod plane nullum admittat respectum; respicit enim relationem transcendentali actum audiendi, ut & sonum, tanquam suum objectum, unde etiam non est *secundario* absolutum; Sed quia non habet respectum *prædicamentalem*, tanquam famosorem, cujus naturam in parte specialiter declarabimus.

Secundario absolutum aliquid est, quatenus non habet aliquem respectum *transcendentalem*. Sic quantitas est absoluta à respectu ad objectum. Deus (qui etiam *primario* absolutus est) non admittit respectum ad causam, nec respectum totius & partis.

V. *Respectivum* aliquid est, quatenus habet respectum ad aliud.

Hæc definitio ut recte intelligatur, evolvenda est natura respectus in abstracto.

Formale.

VI. *Respectus* est modus, quo res aliorum terminatur.

Synonyma sunt: *respectus*, *relatio*, & *res n*, seu *ad aliquid*, si sc. *res n* abstracte sumatur, nam alias etiam concrete pro respectivo accipitur. Quocunque autem nomine respectus dicatur, semper terminum infert, quod clare ostendit vox *ad aliquid*: nam *ad respectum*

um denotat, unde relatorum natura dici-
 tur ESSE AD; *aliquid* vero *respectum* ter-
 minat. Sive autem illud, ad quod *respectus*
 terminatur, jam detur in rerum natura, sive
 nondum detur, perinde est; nam e. g. causa
 respicit etiam causatum futurum, potentia
 videndi respicit actum visionis, licet eo ipso
 non fiat: Mathematicus habet *respectum* ad
 eclipsin post 10. annos demum futuram.

Distinctiones Nominales.

VII. *Respectus* seu relatio est vel *realis*,
 vel *rationis*. Item vel *secundum*
dici, vel *secundum esse*.

Realis est, quando præter mentis *fictio-*
nem revera inter quædam datur habitudo,
 quomodo potentia ad actum, adjunctum ad
 subj. refertur. *Respectus rationis* est, quando
 habitudo ad terminum per *fictionem* mentis
 exsurgit; ut cum idem eodem plane modo
 ad seipsum refertur, ut cum genus ad spe-
 ciem, species ad individuum *respectum* ha-
 bet, &c.

Relatio *secundum dici* est, quæ nec *realis*
 habitudo est, imo nec *realis* habitudinis si-
 militudinem, sed ejus solum nomen habet,
 ut si dicatur rem cognitam habere *respe-*
ctum ad cognoscentem. Relatio *secundum*
esse est, quæ est, quod dicitur.

D I V I S I O.

VIII. Respectus (*realis & secundum esse* est vel *Subsistens*, vel *Transcendentalis*, vel *Prædicamentalis*.

Respectus s. relatio subsistens est inter Personas SS. Trinitatis, quæ modo plane singulari realem respectum ad se invicem habent. Dicitur alias *relatio substantialis*; *personalis*, & *infinita*. *Respectus s. relatio transcendentalis & prædicamentalis*, quomodo differant, & quid utraque formaliter sit, in parte speciali, cap. de relatione explicabo.

P R O B L E M A T A.

I. *An sit relatio rationis, cum ratio per cognitionem ad aliquod ens respectum habet?*

Neg. Sicut enim istud non statim est ens rationis, quod ratio habet, & cujus subiectum est (quia ita disciplinæ etiam essentia rationis) ita etiam *relatio* non statim in usu loquendi Philosophico est *rationis*, quam *ratio* ad aliquid habet; sed requiritur, ut habitudo ad terminum plane à *ratione* ficta sit. Mentis autem relatio ad ens cognitum non est *ficta*, sed *vera*; vera enim in cognoscendo (dummodo recte cognoscat) à re cognata *mensuratur*, ejusque *speciem* in se recipit.

II. *Num*

II. Num ens respectivum indifferenter se habeat ad relata prædicamentalia & transcendentalia?

Aff. Quia respectus prædicamentalis & transcendentalis conveniunt (non quoad nomen tantum, sed etiam quoad rem) in præciso conceptu respectus ut sic sumpti. Respectus enim in abstracta natura consideratus est *modus*, quo res aliorum terminatur, Th. VI. Hoc formale potest tam prædicamentali quam transcendentali applicari, quia secundum utrumque ens aliorum refertur.

AXIOMATA.

I. Omne ens est vel *absolutum*, vel *respectivum*.

II. Nullum ens datur, quod non aliquo modo sit *respectivum*.

Regulæ veritas statim elucescit, si modo unicam istam disjunctionem entium consideramus, quâ segregantur in *creata* & *in-creata*. Omne creatum ad minimum habet respectum *effectus* ad suam *causam*, quia ab ente increato certo modo productum est. Ens increatum, Deus scilicet ad omnes suas creaturas habet respectum *causæ* ad *effectum*.

III. Respectus, quæ talis, non componit.

Quia

Quia non est ens, sed tantum *modus* entis. Ad compositionem autem requiruntur plura entia. Hinc regula: *Modus non componit, sed distinguit.*

CAPUT XXVI.

De Signo & Signato.

PRÆCEPTA.

Ambiguitas.

I. *Signum* notat vel *constellationem*, vel *prodigium*, vel *vexillum militare*, vel *rem ipsam intransitive*, vel *indicium cognoscendi*.

Constellationes in Astronomia dicuntur *signa*, unde *Zodiacus signifer* dicitur, quia 12 *signa* obliquo suo ambitu complectitur. In sacra Scriptura *prodigia* quandoq; dicuntur *signa*, ut Luc. xxi. 25. Act. ii. 19. vi. 8. Joh. iv. 54. &c. *Signa* militaria sunt *vexilla*, à quibus *signifer* dicitur persona, quæ ea portat. Aliquando per constructionem intransitivam *signum ipsam rem* notat (non rei *notam*) Sic Rom. iv. 11. *signum* circumcisionis denotat ipsam *circumcisionem*: Mat. xii. *signum* Jonæ ipsum *Jonam*. Præcipua vero significatio *signi* est, quando accipitur pro

pro eo, quod principio cognitionis aliquid
repræsentat. Ita h. l. sumitur.

Formale.

II. Signum est, quod potentia cognoscendi aliquid repræsentat.

§. 1. Per *potentiam cognoscentem* intelligimus non tantum sensum, sed intellectum. Primitus proculdubio vox *signi* imposita est *notis* istis tantum, quæ *sub sensum* cadunt; crescente Philosophia ampliatus est terminus, ut competat istis etiam *signis*, quæ non nisi ab intellectu cognosci possunt.

§. 2. Importat autem *signum* duplicem respectum: unum ad *facultatem cognoscentem*, cujus cognitionem ad rem signatam quasi *dirigit*: alterum ad *rem signatam*, quam facultati cognoscenti idealiter præsentem ficit.

§. 3. Accidit vero sæpe, ut *signum* fiat *signatum*, & contra. E.g. Quando ex fumo ignem adesse colligimus fumus *signum* est; *Signatum* autem fit, si incipimus ipsius fumi naturam, materiam, &c. contemplari, quod facimus beneficio specierum sensibilium & intelligibilium, quæ fumi *signa* sunt, eumque menti nostræ repræsentant, etiamsi non amplius adsit.

§. 4. Vox repræsentat in definitione non restrin-

restringenda est ad solum *actum* repræsentandi, quasi ad formale *signi* pertineat *actum* repræsentare *signatum* potentia cognoscendi. Nam limites, arbores, pali, &c. quibus agri & prata discernuntur, postquam in *signum* posita sunt, vel ratio *signi* ipsis addita est, semper sunt *signa* finium, licet interdum per multos dies & menses nemo accedit, qui *actu* exinde terminos cognoscat. Proinde indifferenter se habet signum ad *potentiam* & *actum*, ut signum sit, quod aliquid vel *actum* repræsentat, vel repræsentare potest.

D I V I S I O.

III. 1. Signum est vel *notificans*, vel *commonefaciens*, vel *obsignans*. *Notificans* est *necessarium* vel *contingens*.

Notificans alio nomine *nota* dictum est, quod rem ignotam indicat & *notam* facit, ut hederam venale vinum. Est vero duplex: *Necessarium*, Græcis præcipue *τεκμήριον* dictum, est, quod rem *infallibiliter* notificat. Hujus *nota infallibilis* requisitum hoc est: ut *uni & soli notato semper conveniat*; est enim signum *proprium*, non *commune*. Quod pluribus *commune* est, illud non potest unum quid *infallibiliter* indicare. Sic *infallibiles notæ* veræ Ecclesiæ sunt pura verbi prædicatio & legitimus usus sacramentorum.

Com.

Contingens est, quod contingenter, probabi-
ter & per verisimilitudinem tantum aliquid
indicat, ut cum pallor dicitur signum studii;
hoc signum partus: Græcis dicitur εἰσὶς i. e.
verisimile, probabile.

Commonefaciens est, quod notitiam rei
cognitæ conservat & renovat. Gr. κοινὸν νοῦν;
ut literæ commonefactoriæ.

Obfignans signum est, quod rem cognitam
obfignat & confirmat. Gr. σφραγὶς i. e. sigillum.
Sic circumcisio Abrahamo erat sigillum ju-
stitiæ fidei, Rom. 4. 11.

IV. 2. *Signum est vel significativum vel*
exhibitivum; Gr. σηματικὸν vel μετὰδοτικόν.

Sunt, qui hanc distinctionem rejiciunt,
ideo, quia omne exhibitivum sit σηματικόν.
Verum sufficit, si formaliter membra sibi
opponantur, licet materialiter se invicem
contineant.

Σηματικόν f. significativum signum est, quod
tantum significat, non autem exhibet signa-
tum, ut hedera. Dicitur alias nudum, non
propter defectum significandi (alias enim
non signum esset) sed propter defectum ex-
hibitionis.

Μετὰδοτικόν f. exhibitivum est; quod una
exhibet id, quod significat. Talia signa sunt
Sacramenta.

V. 3. Sig-

V. 3. Signum est vel *formale* s. *immediatum*, vel *instrumentale* s. *mediatum*.

Formale est, quod *immediate* sine sui cognitione rem repræsentat, ut species sensibilis, intelligibilis. Dicitur *formale*, tum quia semper est *imago*, sc. *forma* signati, tum quia semper est *qualitas*, spiritualis scil. *qualitas* autem à quibusdam definitur accidens à *formæ* modum subiectum afficiens.

Instrumentale est, quod *mediate* rem significat, & ante cognitionem signati prærequirit sui cognitionem. Sic limes primum cognitus in notitiam terminorum agri nos deducit. Vocatur *instrumentale* specialiter per synecdochen. Nam in genere loquendo omne signum est instrumentum ad cognoscendum signatum.

VI. 4. Signum est vel *naturale*, vel *arbitrarium*.

Naturale est, quod *naturalem connexionem* habet cum signato, ut hinnitus, rugitus, latratus, fumus, species intelligibilis.

Arbitrarium, est, quod *ex extrinseco instituto* (divino vel humano) aliquid significat, ut Iris Gen. 9. 17. literæ, hederæ, &c.

VII. 5. Signum est vel *doctrinale*, vel *non doctrinale*.

Doctrinale, quo in modo discendi & docendi

endi utimur. Est vero signum doctrinale,
el *internum*, vel *externum*.

Internum est *Conceptus mentis*, qui est no-
na, quo aliquid intellectui repræsentatur.

Conceptus vero est varius :

(1.) *Vel objectivus, vel formalis.*

Utriusque natura ex L. I. C.I. seq facile
ercipi potest.

(2.) *Vel rerum, vel verborum, vel notionum
secundarum.*

Conceptus rerum (qui etiam *Conceptus re-
lis* vocatur) est quo res ipsæ in statu funda-
mentali vel ideali, vel *universali*, vel *formali*
mente concipiuntur.

Conceptus verborum (alias *verbalis*) est,
quo voces secundum *materiale*, i. e. secun-
dum *litteras* & *syllabas* concipimus, quod fit,
quando *vocabula* linguarum memoriæ man-
damus. *Conceptus rerum* & *verborum* com-
muni nomine dicuntur *notiones primæ*.

Conceptus notionum secundarum (alias *in-
tentionalis*) est, quo *notiones secundas* con-
cipimus.

Est vero *notio secunda* (alias etiam *inten-
tio secunda*, vel *conceptus secundus*) concep-
tus mentis ad seipsam reflexæ, qui à mente
in modo versandi circa res tanquam ens ra-
tionis primis conceptibus (rerum s. & verbo-
rum) non repugnantibus arte superimponitur,
ut

ut facilius & felicius circa res versetur,
difficultas tollatur, quæ se in veri cognitione
& boni introductione offert.

§. 1. Dicimus, quod mens in negotio n
tionum secundarum ad se ipsam reflectata
Ut hoc intelligatur, sciendum est, quod
actus intellectus in cognitione rerum sit
directus vel *reflexus*.

§. 2. *Directus* est, quo intellectus cogn
scens non per compositionem, divisionem
& ratiocinationem, sed per *simplicem apprehensionem* & *intuitum* objectum cognoscit.
Ita Deus cognoscit.

§. 3. *Reflexus* vel reflectitur ad res ve
ad ipsum intellectum. Actus intellectus
res reflexus est, quo intellectus *distincta*
diversa notitia confert conceptum reale
cum alio conceptu reali, & per medium se
tertium aliquod ex ipsis rebus desumptum
animadvertit, an recte duos conceptus con
junxerit vel *diviserit*. E. g. Noster intelle
ctus disjungit conceptum cœli & leonis, in
tali propositione: leo non est cœlum. Ut au
tem sciat, an recte divisio sit facta, iterum
ad res *reflectit*, & quærit *tertium aliquod*, ex
quo certus esse possit. Invenit illud in leo
ne, qui animam habet, quam cœlum non ha
bet; Unde ita concludit: Quodcunque est
corpus animatū, illud, non est cœlum. Leo. E.

§ 4. Actus

§. 4. Actus ad ipsum intellectum reflexus
est animadversio certitudinis & facilita-
tis facta per rationem conceptibilem scil.
per tertium aliquod, *ansa à rebus data, à ra-
tione fictum*, (non ex ipsis rebus desum-
tum) E.g. Qui discit linguam latinam, ille
comprehendit, quod facilius possit voces apte
conjugere, si regulas de terminatione te-
neat, & genus masculinum à fœminino, &c.
sciat à casu distincte sciatur dignoscere,
nam si ex *latinis* scriptoribus absque ulla
grammaticorum noematum cognitione solo
usu legitimam omnium vocum coordina-
tionem & inflexionem cupiat addiscere. Et
quando tyro hanc linguam incipit loqui,
cum voces coordinatas profert, subinde in-
tellectus ipsius *super seipsum reflectitur* &
attendit, an juxta præcepta Grammaticæ
recte loquatur.

§. 5. Dicimus porro, quod intellectus oc-
cupetur circa notiones secundas in modo
versandi circa res. Non enim *notiones secun-
de* sunt ipsi conceptus rerum, sed tantum
facilem reddunt *modum* concipiendi res.

§. 6. Porro, cum dicitur *primis concepti-
bus superimponi* secundas notiones, hoc non
ita intelligendum est, quasi non plures,
quam *duas notiones* vel *noemata* de unaquaq;
re concipere possit intellectus, ita ut semper

notio secunda fit in ordine secunda, cum co-
 stet *plures*, tam primas, quam secundas no-
 tiones de una re sæpe formari, quæ utrin-
 per primam, secundam, tertiam, &c. num-
 rari possent. E. g. Alia notio est, cum *homo*
hominem tanquam ens singulare concipimus,
 cui respondet notio *individui* in Logi-
 cis: Alia cum *hominem* concipimus ab
 omnibus singularibus hominibus abstrahitum,
 cui in Logicis respondet *species specialissima*:
 Alia, cum magis abstrahimus *hominem* vocamus
animal, cui in Logicis respondet *genus*. Aliæ
 notiones sunt, cum *hominem* concipimus, ut
animatum, ut *compositum*, ut *mixtum*, ut
corpus, ut *substantiam*: quibus in Log. respon-
 dent *genera & species subalternæ*, & *genus*
generalissimum. Sic etiam unum vocabulum
 distinctis conceptibus tam primis, quam
 secundis apprehenditur. E. g. Alium conceptum
 in mente gignit vox *λόγος*, cui in Gramm.
 respondet notio *casus nominativi*; alium *λόγος*,
 cui *genitivi*; alium *λόγος*, cui *dativi* notio
 respondet, &c. Non ergo ex numero notio-
 num fluit denominatio vulgaris *primæ & secundæ*
 notio-
 nis, cum utrique plures ordine numerari
 possint: Sed respectus habetur ad *duo genera*
notionum, quorum prius ad apprehen-
 sionem rerum & verborum; alterum ad

modum apprehendendi res & verba spectat. Quæcunque e. notio ex priori genere sumitur, dicitur *prima*, & ea, quæ in altero genere ipsi respondet, dicitur respectu suæ *primæ secundæ*.

§. 7. Sed nec hoc prætermittendum est, quod *notiones secundæ* conceptibus primis non repugnantibus imponantur; Nam quodlibet non recipit quodlibet. Sic non repugnat voci *Deus*, una cum homine, lapide, cinere & aliis vilissimis rebus referri ad *genus masculinum*; Contra vere repugnat eo, cum homine, angelo, &c. referri ad *speciem*. Species enim respondet *universali*: at Deus non est *universale* quid, sed ens *singulari*.

§ 8. Tandem dicitur, quod per *notiones secundas* facilitetur *veri cognitio* & *boni introductio*. Verba hoc volunt, quod *notiones secundæ* succurrant *utrique facultati primæ* animæ rationalis, *intellectui* scilicet, cuius objectum est *verum*, & *voluntati*, cuius objectum *bonum* est. Addi potest etiam altera facultas animæ *secundaria*, *sermo* scilicet, quem etiam certæ *notiones secundæ* dirigunt ad negotia *verum* & *bonum* concernentia. Ita autem inserviunt *notiones secundæ facultatibus animæ*: ut intellectus conceptus primos accurate ab invicem di-

stinguere, minus abstractum magis abstractum, *subordinare*, consentanea *componere*, dissensu-
 tanea *dividere*, unum ex alio legitime *col-
 gere*, omnia in bono ordine *disponere*, ab aliis disposita *addiscere*, cujusvis rei naturam
definire, & latentem veritatem ubique *revelare*, &c. possit: ad talia profunt *notiones secundæ* *Logicæ*, ut *genus*, *species*, *individuum*, *prædicamentum*, *synonymum*, *paronymum*, *syllogismus*, *modi*, *figuræ* & *species* *syllogismorum*, *methodus*, *definitio*, &c. Obiter notatur de *locis topicis* (& aliis fortasse *materia* *Logicis*) quod *realia*, quæ in istis continentur, e.g. *causa*, *totum*, *subjectum*, *adjunctum*, *simile*, &c. non sint *notiones secundæ*; nam modus argumentandi ex istis rebus tantum ad *secundas notiones* pertinet: *realia* ad *primas*. Porro ut homo hominem voce, vel scriptis possit ea docere, quæ intellectus cognovit: ut homo sedulus ex omnium gentium scrutinio suam supellectilem literariam imo communia literati orbis studia augere & cum viris doctis tam in patriis quam peregrinis oris præsens & absens de rerum difficultatibus conferre, ac ita suum intellectum acuere & firmare queat, linguæ necessario addiscendæ sunt, cui studio opem ferunt *notiones secundæ Grammaticæ*, ut *sunt*, *casus*, *declinatio*, *conjugatio*, &c. Tan-

em, ut voluntas hominum ad virtutes co-
 endas, vitia extirpanda, bonas leges obser-
 andas, & malas consuetudines abrogandas
 oveatur, ut affectus vehementes tranquil-
 entur, torpidi excitentur, & summatim om-
 e bonum introducatur, magnam vim habet
examina oratio, tam *prosa* quam *ligata*, quam
 irigunt notiones *Rhetoricæ* & *Poeticæ*, ut
 ant *tropi* & *figuræ* variz, genera *causarum*,
 genera *carminum*, &c. quamvis hæ ipsæ no-
 tiones etiam secundario ad veritatem homi-
 nibus *persuadendam* faciant.

(3.) *Conceptus est vel adequatus, vel, inad-
 equatus.*

Adequatus est, qui rem *totam* repræsentat,
 ut *conceptus essentia*.

Inadequatus est, qui *aliquid* rei repræsen-
 tat; ut cum essentiam concipimus sub con-
 ceptibilitate boni, veri, &c.

(4.) *Conceptus est vel comprehensivus, vel
 apprehensivus.*

Comprehensivus penetrat objectum, illud-
 que *exacte cognoscit* secundum intimam na-
 turam. Talis est conceptus de homine.

Apprehensivus non penetrat objectum, sed
imperfecte quædam tantum de eo novit. Ta-
 lis est noster conceptus de Deo & ejus attri-
 butis.

NB. *Comprehensivus* non coincidit cum *adequato*; nam comprehendimus etiam *inadequatum* conceptum. e.g. Qui exactæ dicit naturam *unius*, ille comprehendit eam sub *inadequato* conceptu.

(5.) *Conceptus est medius, vel ultimus.*

Medius (alias *non ultimus*) est, qui intentione ad idem objectum alium conceptum *præcedit*. Talis est conceptus *vocabuli*, quod vel plane non, vel non perfecte intelligimus.

Ultimus (seu *ultimatus*) est, quem alius conceptus ad idem objectum tendens *præcessit* (si scilicet *ultimatus positive* sumatur). Talis est conceptus rei per vocabulum istud significatæ.

(6.) *Conceptus est vel distinctus, vel confusus.*

Distinctus (alias *præcisus*) est, quo unum certum objectum ab omnibus, quæ de facto ipsi sunt conjuncta, *abstrahimus*, & *in formali consideramus*: ut cum consideramus unum certum hominis adjunctum, v.g. facultatem loquendi.

Confusus est, quo multa *simul sub noemate aliquo communi*, in quo omnia conveniunt, apprehendimus, ita ut singula non cognoscantur alio atque alio conceptu, ut cum consideramus adjuncta hominis varia sub

otione adjuncti, non descendendo vel ad
fibilitatem, vel ad voluntatem, vel ad do-
lilitatem, &c. *sigillatim* considerandam.

Hæc dicta sunt de signo doctrinali *inter-*
o, conceptu sc. de quo aliquanto prolixius
gendum fuit propter materiæ obscurita-
em & utilitatem. Sequitur jam signum *do-*
ctrinale externum.

Externum signum doctrinale est duplex;
Vox & scriptura.

Vox est signum conceptus & rei arbitra-
rium, lingua formatum. Variæ autem sunt
ceptiones *vocis*, nam sumitur *vel materia-*
liter pro literis & syllabis, unde *suppositio*
materialis suum nomen habet; vel *forma-*
liter pro re significata. Porro est vel *con-*
creta, vel *abstracta*; vel *certa*, vel *ambigua*;
Categorematica, vel *Syncategorematica*, &c.

Scriptura est signum rei, conceptus, & vo-
cis arbitrarium, actu scribendi formatum.

Non doctrinale signum est, quo in modo
discendi vel docendi non utimur, ut sunt
innatus, *latratus*, &c. *Non doctrinalia* autem
non ideo vocantur, quasi ex istis nihil pos-
simus discere, cum eo ipso dum signant, in-
formetur intellectus de signato; sed quia iis
non utimur in modo docendi & discendi *et*
et ita dicto, qui conceptu, voce & scri-
ptis absolvitur.

VIII. 6. Signum est vel *rememorativum*,
vel *demonstrativum*, vel *prognosticon*.

Rememorativum est, quod signat rem *præteritam*, eamque revocat in memoriam. Sic statua Rolandi est *signum* istius herois, heroicorum ipsis factorum.

Demonstrativum est, quod signat rem *præsentem*. Sic pulsatio ostii indicat adstare hominem.

Prognosticon est, quod signat aliquod *futurum*. Sic varia observant Medici signa prognostica de eventu morborum vel salutari vel tristi, quæ videri possunt per totam *præcticam Sennerti*.

IX. 7. Signum est vel *theoreticum*, vel *practicum*.

Theoreticum est, quod per se nihil efficit, sed tantum signat, ut imago principis.

Practicum est, quod non tantum signat, sed per positivum influxum per se simul aliquid efficit. Sic cum lignator securim elevat, securis illa non tantum est signum inferendi ictus, sed positive quoque ipsum ligno infert.

X. 8. Signum est vel *manifestativum* tantum, vel simul *suppositivum*.

Manifestativum est, quod tantum *notificat* rem, non autem in sermone pro ea re
sup.

supponit. Sic pulsus campanæ auditus im-
minentem Dei cultum notificat, non autem
in sermone cultum *infert*, quem non intel-
ligimus vocibus istis auditis.

Suppositivum est, quod rem *notificat*, & si-
mul *stat* vel *supponit* in enunciatione pro-
pre significata. Sic vox *magnes* supponit pro
certo lapide; cum enim dicitur, *magnes tra-*
hit ferrum, intelligo quod res ea, quæ dici-
tur *magnes* trahat ferrum.

XI. *Signatum* est, quod potentia cognos-
centi *per signum repræsentatur*.

Signati natura ex deductione signi facile
percipitur.

PROBLEMATATA.

I. *An omne signum necessario sit sensibile?*

Neg. Species intelligibiles omnino sunt
signa objectorum, quæ menti repræsentant,
unde etiam *Alstedius* Metaph. c. 43. *Encyl.*
p. 619. signo formali exempli loco subjun-
git speciem intelligibilem: sed non sunt
sensibiles & visibiles istæ species. Idcirco
dicimus, quod *signum* indifferenter se ha-
beat ad sensum & intellectum.

II. *An ad rationem signi in genere sumpti
requiratur, ut prius se, deinde signa-
tum repræsentet.*

O 4

Neg.

Neg. Quia dantur *signa*, quæ vere signum repræsentant, sine tamen sui cognitione. Talia sunt *signa formalia* Th.V.

III. An conceptus apud omnes sint iidem

Resp. Distinguendum est inter conceptus *rerum*, *verborum*, & *notionum secundarum*. Conceptus *rerum* apud omnes sunt iidem, hoc est, similes. Quia enim *essentia* rerum ubiq; *eadem* manent, *imagines* essentiarum quas *conceptus* continet, etiam oportet *easdem* ubique. Sed manendum est in circulo, quatenus sc. ubique *veri* sunt conceptus, & ab ipsa *natura* suggeruntur. Nam si hic verus, iste falsus: hinc sola natura fluentem, iste arte elaboratum, & subtilibus abstractionibus acuminatum foveat conceptum, non sane per omnia sunt similes. Porro quia *verba* non apud omnes gentes sunt eadem, etiam *verborum conceptus* variant. Imo in eadem lingua alius per hoc, alius per aliud *στυγα* vocabula concipit: Conceptus *notionum secundarum* etiam non sunt apud omnes *iidem*, præsertim quia multi naturam earum nondum exploratam habent. Hic Grammaticus ex hac, ille ex alia *radice* vocem derivat. Olim homo erat generis communis, jam. gen. masculini. Plerique 10 habent declinationes *græcas*: non-

nonnulli tamen 3. tantum, &c. *Notiones secundæ* non raro mutantur & perficiuntur instar hypothesium Mathematicarum, ex quibus alii terram moveri, alii eam stare affirmant.

IV. *An signum in genere sumptum necessario à signato realiter differat.*

Neg. Cum audimus aliquid creatum esse, statim colligimus inde, illud *ens* esse: Ergo *creatum esse* est signum *entis*, & tamen *ens* & *creatum esse* non differunt *realiter*, quia *creatum esse* est *modus inseparabilis*. Signum ægritudinis est febris, quæ ab ægritudine non differt *realiter*, quia se habet ut species ad genus.

AXIOMATA.

I. *Notæ sunt notiores notato.*

Si non semper quoad notitiam *conjecturalem* & *probabilem*, tamen quoad notitiam *infallibilem*.

II. Quod rem ipsam non vere *exhibet*, sed eam tantum *idealiter representat*, id est, signum *nudum*, non *exhibitivum*.

Signum enim *exhibitivum* ipsum signatum non *idealiter*, sed *realiter* exhibet.

III. *Signum non est signatum.*

322 De mensura & mensurato.

Si sc. considerantur *formaliter*. *Materia*
liter enim si sumuntur, idem sæpe est *signi-*
ficatum & *signatum*.

C A P U T. XXVII.

De Mensura & Mensurato.

Ambiguitas.

- I. *Mensura* est 1. vel *intrinseca*, vel *extrinseca*. 2. Sumitur vel *active*, vel *passive*. 3. Vel *positive*, vel *negative*.

Intrinseca est, quæ mensurat rem *intrinsece*, ita, ut certo modo idem sit *mensura sui ipsius*. Sic e. g. quidditatem rei dicunt esse *mensuram* ejus *intrinsecam*, quia per eam cognoscatur illius *quantitas perfectionis*. Sed hæc improprie dicitur *mensura*, & concipitur tantum ita ab intellectu. Nihil sane potest esse *positive mensura sui ipsius*, quia sic unum idemque esset *notius* & *ignotius* seipso. Juxta *mensuram intrinsecam* vero idem certo modo *sui ipsius* fit *mensura*. *Quidditas* cum dicitur *mensurare*, *perfectionem* seipsam *mensurat*; *mensurat* enim eam *secundum perfectionem*, quia *mensura* debet esse *homogenea mensurato*. Ergo *perfectio quidditas* *mensurabit* *perfectionem quidditatis*. Absolum.

Ex.

Externa est, quæ mensurat aliud *extra* se.
Hæc est hujus loci.

Active accepta mensura est illud, quod mensurat, & mensurans dicitur. Ita hoc loco sumitur, quia mensurato opponitur.

Passive est id, quod mensuratur, & dicitur mensurabile vel mensuratum. Sic tempus passive dicitur *mensura motus*, id est, mensurabile motu.

Positive dicta mensura est, quæ *active* mensurat, & est hujus loci.

Negative mensura illud dicitur, quod à nullo mensuratur. Sic Deus est mensura sui-ipsius, non quod seipsum mensuret, sed quia non datur aliud, quod ipsum mensuret.

Formale.

II. *Mensura* vel *norma* est id, ad quod aliud *sufficienter* examinatur.

Alias definitur ita: *Mensura* est, qua *quantitas* alterius cognoscitur; cum hac explicatione, quod *quantitas* indifferenter sit intelligenda ad quantitatem *molis* & *virtutis*. Verum definitiones sint liberæ ab æquivocationibus & tropis. *Æquivoce* vero & per metaphoram *quantitas* tribuitur *virtuti* & *perfectiōi*. Propterea hæc explicatio *quantitatis* in definitione vacillat. Si vero *quantitas* (uti debet) pro sola *extensiva quantitate* acci-

accipiatur, definitio nimis angusta est. Licet enim terminus *mensurae* primo impositus sit ad denotandam *mensuram quantitativam* proprie ita dictam, tamen postea ampliatus est, ut aliae etiam species genuino titulo sub ipso comprehenderentur. Propterea non sufficienter abstracto conceptu *mensurae* eam generaliter definimus, quod sit illud, ad quod aliud sufficienter examinatur.

D I V I S I O.

III. *Mensura* est vel *quantitatis*, vel *perfectionis*, vel *veritatis*, vel *vita & morum*.

IV. *Quantitatis* *mensura* est, juxta quam alicujus rei *quantitas* proprie dicta examinatur. Estque rursus vel *adequata*, vel *inadequata* mensurato.

Adequata (alias *mensura adaequationis*) aequae quanta est cum mensurato. Talis norma est *ulna* respectu aequalis quantitatis in *linteo*.

Inadequata minor est mensurato, & mensurat propter repetitionem, unde etiam alias *mensura repetitionis* dicitur. Sic *ulna* in respectu ad circumferentiam *pallii* est *mensura inadequata*, quia circulus iste per aliquotam *ulnae* repetitionem mensuratur. Dico, quod *mensura inadequata* minor sit mensurato. Nam si major sit, erit quidem *inadequata*

equata habitudo ad invicem, sed ita ratio
mensura perit, quia e. g. integro modio non
potest mensurari quadrans hordei, nec in-
tegra tonnachantherus cerevisiæ, nisi arte
major mensura resolvatur in minores. Hoc
facto autem mensura, per quam potest men-
suratio fieri, vel est *equalis*, vel *minor* men-
surando.

V. *Perfectionis mensura* est, juxta quam de
perfectione alterius judicium fertur. Sic
Deus est mensura creaturarum, homo vi-
ventium, &c.

Mensura hæc *perfectionis* ita instituitur :
Intellectus sumit præstantissimum in certo
aliquo genere, illudq; facit mensuram. De-
inde aliud cum hac mensura confert, & quo
magis illud ad eam accedit, eo *perfectius* ;
quo magis ab ea recedit, eo *imperfectius* esse
judicat. Sic homo in collatione ad Deum
perfectior est bruto, quia quoad intellectum,
voluntatem, &c. propius accedit, quam
brutum.

VI. *Veritatis mensura* est, ad quam *veritas*
examinatur. Estque duplex : Mensura
veritatis in cognoscendo, & *in essendo*.

Mensura veritatis in cognoscendo est, ad
quam cognitio, an vera sit, examinatur. Hæc
rursus est vel *principalis*, quæ nobis se offert

tum in *natura*, quatenus res sunt mensuræ cognitionis nostræ; tum in *Scriptura*, quatenus verbum Dei revelatum est normæ cognitionis in articulis fidei; vel *instrumentalis*, ut cum regulæ Logicæ de consequentiis, regulæ Grammaticæ de inflexione & connexionē vocum, globus & circuli ejus in Astronomicis, mustricula & exemplar in mechanicis, (quales normas factores, pictores, &c. habent) certiore reddunt hominum cognitionem.

Mensura veritatis in essendo est intellectus divinus.

VII. *Mensura vitæ & morum* (alias *moralis*) est, ad quam vita & mores nostri exiguntur.

Talis mensura sunt *leges naturæ* & *leges positivæ*, quæ in iis fundantur; præsertim autem *leges morales*, quæ in sacris literis præscribuntur.

VIII. 2. *Mensura est vel Lesbica, vel Polyleti.*

Mensura seu regula Lesbica est, quæ ad habitudinem rei mensurandæ se accommodat, & ita mensurat uti res patitur, adeoque non eadem manet. *Regula Lesbica* enim, seu regula structuræ Lesbicæ plumbea erat, & ad lapidis figuram torquebatur & inflectebatur,

ur propter duritiem lapidum scalpro non
edentium. Tales regulæ sunt multæ regu-
e *Logicæ*, quas ad materiæ ingenium ac-
ommodare debemus, uti in doctrina de
ethodo peculiari axiomatice hoc præci-
itur: Methodus inserviat rebus, non res
ethodo; unde regula *Lesbia* à quibusdam
etiam dicitur *materialis*.

Mensura seu regula Polycleti est, quæ in-
ter mensurandum se non accommodat ad
habitudinem rerum, sed ad quam res men-
surandæ sunt accommodandæ. Talis enim
fuit norma seu regula *Polycleti*, eximii
istius statuarii. Talis etiam fuit libra *Crito-*
lai, Philosophi istius Peripatetici, qui in al-
teram lancem libræ animi bona, in alteram
corporis & externa bona imposuit, & tan-
quam Philosophus secundum ductum & na-
turam mensuræ perfectionis deprehendit
lancem bonorum animi tantum propende-
re, ut terram & mariâ deprimat. Mensuram
Polycleti quidam vocant *formalem*.

IX. *Mensuratum* est, quod *mensuratur* ab
alio.

PROBLEMATATA.

I. *An Deus sit mensura perfectionis crea-
turarum?*

Aff. Quia

Aff. Quia per appropinquationem ipsum, vel recessum ab ipso potest iudicium ferri de majori vel minori *perfectiōe* creaturarum. Sed dicis: Omnes creaturæ infinitum à Deo distant: Ergo una non propius ad eum accedit, quam altera. Responsum. Creaturæ non accedunt ad Deum, vel recedunt ab eo ratione *proportionis*, quasi multoties vel aliquoties iteratæ possint aduari infinito; sed vel ratione *attributivæ*, quatenus vel plures vel pauciores *perfectiōes* (licet alio modo) habent, (quas Deus habet:) ut sunt, *vivere, intelligere, velle* &c. Sic homo propius accedit ad Deum quam brutum, quia non tantum vitam, quam etiam bruto competit, sed etiam intellectum & voluntatem habet, quibus bruta destituantur; vel ratione *majoris & minoris recessiōis à nihilo*: Quæcunque creatura enim habet essentiam *perfectiorem*, illa magis recedit à non ente, quam quæ minus perfectam essentiam habet (comparate loquendo.)

II. Quænam sint requisita sive conditiones mensuræ.

Resp. 1. *Mensura sit homogenea mensurato*, id est, mensura cum mensurato habeat convenientiam aliquam. Hæc sive sit uni-

voca,

eca, sive *analog*a, sive *generica*, sive *speci-*
ica, &c. nihil interest. Non enim sem-
 per requiritur, ut *mensura* plane ejusdem
 rationis sit cum *mensurato*, uti longitudo
 non nisi longitudine mensuratur, quia alias
 Deus nullius rei mensura esset; sed sufficit,
 si adsit quæcunque *convenientia* ad mensura-
 tum examinandum necessaria & idonea.

2. *Mensura sit infallibilis.*

Ad *mensuram* enim mensuranda exami-
 nantur, & omnis lis de re orta per collatio-
 nem cum *mensura* componitur. Si ergo ipsa
mensura incerta sit, unde aliquid certi de
 mensurato flatuetur? Si error sit in prin-
 cipio, quomodo ab errore immune erit, quod
 ex eo deducitur? E. g. Quando de pariete
 litigium sovent fabri, & hic ad dextram,
 ille ad sinistram eum propendere conten-
 dit, ad *perpendicularum* recurrunt: Cum arti-
 cularii certant de angulo mensæ, & hic re-
 ctum, ille acutum vel obtusum eum esse af-
 firmat, *norma* anguli (WINEFEL MAAK)
 applicant, & ita controversiæ finem impo-
 nunt. Si autem ipsæ hæ *normæ architecto-*
nica fallant, (quod interdum cum quotidia-
 no usu detritæ sunt, contingit) non possunt
 ante de decisione dubii certi esse, quam ex
 principiis Mathematicis rectitudini & in-
 fallibilitati restitutæ sint.

3. *Men-*

3. *Mensura sit notior mensurato.*

Mensura enim notificat mensurati habitum dinem. Quod vero aliud notificare debet, notius eo sit, necesse est. Oportet autem mensuram notiozem esse quoad notitiam accuratam & distinctam; nam secundum notitiam confusam mensuratum potest esse notius sua mensurâ.

4. *Mensura sit indivisibilis.*

Hoc est, in quantum *mensura* est, nec additionem nec diminutionem patiatur. Cui enim *mensura* aliquid addi potest sub ratione *mensurae*, illi deest aliquid, & sic corrupta *mensura* est: cui vero aliquid demi potest, illa excedit, & iterum vitiosa est. Alias extra rationem *mensurae* potest præsertim res quanta augeri vel minui. Sic de *modii* capacitate potest aliquid auferri, licet deinde sit adulterinus *modius*.

III. *Num mensura recte dividatur in intrinsecam & extrinsecam?*

Neg. Quia alterum membrum divisionis evertit naturam divisi. *Intrinseca* enim *mensura* non est proprie *mensura*, sed omnis *mensura* est *extrinseca*. Vid. Th. I.

AXIOMATA.

I. Omne ens est vel *mensura* vel *mensuratum*.

II. Pri-

II. *Primum* in unoquoque genere est *mensura* reliquorum.

Loquitur regula de *mensura perfectionis*, sic per *primum* intelligitur *præstantissimum & perfectissimum* in certo genere. Vid. Th. 5.

III. *Mensuratum* non debet ultra *mensuram* suam *extendi*.

Hoc est, nihil debet esse in *mensurato*, quatenus est *mensuratum*, quod non possit exigi ad *mensuram*. Valet regula de omnibus speciebus *mensuræ*, excepta *mensura quantitatis*, quæ sæpe exceditur à *mensurato*, tum sc. quando aliquid exigitur ad *mensuram* repetitionis.

Finis Partis Generalis.

PARS SPECIALIS.

De Divisione Entis.

CAPUT I.

De Divisione entis in genere.

PRÆCEPTA.

I.

Ens dividitur in substantiam & accidens.

CONsideravimus hætenus in generali parte Ens tum in *simplici theoria*, quatenus ab omni attributo *præscinditur* vid. p. 33. seqq. tum in *expressiori contemplatione*, quatenus una cum variis attributis, tam *unitis*, quam *disjunctis* menti sistitur & in alio atque alio statu repræsentatur. Jam recto tramite pergimus ad entis *divisionem*, qua in duas quasi species, *Substantiam* sc. & *Accidens*, immediate dividitur.

II. *Ens ad inferiora contrahitur per subsistentiam & inhærentiam* p. 16.

§. I. *Subsistentia* est modus existendi substantiæ, *inhærentia* accidentis. Non sumitur

er vero hic *subsistentia specialiter* pro *ultima* subsistentia, quæ alias *suppositalitas* dicitur : ita enim non adæquate opponeretur *inhærentiæ*, quia dantur substantiæ, quæ non *separate* subsistunt, e. g. ignis in ferro, anima separata, terra in misto, &c. & tamen non *inhærent*; sed *generaliter* pro tali modo extendendi. quo res *per se existit*, hoc est, non est *subiecto ad modum accidentis*.

§. 2. *Inhærentia* etiam hic non accipitur *specialiter*, quatenus *adhærentiæ*, *circumstantiæ*, modo essendi *ab* & modo essendi *ad* opponitur; sed *generaliter*, quatenus adæquate opponitur *per se subsistere*, sc. *τὴν οὐσίαν*.

PROBLEMAT A.

I. *An ens sit æquivocum ad substantiam & accidens.*

Neg. *Æquivocum* enim idem nomen quidem tribuit inferioribus, non vero eandem definitionem. At ens tam *substantiæ*, quam *accidenti* tribuit & nomen & definitionem. De *substantia* non est dubium. *Accidenti* etiam convenit definitio *entis*, quia habet *essentiam*, quæ ex actionibus probatur; nam calor agit (licet instrumentaliter) dum calefacit: calor vero est *accidens*.

II. Num

II. Num ens sit univocum ad substantiam
& accidens?

Univocum 1. *opponitur* adæquate æquivo-
voco, quomodo omne id generaliter univo-
cum dicitur, quod non est æquivocum. In
posset affirmari. Sed de hac acceptione
non quæritur. 2. *Opponitur paronymo*, & spe-
cialiter significat terminum, qui alicui
essentialiter competit, atque sic idem est, quod
Synonymum. Sub hac acceptione etiam quæ-
situm posset affirmari. Sed neque hæc signi-
ficatio h. l. venit in controversiam. 3. *Op-
ponitur analogo* (secundum attributionem in-
trinsecam) & specialissime significat termi-
num, qui æque primo (absque dependentia
ab invicem) inferioribus competit essentia-
liter. De hac acceptione h. l. quæritur, an
ita ens respiciat substantiam & accidens.
Hoc negatur. Quia ens non æque primo
æqualiter utrique competit, sed primo sub-
stantiæ, deinde accidenti, quod dependet à
substantia, eique tanquam inseparabili fun-
damento innititur. Quod ergo non æquali-
ter, & sine ordine convenit inferioribus, il-
lud ad ea non est univocum. Ens non æqua-
liter, &c. Nam accidenti tribuitur in ordi-
ne ad substantiam.

III. Num ens sit analogum ad substantiam
& accidens?

Anna.

Analogia est vel proportionis, vel attributionis. Analogia proportionis est, quæ consistit in nudâ similitudine & sola communitate nominis citra communitatem in essentia & definitione, ut homo ridet; prata rident.

Hæc analogia semper metaphoram & improprietatem aliquam involvit, unde æquivoca consilio facta, alio nomine *analogia proportionis* dicuntur. Propterea juxta hanc analogiam ens non est *analogum* ad inferiora. *Analogia attributionis* iterum est duplex; vel attributionis *extrinsecæ*, vel *intrinsecæ*. *Analogia attributionis extrinsecæ* est, quando denominans reperitur intrinsecè in uno tantum analogatorum, quod primum analogatum inde dicitur: reliquis vero per extrinsecam tantum denominationem tribuitur sub habitudine & respectu ad istud unum. Sic homo dicitur sanus per intrinsece sibi inhærentem sanitatem: cibus, urina, medicamentum, color, &c. per externam denominationem dicuntur sana, in quantum respiciunt sanitatem hominis. Hæc analogia etiam involvit æquivocationem; nam cibus, urina, &c. non nisi æquivoce sunt sana. Propter implicatam ergo æquivocationem ens juxta hanc analogiam attributionis extrinsecæ etiam non est *analogum* ad inferiora. *Analogia attributionis intrinsecæ* est, quando denominans reperitur
in-

intrinsece in omnibus analogatis, & analogata habent unum conceptum (quod in analogia proportionis & attributionis extrinsece non fit) *ita tamen, ut eum inæqualiter & dependenter* (ab invicem) *participent.* Non intelligitur vero hic *inæqualitas dignitatis* quasi semper sit analogia attribut. intrins. ubi inferiora inæqualem dignitatem habent quia sic animal non esse univocum ad hominem & brutum; Sed *inæqualitas ordinis*, ut sc. unum ex inferioribus istum conceptum participet *primo & absolute*, aliud vero *secundario & per dependentiam, habitudinem, attributionem ac ordinem* ad prius. Juxta hanc analogiam ens est *analogum* ad substantiam & accidens, tanquam ad analog. Prius analogat. est substantia, *posterius* accidens: Habent *unum conceptum*, Ens scil. quia tam substantia habet essentiam quam accidens: istum conceptum *inæqualiter* participant; nam substantia *primario* est ens, accidens *secundario*: Substantia *absolute* est ens, accidens *per attributionem, habitudinem & dependentiam* ad substantiam, quia accidens supponit substantiam, in qua esse suum fundatum habet, uti loquitur Dn. Scheiblerus.

IV. *An ens sit genus analogum, proprie dictum respectu substantiæ & accidentis?*

Neg. Aliud est *analogum*, aliud *genus analogum*.

gum. Analogia attributionis intrinsecæ
 transcendit à genere analogo & conceptu ana-
 logico non-generico, ficut principium à cau-
 sali & non-causali. Atque ita *analogum* latius
 est, quam *genus* analogum. Fundamentum
 hujus sententiæ hoc est, quia prædicata
 essentialia seu synonymica (ad quæ *analogia*
attrib. intrins. spectant) non tantum dantur
 in vi prædicamentali, quæ admittit genera,
 nam prædicamenta sunt classes rerum per
 genera & species dispositarum) sed etiam in
 eminenti, quæ respuit proprie sic dicta ge-
 nera (nam in *Transcendentibus* & *divinis* non
 habemus proprie sic dicta genera.) Porro si
 ens esset *genus*, *subst* & *accidens* essent *spe-*
cies. Sed substantia est *summum* genus, quod
 nunquam fit *species*. Accidens ne quidem
summum genus (juxta receptum modum do-
 cendi omnium fere Logicorum, qui temere
 non est mutandus) nedum ut ad ordinem
specierum se demittat. Notandum hic est,
 quod propter deficientem verborum copi-
 am sæpe tam à Theologis quam Philosophis
genus & *species* tribuantur rebus divinis
transcendentibus, & aliis, quibus, si in rigore
 logico examinantur, non competunt. Hoc
 cum fit, per *genus* & *speciem* intelligendum
 est *quasi* *genus* & *quasi* *species* s. id, quod ge-
 neri vel speciei in proportionem respondet.

CAPUT II.

De Substantia.

Præcepta de Substantia ad faciliorem cognitionem in quatuor puncta secabimus,
 1. ejus *ambiguitatem*; 2. *formale*; 3. *modum*
 4. *divisionem* ordine expendemus.

Ambiguitas.

I. Substantia sumitur 1. *pro ente in genere*
 2. *pro subjecto*. 3. *pro ente per se subsistente*.

Prima acceptio est nimis *lata*; nam ita nihil reperitur, quod *substantia* non sit, ut etiam *Augustinus* (improprie) loquitur. Sed videtur nata esse ex voce gr. *ουσια* quæ *substantiam* & *essentiam* significat. *Secunda* est nimis *stricta*. Nam non tantum *substantia*, sed etiam *accidentia* suo modo sunt *subiecta*. Nec *substantia* semper est *subjectum*, sed quandoque etiam *adjunctum*, vide l.c. *Tertia* demum est adæquata. *Substantia*, enim hoc loco sumitur pro re, quæ *per se subsistit*.

II. *Substantia* (*pro ente per se subsistente sumpta*) accipitur vel *Metaphysice*, vel *Logice*.

Metaphysice & *transcendentaliter* sumpta & in

in plenissima sua ampliatione & ultima abstractione spectata, præscindit à creato & increato, & substantia completa & incompleta, ac ita significat omne ens per se subsistens; Deus, angelus, anima, forma, cœlum, lapis, &c. Hæc proprie est hujus loci.

Logice & prædicamentaliter sumpta restringitur ad creaturas & entia completa, & definitur ita: *Substantia est ens per se subsistens, finitum, completum, sustinens accidentia*, quæ definitio est Gutkii in Logica divina L.I. c.3. p.78.

Formale.

III. Substantia est ens per se subsistens.

§. 1. Ens in hac descriptione sustinet vicem generis, quia *latius* est substantiâ, & accidentibus quoque competit; sed *verum* genus non est, quod C. I. probavimus.

§. 2. Formalis ratio vel quasi differentia substantiæ, qua ab accidente (prædicamentali) adæquate differt, est *subsistentia*. Est vero h. l. hæc vox *generaliter* intelligenda, pro tali modo existendi, *secundum quem res per se existit, & non est in alio, quo, tanquam subiecto, ad modum accidentium fulciatur, ut sine illo esse non possit*: Nam si *specialiter* pro modo subsistendi *perfectissimo* & *plane ultimo*, adeoque *subsistentia suppositali* accipitur,

atur, sola *supposita* & *personæ* eam subsistentiam sibi vendicant.

§ 3. Ut vero accuratius intelligatur, quid sit *per se subsistere*, tollenda primum hic est ambiguitas *per se*. Vox hæc accipitur, & potissimum modis, & significat 1. *solitarium*, & opponitur ei, quod est *cum alio*, quomodo causa *solitaria* dicitur *per se* agere. 2. *Independens*, & opponitur ei, quod *ab alio effecti-ve* suum esse habet, quo sensu solus *Deus* est *per se*. 3. *Necessarium*, & opponitur *Contingenti*. Sic risibilitas homini *per se* competit, in secundo sc. modo *perseitatis*: eruditio *per accidens*. 4. *Intentum*, quod sc. cum intentione agit, vel fit, & opponitur *causæ* & *effectui per accidens*. 5. *Proprium*, & opponitur *communicato*, s. illi, quod *per aliud* tale est. Sic sol *per se* est lucidus, luna *per aliud*. 6. *Unam essentiam*, & opponitur *enti per accidens*. 7. *Quod non existit in alio, tanquam in subiecto*. Hæc significatio est hujus loci.

§ 4. Exponitur ergo *per se subsistere* optime negative, ut idem sit, ac *non esse in alio tanquam in subiecto*. *Esse in subiecto* autem accipitur dupliciter: 1. *generaliter*, secundum formale subiecti in genere spectati, quomodo *substantiæ* etiam sunt in subiecto: 2. *Specialiter*, in ea sc. angustia, juxta quam

adæ-

adequate *per se* *subsistere* opponitur. Hoc modo illud dicitur esse in *subjecto*, quod inest tanquam *peculiare ens*, ita ut non sit pars rei, & omnino esse non possit, nisi in illa re, quomodo omnia & sola *accidentia* sunt in *subjecto*.

MODI.

IV. Substantia est vel *completa*, vel *incompleta*.

V. *Completa substantia* (scilicet in *essendo*) est, quæ habet *essentiam in se terminatam*, & per se non ordinatur ad *alterius* perfectionem intrinsecam. Ut Deus, angelus, homo, leo, equus.

VI. *Incompleta substantia* est, quæ ordinatur ad *alterius* perfectionem, & est pars alicujus compositi: ut anima, forma, materia, pes, manus, vena, caput.

Hæc distinctio vero hoc in loco videtur præter necessitatem esse à Metaphysicis introducta, quia *ens* in genere distinguitur in *completum* & *incompletum*. *Generalia* enim eam ob causam *specialioribus* præmittuntur, ne opus sit in singulis *speciebus* eadem repetere. Qui ergo novit, quid sit *ens completum* vel *incompletum*, ille statim etiam intelligit naturam substantiæ *completæ* vel *incompletæ*.

VII. Substantia (*prima & singularis*) completa in essendo, est vel completa *simul in subsistendo*, vel incompleta in ratione subsistendi.

VIII. Substantia incompleta in subsistendo (*qua talis innitur alii substantiæ, tanquam sustentanti*).

Ignis in ferro ignito est substantia singularis *in essendo completa*, sed *incompleta in subsistendo*, quia non subsistit *ultimate & independententer*, sed *dependet à ferro in subsistendi modo*.

IX. Substantia *in subsistendo completa* communiter dicitur esse vel *suppositum* vel *persona*.

Ut hanc distinctionem in ordinem redigamus, notandum est, quod hi termini se respiciant, ut *latius & angustius*. Nam *suppositum* generalius quid est, quam *persona*, sicut & *suppositalitas* latior est *personalitate*. Omnis quidem *persona* est *suppositum*, sed non omne *suppositum* est *persona*. Describendum vero utrumque est tam in *abstracto*, quam in *concreto*. In *concreto* suppositum ita describitur.

X. Suppositum est substantia singularis completa, *ultimate subsistens*. Ut equus, canis, &c.

§. 1. *Bonaventura* 3. sent. dist. 10. q. 3. art. 1. Suppositum dicitur esse duplex, *in quo*, *in quo* s. totum esse rei *stabilitur*, & *ultimo* *fundatur*: Et de *quo*, de *quo* scil. *prædicatur* aliud, & quod *subicitur* alii, quale est subiectum in *propositione*. Nos ad tollendam ambiguitatem hanc removemus suppositum de *quo*, & retinemus supp. *in quo*.

§. 2. Hoc est substantia *singularis*, ut removeatur substantia *universalis* s. secunda, quæ ad Logicam potius, quam ad Metaphysicam pertinet.

§. 3. Est *completa*. Nam illi *substantiæ*, quæ esse *incompletum* & ad alterius perfectionem *per se ordinatum* habet, eminens hæc *subsistentia*, quæ *suppositalitas* dicitur, non potest competere.

§. 4. Vox *ultimate* alios habet terminos æquipollentes: *incommunicabiliter*, *independenter*, *perfectissime*, qui omnes exprimunt formale *suppositi*, & sæpe coacervantur. Volunt autem hoc, quod suppositum *ultimo* terminatum sit in ratione subsistendi per *subsistentiam specialem*, & qua tale non *dependeat* ab alio, tanquam *substantante*, nec *sustentetur* in alio unito. Porro cum suppositum dicitur *incommunicabile*, non negatur hac voce *communicabilitas intellectualis*, quæ est per modum *universalis*:

Nam hæc jam remota est per vocem *suppositi* *laritatis*. Neque negatur ejus *communicabilitas ad aliquam naturam*, ut eam terminet sicuti ferrum terminat sibi unitum ignem. Talis enim communicatio *supposito* non repugnat, quia *ultima subsistentia*, quæ formaliter *suppositi* est, non tollitur. *Suppositum* quatenus tale, potest aliud terminare, modo ipsum aliunde non terminetur.

Sed dicitur *suppositum incommunicabile*.
 1. quia non habet ab alio participatam & communicatam subsistentiam: *Suppositum* enim habet proprium & ultimo terminatum subsistendi complementum. Si in eo ab alio dependeret, contradictio esset. Nam terminaretur ulterius, vel acciperet ulteriorem terminum ab alio terminante, quod ultimo terminatum est: Dependeret ab alio in subsistendo, quod, quatenus tale, independenter subsistit. 2. Quia alii *supposito*, quatenus *suppositum* est, suam *suppositalitem* non communicat. Dico, quatenus *suppositum* est, nam sæpe *suppositum* aliquod, cum alteri unitur, suam amittit *suppositalitem*, & subsistit in *subsistentia communicata*. Sic ignis, quando unitur cum ferro, amittit suam *ultimam subsistentiam*, & sic subsistit in *subsistentia ferri*. Atque hæc dicta sunt de *supposito in concreto*: Jam dicendum quoque est, quid

quid sit in abstracto, quomodo voce suppositi-
alitalis designatur.

X I. Suppositum est substantiæ singularis
& completæ ultimata subsistentia.

Hæc definitio ex iis, quæ de supposito in
concreto dicta sunt; facile intelligitur. Ad-
dimus autem explicationis gratia hanc pro-
xiorum D. Scharfii. Suppositalitas est mo-
dus subsistendi perfectissimus, independens &
ultimato completus, quo substantia prima com-
pleta per se independentem subsistit, ita ut cum
alio non possit uniri, ut communem subsisten-
tiam ab illo accipiat. Et hinc est, quod incom-
municabilis dicatur subsistentia.

XII. Suppositum vel destituitur intellectu,
& nomen generale (suppositi) retinet, vel
intelligens est, & dicitur persona. D. Casel.
Exerc. 2. contra Reiberum.

Persona à supposito non differt secundum
formale: nam ultima subsistentia, quæ sup-
positi formale est, etiam est formale personæ;
sed tantum secundum materiale, subiectum
scilicet. Nam suppositum indifferenter se
habet ad substantias intelligentes & non-in-
telligentes, adeoque latius est personâ, & in
respectu ad eam ingenium generis quasi in-
duit, (licet ejus verum genus non sit:) Per-
sona vero restringitur ad substantias intelli-
gentes.

gentes. Differunt ergo non nisi diversitate *subjecti*, cum *suppositivitalitatis* *subjectum* latius sit, quam *personalitatis*.

XIII. Persona est *suppositum* *intelligens*.

§. 1. Definitio hæc describit personam in *concreto*. Alii prolixiorem tradunt definitionem: *Persona est substantia individua, (completa) intelligens, incommunicabilis, non sustentata ab alio vel in alio.* Nos vero breviorē hanc retinemus, quia vox *suppositi*, quæ in ea extat, conditiones *personæ* omnes in prolixiori def. enumeratas comprehendit, præter determinationem ad *subjectum intelligens*, quæ propterea expresse additur.

§. 2. Cæterum vulgata illa definitio, ut dextre intelligatur, continet *materiale* & *formale*. *Materiale* exprimitur, cum dicitur est *substantia individua, completa, intelligens*. Hæ enim conditiones non soli *supposito* competunt. Elementa in mistis sunt *substantiæ* indiv. s. *singulares*: *supposita* non sunt. Ignis in ferro est *completa* substantia, sed *suppositum* minime est. Anima separata est *intelligens* substantia, non vero *suppositum*. *Formale* est in verbis, *incommunicabilis, non sustentata ab alio, vel in alio*, quæ brevius ita exprimuntur: *ultimate subsistens*; nam illa substantia singularis, completa &

intelligens demum *persona* est, quæ *incom-*
municabiliter subsistit; ita ut non sustente-
tur *ab alio* vel *in alio*, breviter, quæ *ultimate*
subsistit. Hoc quid sit, in doctrina de *sup-*
posito explicatum est. Hinc facile liquet, quid
sit *persona in abstracto* s. *personalitas*.

XIV. *Personalitas* est *suppositivitas* substan-
tiæ *intelligentis*. Seu est substantiæ *sin-*
gularis, completæ & intelligentis ultimata
subsistentia.

Quidam hanc descriptionem tradunt:
Personalitas est *modus subsistendi perfectissi-*
mus, quo substantia *prima, completa, intelli-*
gens independententer subsistit.

DIVISIO.

XV. Substantia vel *habet materiam*, & di-
citur *corpus*: vel *materiæ expers* est, &
vocatur *spiritus*.

§. 1. *Corpus* est *substantia ex materia &*
forma constans, & fit objectum peculiaris di-
sciplinæ, *Physicæ* scil. cui illud *Metaphy-*
sica tanquam Regina elaborandum tradit,
& à qua porro in *simplex & mixtum, ani-*
matum & inan. &c. dividitur.

§. 2. *Spiritus* est *substantia materia & for-*
ma expers, & fit objectum peculiaris disci-
plinæ *Pneumaticæ* scil. quæ ultiores spi-
ritus divisiones tradit.

PRO.

PROBLEMAT A.

I. *An substantia sit suppositi genus?*

Neg. Quia *suppositum* non est *substantia* species. Vera genera & vera species habentur tantum in *prædicamentis*, quæ propterea definiuntur ordines seu dispositiones *generum & specierum*; & quidem ponuntur iusto loco, ut non pervagentur, omnes species. *Suppositum* vero est terminus transcendens prædicamentum *substantiæ*, quia *Deus* etiam cum charactere *hypostatico* apprehensus est *suppositum*. Pervagatur etiam omnes subst. species: Nam non tantum homo, sed etiam angelus, cælum, arbor, piscis, terra, equus, &c. sunt *supposita*. Dicimus ergo, quod *substantia* sit *suppositalitatis*, tanquam modi, *subjectum*.

11. *Quid suppositalitas essentiæ singulari creatæ superaddat, & quomodo ab ea differat?*

R. *Superaddit* ei modum aliquem *positivum*, non solam *negationem*, licet eam simul inferat. Modus iste *positivus* est *ultima subsistentia*. Hic modus ab essentiâ differt *realiter*, non per distinctionem realem *strictè* ita dictam, sed eam, quæ *analogice* talis est, & intercedit inter rem & modum ejus *separabilem*.

ibilem. Indicium distinctionis *realis* hic
separabilitas. Quæ enim *separari* possunt,
fferunt *realiter*. Quorum unum potest
se *sine* altero, illa non sunt *realiter* idem.
am vero *suppositalitas* separari potest ab
sentia, quod de igne in ferro, sale in aqua,
ec. patet. E.

III. Num persona & suppositum differant secundum formale?

Neg. Conditio *intelligentis* & *non-intelligentis* enim pertinet ad *materiale* s. ad subiectum, non ad *formale*. Vid. Th. X. §. 4.
XII. XIII.

IV. Utrum intellectus sit *formalis ratio personæ*?

Neg. Pertinet etiam ad *eius materiale* Th. XIII. §. 2. Non enim illud statim est *formale*, quo aliquid *distinguitur* ab alio. Sonus chordæ differt à sono fistulæ *diversitate subiecti*, licet unam clavem in eadem octava habebant, adeoq; in *formali* non discrepant.

V. An suppositum creatum *alienam naturam terminare*, & ei suam *suppositalitatem communicare possit*?

Aff. Ferrum ignitum enim *terminat* sibi unitum ignem. Vinum medicatum *communicat* suam *subsistentiam* corpusculis ex herbis

bis extractis : aqua falsa sali, &c. Quod
suppositum creatum intelligens attinet, de
 etiam vera est affirmativa, si non aliter, ta-
 men per potentiam Dei absolutam. Per
 hanc Deus *omnia* potest, quæ non involvunt
 simplicem *contradictionem*. Jam vero, per
 personæ subsistentiam *communicari* alienæ na-
 turæ s. essentiae, nec ex parte *personæ*, nec
 ex parte *naturæ* alienæ *contradictorium* est.
Persona enim dum communicat alii suam
subsistentiam, non desinit esse *persona*; quia
 non terminatur *ulterius*, sed terminat aliud.
Natura potest amittere suam subsistentiam
ultimatam propriam, imo potest ab ipso ortu
 ea destitui, & *subsistere* in aliena. Nam *sup-*
posita s. subsistentia ultimata est *modus*,
 qui substantiam creatam *extra-essentialiter*
 & *paronymice* respicit, & ab ea *separari*
 potest.

III. *An doctrina de notitia Dei naturali
 sub ratione propria in Metaphysicæ speci-*
ali parte sit pertractanda.

Neg. Quia *universalis* disciplina non
 debet *singulare* ens sub ratione propria con-
 templari. Peculiaris ergo disciplina est con-
 cedenda, ad quam *notitia de Deo naturalis*
 referatur, quam coeperunt vocare ab obje-
 cto suo *Pneumaticam*.

AXIOMATA.

I. Substantia non est in *subjecto*.

Sc. quatenus *ad esse in subjecto* *non per se* subsistere *adequate* opponitur. Nam est vel pars ejus, in quo est, vel potest esse *sine eo*.

II. Substantia non recipit *magis & minus*.

Hoc est, substantia una non est *magis* substantia, juxta esse *substantiale* considerata, quam altera.

Johannes non est *magis* homo, quam Casparus.

III. Persona creata cum persona divina non *omnimode* convenit.

Licet in multis conveniant, *omnimoda* tamen ratio non est. In *creatis* quælibet persona suam *numero* ab aliis distinctam habet essentiam: In *divinis* una essentia *singularis* communis est *tribus personis*. In *creatis* personalitas ab essentia *realiter* differt, & ab ea *separari* potest (pot. Dei absolutâ:) in *divinis* minime.

IV. Suppositalitas cum natura creata *per realem compositionem* cohæret.

Porismatis hujus sensus ex præcedentibus patet.

V. Sup-

V. Supposititalitas, qua talis, non pertinet ad *perfectionem* (essentialem sc.) naturæ.

Nam quicquid ullo modo *separari* potest a natura, ita ut nihilominus ea salva maneat, illud non pertinet ad *perfectionem* ejus essentialem. Supposititalitas, &c. E. Igni nihil decedit de *perfectione* essentiali, licet ferro unitus amittat suam *supposititalitatem*.

VI. Multiplicatis *existentiis* non statim multiplicatur *subsistentia*.

In uno enim *supposito* possunt esse plures *essentiæ* sc. *existentiæ*. In una *massa* vel portione sæpe dantur diversissima *medicamenta*. In uno *homine* dantur 4 *elementa*, & varia *accidentia*.

VII. *Singulare* non simpliciter est *incommunicabile*.

Efficiens singulare omnino *influxum* suum *communicat effectui*. Licet eo modo non sit *communicabile*, quo *universale* *communicatur inferioribus*, alii tamen modi comm. ipsi *denegandi* non sunt.

CAPUT III.

De Accidente in Genere.

I. *Accidens est ens substantiæ inherens.*

Inherere sumitur potissimum dupliciter:
1. *generaliter & late*, ut significet omnem modum, quo ens quaecunque, quod non est substantia, *afficit* substantiam: sive fiat per *inesse* rigoroſe ſumptum, ſive per modum eſſendi ad. Sub hac acceptione ergo intelligitur ſenſus iſte, quem *ad inherere* habet inadæquata oppoſitione ad *ad per ſe ſubſiſtere*, qui feliciter negative explicatur ut *inherere* idem ſit, ac *non per ſe ſubſiſtere*.

Et hunc ſenſum habet vox *inherens* in hac definitione *accidentis* (ſc. *prædicamentalis*, ut vocant; nam de *prædicabili* agunt Logici.) 2. *Specialiter & ſtriſte*, ut ſignificet particularem modum *afficiendi* ſubſtantiam, qui non omnibus, ſed aliquibus tantum *accidentibus* competit, & reliquis modis, ut ſunt modus eſſendi *ad*, modus eſſendi *ab*, opponitur.

II. *Accidens est vel entitativum, vel modificativum.*

III. En-

III. Entitativum est vel *primarium* vel *secundarium*.

IV. *Primarium* est vel *absolutum*, ut *quantitas* & *qualitas*; vel *respectivum*, ut *relatio*. *Secundarium*, *actio*, *passio*.

V. *Modificativa accidentia* sunt: *Quantitas*, *ordo*, *ubi*, *fusus*, *habitus*.

CAPUT IV.

De Quantitate.

PRÆCEPTA.

Ambiguitas.

I. *Quantitas* est vel *extensiva* s. *molis*: & *intensiva* s. *virtutis*.

Extensiva est, qua *substantia* extenditur, ut habeat *partes extra partes*.

Intensiva est, juxta quam aliquid dicitur esse *majoris* vel *minoris perfectionis* & *virtutis*. Sic dicitur aliquis esse *fortior* altero. Hæc non est hujus loci.

II. *Quantitas* est vel *continua* vel *discreta*.

Continua, quæ proprie est hujus loci, est cujus *partes* uno *communi termino* copulantur.

ur. *Communi termino copulari* talem dicit
partium *cohesionem*, qua unius partis ini-
tium alterius partis finis est, ita ut in uno
puncto concurrant. Uno dico ad distinctio-
nem *continui & contigui*. *Contigua* sunt, quæ
non conjunguntur in uno puncto seu termi-
no, sed *diversis*. Ea huc non spectant, quia
non sunt ens *per se*, sed *per accidens*: non
sunt unum ens, sed multa, *Continuum* vero
est, cujus extrema conjunguntur in uno
puncto. *Quantitas continua* dicitur alias
magnitudo, termino scilicet *absolute* acce-
pto, non *relative*, ut quanto sc. *parvo* op-
ponitur.

Discreta quantitas est, cujus partes *com-
muni termino non copulantur*, sed ab invicem
discretæ sunt. Differt à *continua* in eo quod
illa partes habet copulatas, hæc vero *separa-
tas & discretas*. *Quantitas discreta* est nu-
merus, qui definitur *multitudo ex unitati-
bus collecta*. *Multitudo* dicitur numerus,
termino iterum *absolute* accepto; nam in-
terdum etiam *relative* accipitur, quatenus
paucitati opponitur. Est autem numerus vel
numerans s. formalis, vel *numeratus* s. ma-
terialis. *Numerans* consideratur in *abstra-
cto*, & est numerus Arithmeticus ab omni ma-
teria, *abstractus* quo numerare solemus, ut;
sex, septem, octo, &c. *Numeratus* conside-
ratur

ratur in concreto, & est numerus rebus ipsi applicatus. Prout vero res vel sunt transcendentes vel prædicamentales, numerus etiam vel Transcendentalis dicitur, vel Prædicamentalis. Aristoteles ad quantitatem discretam etiam orationem refert, propter brevitatem seu correptionem & productionem syllabarum.

Formale.

II. *Quantitas* est accidens, quo substantia materiata extenditur.

Essentia quantitatis s. ejus formalis ratio consistit in *extensione*, ea scilicet, qua aliquid habet *partes extra partes*, ita ut una pars non sit altera, sed sit *extra* illam.

DIVISIO.

IV. *Quantitatis* (continuae s.) species sunt: *linea*, *superficies*, & *corpus*.

Quantitas extenditur vel in solam *longitudinem*, & sic vocatur *linea*, magis oculis mentis quam corporis conspicua. Vel in *longitudinem* & *latitudinem*, & dicitur *superficies*; vel in *longitudinem*, *latitudinem* & *profunditatem*, & vocatur *corpus*, sc. Mathematicum, quod hic non sumitur pro substantia corporea, sed pro *corpulentia*, quasi *crassitie* & *profunditate*.

PRO-

PROBLEMATATA.

I. *An quantitas discreta sit proprie dicta quantitas, & proinde species quantitatis?*

Neg. Quia res per *numerum* non proprie extenditur, sed *multiplicatur*. *Extensio* autem est de essentia *quantitatis*. 2. Quia non est ens *per se*, sed ens *per accidens*; non enim est in una re, sed in multis. At quantitas est ens *per se*. Quantitas est ens: numerus non licet ens, sed *entia*.

II. *An quantitas discreta ad entia realia pertineat?*

Aff. Sunt, qui putant eam ens *rationis* esse; Sed 1. multitudo datur præter mentis *ficti-*
nem. 2. Est *objectum* realis alicujus *disci-*
plinæ Arithmeticæ scilicet.

AXIOMATA.

I. Ubi *quantitas*, ibi *materia*.

Quantitas enim est *materiæ* effectus proximus per *resultantiam*.

II. Propter quantitatem res sunt *æquales* vel *inæquales*.

III. Quantitati nihil est *contrarium*.

Sc. Contrarietate *Physica*, qua res in se agunt.

CAPUT V.

De Qualitate.

PRÆCEPTA.

Ambiguitas.

I. Qualitas est vel *substantialis*, vel *accidental*: Et hæc vel *generatim*, vel *speciatim* sumitur.

Substantialis est differentia *substantie*. Imo *formam* Aristoteles etiam hujusmodi *qualitatem* vocat.

Accidentalis vel dicit in genere, quod est *extra essentiam*, quomodo quantitas, &c. etiam faciunt prædicationem in quale; vel in specie notat peculiare genus accidentis *ad formæ modum subjectum afficiens*. Hæc ultima acceptio est hujus loci.

Formale.

II. Qualitas est accidens, per modum *formæ essentialis subjectum suum* (*extraessentialiter tamen*) *afficiens, qualificans & perficiens*.

Qualitatis ambitus late se diffundit, & præterea ad inferiora sua simul sumpta, uti vulgariter dividitur, est *analogæ*, ideo difficile

ile est ejus essentiam in genere spectatam
no conceptu & adæquata definitione expri-
mere. Nos ex variis variorum autorum de-
initionibus hanc selegimus, quam putamus
optimam esse. Dicitur vero in ea, quod ad
formæ modum subjectum afficiat. Hac phrasi
distinguitur ab aliis accidentium generibus.
Quantitas enim materiam potius, cujus es-
sentiale consequens est, quam formam imi-
tatur. Relatio si perficit subjectum; perficit
illud non in seipso, sed in respectu ad aliud, &
ta formæ in hac perfectione non assimila-
tur. Actio & passio potius ad actum secun-
dum formæ, quam ad ipsius formæ ingenium
spectant. Ab ultimis accidentibus per dif-
ferentiam quasi genericam distinguitur qua-
litas, quia ipsa sunt accidentia modificativa,
hæc vero accidens entitativum.

DIVISIO.

III. Species qualitatis communiter recen-
sentur quatuor: 1. *Habitus* (& dispositio.) 2. *Potentia naturalis* (& impoten-
tia.) 3. *Patibilis qualitas* (& passio.) 4. *Fi-
gura seu forma.*

§. 1. In singulis speciebus duo vulgo po-
nuntur nomina, non quasi specificam diffe-
rentiam importent, sed partim, ut differen-
tia

tia *gradualis* insinuetur, partim, ut unum vocabulum declarent.

§. 2. Nota. Hinc inde in scriptis Philosophorum reperiuntur vestigia, quibus innuunt, consultum esse, ut generaliora vocabula introducantur, in quibus bina cuiusvis speciei vocabula convenient. E. g. *potentia naturalis* dicatur *facultas perfecta*, *impotentia* vero *facultas imperfecta*: ut *passibilis qualitas* dicatur *qualitas afficiens* *durabilior*, *passio* vero qual. aff. *subitanea*. Quibus posset quis addere in prima specie *promptitudinem adventitiam*, vel aliud vocabulum. Verum termini artium sine gravissima causa non sunt mutandi. Ideo si quis omnino non possit acquiescere, nisi conceptus de hisce exquisitis distinctos habeat, ille tripriora vocabula poterit dupliciter accipere: *Generaliter*, ut præscindat ab *opposito* & à seipsis *specialiter* explicatis. 2. *Specialiter* in ea significatione, qua opponuntur *vocabulis additis*.

IV. *Habitus est qualitas potentiae naturalis superaddita, subjectum promptum rediens ad operandum.*

Ordine naturali potentia nat. esset prima species, quia ipsi *habitus* superadditur. Sed quia juxta Arist. receptum jam est, ut *habitus*

ritus primum occupet locum propter nobilitatem; ordo iste non temere mutandus est, præsertim cum in scriptis Philosophorum sæpe citentur species *qualitatis* per numeros, non addito *expresso nomine*.

V. Dividi potest vel ratione *principii*, vel ratione *subjecti*. Ratione *principii* s. *originis*, habitus est vel *concreatus*, vel *connatus*, vel *infusus*, vel *acquisitus*.

Concreatus est, qui in prima creatione *inpiratus* est, ut iustitia originalis in homine, virtutes in angelis, &c.

Connatus est, qui ex ipsa generatione *conascitur*; ut lex naturæ.

Infusus est, qui ab agente extrinseco rei iam productæ citra laborem proprio principio innitentem *infunditur*. Hic quatenus *inordinatus* est, est vel *extraordinarius*, ut donum linguarum in Apostolis; vel *ordinatus* sive per *ordinaria* media concessus, ut Theologia.

Acquisitus est, qui proprio labore ex principiis propriis *comparatur*: ut prudentia, iustitia, scientia, &c.

VI. Ratione *subjecti* (intellig. subj. Quo) dividitur in habitum *intellectus* & *voluntatis*, sive *intellectualem* & *moralem*.

Q

VII. Ha.

VII. *Habitus intellectualis* est, qui datur in intellectu, quem informat, perficit, & in operationibus dirigit.

VIII. Estque, vel *principalis*, vel *instrumentalis*.

IX. *Principalis* est, qui circa *res ipsas* versatur. Hic est vel *Theoreticus*, vel *Practicus*.

X. *Theoreticus* est, cujus finis ultimus principaliter est *cognitio & contemplatio*. *Theoreticus* est vel *simpliciter intellectualis*, & dicitur *intelligentia*, vel est *discursivus*, diciturq; *scientia*.

Intelligentia est habitus primorum principiorum intellectualis principalis *Theoreticus* contemplans rerum affinitatem, quatenus ex eadem principia cognoscendi primae fluunt. *Intelligenda* vero hic sunt principia prima cognoscendi complexa.

Scientia est habitus intellectualis principalis *theoreticus*, deducens infallibiles conclusiones ex principiis demonstrativis. *Scientia* vero est vel *prima*, vel *secunda*: *Prima* alias *Sapientia* dicitur, cujus Synonymum est *Metaphysica*.

Sapientia s. *scientia prima* est cognitio infallibilis conclusionis ex principiis demonstrativis primis. Notanter dico primis. Nam sapi-

Scientia addit *scientiæ* præcise sumptæ determinationem ad principia *prima* & *conclusiones* inde fluentes, unde etiam *scientia* cum capite dicitur.

Scientia secunda est cognitio ex principiis *secundis*, quæ respectu principiorum *primorum*, *conclusiones* sunt, unde nonnunquam hæc *scientia secunda* (quæ communiter *scientia* indeterminate dicitur) cognitio *conclusionum* vocatur. *Scientia secunda* vel contemplatur *spiritum*, ut *pneumatica*; vel *corpus*, ut *Physica*; vel quantitatem ut *Mathesis*.

XI. *Præcticus* habitus est, cujus finis ultimus *principaliter* est ex cognitione *operari*.

XII. Et est vel *activus*, ut *prudentia*; vel *factivus*, ut *ars*.

Activus est, qui ultra cognitionem operatur quidem, sed non tendit ad *effectiorem*. Talis est *prudentia*, quæ ideo ita definitur:

Prudentia est habitus cum recta ratione *activus* circa ea, quæ homini *bona* sunt vel *mala*. *Prudentia* habetur in *Philosophia practica*, in *Ethica*, *Politica* & *Oeconomica*. Arist. 6. ad Nic. c. 8. distinguit *prudentiam* in *privatam*, qua quilibet suis rebus recte præest; & *communem*, qua & aliis prospicit,

quam dividit in *œconomicam*, *nomotheticam* & *Politicam*: & *Politicam* rursus in *consultatoriam* & *judicatoriam*.

Factivus est, qui operando tendit ad effectum. Talis est *ars*, quæ propterea ita definitur:

Ars est *habitus* cum recta ratione effectivus. Differt ergo *ars* à prudentia in eo, quod *ars factibilium*, prudentia *agibilium* est.

Ars Instrumentalis est, qui faciliat modum versandi circa res.

Tales sunt Grammatica, Rhetorica, Logica.

XIII. *Moralis habitus* seu *habitus voluntatis* est, qui datur in voluntate, & eam juvat ad actus suos; ut temperantia, modestia, veracitas, &c. de quibus Ethica agit.

XIV. *Dispositio* est *habitus imperfectus*.

Intelligenda hic est imperfectio non essentialis, quia ab habitu non nisi gradu & modo inessendi differt, quæ differentia speciem non variat, hinc eadem qualitas e.g. Physica modo *habitus* modo *dispositio* vocatur.

XV.2. *Potentia naturalis* est qualitas in natura radicata, qua subiectum aptum est ad aliquid agendum vel patiendum; ut intellectus, facultas procreatrix, &c.

Hæc

Hæc à Physicis dividitur in *activam*, (sub
ma resistendi facultas comprehenditur) &
passivam, in *realem* & *intentionalem*, in *ma-
 nifestam* & *occultam*, in *primam* & *secun-
 dam*. Excluditur ab hac *potentia* omnis il-
 la, quæ vel *realiter* eadem est cum essentia
 subjecti, ut *potentia activa* Dei; vel quæ-
 cunque non est ens *peculiare*, ut pot. tran-
 scendentalis.

XVI. Impotentia naturalis est *diminuta
 potentia*.

Per *impotentiam* enim non est negative
 nulla potentia intelligenda, alias non esset
qualitas; sed debilis *facultas agendi* vel *pa-
 tiendi* naturæ insita.

XVII. 3. *Patibilis* qualitas est ejusmodi
qualitas, quæ afficit *sensus* & *appetitum
 sensitivum*.

Physici docent, quod anima sensitiva ha-
 beat 3 *facultates*: *Cognoscentem*, *appeten-
 tem*, & *loco-moventem*. Ad priores duas spe-
 rat *patibilis* qualitas: Afficit enim vel fa-
 cultatem *cognoscentem*, quæ sub se *sensus*
 tam *internos* quam *externos* comprehendit;
 Tales *patibiles* qual. sunt Color, lux, sonus
 sapor, asperitas, lævitas, &c. De quibus ob-
 jectis *sensuum* Physici suæ agunt in doctri-
 na de Anima. Vel afficit fac. *appetentem*
 (quæ etiam *appetitus sensitivus* dicitur) ad

quam spectant *affectus*. Tales qualitat. patibiles sunt, Ira, amor, odium, tristitia, &c. quas Phyfici in doctr. de Anima fuisse declarant.

XVIII. Passio est patibilis qualitas *subito transiens*.

Passio à *patibili* qualitate non differt specie & *essentia*, sed tantum *modo*, duratione scilicet. Quæ enim *diutius* durat, *patib.* qualitas; quæ *subito* transit, *passio* dicitur. Propterea facilioris doctrinæ ergo sine incommodo *passio* potest describi patibilis qualitas *subito* transiens, ad differentiam *diuturnioris*, quæ κατ' ἐξοχὴν *patibilis* qualitas dicitur. Sed ita præscinditur *patibilis* qualitas à speciali significatione, quam habet in oppositione ad *passionem*.

XIX. 4. Figura seu forma, est quantitatis *externa determinatio & dispositio*, ut rotunditas.

Intelligitur in definitione *quantitas continua*. Eam *determinat & modificat figura*, ut jam rotunda, jam quadrata, jam oblonga appareat. Occurrunt autem inter Philosophos variæ sententiæ de differentia *figure & formæ*, inter quas eminet ea, quod figura *abstracte & mathematice* intelligenda sit, forma vero *concrete*, prout in corpore hæret

ret. Sed nihil certi de hac & aliis differentiis habetur; propterea nobis sunt Synonyma.

XX. Figura est vel *naturalis*, vel *artificialis*.

PROBLEMATATA.

I. *An habitus possit fieri ex uno actu?*

Aff. Non quidem omnis *habitus* in particulari potest ita acquiri, cum præsertim *morales* præ aliis frequentem iterationem requirant; Aliqui tamen *habitus* possunt ex uno *actu* fieri. E. g. Scientiam de re aliqua sibi quis non raro acquirit per unam *demonstrationem*. Proinde naturæ *habitus* in genere sumpti hoc non repugnat, & per consequens non accurata est definitio illa *habitus*: *Habitus est qualitas crebris exercitiis comparata*, &c.

II. *An dentur qualitates, quæ ad usitatas quatuor species referri non possunt?*

In brutis sæpe has & illas promptitudines videmus, quæ ipsis non à *natura*, sed *assuetudine* insunt, & ita naturalibus *potentiis* superadditæ sunt. Cardueles urnula potum è profundo attrahunt: Elephanti saltant, digladiantur, & aliis assuefiunt exercitiis: Equi

habenis reguntur, pedes, caput, & reliqua membra ad artis quasi regulas componunt. Oscines melodias Ecclesiasticas cantillant. Psittaci humanas voces formare suescunt, &c. D. Sennertus p. m. in suis Paralipom. p. 48. seqq. insignem discursum habet de consuetudine, quam ipse definit *dispositionem naturali constitutioni accedentem, & à frequenti exercitio agentis & patientis sensim introductam*. In isto discursu prolixè monstrat, *consuetudinem* comparari in omnibus facultatibus nostris, etiam iis, quas cum brutis communes habemus, utpote in *facultate* concoctrice stomachi (de cujus *assuefactione* ad ligna, lapides, ossa, stramen, stipulas, & alias res à cibo humano alienas concoquendas admirabilem historiam p. 128. recitat) imò in universâ facultate nutritiva, (quam dicit etiam venenis *assuefieri* posse absque læsione) in robore corporis (exemplo *Milonis Crotoniatæ*, qui bovem gestare *didicit*) in tactu, gustu, olfactu, auditu, visu, in facultate locomotiva, &c. Addit pag. 56. quod ex *consuetudine* membra corporis nostri novum robur accipiant, quod non sit *naturale*, sed naturæ accedat, & hanc solam dicit esse causam, cur *assueti* infuetis facilius labores tolerant. De hisce & similibus actibus *assuefactionis* dubitari potest,

est, ad quam speciem *qualitatis* referendi
sint. Primo intuitu cuilibet videntur ad
habitu pertinere, quia *naturali potentie*
superadditi sunt, & subiectum *promptum*
reddunt ad operandum. Verum, quando Me-
taphysicos altius scrutamur, deprehendi-
mus, probatissimos unanimiter statuere,
quod subiectum *habitu* tantum illæ *poten-
tie* sint, quæ habent indifferentiam & liber-
tatem ad agendum, non vero illæ, quæ deter-
minatæ sunt ad unum oppositorum, qua de
causa etiam brutis *habitus* denegant. Quid
ergo dicendum? sunt, qui dicunt, quod assi-
milentur *habitis* aliquo modo. Sed seduli
rerum scrutatores in hoc non acquiescunt.
Isti enim non quærunt, quorsum talia *meta-
phorice* possint reduci, sed, (si qualitates sint,
uti revera sunt) ad quam speciem *qualita-
tis proprie* spectent? Reponi quidem potest
illud Aristotelis Lib. Categ. c. de qual. Alia
fortasse sunt genera *qualitatis*, sed hæc (usi-
tata sc. 4. genera) sunt fere, quæ maxime in
omnium ore versantur. Verum instat quæ-
stio; an igitur *quinque* species constituendæ
sint? Nos salvo aliorum iudicio duplici mo-
do putamus posse huic dubio satisfieri. 1.
Ut ab habitu (ad indifferentes potentias re-
stricto) & à jam enumeratis actibus *assuefa-
ctiis* abstrahatur communis conceptus, qui
posset.

posset *promptitudine adventitia* vel alio vocabulo exprimi. Ista *promptitudo* ratione subiecti divideretur in eam, quæ est in potentia *determinata*, quales sunt modo enumeratæ; & eam, quæ est in potentia *libera*, ut habitus. (sed ita in definitione *habitus* restrictio esset addenda.) Vel 2. terminus *habitus* ampliandus esset (Multiplicatis rebus multiplicandi vel ampliandi sunt termini) ut hæc exempla sub se comprehendere posset. Posset autem ampliatio hoc modo institui; *Habitus* ratione subiecti dividitur in *rationalem* & *irrationalem*. *Rationalis* est vel *intellectualis* vel *moralis*. Ita modo dicta exempla invenirent locum sub *habitu irrationali*. Sed modo de re constet, in verbis simus faciles.

III. *An habitus disciplinarum totaliter sumpti sint entia per se?*

Neg. Quia ex multis entibus completis constant. E. g. alia scientia in *Physicis* est, cælum esse invisibile: alia, terram immotam quiescere. Alia conclusio in *Metaphysicis* est, non posse produci infinitum: alia, propria posse communicari. Dicimus ergo, quod hab. discipl. sint entia *per accidens*, sc. *per aggregationem*.

IV. *Quomodo se habeant actiones ad habitus per eas acquisitos?*

R. Ut

R. Ut *efficiens ad effectum*. Intelligendæ vero hic sunt actiones habitum *antecedentes*, non *consequentes*.

V. *An habitus sit causa efficiens actionum consequentium?*

Aff. Sed *inadequata*. Habitus enim una cum potentia coefficiendo *influit* in actionem. Et *influit* quidem non tantum in *intentionem* actionis, ut habitualis fiat, sed in ipsam *essentiam* actionis, licet hanc *inadequate* efficiat.

VI. *An figura sit qualitas proprie dicta?*

Neg. Qualitas enim est *ens*: figura vero tantum est *modus* entis sc. quantitatis. Proprie ergo ad *quantitatem* pertinet, cujus *modus* est. Proinde in doctrina de quantitate *figura* posset fortiri titulum *modi*, ut ita caput istud etiam in 4 puncta secaretur, sicut C. de Substantia; refertur autem ad species qualitatis propter usitatam doctrinam *Aristotelis*. Perutile est loqui cum multis, sentire tamen cum paucis.

AXIOMATA.

I. Qualitas admittit *contrarietatem*.

Intelligitur hic contrarietas stricte dicta, cujus genuinæ notæ recensentur. E g. Vir-
tus

tus & vitium, calor & frigus, albedo & nigredo, &c. sunt contraria.

II. Qualitas recipit *intentionem* & *remissionem*, seu *magis* & *minus*.

Valet regula tantum in *habitibus* & *patibus qual.* (Licet dubitari possit, anne etiam in omnibus hisce *remissio* & *intentio* locum habeat). *Intentio* autem est additio plurium *graduum* (operationem facilitantium) ad essentiam *qualitatis* in *subiecto*, & consequenter major *radicatio* ejus essentiae in *subiecto*. Contra *Remissio* est *diminutio* graduum, leviorque *radicatio*.

III. Propter *qualitatem* res sunt *similes* vel *dissimiles*.

Sicut propter *quantitatem* sunt *aequales* vel *inaequales*.

IV. Tria requiruntur ad acquirendum *habitu*: *Natura*, *institutio*, & *exercitatio*.

Deductionem horum vide apud Plutarchum libr. πρὸς τὰς ἀρετὰς. ἀρχ. non procul ab initio.

V. Signum *contracti habitus* est *facilitas* (ad operandum) & *constantia*. *Habitus* enim *subiectum* promptum reddit ad operandum.

CAPUT VI.

De Relatione.

PRÆCEPTA.

Ambiguitas.

I. Relatio rationis, *subsistens*, & *transcendentalis*, non sunt hujus loci.

Relatio rationis enim præter mentis *ficti-
onem* in rebus non datur; At *ficta* exulant
à Metaphysica. Relatio *subsistens* est modus
substantialis: Jam vero versamur in acci-
dentibus & quærimus relationem *inhæren-
tem*. *Transcendentalis* ipso nomine mon-
strat, quod huc non pertineat, *transcendit*
enim *prædicamentalia*, in quibus jam occu-
pati sumus. Sicut ergo *potentia*, quæ *actui*
opponitur, non potest coarctari ad secun-
dam speciem *qualitatis*: ita etiam latissi-
mus respectus *transcendentalis* non debet
coarctari ad *prædicamentalem*. Respectus
ut sic non est talis *respectus*.

Formale connotativum.

II. Relatio est accidens, *juxta quod ali-
quid, quicquid est (formaliter considera-
tum) alterius est.*

Duo

Duo hic docendi causa ponimus formalia: *Connotativum*, & *abstractivum*, propter duplicem vocis significationem in re ipsa & Philosophorum scriptis fundatarum, quarum neutram licet ad ambiguitatem rejicere, & ita abjicere. Nimirum *Relatio* aliquando sumitur *connotative*, & sic notat 1. *respectum ad aliud*. 2. *Fundamentum proximum* respectus istius, cujus beneficio ab intellectu nostro apprehenditur, ne sicut umbra evanescat. Aliquando vero sumitur *abstractivè*, & sic *nudum respectum* significat. Juxta priorem significationem verum est, quod plerique dicunt, *relationem* sc. esse *accidens*; nam *fundamentum proximum* accidens est, & juxta hanc acceptionem intelligenda est *relatio* in divisione *accidentium*, in qua propter receptum ordinem *accidentium* volumus aliquousq; tritam viam calcare. Juxta posteriorem fallit; nam sic tantum *modus* est. Puto autem significationem *connotativam* originem habere ex *prædicamentis*, in quibus *Aristoteles* ipse & alii sæpe late & populariter locuti sunt. Olim etiam *accidentia* frequentius in *concreto* (*quantum, quale, relatum, &c.*) sunt prolata. Crescente Philosophia propter *ἀκρίβειαν* *abstractio* quidem facta est, sed in *relatione* licet *abstracta* à subjecto sit repræsentata,

man.

manfit tamen *concretio* ipsius *respectus* & *fundamenti* in vulgato modo docendi, ne nimis subtilis evaderet hæc doctrina tyronibus, præsertim in *prædicamentis*; cum *concreta* facilius apprehendantur, quam *abstracta*.

Formale abstractivum.

III. Relatio est *respectus rei ad rem coexistentem, accidentaliter rei superveniens*.

Ut paternitas, filiatio, amicitia, præptoreitas, discipuleitas dominium, servitus, similitudo, æqualitas, relatio magistratus ad subditos, pastoris ad auditores, ducis ad milites, socii ad socios, &c.

§. 1. Hæc definitio exprimit naturam relationis *prædicamentalis* abstractissime sumptæ. Ita eam dicimus esse *respectum*, quo ipso respicimus ad divisionem *respectus* in genere, quando dividitur in *subsistentem*, *Transcendentalem*, & *Prædicamentalem*. Cum enim nude in sua natura absque omni fulcro & *fundamento* consideratur, non est *accidens*, non est *ens*, sed *modus* tantum.

§. 2. Porro cum dicimus, quod sit *respectus rei ad rem coexistentem*, insinuamus primam differentiam relationis *prædicamentalis* & *transcendentalis*. *Transcendentalis* enim
non

non necessario postulat terminum actu existentem, sed ipsi perinde est, siue illud, ad quod terminatur, jam sit in rerum natura, siue nondum sit. Scientia habet respectum ad illam Eclipsin, quæ post aliquot annos demum futura est. Prædicamentalis autem nonnisi ex coexistentia termini resultat, quæ ubi non datur, ibi nec ipsa est.

§. 3. *Accidentaliter rei supervenit relatio prædicamentalis.* Hæc est altera differentia *rel. præd. & transc.* Transcendentalis intime includitur in *essentia rei*, & est *per se* intentata, ut cum habitus respicit suum objectum, creatura creatorem, adjunctum subiectum, pars totum, &c. Prædicamentalis vero ex *coexistente* termino quasi resultat, & *forinsecus* ad rem accedit, atque sic tuetur rationem *accidentis*, sed *prædicabilis*, quale interdum etiam *substantia*, imo modus quoque est, quando de re aliqua contingenter prædicantur, eique *per accidens* conveniunt, ut cum mensa dicitur lignea, manus contracta vel exporrecta.

IV. Ad relationem juxta *formale abstractivum* solide intelligendum attendendum est ad ejus *requisita*, quæ sunt 1. *Subiectum*, 2. *Terminus*, & 3. *Fundamentum*, Fundamento in aliquibus relationibus accedit ratio fundandi.

§. 1. *Subiectum* relationis est *substantia*, quam afficit *relatio* seu quæ suscipit *relationem*. Hoc quando una cum *relatione* simul sumitur, fit *relatum*, ut pater. *Subiectum* autem omni *relationi* necessario *substernitur*. Si enim *accidens* non potest esse absque *substantia*, licet perfectam habeat essentiam, quanto minus ea carere poterit *modus* hicc, qui est *debilissimæ entitatis*, uti Philosophi loquuntur. Unde simul apparet, quod *requisitum* hoc primum non *æquali* passu ambulet cum *reliquis* duobus, quia *subiectum* non magis appropriatur *relationi*, quam aliis *modis* & *accidentibus*. Necessesse autem est, ut duæ *relationes* oppositæ duo habeant *subiecta*, quæ possunt vocari *subiectum relatum*, & *subiectum correlatum*, e. g. aliud *subiectum* requirit *paternitas*, Abrahamum: aliud *filiatio*, Isaacum; *subiectum dominii* erat Abraham: *subiectum servitutis* Eliezer. Sententiam illam, quæ unum *subiectum* inter utrumq; terminum statuit, rejicimus.

§. 2. *Terminus* relationis est illud, ad quod *terminatur* relatio. E. g. *Terminus paternitatis Jacobi* erat *Reuben*: *Terminus dominii Rachelis* erat *Bilha*: *terminus præceptoreitatis Aristotelis* erat *Alexander magnus*. Esse autem *terminum requisitum* relationis

tionis necessarium, ex ipsa definitione patet, cum dicitur *respectus* ad rem *coexistens* *tem*, id quod confirmatur ex illo vulgato quando dicitur tota natura *relationis* consistere in ESSE AD. *Terminus* autem in relatione *prædicamentali* semper debet esse *coexistens*, uti definitio ostendit. In eo enim differt à relatione *transcendentali*. Omnis quidem relatio *terminum* infert. Sed prædicamentalis *coexistentem*.

§. 3. *Fundamentum* relationis est ratio seu *causa*, cur aliud ad aliud *referatur*. Causam illam vocarunt Scholastici *fundamentum*, quo ipso absque dubio voluerunt indicare, *relationem* non esse *rem*, sed *modum* rei. Quod enim proprie habet *causam*, illud est *ens*. Quoad enumerationem *fundamentorum* relationis ista sententia præ reliquis certa est, qua statuitur, quod relatio fundetur in *quantitate*, *actione*, *passione*. Sic e.g. in *quantitate* fundantur *æqualitas*, *inæqualitas*, relatio *simplicis* ad *duplum*, *triplum*, &c. In *qualitate* fundantur *similitudo*, *dissimilitudo*, paternitas (in potentia generandi) amicitia in similitudine morum, &c. In *actione* & *passione* fundatur colloquium, contractus, &c.

§. 4. Interdum ad fundamentum accedit ratio *fundandi*, quæ est *conditio* ex parte funda-

fundamenti *requisita*, ut sit *fundamentum*, & quasi ultimo compleatur in *ratione* fundamenti. Sic potentia generandi non potest esse *fundamentum* paternitatis, nisi accedat ipsa *actio* generandi.

§. 5. Ut res clarior fiat, omnia *requisita* in exemplo monstrabo. Præceptoreitas (sic loquuntur Scholastici) est *relatio* in præceptore ad discipulum, cui opponitur discipuleitas. *Subiectum* præceptoreitatis est e. g. *Aristoteles*: *subjectum oppositæ relationis* discipuleitatis sc. *Alex. M.* *Terminus* præceptoreitatis est *Alex. M.* *Term.* discipuleitatis *Aristoteles*. *Fundamentum* præceptoreitatis est eruditio: discipuleitatis docilitas. *Fundandi ratio* præc. est institutio; discipuleitatis rat. fund. est instit. receptio.

D I V I S I O.

V. Relatio i. vel est *naturalis*, vel *ex instituto*.

VI. Naturalis est, quæ rei accidentaliter supervenit *absque singulari ordinatione intellectus alicujus*.

VII. Ex instituto est, quæ ex ordinatione *intellectus profluit*.

§. 1. Per *naturalem* hic non intelligimus *transcendentalem*, quæ ex ipsa rei *natura* quasi

quasi fluit, sed talem, quæ *forinsecus* & *contingenter* accedit ad rem ex termini coexistentia, absque tamen singulari ordinatione alicujus intellectus. Tales relationes sunt inter consanguineos, patrem & filium, sorores & fratres, patrem & avum, &c. Inter similia æqualia, dissimilia & inæqualia (nam non tantum dantur relationes *convenientiæ*, sed etiam *discrepantiæ*.)

§. 2. Relatio *ex instituto* est, quæ non naturaliter ex termino coexistentis positione resultat, sed ab intellectu aliquo ordinatur. Hæc iterum est duplex: nam fluit vel *ex instituto divino*, qualis inter ducem & militem, militem & militem, inter confederatos, inter contrahentes de deposito, mutuo, pignore, re venali, &c.

VIII. Relatio est vel *mutua* vel *non mutua*.

XI. Mutua est, cum relatio vera & realis est in *utroque* subiecto, *relato* sc. & *correlato*.

X. Non mutua est, cum *relatio realis* in altero extremo deest.

Mutua est, e. g. paternitas, quia ipsi in altero subiecto respondet *filialitas*. *Non mutua* vero est relatio *statuæ Mercurialis* in sylvis ad viam regiam.

PRO.

PROBLEMATATA.

I. *An relatio nude absque fulcro & in se spectata sit modus?*

Aff. Aut est *ens*, aut *modus* entis: nam plane *nihil* non est. Sed non est *ens*, quia non habet peculiarem *essentiam*; nam alias differret ab aliis *essentiis*, ut *res à re*, quod negant Philosophi. Ergo est *modus* accidentis.

II. *An pater πολυτεχνος una relatione referatur ad omnes liberos?*

Neg. Ex *novo termino* nova *relatio*. resultat. Tot ergo sunt in parte *relationes*, quot sunt *liberi*, quæ augentur & minuuntur, prout plures nascuntur, vel etiam moriuntur.

III. *An terminus relationis & correlatum sint unum & idem?*

Neg. Accurate loquendo *terminus*, quatenus *terminus* non involvit simul *relationem*, (quod ex *rel. non mutuis* patet) correlatum est *terminus una cum relatione*, uti vox ipsa docet.

AXIOMATA.

I. Ubi non datur speciale nomen *relationis* generale vocabulum usurpandum est cum *determinatione* ad subjectam materiam.

Scho-

Scholastici multa relationum vocabula barbara effinxerunt, ut sunt præceptoreitas, discipuleitas, filiatio, &c. Hinc quidam suadent, ut semper vocabulum fingatur ad designandam quamvis relationem in abstracto, si non adsit speciale nomen. Verum non opus est. Relationis generale vocabulum ubique potest adhiberi e. g. Relatio magistratus ad subditos: relatio in pastores ad auditores, &c.

II. Relata sunt simul naturâ.

Plenus sensus regulæ hic est: Relata prædicamentalia in esse relativo sunt simul natura, hoc est, simul existunt sine unius ab altero dependentia causali (ita enim explicatur τὸ naturâ simul esse.) Restrigitur ergo 1. regula ad rel. prædicamentalem, de transcendentali non semper vera est. Scientia potest esse, cum scibile nondum est. 2. Valet tantum de correlatorum esse respectivo, non absoluto: E. g. Pater & filius in esse relativo simul natura sunt, in esse absoluto vero pater est natura prior filio.

III. Relata se mutuo ponunt & tollunt.

Valet itidem de esse respectivo tantum. Cum servus definit esse servus, dominus non definit esse homo, sed dominus esse definit.

CAPUT VII.

De Actione & Passione.

Ambiguitas.

Ad tollendam ambiguitatem notandum est, quod in hoc capite tantum tradantur *actiones & passiones prædicamentales*, & quæ sunt *peculiaria entia*. Licet autem *actio & passio* ei correspondens habeant *fundamentalem identitatem*, & sint *unus numero motus*, qui ab *agente* excitatur & in *paciente* recipitur, tamen methodo Philosophis consueta de utraque seorsim (in uno tamen capite) acturi sumus.

Formale.

I. *Actio* est accidens, secundum quod ens *agere dicitur*.

Particula *secundum* determinat *formale principium*, unde res aliqua dicitur *agere* vel denominatur *agens*. Particula *ens* indicat, *actiones* non tantum competere *substantiis & suppositis*, quæ alias principium actionis *quod & radicale* vocantur, sed enti in genere, (permissive loquendo) quia *accidentia* etiam agunt. Et ignis calefacit, & calor calefacit.

DIVISIO.

II. 1. Actio est vel immanens vel transiens.

Immanens est, quæ ab agente non transit ad extraneum subjectum; ut intellectio, volitio.

Transiens est, quæ transit ad extraneum patiens, ut verberatio, pulsio, tractio.

III. 2. Actio est vel instantanea vel successiva.

Instantanea est quæ fit in instanti absque ullo temporis tractu, ut generatio.

Successiva est, quæ fit successive, ut gyratio, verberatio, projectio, compressio, &c.

IV. 3. Actio vel est perfectiva vel corruptiva.

Perfectiva est, quæ perficit patiens, ut calefactio in respectu ad vias.

Corruptiva est, quæ vel totaliter, vel aliquo modo corrumpit patiens, ut transfusio, percussio.

V. 4. Actio est vel mutua, vel non mutua.

Mutua est, quando agens vicissim patitur. Dicitur alias reactio & repassio: digladiatio.

Non mutua est, quando agens non simul patitur, ut illuminatio influxus stellarum in hæc inferiora.

VI. 5. Actio est vel *materialis*, vel *spiritalis*.

Materialis (alias *realis*) est, qua agens non sui *speciem*, sed aliquid *reale* producit, ut *generatio*.

Spiritalis (alias *intentionalis*) est, qua agens tandem sui *speciem* seu *representativum* quid producit, ut cum homo sui imaginem in speculo producit.

Formale.

VII. Passio est *actionis receptio*.

Quidam ita eam definiunt: *Passio est secundum quam ab eo, quod viribus superius est, quid pati dicitur*. Verum hæc definitio est nimis stricta; potest enim *passio* etiam inferri ab *infirmiori*. Propterea nos generaliter dicimus, *passionem* esse *actionis* (cujuscunque) *receptionem*.

D I V I S I O.

VIII. Passio est *perfectiva* vel *corruptiva*.

Perfectiva est, qua patiens *perficitur*, ut *informari*.

Corruptiva est, qua vel totaliter, vel aliquo modo *corrumpitur* patiens, ut *vulnerari*, *occludi*. Dantur quidem plures divisiones *passionis*, ut, cum *passio* dividitur in *instantaneam* (e.g. *illuminatio* respectu ejus quod *illuminatur*) vel *successivam*: in *naturalem* & *voluntariam*, &c. Sed illæ partim ex iis, quæ

in divisionibus actionis dicta sunt, facile intelligantur.

PROBLEMAT A.

I. An actio sit aliquid respectivum?

Aff. Sed secundum respectum *transcendentalem*, non vero *prædicamentalem*.

II. An actiones immanentes revera sint actiones?

Aff. Quia *potentiæ activæ*, ex quibus fluunt, sunt *reveræ potentiæ*. Omnis autem *potentia activa* est per ordinem ad *veram actionem*.

III. An omnis actio habeat terminum?

Neg. Dantur enim actiones *immanentes*, quæ non habent *terminos*, quia nullus potest dari *terminus*, qui aliquibus actionibus *immanentibus* producat (talem enim hic terminum intelligimus.) Quid enim producit e. g. *intellectio*?

IV. An actio instantanea vere sit actio?

Aff. Quia datur aliquod *efficiens*, quod per *instantaneam* agit, e. g. pater generans filium. Omne *efficiens* autem per *veram actionem* (quæ causalitas efficientis est) efficit.

V. Num actio & passio ei correspondens sint duo distincta entia?

Neg.

Neg. Distinguantur enim hi termini solum per *inadequatos conceptus*, licet una res subsit. E. g. Ille ipse motus, qui ab occidente egreditur, & ejus respectu *actio* dicitur, ab occiso recipitur, & ejus respectu *passio* dicitur. Una ergo res per *inadequatos conceptus* duo sortitur nomina.

AXIOMATA.

I. Omnis *passio* præsupponit *actionem*.

Passio enim nihil aliud est, quam *actionis receptio*.

II. Quidvis non *patitur* quodvis.

Requiritur enim *capacitas* in patiente ad *recipiendam actionem*. Coctionem non recipit lapis, sed caro.

CAPUT. VIII.

De Quando, Ubi, Situ, & Habitu.

I. Quando est *habitus rei durantis finitæ ad durationem defectibilem*.

Quando hic non significat ipsum *tempus*, vel ipsam *durationem* in genere, sed *respectum* inter modum & rem. Neque sumitur *interrogative*, sed *nominaliter*.

II. Ubi est *habitus rei finitæ ad suum tē, vel locum*.

Ubi hic aliter sumitur, atque in capite de *Ubietate*, in quo sæpe pro ipso loco vel quasi loco usurpatur. Hic enim non notat ipsum locum, sed respectum tantum ad locum. Neque hic sumitur *interrogative*, sed *nominaliter*, *Ubi* vel est *naturale*, ut esse supra, infra; vel *fortuitum*, ut esse in templo, domo.

III. *Situs est habitudo partium corporis certo modo dispositarum ad locum.*

Situs non notat ipsum locum, sed respectum dispositionis partium ad locum. Estque 1. vel *naturalis*, quem cuiusque rei *natura* præscribit, e. g. ut caput hominis sursum, pedes deorsum vergant; vel *fortuitus*, quem *natura* non præcise requirit, ut sessio. 2. Vel *rectus* vel *obliquus*, quæ distinctio ex terminis ipsis intelligitur.

IV. *Habitus est habitudo corporis ad aliud corpus adiacens.*

Habitus hic non significat illud, quod *privationi* opponitur, neque primam speciem *qualitatis*, neque ipsum corpus *adiacens*, sed *respectum*, qui oritur ex *adjacentia* ornamentis, vestimenti, &c. Est autem *habitus* vel *naturalis*, ut esse crinitum (nisi capillus sit supposititius, tum enim est artificialis) vel *artificialis*, ut esse palliatum.

PRO.

PROBLEMAT A.

I. *An Quando, Ubi, Situs & Habitus sint accidentia?*

Resp. *Populariter & Logice* loquendo possunt ita vocari. *Rigoroſe* tamen & *Metaphysice* loquendo non sunt *accidentia*, cum omne accidens sit ens, & verum nullum horum in se præciſe ſpectatum ſubjecto *novum ens* ſuperaddat; ſed *modi*, quod ipſum indicare volumus ſupra, dum hæc 4. vocavimus *accidentia modificativa*.

II. *An Metaphysica debeat agere de Situ & Habitu.*

Ratio dubitandi eſt, quia reſtringuntur ad *corpus* tantum. *Corpus* vero non admittit abſtractionem *ſecundum indifferentiam* Metaphysicæ dicatam. Sed Resp. Distinguendo. Metaphysica non agit de *Situ & Habitu ſcientificæ*, ſed *non-ſcientificæ*, ob aliquam tamen neceſſitatem, quæ ipſi ex circulo abſtractionis ſuæ egredi aliquando permittit, ut ſc. Summa vulgo ſic dicta *rerum genera* compleat.

SOLI DEO GLORIA.

PROBATION

I. An Grand, Old, and New, is

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...



Frommenii Metaph.

